






J. 5
30


Ex Bibliotheca
majori Coll. Rom.
Societ. Jesu

12
17
6
3

71.3.24
71
e
29
3









QVINTI SERENI Sammonici Poetae

& medici clarissimi, de re medica siue
morborum curationibus liber tum ele
gans tum humanæ salutis perquam
utilis, & diligenter emendatus.

ITEM


Gabrielis Humelbergij Rauenspurgen
sis, medici, in Q. Sereni librum medici
nalem, Commentarij.



TIGVRI.



M. D. XL.



G. H. R. M.

QVINTVS apollinea qui claruit arte SERENVS

En tibi adest uates nobilis & medicus.

Corporis humani terros depellere morbos,

Et ualidum robur qui reparare docet.

Ergo quisquis aues morbos auertere suos

Membris confectis, hunc eme, pellegito.



IOACHIMI EGELLII RA.
uenspurgensis medici En-
decasyllabum.

INTER tot bona, quæ Deus superne
Donat munera, sanitas uel ipso
Momo iudice, principem meretur
Laudem, Nam satis est superis diues,
Clarus, nobilis, eloquens, uenustus,
Quisquis corpore uiribusq; pollet.
Contra, quem grauior, ferociorq;
Morbus lancinat, omnibus licebit
Late diuitijs abundet ille,
Est pauper nihilominus, miserq;
Vt qui perpetuo dolore, cuncta
In lecto mala perferat supinus.

Quare rebus in omnibus dixtam
Vt, noxa sine, uictitare longum
Possis, præstiterit bonam tenere,
Et languoribus obrutum uigorem
Doctis præfidijs, salubribusq;
Passim SAMMONICI leuare QVINTI,
Quem nuper carie, stultq; fœdum
HVMELBERGIVS ille clinicorum
Ornatissimus expoliuit, auxit,
Illum candide perlegas amice,
Nam frugi liber est, saluiferq;.

PRVDENTISSIMO CIVITA-
TIS ISNENSIS SENATVI, GA-
briel Humelbergius Rauenspur-
genfis, medicus. S. D.



VINTVM SERENVM DE MORBORVM
remedijs pridem à me castigatum & Commentario exposi-
tum calchographorum typis excudendū daturus, summope-
re conuenire mihi uisum est, ut alicuius auspicio in homi-
num manus exiret. Cogitanti autem cui tam nobilis medicus potius
dicaretur quàm prudentiæ uestra, uiri consultiissimi, melius se non offe-
rebat consilium, idq; multis etiam nominibus: & in primis quidē, tum quo
uestro munitus patrocinio tutior in lucem prodiret & ita legentibus com-
mendatior redderetur, tum ut pro bene meritis hucusq; in me collatis gra-
tiam aliquam referrem, & beneuolam erga me uoluntatem uestram & a-
nimū, licet aliās prouin & perpromptum, plus mihi debereret. Hunc
autem, cum locis aliquot subobscurior & nō omnibus adeo patens & per-
uius uideretur, operæ precium duxi interpretandum & Commentario illu-
strandum, quo legentibus nō quidem eruditis & doctis, sed rudioribus tan-
tum consulerem, & faciliorem dictorum intelligentiā traderem, ut si quan-
do ipsos corporali aliqua infirmitate molestari contingeret, haberent quo
facilius sibi consulere, & salutaria ad morbos amolientos, sanitatemq; de-
perditam recuperandam promptius desumere possent medicamēta. Quod
medicinæ, quæ ceteris artibus omnibus præstat, testante Hippocrate, offi-
ciū est præcipuū. Hæc enim munere suo fungens, uel incolumis corpora ne
in morbos incidant, præcauet atq; præseruat, sanitatē quo ad potest tuendo
& cōseruando: uel, quæ pars est potior, in deterius iā lapsa & egrotantis,
morbisq; uicta, ipsos propulsando eliminandoq; pristino uigori & sanita-
ti restituit, cœu breuiuscule hoc disticho expressimur:

Quam DEVS ipse dedit medicam mortalibus artem,

Aegrotos sanat, seruat & incolumis.

Harum itaq; alteram, & maxime quæ morbis amolientis operam suam
delegat, præsentī earmine tum docto & eleganti tum mortalibus maxime
utili, tradit & edocet nos SERENVVS, uir multæ ac uariæ cruditionis
& doctrinæ, cuius mentionem facit Macrobius libro Saturnalium tertio

dum ait: Nam repperi in libro V. reconditorum SAMMONICI SERENI utruq; carmen, quod ille se in cuiusdam FVRI uetustissimo libro repperisse professus est. Hunc Terentianus egregium ac nobilem facit poetam, & quidem Lyricum: inter quos etiam diuus Hieronymus eum connumerat dum ad Paulinum ita scribit: David Simonides noster, Pindarus & Alceus, Flaccus quoq; Catullus & SERENVS, Christum lyra personat, & in decachordo psalterio ab inferis suscitatur resurgentem. Huius quæ plurima conscripsit opuscula citant pluribus in locis multi, ceu Nonius Marcellus, Marcianus Capella & alij. Fuit autem Gordiani iunioris præceptor, illumq; usq; adeo dilexit, ut bibliothecam illi suam duum & sexaginta millium uoluminum testamento legauerit, uti traditur ab Aelio Spartiano, qui etiam inter alia ubi de Caracallæ truculentia scribit, sic insit: Occisi sunt & in balneis plures & in cænis, inter quos SAMMONICVS SERENVS, cuius libri plurimi ad doctrinam extant. Superest hodie carmen hoc de morborum remedijs. SERENVM itaq; à tam multis tum doctis tum pijs atq; summis laudatum uiris, unà cum Commentarijs nostris in honorem uestrum & commodum prodeuntē benigna fronte, serenoq; uultu atq; animo candido sinceroq; suscipite, & à Zoilis ipsis ac inuidorum impetu, linguisq; uirulentis defendite. Vestro enim patrio munio muniti prodibunt tutiores, si modo à talibus tutum quid esse potest. Diu ualeat, uiuatq; prudentia uestra uiri optimi. Ex Museo nostro isnae uestre. Pridie idus Aprilis. AN. M. D. XL.

QVINTI SERE² NI SAMMONICI LIBER

M E D I C I N A E.

P R O O E M I V M.

PHOEBE salutiferū, quod pangimus, adfere carmen,
Inuentumq; tuum prompto comitare fauore.

GABRIELIS HVMEI BERGII

RAVENSPVRGENSIS, IN LIBRVM ME

dicinalem Quinti Sereni Sammonici

COMMENTARIIL



PHOEBE.) Q. Serenus morborum re-
media, quibus humanæ salutis consu-
lat, traditurus, primū præfati proce-
mio, & præfatione, exordioq; libri, iu-
re uatum, diuinum inuocat numen:
quippe omnis medela, sacris etiamnū
attestātibus literis, à Deo est. Itaq; alijs
alios & singulis singulos rei tractandæ præfectos, quorū
res, opera & consilia dictaturi sunt, inuocantibus, autor
artis suæ, hoc est, medicinæ deos Phœbum & Aesculapi-
um inuocat. Dictus est autē Phœbus quasi purus & syn- *Phœbus.*
cerus, unus ac simplex, multitudinisq; nescius, summus
item ob idq; Apollo, id est, uniuersalis, iuxta Pythago- *Apollo.*
ram, Deus, quasi ἀπλὸς ἢ ἁπλόωμ, hoc est, simplex seu ab
alijs seiunctus. Cum itaq; sanitas concordia & unitate,
morbi uero discordia, multitudine & mutabilitate con-
sistent, non immerito morbos expellendi causa Phœbus
inuocatur, ut hjs expulsis, unitas, sanitasq; humano cor

PROOEMIUM.

Pangere. pori restituatur. *Pangimus.*) Figimus, id est, scribimus. *πάσχω* est. Nam olim quia cæris figebantur carmina, pangi dicta sunt. *Adferre.*) Defende à detractorū iniuria.
Carmen. *Carmen.*) Poema nostrum, uersus certo pedum numero constrictos. *Inuentumq; tuum.*) Medicinæ artē. Hanc enim ipse Apollo dicitur inuenisse. Quod & apud Ouidium libro *Metamorphoseon* primo de se testatur, inquit: Inuentum medicina meum. *Prompto comitare fauore.*) Parato adesto & prosequere beneficio & obsequio, ut inuentę abs te artis laudem, honorem & commodum tuteris.

Tuq; potens artis, reduces qui tradere uitas
 Noscis, & in cælum manes reuocare sepultos.

Aesculapius. *Tuq; potens.*) Validus, gnarus, sciens, habens cognitionē artis medicinæ. Aiunt Aesculapium Apollinis filium creditum, quod medicinam prius rudem & uulgarem, ut Celsus inquit, paulò subtilius excoluerit, in Deorum etiam numerum esse receptum: quare eum ipsum ut diuinū numē, post Apollinem, cui ut patri prior debetur pietas, nunc inuocat. *Reduces qui trad.*) Ab interitu seruatos uita les spiritus, noscis tradere & restituere pristino uigori. Reduces dicuntur à periculo imminenti seruati. *Aulonius* ad nepotem in *genethliaco* carmine, Vt reducem fatorum ad finem senectæ sospes agam. *Et in cælum.*) In has auras quibus uiuentes uescimur, in hunc mundum sensibilem, & machinam hanc quam uidemus, cælū scilicet, & elementa, & quæ ex eis coagmentata sunt atq; cōflata.
Mundus. *Plinius* libro de historia naturæ secūdo: Mundus & hoc quod nomine alio cælum appellari libuit: cuius circumflexu teguntur cuncta. Itē *Pomponius Mela*: Omne hoc quicquid est, cui mundi cæliq; nomen indidimus, unum id est, & uno ambitu se cūcta q; amplectitur. Porro mundus à perfecta absoluta q; elegātia dictus, quemadmodū
Cælum.
κόσμος apud Græcos etiam ornamenti nomine *κόσμος* appellatus, sicq; ab Aristotele in libro de mundo ad Alexandrū definitus

definitus: Κόσμος ἢ τῶν ὅλων τάξις τε καὶ διακράσις, ἢ πᾶσι
 τοῖς κατὰ θεὸν ἀρμονικῶς ὁμῶν, hoc est, Mundus est universi
 tatis ordo & exornatio, à deo & per deum custodita. At
 mundi forma in absoluti orbis specie globata est, indeq[ue]
 à figuræ rotunditate Orbis etiam appellatus. Cælum uer
 o haud dubie cælati argumento, uti M. Varro interpre
 tatur, autore Plinio. *Manes.*) Hominum umbras, ani
 mas, spiritus, de quibus incertum est bonorum ne an ma
 lorum sint meritorum. Nam si boni meriti fuerint, *εὐδαί
 μονες* & Lares dicuntur. Si uero male sint meriti, *κακοδαί
 μονες* & Laræ siue Lemures appellantur. *Sepulchros.*) Sepo
 sitos, à corpore reuulsos. Lucanus libro 9. Si mihi con
 tingat manes transferre reuulsos Ausoniam, *Reuocare.*)
 Ab inferis resuscitare, in lucem iam tartareis atritibus
 mancipatos reuere & suo corpori reddere. Traditur e
 nim Aesculapius Hippolytum equis discerptum ab oreo
 reuocasse, & pristinae sanitati restituisse: propter quod cū
 à deis inferis apud Iouem accusaretur, ne plures à mortu
 is excitaret, fulmine ictus est & in deorum numerum rela
 tus; quo honore, modo deum esse sic iuuare mortalem,
 maxime dignus fuit. Cum enim non modo beluas quas
 dam, sed & inanimata corpora pro deis habuerit antiqui
 tas, quod mortalibus opem tulerint, multo magis homi
 nes in deorum numerum referre habuit: nec modo fru
 gum, uini & aliarum rerum, uerum in primis uitæ no
 stræ autores, qua homini dulcius, chariusq[ue] nihil haben
 ti, maius dari quid potest? quippe quod non nisi deorū
 munus. De Hippolyti excitatione Vergilius Aeneidos
 lib. 7. & Ouidius Metamorphoseon. li. ultimo. Sed de *Aesculapium*
 hoc Diodorus Siculus antiquæ historiæ libro 5. sic ait: *mortuos resu
 scitasse quomo
 do intelligen
 dum.*
 Aesculapius traditur Apollinis Coronidisq[ue] fuisse filius.
 Qui natura, ingenio præclarus, medicinæ opera impen
 sa, plurima ualitudini hominum utilia adinuenit. Adeo
 autem peritia artis excelluit, ut quàm plurimos despe
 rantes sanitatem liberaret à morbo, proptereaq[ue] creditus

Orbis.

Manes.

Eudæmones,

Lares.

Cacodæmones.

*Laræ, Lemu
 res.*

res.

Hippolytus ab

*Aesculapio reu
 scitatus.*

suscitatus.

Aesculapium

*mortuos resu
 scitasse quomo
 do intelligen
 dum.*

*scitasse quomo
 do intelligen
 dum.*

*scitasse quomo
 do intelligen
 dum.*

dum.

sit nonnullis defunctis uitam restituisse. Hæc Diodorus. Ex quibus & etiã ex rei ueritate manifesto apparet, mortuorum suscitationem fabulose & non uere attributam Aesculapio. Nam unius ueri Dei est mortuos resuscitare, non hominis, nisi eius cui Deus speciali gratia hoc munus dilargitus fuerit. Nō igitur Aesculapius, ut stulta gentilitas fabulata est, manes orco eripere potuit, & suis corporibus reddere: Sed, quia homines ualetudinarios extremelaborantes, imò iam quasi deploratos & mortuos creditos, utpote quasi sine sensu iacentes mortuis per similes, sanauit, ut Lactantius diuinarum institutionum lib. 1. cap. 10. ait, apud prophanum uulgus mortuos suscitasse dictus est.

Qui colis Aegeas, qui Pergama, quiq; Epidaurū,
Qui quondam placida tectus sub pelle draconis
Tarpeias arces, atq; inclyta tecta petisti,
Depellens tetros præsentī numīne morbos,
Huc ades, & quicquid cupidō mihi sæpe loquutus
Firmasti, cunctum teneris expone papyris.

Aegeæ.

Pergamum.

*Galenus Perga-
menus.*

Colis.) Habitas, frequentas, tuocq; præsentanco numi-
ne foues. *Aegeæ.*) Aegea Ciliciæ urbs est, ad quam diui-
no cultu & sacrificijs religiose uenerabatur Aesculapius.
Pergama.) Strabo in descriptione orbis lib. 13. Perga-
mū insignis Asiæ ciuitas, inter Aeolicas principatū quen-
dam obtinens, quæ diu sub Attalicis regibus fortunata
fuit: hanc præterfluit Cæcius, per campū qui Cæcius ap-
pellatur. Plinius lib. 5. cap. 30. Pergamum longe claris-
simum Asiæ oppidum, quod intermeat Silenus, præter-
fluit Cæcius, profusus Pindaso monte. Apud Pergamum
uero cultus fuit Aesculapius, quod uel Galenus ipse qui
Pergamenus fuit, libro de sanitate tuenda primo testatur
inquiens: Est uero non spernendus huius sententiæ te-
stis, ipsum patrium nobis numen Aesculapius. Statius
item Syluarū lib. 3. in coma Earini: Dicitur Idalios Ericis
de uer

de uertice lucos Dum petit, & molles agit Venus aurea
 cyncnos Pergameas intrasse domos, ubi maximus ægris
 Auxiliator adest, & festinātia sistens Fata, salutifer omnis
 deus incubat angui. Ad hæc Herodianus lib. 5. in uita
 Antonini Caracallæ idem confirmat dum ait: His igitur
 actis, atq; urbibus, pro ut quamq; poterat, ordinatis, Per
 gamum adiit Asiæ ciuitatem, ut Aesculapij curationibus
 uteretur, quò postquàm peruenit, somnijs quādiu uo
 luit captatis, Ilium mox petiit. *Epidaurum.*) Epidaurus
 hæc est, non Dalmatica illa à qua Ragusium: sed Pelopo
 nesiaca, cuius celebrior ob Aesculapij templum fuit fama.
 Strabo lib. 8. Epidaurus non parum insignis est ciuitas,
 præsertim ex Aesculapij claritate nobilitata, quem uaria
 morborum genera curasse somniati sunt homines. Erat
 uero templum ægrotantium multitudine usquequaq; re
 fertū, pendentibusq; tabellis in quibus sanati languores
 erant inscripti, quemadmodum & in Coa fiebat insula,
 pariter & Tricca. Sita urbs est in ipso Sarrhonicæ sinus
 recessu intimo. Plinius item nat. hist. lib. 4. In sinu Sar
 rhonico Epidaurum oppidum Aesculapij delubro cele
 bre. Et Pomponius Mela: Habitant, inquit, ab Isthmo ad
 Scylleon Epidaurij Aesculapij templo inclyti. Solinus
 item, Epidauro, ait, decus est Aesculapij sacellum, cui in
 cubantes ægritudinū remedia capeffunt monitis somni
 orum. *Quondam.*) Fabio Gurgite & Iunio Bruto Scæua
 Coss. debellato Samnitico bello. *Placida.*) Grata aspe
 ctu & iucunda, pulchra, splendida, nitida. Lucanus: Vos
 quoq; qui cūctis innoxia numina terris, Serpitis aurato
 nitidi fulgore Dracones. *Draconis.*) Anguis, ut Valeri
 us uocat. Ob id autem Aesculapio dicatus, ut Plinius
 nat. hist. lib. 29. tradit, quod multa illi inesse remedia cre
 duntur. *Tarpeia arces.*) Urbem Romam. Cum arx Tar
 peia in ipsa Roma sit, arcem pro urbe posuit. Mons Capi
 tolinus Ciceronis ætate Rupes tarpeia & Saxum tarpeiū
 dictus est, à uirgine Tarpeia Sabinorum scutis eoloci ad-

*Epidaurus.
Ragusium.*

*Anguis cur Ae
sculapio dica
tur.*

Arx Tarpeia.

Arces.

obruta & sepulta: de qua Propertius lib. 4. Is diuifus
fuit olim in Capitolium & Arcem, nunc nihil memorabi
le habet, præter nomen. Cæterum Arces loca significant,
& sola excelsa & munitiffima ac urbium tutiffima. Sic di-
ctæ, ut Grāmatici quidam uolunt, ab arcendis hostibus:
feu, ut Solino placet, ab Arcadibus, quoniam montiū
excelsa & munitiffimos quosq; habitabant colles. *Incl-*

Lycaonia
insula.

tatecta.) Domos, ædificia magnifica Romana. Aescula-
pius serpentis effigie, naui Romæ Tyberino flumine sub
uecta, in Lycaoniam insulam, quæ in medio flumine est,
à fundamentis quadrato lapide instar nauis extructa, ubi
illi postea templum est cōstitutum, hodie diuo Barptolo-
mæo sacrum, sua sponte transnauit. *Tetros morbos.*) Pe-
stiferam luem, pestilentiam, qua Romani triennio diuexa-
ti cum nulla neq; diuina neq; humana ope finem imponi
uiderent, Sibyllinisq; libris pellectis eam aduersam ciui-
tati tempestatē nisi ab Epidauro accersito Aesculapio se-
dari non posse animaduenterunt. Is igitur naui Romam
delatus, pestiferam luem paulatim dispulit. Hanc præsti-
giosam historiam habes apud Valerium Maximum rer-
um memorabilium lib. 1. Plinium iuniorem in libro de
uiris illustribus. Et Ouidium metamorphoseon lib. ulti-
mo. Romam autem Aesculapius lubens concessit, ut di-
rum idolorum cultum, iam antea receptum, augetet, &
in stulta hominum corda impiam religionem penitissi-
me infingeret. *Præsentinumine.*) Præsentaneo auxilio, reme-

Numen.

Nutū.

dio. Est autem Numen, dei nutus atq; potestas. Varros
Nutū. Numen dicunt esse imperium dei, ab nutu. Nutus autem
fauor est ac numinum suffragatio. *Huc ades.*) In descri-

Chartæ.

bendis morborum medicaminibus præsens adfis, & opẽ
feras. *Teneris papyris.*) Tenuibus & subtilibus chartis,

Papyrus.

ἐὶβλος.

quæ ex papyro præparantur diuifæ acu in prætenues sed
quàm latissimas phylliras. Papyrus autem frutex est ac
iunci species, quam Græci *βύβλον* appellant. Nasciturq;
in palustribus Aegypti, aut quiescentibus Nili aquis, ubi
euaga-

euagatz stagnant, duo cubita non excedente altitudine gurgitum; brachiali radice obliquæ crassitudine, triangulis lateribus, decem non amplius cubitorum longitudine, in gracilitatem fastigiatum thyrsi modo cacumen includens, semine nullo aut usu eius alio quàm floris ad deos coronandos. Nascitur & in Syria, circa quem odoratus ille calamus lacum. Nuper & in Euphrate nascens circa Babylonem papyrum intellectum est eundem usum habere quem chartæ. Et tamen adhuc malunt Parthi uestibus literas intexere. Verum ante usum chartarum, quibus maxime humanitas uitæ constat & memoria, hominum immortalitas, palmarum folijs primo scriptitatum est: deinde quarundam arborum libris: postea publica monumenta plūbeis uoluminibus: mox & priuata linteis cōfici cœpta aut cæris. Nunc quoque eo genere chartæ utimur, quod ex contritis linteolis conficitur, nomen quoque à papyri frutice sumptum obtinet. Spectantur autem in chartis tenuitas, densitas, cādor, leuor. Sed de hijs omnibus multa & copiose satis Plinius in naturalis historię suæ lib. 13.

Membrorum series certo deducta tenore
Ut stet, & assimilis medicinæ defluat ordo,
Principio celsa de corporis arce loquemur.

Membrorum.) Scilicet humani corporis. Membra, aut *Membra.* re Galeno, corporis sunt particule, quæ nec omnino circumscriptionem habent propriam, sic enim particule non forent, sed corpora per se: nec omnifariam coniunctæ sunt alijs. *Series.*) Constitutio & digestio, sic dicta à *Series.* serendo, hoc est, à florum ac frondium, è quibusserta prius & coronæ fiebant, inuicem digestionem. Sed de coronis & sertis plura Plinius lib. 21. *Certo tenore.*) Recta & ordinata colligantia & ordinatione. *Ut.*) Ut, similitudinem denotat. *Et.*) Et, scite ac eleganter pro etiam, ita, Et. & sic, usurpatur. *Assimilis.*) Scilicet ordini membrorum.

Ordo.
Series.

Arx corpo-
ris caput.

Medicina.) Medicamentorum & curationum morbo-
rum. *Defluat.*) Deriuat, & eodem modo ac ordine comi-
tetur. *Ordo.*) Ordo à Serie differt: quia ille digestio est,
qua suo loco quidq; collocatur: hæc uero continua quæ-
dam progressio atq; contextus continuus. *Principio.*)
Ab initio & primum ante alia. *Celsa.*) Alta & sublimi.
Corporis arce.) Vocat corporis arcem caput, tãquam præ-
cipuum hominis membrum, & excelsiorem instar arcis
locum in humano corpore obtinens. Synesius in laude
Caluicij: A capite tanquam ab arce dependent funes mor-
borum usq; ad reliquum corpus.

CAPITI MEDENDO.

CAPVT I.

BALSAMA si geminis instillans auribus addas,
Tum poteris alacrem capitis reparare uigorem.

Caput.



CAPITI.) Passionibus & doloribus ca-
pitis, quod corporis pars est nota: sic di-
cta, ut Varroni placet, quod inde ini-
tium capiãt sensus & nerui. Huius affe-
ctio quia non unica est & diuersas ha-
bet causas, diuersis etiam appellatur

Cephalalgia.

nominibus Græcis, sed apud Latinos usitatis, scilicet, Ce-
phalea & Cephalalgia: quorum hæc aliquando ex sola
intemperie, aliquando ex humorum copia superante, ali-
quando ex utrisq; contingit, interdum uero ab extrinse-
ca causa ceu solis æstu, cuius in capitis huius sine memi-
nit etiam auctor: frigore, ebrietate, ictu, casu aut alia re ex-
trinseca accidit. Cephalea uero, uti libro de locis affectis
tertio scribit Galenus, cerebri morbus est, quod nemo
dubitat. Est enim affectus hic, dolor diuturnus, difficul-
terq; solubilis, qui à parua occasione uehementes habet
accessiones, ut neq; strepitum, neq; uocem, neq; luminis
splendo-

Cephalea.

splendorem, neq; motum tolerare possit infirmus: sed tranquillitatem, obscurumq; cubiculum querat, idq; ob doloris uehementiam. Quippe nonnulli ueluti malleo, se percuti arbitrantur: alij caput frangi, distendiq; sentiunt. Non paucis ad oculorum quoq; radices dolor extenditur. Verum huiusmodi accessiones, ueluti in morbo comiciali, intermissiones habet, interceditq; tempus, quo perfecte liberati uidentur. Igitur constat, huic morbo capitis, facilem affectionem, cum cephalalgia, id est capitis dolore, esse communem. Verum per cephaliam affectionem partes multo redduntur quam in cephalalgia debiliores. Hactenus Galenus. *Balsama.*) Succum balsami qui & opobalsamum dicitur. Balsamum enim arbuscula est, quæ lycij modo crescit, in Iudæa eiusq; conualle quadam tantum, & in Aegypto nascitur, ut autor est Dioscorides. Plinius arbusculum esse dicit, quæ uiti similior sit quam myrto, & uni terrarum Iudææ quondam concessam, & in duobus tantum hortis, utroq; regio. Aegesiippus libro excidij Hierosolimitani primo, locum hunc in quo balsamum gignitur, uirgultisq; innascitur, quæ acutis lapidibus incidunt pueri agricolarum, prope urbem Hiericunta esse dicit. Inciditur autem uirgultum, ut aiunt, uittro, lapide, osseisue cultellis: et, ut Dioscorides prodit, ferreis unguibus etiam. Oportet autem citra uitalium læsionem & in solo cortice artificij plaga id fieri. Nam ut Plinius tradit, ferro lædi uitalia, oditi: moritur protinus, quapropter incidentis manus libratur artificij temperamento, ne quid ultra corticem uiolet. Vnde Solinus etiam in solo cortice artificij plaga uulnerari dicit uirgulta, & ferro attrectata sine mora mori. Cæterum ex incisi plaga succus a humor manat, destillatq;, qui lachrymis pulcher rorantibus, ut Aegesiippi uerbis utar, Balsamum quoq; uocatur, & Græce cū adiectione Opobalsamū: idq; aut quia ὀπός idem est quod succus, & hæc communis opinio est: aut, quia, ut Aegesiippus excidij Hierosolimitani li. 4

Balsamum.

Opobalsamū.
ὀπός.

tradit, agricolæ cortice tenuis uirgulas incidunt, eas in quibus balsama gignantur, ut per illas cauernas paulatim distillans humor se colligat. Cauerna autem Græco ὀπή. nomine ὀπή dicitur. Cæterum omnibus odoribus præfertur balsamum, præcipuaque gratia lachrymæ, secunda semini, tertia cortici, minima ligno. Lachrymæ probatio, ut sit pinguis, tenuis ac modice ruffa, & in fricando odorata. Summa probatio est, ut lac coagulet & in ueste maculas non faciat. Sunt & aliæ synceri liquoris eius notæ, de quibus copiose Plinius & Dioscorides. Verum raro syncerus ad nos adfertur, qualem nos habemus ex munere honesti & probi deoque deuoti uiri Michaelis Humelbergii, parentis nostri pientissimi, qui illum modicum quidem sed magno precio emptum, è Hierosolymis, dum dominicum sepulchrum cæteraque sanctæ terræ Christi præsentia illustrata loca, non lucri aut ambitionis inanisue gloriæ causa, sed solo dei amore ductus uisitasset, secum redux in patriam attulit. Virtutis est efficacissimæ & egregia ad calefaciendum potestate, unde et capitis doloribus frigidis mirum in modum prodest. Nam, ut Strabo Geographiæ lib. 16. inquit, Balsami succus capitis dolores & suffusiones oculorum incipientes & hebetudinem mirifice soluit, quare preciosus est. Capiti itaque utilis est & eisdem medetur, sensusque oblætos pristino uigori restituit, si temporibus illinitur, & una aut duæ ipsius guttæ culibet aurium instillantur. Animaduersione tamen dignum est, ut quæ auribus imponuntur, ea sint actu tepida, non multum calida nec etiam frigida, nisi forte, quod uix accidit, caput uehementissimo præter naturam calore afficeretur. Ex frigore enim aut calore nimio auditus instrumentum & sensus facile oblæderentur, quod summo opere cauendum est. *Geminis.*) Ambabus. Maior enim sequitur effectus & utilitas, si utrique, quam si uni soli immittatur. Binæ autem à summo rerum opifice creatæ sunt aures in capite, ne una oblæsa, auditus impediretur & tolleretur.

*Aures cur
binæ.*

retur. *Instillans*.) Stillatim & guttatim infundens. Ea enim quæ auribus imponuntur, non ubertim & in magna copia sunt imponenda, sed una uel duæ aut tres guttæ immixtæ sufficientes sunt pro uice una. Cūq; uni aurium aliquid instillatū fuerit, super altera aliquandiu quiescere oportet, donec ad interiora aliquantisper penetrauerit medicamen, ne ex cita eleuatione foras egrediens, aut saltem non satis ad interna penetrans, effectum salubre minus efficiat, nihilq; proficiat. *Auribus*.) Quæ cerebri purgandi meatus existunt, per quos celerius medicinæ uirtus ad intima transit, quàm per spissa & solida corpora. Et quia audiendi locus siccissimus est, ideo etiā nihil illi obest, uehementissime exiccantis medicamenti adpositio, quale est Balsamū, de quo sorte dubitasse quis poterit. *Tum*.) Tunc scilicet balsamo auribus instillato. *Alacrim uigorem*.) Integram sensuum firmitudinem & robur: sensus uiuidos & integros. Dicitur Alacris, auctore Pediano, qui sensibus uiget uniuersis, & cui sensuū quisq; suo pte degit loco, proprium adimplens officium. *Reparare*.) Recuperare, ac pristino uigori & integritati sanitatiq; restituere.

Vel quæ septenis censentur gramina nodis
Vtiliter necesse, uel Corno ex arbore ferrum.

Septenis nodis.) Septē geniculatis internodijs: aliud enim alio pluribus serpit, ceu septem, tribus & pluribus. *Nodus*.) autem propie ligatura est solutu difficilis, unde in arbore & alijs terræ nascentibus, callus ille grossior nexum quendam ramorum & partium ostendens, nodus quoque dicitur. *Censentur*.) Quo aliquid præditum est & existit, eo censeri dicitur, hoc est, iudicari, preciumq; & æstimationē mereri, imò & laudari. *Gramina*.) Gramen proprie singularis herba est, inter alias notissima, & iumētis nutriendo gratissima, ramulis constans nodosis & geniculosis uirgulis per terram expansis & serpentibus, à qui

CAPITI MEDENDO.

bus radices sparguntur dulces, nodosæ & geniculatæ se-
 ipfas radicâtes: folia habet acuta & acuminata, dura, lata
 ceu cannæ minoris. Autor Dioscorides & Plinius. Vis
 herbæ mediocriter refrigerans & exiccans cum aliquali
 stipticitate mēbra confortante, quo adfluentes humores
 propellere possit. Vnde capitis dolori ab humore calido
 euaporante prouenienti medetur impositum, maximeq;
 id quod septem constat internodijs. Plinius lib. 24. ca.
 19. Quod è graminum genere septem internodia habet,
 efficacissime capiti contra dolores adalligatur. *Utiliter ne-
 ces.*) Cum utilitate & commodo capiti annectes & in-
 pones. Hacce enim adalligatione dolor abigitur & sani-
 tas recuperatur, quæ maxima est utilitas. *Corno ex arbore.*)
 Ramusculis arboris cum folijs & baccis. Est autem Cor-
 nus arbor speciosa, ramos habens duritie & rigiditate
 cornibus similes, fructum uero qui uescendo est, magni-
 tudine oliuæ, sed paulò oblongiorem, primo candidum,
 postea sanguineum, foris parum carnis & intus plurimū
 ossis habentem, unde lapidosum uocat Vergilius, estq;
 gustu acerbus. Virtus & fructui & folijs frigida & sicca,
 adtrahens & adstringens, unde capiti ex ramulis eius im-
 posita corona, doloribus eius è calidis uaporibus & hu-
 moribus contractis medetur, illos quidem refrigeran-
 do & exiccando, cerebrum quoq; confortando ne a-
 lios recipiat, sed euaporaturis & impetentibus resistat,
 eosq; longius propellat. *Sertium.*) Coronam. Sertum
 corona dicitur à serendo, hoc est, digerendo inuicem flo-
 res ac frondes è quibus primitus coronæ fieri consueue-
 rant: de quibus plura Plinis lib. 21.

Pulegiūmue potens una super aure locabis,
 Aut illud mixto recoquas clementer aceto,
 Aut à nare trahes. Seu uisco lintea tecto
 Induces fronti, seu tritæ gramina menthæ.

Pulegium. *Pulegium.*) Pulegium nota herba est. Duo eius genera: Sa-
 tium

Cornus arbor.

Sertium.

tiuum & Syluestre. Hoc simile origano, minoribus folijs
quàm satiuum, sed efficacioris uirtutis: Illud adhuc dua-
rum specierum: unum candido flore, masculum uoca-
tum: alterum purpureum habens florem, quæ foemina
est & mare efficacior existens. Græci Glechona uocant:
& quidam mutatis literis, ut Dioscorides & Plinius tra-
dūt, Blechona, quoniam gustatum à pecore cum florēt,
balatum in eis quàm primum excitat. Siue, ut Apuleius
scribit, eo quod sit balantum animalium floris sui tempo-
re pascuosa. Hocq̃ in se mirabile habet, ut inquit, quod
hæc maximis ætatis caloribus floreāt, cum ferè aliæ her-
bæ areſcant. Vis illi calefaciens, attenuans & dissipans, ca-
pitiq̃ perutilis, siue recens per se, siue ex aceto cocta capi-
ti imponatur, siue olfactetur. Plinius lib. 20. cap. 14. Ma-
gna societas cum menta ad recreandos defectos animo
pulegio cū surculis suis in ampullas uitreas aceti utrisq̃
deiectis: qua de causa dignior è pulegio corona uertigi-
ni quàm è roſis cubiculis nostris pronūciata est. Nam &
capitis dolores imposita dicitur leuare. Quin & olfatu ca-
piti tueri contra frigorū æstusq̃ iniuriā, & ab ſiti tra-
ditor. Neq̃ æſtuare eos qui duos è pulegio surculos im-
positos auribus in ſole habeant. Illinitur etiam in dolori-
bus cum polenta & aceto. Apuleius: Ne æſtus aut frigus
capiti noceat, herbam pulegium tecum aut ſuper aurem
aut ſub annulo portato: hoc & hyeme tota facias, nec gra-
uedinem ſenties, nec perfrictionem. *Potens.*) Validum
& efficacax uirtute. *Vna ſuper aure.*) Siue uni ſiue ambabus
aut uniuerſo capiti impoſueris, nihil referet. Nam ſi uni
impoſitum prodeſt, quanto magis proderit ſi ambabus,
aut toto capiti imponitur? Sed ſi uni imponere uoles, tūc
illi imponito iuxta quam dolor magis ſequit, niſi ad diuer-
ſum diſtrahere uelis, quo ſic facilius euaneſcat. *Recoquat.*)
Hoc eſt, coquendo in cataplaſmatis modum redigas, &
ſic capiti imponas. *Clementer.*) Non impetuoſe, ſed me-
diocriter igne paruo ac moderato. Nam ſi igne uehemen-

tiore & ultra modum coqueretur, uis eius euanesceret,
 sicq̃ minus aut nihil prodesset. *Aceto*) Decoquitur in
Acetum. aceto propter uirtutem ipsius penetrantem, qua rerum
 qualitates adauget. Nam frigidis mediocriter additum re-
 bus, ipsas frigidiores; calidis uero, calidiores reddit, quo
 signo uariæ uires eius depræhenduntur. *A naretrabis.*)
Nares. Odorem ipsius naribus attrahes & olfacies. Nares nasi
 sunt foramina atq̃ meatus per quos cerebrum purgatur,
 & superflua eius excernuntur. *Visco.*) Viscum fit ex aci-
 nis arbusculæ cognominis, in quercubus & alijs arbori-
 bus nascentis folio buxi. Quomodo autem conficiatur,
 & quæ sint bonitatis eius notæ, dicitur infra capite 40.
Lib. 10. ca. ultimo. Sunt autem Plinio tradente, tria uisci genera. Vnum in
 abiete & larice, *Cassitis* dictū. Alterum in Eubœa natū,
Stellis. Tertium *Hyphear* in Arcadia. Adnascitur autem
 in quercu, robore, silice, pruno syluestri, terebintho, & a-
 lijs arboribus. Copiosissimum in quercu *Dryos hyphe-*
ar dictum. Satum nullo modo nascitur, nec nisi matura-
 tum & per aluum auium maxime palumbium & turdo-
 rum redditum, prouenit. Et quoniam aues eo capiuntur,
 inde natum adagium *κίχλα χιτθ' αὐτῇ κακόν*, hoc est: Tur-
 dus ipse sibi malum cecat. Virtus & natura uisco caleface-
 re, discutere, mollire & extrahere. Vnde & capitis dolori-
 bus frigidis, & ab humoribus crassis ortis medetur, in-
 temperiem frigidam calefaciendo & humores crassos re-
 soluendo & foras educendo, quamuis aliquanto tardius
 uim suam & effectum exerceat & cōsequatur, ob nimiam
 quam actu possidet humiditatem. Vnde *Avicenna*: Non
 calefacit, nisi post moram longam: & in ipso quidem est
 humiditas superfluens non digesta: estq̃ calidum & sic-
 cum in tertio, humores crassos & profundos ob attracti-
 uæ uirtutis fortitudinem resoluit & lenit. Et *Auerrois*, Vi-
 scus, ait, calidissimus est, superflua cum humiditate, à cor-
 poris profundo extrahens, multa tamen cū tarditate, ob
 superfluentem in ipso humiditatem. *Lintea.*) Pannum
 lineum

lineum, cuiuscū inuoluitur & imponitur, induciturq̃.
Testo.) Intecto & operto, inuolutoq̃ linteis, ne scilicet ui-
 scida tenacitate sua cuti adhereat, unde postmodum dis-
 ficulter amoueri posset: ad quod præcauendum linteis in-
 uoluitur te operitur. *Fronti.*) Frons capitis pars est ante-
 rior, ab utroq̃ latere temporibus, superius capillorum ra-
 dice, inferius supercilijs finita: hilaritatis & clementiæ, tri-
 stitiæ & seueritatis index. Sic ab oculorum foratu dicta,
 ut Varro uoluit. *Gramina.*) Gramen nonnunquam pro
 cuiusq̃ herbæ folijs accipitur, ut loco præsentis & sæpi-
 uscule in sequentibus, & apud Columellam in de Cultu
 hortorum, ubi ait: Serpentina gramina menthæ. Et: Quam
 uis semihominis uesano gramine foeta Mandragoræ pa-
 riat flores. Proprie tamen singularis herba est, de qua iam
 paulo ante dictum est. Et Columella intelligit libro iam
 dicto dum inquit: Atq̃ habilis natura soli, quæ gramine læ-
 to Parturit. *Menthæ.*) Mentha omnibus nota herba est:
 sic dicta à Mintha puella, quam à Plutone amatam, & à
 Proserpina, cuius pellex erat in herbam sui nominis uer-
 sam fabulantur poetæ, & fabulæ meminit etiam Strabo
 geographiæ lib. 8. Græci herbam hanc ἡδύσμορον hedyos-
 mon uocant, ab odoris suaueolentia, nam ἡδύς suaue ὀσμή
 odor illis dicitur. Vnde Plinius ait eam mentas grato o-
 dore percurrere. Virtus illi calorifica, siccans & adstrin-
 gens, cerebrumq̃ confortans, unde capitis doloribus fri-
 gidis contusa & imposita medetur. Dioscorides: Mentha
 leniter fronti imposita, capitis dolores discutit et mitigat.
 Plinius: Illinitur & temporibus in capitis dolore.

Lib. 10. cap. 1.

Lib. 10. a. 14.

Spongia cum tepidīs annexa liquoribus imbris
 Profuit, aut hedera ex oleo colata uetusto.

Spongia.) Spongia ex illorum numero est quæ Græci σφον-
 γιτα uocant, hoc est, quæ nec animalium neq̃ fruticum,
 sed tertiam quandam ex utroq̃ mixtam naturam habet.
 Sunt autem tria spongiarum genera, ut Aristoteles & Pli-

nus tradunt: Vnum spissum ac prædurum & asperum, quod Tragos uocatur: Alterum spissum & mollius: Tertium magis tenue densumque, ex quo penicilli fiunt & Achilleon uocatur. Quæ genera quidam ex sexu distinguunt, ut refert Dioscorides & Plinius. Aliasque mares uocant tenui fistula spissioresque: & duriores quas tragos appellant tenuissimis fistulis atque densissimis: foeminas uero contra quæ antedictis contrario sunt habitu, maioribus fistulis ac perpetuis. Nascuntur omnes ad littus in petris & saxis. Aluntur conchis, pisce, limo. Et quia ad auulsoris accessum, fluctuque pulsante contrahuntur, contraque multo difficilius abstrahuntur, sensum illis inesse creditur. Animal autem esse, argumēto & indicio est, inherens cruor, qui ipsis detractis, saxis adherere uidetur. Vis omnibus & natura calorifica desiccatoriaque: maxime tamen recentibus, quibus maris falsedo fortior inest & uehementior: Nam quæ ante plures dies auulsæ sunt, hys uirtus temporis progressu magis ac magis euanescit. Quare spongiarum si qua cōductura sit, omnino noua & recens est, talis enim discutit, mollit & mitigat. Vnde capiti imposita ex calida, frigidis eius doloribus medetur: imò & qui penicilli uocantur, super ægrum suspensi, quietiores faciunt noctes, autore Polybio. Quod si recentis copia non est cuius erit, hanc uel sale, uel nitro, uel aqua lixiua lauibis, sic enim pristinam uim illi acquires. Quod si adhuc nullius copia fuerit, tunc sola aqua marina, aut saltem falsa eodem effectū caput perfundi potest, id quod Celsus docet medicinæ lib. 4. sic inquit: Si frigus nocuit, caput oportet perfundere aqua calida marina uel certe salssa. Tepidis.) Calidis. Sic enim actuali calore poros & meatus adaperit, quibus apertis, medicamēti uirtus ad interiora facilius descendit. Quod si frigida apponeretur, meatus potius occluderet, medicaminisque transitum præpediret. Annexa.) Adalligata & capiti superposita, præsertim circa caluæ commissuras, quo facilius per illas medicamenti

camenti uis ad intima penetret: ob quod etiam (necdum *Cranii commissa.*
 quod cerebro expurgando destinati sunt meatus) à natu-
 ra creatæ sunt. Si enim citra illas continuum creasset cra-
 nium, cum densum sit ac durum, intusq; cerebro obie-
 cta sit crassa membrana, medicaminum quæ imponun-
 tur uirtus antequàm ad interiora perueniret, resolvere-
 tur. Quare prouida natura, quæ nihil frustra & incassum
 facit, ne extrinsecus impositum pharmacū, haud ullum
 adferret commodum, suturas in capitis osse creauit, qui-
 bus impositi phermaci tum qualitates tum substantiam;
 si tenuis est, facile intro transmittit, unde multa capitis ul-
 cia per extrinsecus adplicata remedia iuuantur. Et maxi-
 me quidem si ei adplicentur commissuræ quæ coronaria
 adpellatur, quo loco etiam tenuissimum & rarissimum
 est cranium. Quare qui medicamento uim uehementer
 ad interiora descendere uolet, hoc maxime loco impo-
 nect. Verum commodius etiam fuerit si infractione id fie-
 ret, aut tonsis capillis, aut etiam planè abrasis: quod si
 humidum sit, quod applicandum est, si id ex alto effunde-
 retur, nam sic penitus intro ab ictu compelleretur, auto-
 re Galeno therapeutices lib. 13. *Liquoribus imbris.*) Humo-
 re & aqua pluuiali. Aquarum, ut scribit Hippocrates in
 libro de uulneribus capitis circa finem, leuissimæ sunt
 pluuiæ & dulcissimæ, clarissimæ & tenuissimæ, cuius ra-
 tio ex sole tenuissima quæq; ac leuissima proliciente & sur-
 sum ferente. Galenus easdem leuissimas asserit & subti-
 les, puras ac bonas, gustuq; prædulces. Educit enim sol
 & rapit tenuissimum quodq; ex aquis. Paulus item Aegi-
 neta, Præcipuus, inquit, aquæ pluuiæ humor, uerum ci-
 tissime putrescit: cuius causam uolunt, quod aquæ id ge-
 nus à diuersis subleuentur humiditatibus: quod tamen
 Auicenna impugnat, sic enim uituperabilis esset: sed id
 prouenire ait excellentis extenuationis causa, quæ citius
 à non naturali terrestri aëre oue calore corrumpente pa-
 titur. Pluuia itaq; aqua, quia subtilior & tenuior, cæteris

Aqua pluuiæ.

CAPITI MEDENDO.

in capitis dolore præstat cum spongia imposita, citius enim in profundum descendit. Quod si pluuiæ copia non est, quia diu non pluit, aut quæ habetur computruit & male olet, quare abhorretur, eius loco accipiat quæ inter cæteras melior est, fontana aut fluuiialis potabilis, cū quæ calida et spongia maxime noua caput foueatur, quo frigidi capitis uapores euocentur & torum capitis temperamentum melius reddatur, non obstante aquæ natura frigorifica & humectante, quæ spongiæ medio & calore acquisitio mitigatur & remittitur euanescitq̃. Nec modo ex aqua sed & aceto utiliter imponitur spongia, idq̃ maiore efficacia, uti ex Plinio colligitur, qui naturalis historiz libro 31. ca. 11. de spongia inter alia sic scribit: Nec usquam diutius durare spiritū medici affirmant. Sic & prodesse corporibus, quia nostro suum misceant, & ideo magis recētes, magisq̃ humidas. Sed minus in calida aqua, minusq̃ unctas, aut unctis corporibus impositas. Imponantur & ex aceto calido ad capitis dolores. De cætero recentes discutiunt, molliunt, mitigant. Ex aqua cœlesti imponuntur & integris partibus & fluctuatione occulta laborantibus, quæ discutienda sunt. Hæc ex Plinio loco allegato. Imbris.) Pluuiæ. Cuius generatio est à sole & alijs astris (ut Aristoteles in meteoris tradit) quorū uirtute uapores ab aqueis locis eleuātur. Est enim Vapor, aquæ halitus, qui diu in aere suspensus, ob mediæ regionis frigide contactum, nā usq; ad illam peruenit, densatur et infrigidatur, deinde in guttas resolutus aqueas, deorsum erumpit, fitq̃ pluuiæ. Quæ si minoribus stillis dulciter & crebra descendit, imber: si maioribus et moderate, pluuiæ dicitur. Si uero impetuose, subito, & grossioribus totis simul, scilicet nube tota simul ob uehemens frigus in aquā liquata, labrocera & nimbus, quæ frumentis & uiribus graui nocumento existit. Hedera.) Plin. libro 16. cap. 35. Hederarum uiginti enumerat genera. Dioscorides, tametsi, si singulæ numerantur species, hederam plures habere

Pluuiæ ge-
neratio.
Vapor.

Pluuiæ.
Imber.

Labrocera.
Nimbus.
Hedera.

bere differentias dicat, genere tamen præcipuas tantum
 tres esse ait. Candidam, quæ fructum seu semen fert can-
 didum. Nigram, quæ nigrum crocatumue: quàm uulguſ
 Dionysiam Bacchicamq; uocat. Tertiam priuatim Heli *Helix*
 cem uocatam, quasi clauiculam, quæ sterilis est, sine semi-
 ne, tenuibus uiticulis, breuibus, angulosisq; & concin-
 nioribus folijs. Hedera muris, sepulchris, arboribusq; ad-
 nascitur, inimica satis omnibus, sepulchra et muros rum-
 pens, arborumq; incolumium succum exsugendo ipsas
 strangulans et enecans: tantaq; crassitudine augetur ut et
 ipsa arbor fiat. Vnde & Theophrastus de historia Plant.
 libro 1. cap. 19. ait, Eius amplexus arbores omnes infestat,
 omnes enim necat, & exiccat, ablato alimento. Crassatur
 maiorem in modum, atq; arboreſcit intantum, ut per se
 ipsa arbor fiat. Racemus ipsius in orbẽ circumactus Co- *Corymbus*
 rymbus uocatur. Adhæc mira hederæ ad uina experiẽda
 proditur natura. Nam ut in libro de re rustica capite III.
 Cato inquit, Si scire uoles in uinũ aqua addita sit, nec ne,
 uasculum facito de materia hederacea: uinũ id quod pu-
 tabis aquam habere eodem mittito: si habebit aquam, ui-
 num effluet, aqua manebit. Nam nõ continet uinum uas
 hederaceum. Virtus hederæ omnis, in medicina acris est
 & adstringens, ut tradit Dioscorides. Vnde Plinius, Na-
 tura, inquit, in medicina anceps. Nam eadẽ quæ & aceto
 ei est. Omnia genera eius refrigerant, unde & capitis do-
 lores sedant. Infusa enim frigiditate sua capiti circũpositæ
 meatus eius ita contemperant, ut ascendentes retundent
 & reperiunt uapores, grauitatesq; capitis *καρφηλας*
 uocatas reprimant. Vnde etiam poetæ uino potati, quo
 ebrietatis uim restinguerent, minusq; uini potentia affice-
 rentur, capiti hedereas imponebant coronas, eoq; ni-
 mio plus uino iam calens, hederæ ui frigorigica refri-
 gesceret. (Oleo uetusto.) Oleum oliuarum quo uetustius *Oleum uetustum*
 & pinguius, eo medicinæ utilius, ut refert Dioscorides.

Quod si uetusti facultas non fuerit, diffusum ex præsent
oleo in uas quod probatius fuerit, ad crassitudinem mel
lis coquito & utere: pares enim prædicto uires acquirit.
Et uetus quamuis calidius sit nouo, quod potius tepefa-
cit quàm calfacit corpus, magis tamen etiam discutit &
resoluit, uaporesq; ex profundo euocat, & refrigeranti-
bus poros & meatus patentiores reddendo, ad interiora
penetrandi uim suggerit: unde cum eo cocta hedera capi-
tis dolores mitigat. Plinius lib. 24. cap. 10. non simplici-
ter oleum sed rosaceum accipit & acetum addit, sicq; me-
dicinam instruit. Hedera capitis dolorem sedat: præci-
pue cerebro, continentiq; cerebrum membranæ utiliter
mollibus impositis folijs cum aceto & rosaceo tritis & de-
coctis, addito postea rosaceo oleo. Illinuntur autem fron-
ti, & decocto eorum fouetur os, caputq; perungitur. Co-
lat.) Colare, defecare est & mundare, atq; impurum à
puro segregare, nec non rem unam ab altera sequestrare,
et extrahere. Vnde hedera ex oleo, in quo macerata aut co-
cta fuerit, colata & extracta, parum perq; expressa, et sic ca-
piti imposita, doloribus eius medetur, quamuis & oleū
ipsum sine illa inunctum, eundem præstare possit effectū.
Hic quo pacto olea medica & factitia fiant, rerumq; uir-
tutibus inficiantur, non abs re fuerit adposuisse ex Gale-
ni de sanitate tuenda libro quarto. Sunt enim qui per in-
fusionem illa tantum conficiant, sunt & qui per coctio-
nem. Vbi uero per infusionem fiunt, res quæ infundun-
tur, contundi debent priusquam in oleum injiciantur,
sic enim qualitate & ui sua oleum citius inficient, quæ
postquàm maceratæ fuerint, quod quadraginta & pluri-
um dierum spacio fiet, abijciuntur, humidum uero lin-
teo percolatur & usui seruatur. Qui uero diutinam mace-
rationem illam rerum ferre non possunt, eas partim in
oleo percoquere coguntur, igni certelento, qualis pru-
narum est, quæ tamen nec ipsæ multæ esse debent: partim
aquæ uini uetantulum injicere quātum coquendo torū
uane

Colare.

Oleorum facti-
tiorum ratio =
nes.

uanescet. Is modus erit, si quadruplum eius aut quincuplum oleum sit. Vinum autem ad affectus podagricos & articulares, aqua uero ad alios utilior est. Et sic cautiores operantur, quo nec iniecta torreatur, nec oleū uisionem odore referat. Verum qui his magis sunt curiosi, in duplicibus uasis coquunt: quod fit cū in lebate in quo sit aqua feruens, inseritur exiguum uasculum, in quod fundi oleum debet. Et hic commodior coquendi est modus. Haftenus de oleorum infectione & compositione.

Profuit & cochleis frontem tractare minutis,
Si nocuit cerebro uolentia solis aperto,
Sæpe chelidonia ex acido perducta liquore
Sanauit. Profunt & amica papauera somno,
Si prius in lento madefacta terentur oliuo,

Cochleis.) Cochleæ aliæ terrestres, aliæ aquatiles. Omnes domicilio se exerentes & bina ueluti cornua protendentes contrahentesq; oculis carent, ideo corniculis oculorum uice iter præstent: terrestres uulgo limaces uocant. Sunt etiam cochleæ lapides ex flumine rotundi, à cochlearum effigie & similitudine sic dictæ, uulgo cochleæ uocantur. Cochleæ contusæ et per se cinis inanium cochlearum discussoriam uim habet, unde & capitis doloribus remedio sunt hæc quæ nudæ inueniuntur nondum peractæ ablato capite, & his lapidea duritia exempta: est autem ea calculi latitudine, quæ alligantur & minutæ fronti illinuntur tritæ: autor Plinius. *Tractare.*) Frequentius trahere & fricare. Fricatio enim poros & meatus exiguos patentiores facit, quibus patentibus medicamento uis ualentius penetrat, uimq; suam & effectum exercet potentius. Seu tractare, id est tangere et tangendo imponere illi nireq;. *Si nocuit cerebro uolentia solis.*) Dolorum capitis & aliorum etiam quorumcunq; membrorum causæ, aliæ sunt quas Græci *αγορυουμείωας* uocant, nos internas siue antecedentes appellamus, quæ in ipso animalis corpore

Cochleæ.

Pli. li. 9. c. 31.

Limaces.

Lib. 30. c. 3.

Cochleæ lapides.

Cochleæ.

Fricationis effectus.

Causæ αγορυμείωας
αίτιν, interna
seu antecedens.

Causa πρὸς κα-
ταρτήν, ex-
terna siue pri-
mitiua.

Pericranium.

Meninges.

Cerebrum.

Chelidonia.

consistunt: alix uero quæ corpori ipso omnino non in-
sunt, sed extrinsecus incidunt, quas externas siue primiti-
uas dicimus, Græci προκἀταρκτικὰς nuncupāt: inter quas
& solis ardor est intensus, qui dum nudo & discooperto
capiti occurrit, et ipsum plus iusto excalfacit, intemperie
illi infert, & humores ad dissolutionem commouendo,
illos resoluerenon potens, inquietat, ex quo et dolor con-
cinnatur, quod hīs potissimum accidit dum insolantur,
quibus natura caput humectius est. Cui capitis dolori,
adiuncta causa quod in prioribus non fecit, mederi nūc
docet Serenus. *Cerebro.*) Capiti, cuius partes quæ dolo-
re afficiuntur maxime sunt pericraneum, hoc est exterior
caluarię membrana: quam Galenus ita definit, Περίκρανος
ἐστὶν ὑμῆρ νευρώδης, περιειληφώς πᾶν τὸ κρανίον, quod est, Peri-
cranos est pellicula neruosa totum circundans cranium.
Meninges. Item μῆνιγγις meninges, quæ sunt ambeuntēs cerebrum
panniculi: quos idem finit Galenus σώματα νευρώδη καὶ
ἀρτηρώδη, hoc est, corpora neruosa & arteriosa. Ipsum au-
tem cerebrum Galeno & Aristotele autoribus, insensile
est natura et sensus omnino expers, quamuis sensuum sit
organum, & à quo corporis particulæ omnes sensum ha-
bent ac motum. *Chelidonia.*) Herbarum ab animalibus
reptarum cū primis percelebris est chelidonia. Cuius
duo sūt genera. Maior fruticoso caule, altitudine cubitali
& aliquādo maiore, gracili, adnatis multis foliosis, folio,
ut Plinius ait, pastinacæ erraticæ ampliore: & ut Diosco-
rides tradit, ranunculo herbæ simili, molli, colore candi-
cante, flore uiolæ simili & luteo. Succus illi croceus &
acris, mordax & aliquāliter amarus. Radix illi superius
una, inferius plures. Fructus cornuti papaueris modo
gracilis, lōgus, pineæ nucis figura, in quo exigua semina
sunt, papaueris seminibus maiora. Altera est minor, exi-
gua herba, sine caule, folijs ex radice pediculis pendentibus
hederæ figura, sed rotundioribus & minoribus, re-
neris & modice pinguibus. Dicta est autem chelidonia

ἀπὸ τῆς χελιδόνος, hoc est ab hirundine, quod hirūdinum aduentu ex terra prodit, ut inquit Dioscorides : seu ut Theophrastus, Plinius & Apuleius referūt, quod eorum aduentu et quo præsto sunt tēpore, semper floret: discessu uero eorundem marcescit. Vel, ut quidam uolunt et Apuleius refert, quod nidis suis eandem hirundines ferant ob acuendos succedentium uisus. Vnde Plinius li. 8. cap. 27. Chelidoniam, inquit, uisui saluberrimam hirundines monstrauiere uexatis pullorum oculis illa medentes. Et Dioscorides : Tradiderunt aliqui, si quis ex hirundinis pullis in nido lucem amiserit, matrem hanc herbam oculis admoventem cecitati eius mederi. Quæ tamen opinio à Celso tanquam fabulosa refutatur, libro 6. cap. 6. ubi de oculorum imbecillitate agens dicit: Extrinsecus uero interdum si ictus oculum lædit, ut sanguis in eo suffundatur, nihil commodius est, quàm sanguine uel columbæ uel palumbi uel hirundinis inungere. Neq; id sine causa fit, cum horum acies extrinsecus læsa, interposito tempore in antiquum statum redeat, celerrimeq; hirundinis. Vnde etiam locus fabulæ factus est, per parentes id herba restitui quod per se sanescit. Nam ut Aristoteles de generatione animalium lib. 4. refert: Si quis nuper genitarum hirundinum oculos præpungat, rursus incolumes red dentur. Ceterum quod ad chelidonix herbæ medicinam attinet, iubet eandem etiam Apuleius ad capitis dolorem ex aceto contritā fronti & capiti illinire. Est autem uirtus illi calorifica, sed quæ exiccet, euocet, et emundet. Vnde ex aceto imposita capitis dolores persanat. Humores enim crassos & superfluos à solis calore dissolutos & cōmotos desiccet, extrahit atq; resoluit. *Acido liquore.*) Humore acetoso & aceto ipso, quod quamuis refrigerantis et reprimentis sit nature, admixtam tamen sibi aliquam habet caliditatem, omniumq; potestate refrigerantium, tenuissimarum est partium, quare & alijs quorū uim in altū descendere cupimus, additur medicamētis: meatus enim

Libro 2.
De plā. hi. li. 8
Lib. 15, ca. 8.
Cap. 71.

Acetum.

adaperit & medicamenti uim quo uolumus præit atque deducit. Corpora etiam quæ contingit, siccat, quamuis actu sit humidum: quam ob causam ad eos affectus quos humectare & refrigerare uolumus, eo solo non utimur.

Perducta.) Inducta & capiti imposita ex aceto in quo prius fuerit macerata. *Amica.*) Somnum enim conciliant. Columella in libello de cultu hortorū, Et profugos uin-
Papauerum ge ctura papauera somnos. *Papauera.*) Papauerum plura
ncta. sunt genera. Vnum satium: reliqua agrestia. Satiui tria
 itidem genera. Vnum proprie, per se & uere satium di-
 ctum: quod Apuleius usuale, Plinius candidum, Diosco-
 rides thylacite, id est utricularium, ab utris forma appel-
 lat: oblongo capite & uasculo, semine albo: quod in sanis
 tatis usu tostum in secunda mensa cum melle apud anti-
 quos edebatur, & panis rustici crustæ inspergebatur ad-
 fuso ouo inhærens. Alterum genus est quod syluestre uo-
 cat Dioscorides, & à dolij forma Pithite, quasi doliaret
 Apuleius quod ex ipso fluat succus quem opion uocant,
 uel quod facile florem dimittat rhæada: Plinius nigrum
 appellat, è cuius scapo inciso lacteus succus exprimitur
 estq; hoc capite seu uasculo sessili, semine nigro. Tertium
 genus & hñs syluestrius, medicamentosius & capite seu
 uasculo longiore. Et hoc Plinius, contra quàm Dioscori-
 des & Apuleius tradiderunt, rhæada à Græcis uocari di-
 cit, à nostris erraticum. Et hæc duo posteriora genera, na-
 tura quidem agrestia sunt, humano tamen opere, studio
 & usu tantum satia, nō natura. Sunt & alia agrestia quæ
 nūquam satia fiunt, ceu quod Ceratites, id est cornicu-
 lare, & aphrodes, id est spumeum, heracliumq; dicitur.
 Omnibus & præsertim satuiis communis in refrigeran-
 do sopiendoq; uis est, ut tradit Dioscorides: nisi quod ni-
 gri liquor maiore refrigerandi, crassescendi & siccādi ui,
 exigua mensura, erui ferè quantitate sumptus somnificus
 est, & somno dolorem leuat: maiore copia potus nocet,
 lethargum, letalemq; soporem faciens. Facit & ad capitis
 dolores

dolores cum rosaceo inspersus. Verum colligendi liquo-
 ris huius ratio multiplex est. Quidam enim uascula cum
 solijs tundentes torculari expriment: mox in mortario
 terentes pastillos conformant, uocaturq; hoc meconium: *Liquoris papaueris colligendi ratio uaria.*
 uiribus liquore quem opion dicunt multo ignauius. In
 colligendo autem liquore oportet cum aruerint rores cul-
 tello stellulam in summo papauere sic scarificare ne altius
 ad interiora uulnus descendat. Oportet itidem & uascu-
 la ex obliquo rectaq; in summa superficie secare: destillan-
 temq; lachrymā digito in conchulā detergere, rursusq;
 non multo post redire. Inuenitur enim continue con-
 crescens. Idemq; sequenti die faciendum. Oportet præ-
 rea in uetere mortario collectum liquorem terere, confor-
 matumq; in pastillos reponere. Oportet postremo in sca-
 rificandis, secandisq; papaueribus retrogrado itinere in-
 gredientes incidere, ne uestibus plagæ plagisq; inherens
 liquor deteratur. Hactenus Dioscorides, Pli. item lib. 20.
 cap. 18. de his sic prodiit: En nigro sapor gignitur scapo in-
 ciso, ut Diagoras suadet cum turgescit, ut Iolas cum desce-
 rescit hora diei sereni, hoc est, cum ros in eo exaruerit. In-
 cidi iubent sub capite & calice. Nec in alio genere incidi-
 tur caput. Succus & hic & herbæ cuiusq; lana excipitur:
 aut si exiguus est, ungue pollicis aut lactucis: & postero
 die magis quod inaruit. Papaueris uero largus densatur,
 & in pastillos tritus in umbra ficcatur, non ui soporifera
 modo, uerum si copiosior hauriatur, etiam mortifera per
 somnum opion uocant. Cum capita ipsa & folia deco-
 quantur, succus meconium uocatur, multum opio igna-
 uior. Fit autem probatissimum maxime apud Thebas *Opium.*
 Aegyptias opium, unde & Thebaicum dicitur. Verum *Meconium.*
 non temere huiusmodi utendum medicamentis quæ so- *Opium Thebaicum.*
 porifera sunt anodina. Nam si alijs & innoxijs remedijs *Narcotico-rum
& soporiferorum usus.*
 morbum sanare possumus, à somniferis abstinere debe-
 mus. Sin ob uigilias & uirium resolutionem egro mortis
 periculum immineat, tum profecto tempestiue sopori-

CAPITI MEDENDO.

feris utemur, ad eorum usum necessitate coacti, non ob-
stante quod corporis habitus non nihil ex hijs lædatur,
cum spacio, si admodum magnum nō sit, nocumentum
emendare liceat. Quod si ita est immodicum, ut nec pro-
lixo spacio sanari possit, potius tamen hoc ipsum eligen-
dum quàm ut hominē perire sinamus. Læsiō enim quàm
mors præoptanda. Cæterum ubi talibus uti necessitas co-
git, tutius est etiam ut uim eorū aliquatenus frangamus,
& in emplastris potius quàm in potionibus, deinde in ca-
putpurgijs ea administremus. Semperq; principū mem-
brorum curam & sollicitudinem habeamus, maxime ce-
rebri, quod rationalis animæ ceu domicilium est, autore
Galeno. *Somno.*) Somnus sensibilis spiritus est remissio et
tanquam laxatio: & ut Aristoteles tradit, sentiendi quæ-
dam impotentia, ob alimenti uapores in cerebro refrige-
ratos & internum calorem ad cor reuocatū proueniens.

*Cerebrum ani-
me domicilium
rationalis.*

Somnus.

*Quomodo fiat
somnus.*

Fit autem somnus hoc modo. Cum alimentum in uapo-
rem soluitur, uapor ille sustollitur, (omne enim calidum,
in sublime natura effertur) & cerebri frigiditate refrigera-
tur atque consistit, deinde reditū capescens, Euripi more
refluit & descendit ad cor, cuius feruore refrigerato, obre-
pit somnus. *Lento.*) Leni, molli, pingui, humido & cui
nihil aspredinis inest. Inter liquores enim non est alius
qui autæque leniat ac molliat cum corpori inungitur,
quàm oleum, aut, qui tam late diffundatur aut serius sic-
cescat. Vnde Homerus etiam, autore Plutarcho, inter tot

Oleum ὑγρόν.

liquores, oleum duntaxat appellauit ὑγρόν, id est humi-
dum seu liquidum. Est & tranquillitatis nomine com-
mendata eius natura, adeo ut mare rem omnium sæuissi-
mam tranquillare credatur. Vnde etiam natum adagiū,

Adagio.

Oleo tranquillior, in eos qui taciti, minimeq; iracūdi, ac
leni ingenio præditi sunt. Plautus in *Pœnulo*: Ita hāc ego
canem faciam tibi oleo tranquilliorē. *Oliuo.*) Oliua-
rum succo & oleo. Plinius lib. 15. c. 3. Suus quidem oliuæ
succus est oleū. Ab oliuo autem oliuitas, pro legendarum

Olium.

Oleum.

Oliuitas.

ac

ac cogēdarum oliuarum tempore, hoc est, olei uindemia dicta est ueteribus. Columella, Media est oliuitas plerūq; initium mensis Decembris. Eadem oleitas dicitur. Cato: *Oleitas.* Vbi uindemia, & oleitas facta erit, præla extollito. Est & *Oliuina.* oliuina olei prouentus & copia. Plautus in Pseudulo: Quoius amatores domi oliuinam habent maxumam, si mihi non iam hucculleus oliui deportabitur. Olea item *Olea.* nunc arborem significat. Cato: Olea si fructum non fert, ablaqueato: nunc uero baccam & fructum. Cato: Oleum uiride sic facito: oleam quā primum ex terra tollito. Varro. De oliueto, oleam, quam manu tangere possis ē terra, aut scalis, legere oportet potius, quā quaterere. Et eadem oliua quoq; dicitur. Columella: Prius de conditu *Oliua.* ris oliuarum præcipiēmus. Constant autem oliuæ, ut Plinius ait, nucleo, oleo, carne, amurca: sanies est hæc eius *Amurca.* amara, fit ex aquis, ideo siccitatibus minima, riguis copiosa. Oliua itē, ut Caper grammaticus ait, arbor est, olea fœtus, oleū liquor. Est item Oliuetum, quod & Oletum *Oliuetum.* Cato uocat, locus olea confitus, *Oletum.*

HEMICRANIO MEDENDO.

CAPVT II.

PORTIO si capitis morbo tentetur acuto,
Allia diuersam lana contexta per aurem
Inducta profunt. Et eodem balsama pacto.

HEMICRANIO.) Hemicranius siue hemi- *Hemicrania.*
micrania, morbus est capitis acutus & uehementis, dimidiam eius partem occupans atque infestans, sæpius non cura sed blandimento cum narcothicis & stupefacientibus indigēs, scilicet ubi uehementissimus est dolor & pulsatio. Galenus hunc morbum in libro diffinitionum sub nomine heterocra-

- Heterocrania.** niæ sic diffinit. Heterocrania est cum in sinistra dextræue capitis parte dolor sit: isq; aliquando augetur & acuitur, aliquando remissus languet et minuitur. Qui ita laborât,
- Hemicranici.** hemicranici uocantur, ἀπὸ τοῦ κρανίου, hoc est, à cranio,
- Cranium,** quod supernum capitis os est & hemisphæriū summum.
- Calua.** Latini caluam & caluariam uocât, καὶ uero Græcis idem
- Caluaria,** est quod semis & dimidium. Plinius eundem morbum heterocraniō nominat, ἀπὸ τῶ ἐτέρου καὶ κρανίου, ab altera hoc est dimidia cranei parte. Horum autē quibus sic media capitis pars dolore infestatur, aliq; extra caluariam, aliq; in capitis intimis partibus dolorem sentiunt, cuius discrimen ab oculorum radicibus sumitur. Nam quibus intra caluariam est dispositio, ijs ad oculorum usq; fundamenta dolor extenditur, eoq; & à cerebro & ab utraq; membrana, atq; à uasis quæ in ipsis continentur, ueluti germi-
- De locis aff. li.** na quædam deducuntur, autore Galeno. *Portio.*) Me-
- Portio,** dietas, quarum una ad alteram portio est & pars proportionalis, eiusdemq; denominationis, ut quora aut quanta est una, tota & tanta sit etiam altera. Harum autem ca-
- Eodem.** pitis medietatum, ut tradit Galenus, dextram à sinistra distinguit sutura per longitudinem ipsius protracta, sub qua intra capitis ossa, linea mediū cerebrum diuidens protenditur, ad quam etiam peruenit, anteriorū duorum uentriculorum septum. *Morbo.*) Morbus, operationis læsio est sensibilis. Nam cum eorum quæ corporibus nostris præter naturam accidunt quatuor sint differentiæ. Vna ipsius functionis actionisue uitiata. Altera eius qui hanc peperit affectus. Tertia causarum quæ ipsum præcesserūt & excitauit affectum. Quarta symptomatum quæ hūc necessario consequuntur. Illum qui actionem lædit ac uitiat affectus, iure appellabimus morbum. Nec absq; ratione morbi definitioni addita est dictio SENSIBILIS: nisi enim ad sensibilem magnitudinem perueniat & actioni officiat læsio, morbus non dicitur, aliàs namq; perpetuæ passibilitatis dogma incurreremus, cū null^o sit qui omnes
- actiones

actiones optimas habeat. Sed de morborum dignotione & latitudine tum alibi tum in arte medicinali & in libris de sanitate tuenda, plura Galenus. *Acuto.*) Inter morbos qui acutos, uehementes, maximos atq; grauissimos inferunt cruciatus, est & capitis dolor, & is potissimum qui hemicranii dicitur: unde Mesue inquit, Hemicrania, est ægritudo de genere uehementium dolorum. Verum morborum alius acutus, alijs diuturnus siue longus dicitur. Acuti uero sunt, ut Galenus tradit, qui præter id quod celeriter iudicantur, statim etiam magnitudinem habent. Vnde ephemeræ febres excluduntur, quæ licet cito finiantur, magnitudinem tamen non habent, quare nec acuti morbi uocantur. Magnitudo autem in morbis aut grauitas trifariam intelligitur: aut enim propter membri principatum & præcellentiam, aut propter affectus magnitudinem, aut propter ipsius cacoethiam, id est, sanandi malignitatem, contumaciam atq; rebellionem, adeo ut omnibus rite decenterq; factis, tamen non sanetur affectus. Porro duplex acutorum genus habetur. Siquidem nonnulli simpliciter ac primum, proprieq; uocantur acuti, quorum alij cum febre sunt, alij uero sine febre, ceu conuulsio, neruorum distentio & bilaris. Quidam uero acuti sunt ex cōuersione: & tales fiunt quoties inter initia acute ægrotet, tum autem quartodecimo die, aut etiam ante, non integre iudicetur: sed quia supersunt quædam reliquæ ægrotationis ex quibus ad quadragesimum diem usq; morbus extenditur. Vertitur uero per iudicationes imperfectas acutorum morborum, nō solum in hos, sed etiam in alios diutinos, maxime marcorem, quartanam, suppurationem, tabitudinem, aquam intercutem. Sunt itaque quantum in ipsam temporis differentiam agitur, morborum genera omnia tria: aut enim acuti sunt qui quarto decimo finiuntur die, quibus diuini opponuntur, ambiguum uero & uelut in confinio positum tertiu genus, cuius terminus decretoriorū dierū

Morbus acutus.

*Aphor. lib. 2.
Aph. 19.*

Morbus magnus.
Therap. li. 4.

*Progn. lib. 1.
Morbus acutus simpliciter, cū febre, sine febre.*
Morbus acutus ex cōuersione.

*Aphor. lib. 2.
Aph. 19.*

quadragésimus dies est. Ceterum acutorum morborum duplex est natura: uel enim in humoribus calidis fiunt qui nullum proprium obsedere locū, sed equaliter in omnibus animalis partibus apti sunt ex sua natura generari, ut febres: uel uno loco aliquo proprio patiente fiunt, ceu pleuritis, peripneumonia, synanche, quibus semper continuæ adsunt febres. Rari enim sunt quibus febres non

Morbus longus.

adsint, ut apoplexia et quidam paulo ante dicti. Morbi uero longi ab crassiss, lentis ac frigidis fiunt humoribus, qui difficilis sunt concoctionis et patienti loco inhaerent, ita quod eorū dispositiones magis præduris tumoribus quàm inflammationibus assimilantur. Quod si qui ex ipsis fiunt per compassionem, & absq; loco patiente, in quibus uenæ omnes æqualiter habent humores putrescentes, uel atræ bilis, uel pituitæ naturā præ se ferentes, pauci quidem hī sunt & rari. Adhæc ultra iam dictos, alī sunt morbi qui peracuti uocantur, qui statim in summo uigore consistunt, scilicet circa primos quatuor dies uel paulo ulterius, in quibus statim morbi incidit uigor, qui nihil aliud est quàm morbi in casibus summum. *Allia.*) Allio

Morbus peracutus.

Aphor. li. 1.

Aph. 7.

Allia.

Lib. 2.

rum duplex genus est. Vnū satium siue hortense: quod, ut Dioscorides scribit, in Aegypto concreto capite porrimodo nascitur, dulce, colore ad purpuram inclinato, exiguūq; reliquis locis grande allium multiceps & candidum est. Vocantq; in eo diuisiones spicas seu nucleos. Plinius uero libro 19. cap. 6. Allium, inquit, tenuissimis & quæ separantur in uniuersum uelatur membranis, mox pluribus coagmentatur nucleis et hīs separatim uestitis. Asperi saporis, & quo plures nuclei fuerint, hoc est asperius. Tædium huic quoq; halitu ut cepis, nullum tamen coctis. Alterum genus est syluestre, quod Dioscorides & Galenus Ophioscorodon quasi anguinū uocari dicunt. Quamuis Columella non ophioscorodon sed aphrosorodon quasi spumeum à Græcis appellari dicat, cum ait: Vlpicum, quod quidam allium Punicum uocant, Græci

Vlpicum.

Libr. 11. cap. 3.

autem

autem ἀφροσκόροdon appellāt, longe maioris est incremen-
 ti quā allium. Et idem comprobare uidetur Plinius lib.
 19. cap. 6. de eodem sic scribens: Vlpicum quoque in hoc
 genere, Græci appellauere allium Cyprium, aliq̄ antiscoro-
 don, precipue Aphricæ celebratum inter pulmentaria ru-
 ris grandius allio: trito in oleo & aceto mirum quantum
 increſcat ſpuma. Cæterum allio magna uis eſt, magnæ
 etiam utilitates. Somnos enim facit, medeturq̄, ut Pli-
 nius teſtatur, temporum doloribus illitum elixum, & ut
 hic Serenus docet, hemicrania: idq̄ à frigidis craſſis &
 glutinofis humoribus factæ: calfacit enim, deſiccāt, inci-
 dit, attenuat, diſſicit, euocat & ad contraria diſtrahit. *Di-
 uerſam.*) Contrariam: quo uidelicet ad contrariam par-
 tem morbi fiat diſtractio, adeo ut ſi in dextra parte fuerit
 dolor, ſiniſtræ imponatur medicamen: & ſi in ſiniſtra,
 dextræ. Quo enim facilius euaneſcaht, ad contrarias par-
 tes diſtrahere oportet morbos atq; auertere. Quæ quidē
 ad contraria auerſio fit aut ſecundum longitudinem, ut
 quæ ſupra & infra: aut ſecundum latitudinem hinc et in-
 de, hoc eſt à dextris et ſiniſtris: aut ſecūdam profundum,
 ante et retro. *Lana.*) Aut ſuccida aut elota. Succida pro-
 pter ſordium ſuarū pinguedinē quæ æſypus eſt, egregie
 molliſ, adſperginesq̄ facile combibit, ut inquit Dioſcori-
 des. Lota uero, ſi non aliter, tamen in hoc conſert & uti-
 lis eſt, quod aliorum medicamentorum eſt materia: hac
 enim medicaminum liquor recipitur & infunditur, quo
 pacto dolenti loco melius applicatur et imponitur, ac me-
 dicamenti uis quæ aliàs facile euaneſceret, hac etiam ma-
 gis conſeruatur in uigore donec operationem ſuam per-
 fecerit. Oportet autem bina parata habere ē lana pittacia
 affecti loci longitudinem latitudinemq̄ æquantia, & in-
 uicem alterum in ſucco, alterum ſupra locum affectum,
 ut cum prius impoſitum exiccatum & amotum fuerit,
 iterumq̄ in ſucco humectatur, ſtatim alterum iam hu-
 mectum ē ſucco imponatur, *Aurem.*) Per aurem etiam

*Lana ſuccida,
 elota.*

tempora intelligas. *Balsama.*) De balsamo dictum iam est capite priori.

Allia uel ternis piperis terna addita granis,
Trita lines, certam dabit hæc tibi cura salutem.

*Piperis tres
differentie.*

Longum.

Album.

Nigrum.

Ternis piperis.) Ne forte, si plura acciperentur et in maiore copia, caput nimium excalfaciendo & aridum reddendo, noxam illi inferrent. Est enim piper qualitate calidissimum atq; siccissimum, plurimumq; mordens. Quod in India nascitur triplici differentia. Nam, ut libro 1. Dioscorides refert, à sui ortus initio fructum fert arbor ipsius sili quarum modo oblongum, quod longum piper est, clauditq; intra se quod exigui milij seminibus simile sit, integrum & absolutum mox futurum piper. Id per maturitatem legitimo tempore dehiscens, racemos ex se mittit, granis quæ nouimus onustos: alijs quidem maturis quæ nigrum piper sunt, alijs uero acerbis quæ candidum piper sunt. Inuenitur autem in nigro quod tabidum, inane, leueq; sit: uocaturq; id gentis eius uocabulo *brasma* quasi abortus. Idem tradit Plinius lib. 12. cap. 7. dicentem Siliquæ priusquam dehiscant, decerptæ tostæq; sole, faciunt quod uocatur piper longum. Paulatim uero dehiscences per maturitatem ostendunt candidum piper, quod deinde tostum solibus colore rugisq; mutatur. Verum & his sua iniuria est, atq; cæli intemperie carbunculantur, fiuntq; semina cassa & inania, quod uocant *brechmasin*, Indorum lingua sic significante abortum. Commendatur autem piper autore Galeno, longum quidem quod integrum est, minimeq; foratum, & quod fractum grana sua iuncta & coherentia habet: item quod gustu piperis qualitates seruat, & in aquam missum totaq; die maceratum non liquatur nec soluitur. Nigrum uero nec exile nec rugosum nec crassi corticis esto, sed pôderosum quod tum maximum tum plenissimum est. Item de albo simili modo eligatur, quod maximū est atq; plenissimum. Verum omni

Brasma.

Brechmasin.

PORRIGINI PELLENDÆ.

& officit, sed pro dispositione solum præter naturam deformi. *Noxia forma.*) Species nociua, sœda & deformis.

Immensa porrigine.) Pluribus & innumeris quasi squamulis & corticibus fursuri similibus. *Pexum.*) Pectere est explicare & ordinatim disponere capillos, ita ut nulli remaneant sed omnes extricentur flocci. *Ningit.*) Ad niuis modum à se projicit & emittit. *Farris.*) Farinæ, quæ à farre nomen accepit: fractum enim & in tenuissimum pulverem commolitum far, farina dicitur. *Frendentibus.*) Fren-

dere est collidere, frangere & conterere. *Edita.*) Eiecta et excussa. *Saxis.*) Lapidibus molaribus, quibus frumentum in farinam cominuitur. *Hanc.*) Porriginem, qua descripta, docet nunc eidem medicamentis detergentibus, non nihilque reprimentibus mederi, præsertim ubi malum offendit: quod et prius innuit his uerbis, *Immensa & Copia.* Nam si leuior est, nihilque offendit, melius est illam non omnino prohibere, sed pectendo solum repurgare, cum non citra corporis uitium, nec integro capite nascatur: quare etiam non omnino inutilis est, præstatque capite affecto, noxium extra ferri & cutem infici, quàm ad interiora et partes nature actionibus magis necessarias uerti. Sed ne sine testimonio res agatur, haud abs re fuerit, quæ post descriptionem ipsius super hoc prodidit Celsus, subiungere, cuius hæc sunt uerba: Ac neque sine aliquo corporis uitio nascitur, neque ex toto inutile est. Nam bene integro capite non exit. Vbi aliquid in eo uitium est, non incommodum est, summam cutem potius subinde corrumpi quàm id quod nocet in aliam partem magis necessariam uerti. Commodius est ergo subinde pectendo repurgare, quàm id ex toto prohibere. Si tamen ea res nimium offendit, quod humore sequente fieri potest, magisque si id etiam mali odoris est, caput sæpe radendum est, dein id superadiuuandum aliquibus ex leuiter reprimentibus, quale est nitrum cum aceto, uel ladanum cum myrteo uino, uel myrobalanum cum uino: si parum per hæc

hæc proficitur, uehementioribus uti licet, cum eo, ut scia-
mus utique in recenti uitio id inutile esse. Hactenus Cel-
sus. *Malueradix.*) Malua herba est nota, à Græcis molo- *Malua.*
che & malache dicta, ab emolliendo uentre: *μαλάσσειμε-* *Molochē.*
nim subigere est & mollire. Hinc illud Martialis: Vtere la- *Malacheo*
ctucis & mollibus utere maluis, Nā faciem durū Phœbe
cacantis habes. Huius folia tota die ad solem circumagi
testis est Theophrastus, & Columella qui in carmine suo
sic ait, Et moloche prono sequitur quæ uertice solem. Est
autem duplex malux genus. Vna hortensis, quam in hor-
tis ad cibos ut melioresceret quondam ferebant. Vteban-
tur enim olim in cibo pro olere, quemadmodum ex He-
siodo colligitur in libro τῶν ἔργων καὶ ἡμέρων operum &
dierum, ubi ait, Νήπιοι, ἐν δ' ἴσασσι μὲν ὅσῳ πλέον ἡμῖν παντὸς
οὐδ' ὅσῳ ἐν μαλάχῃ τε καὶ ἀσφοδέλῳ μὲν ὄνθας, hoc est, Fa-
tui, neq; sciunt quanto plus dimidium toto, Neq; quan-
tum in maluaq; & asphodelo magna utilitas. Et Diosco-
rides hortensem syluestri magis edendo esse dicit. Altera
est syluestris & in incultis locis nascens, à priore solo na-
tali differens, & alia ab ea quæ arborefcit & Ibiscus, Al-
thæa q; uocatur. Porro de hijs sic etiam scribit Plinius lib.
20. cap. 22. In magnis laudibus malua est utraq; & satiuæ et
syluestris. Duo genera earum amplitudine folij discer-
nuntur, maiorem Græci malopen uocant in satiuis, alte-
ram ab emolliendo uentre dictam putāt malachen. E syl-
uestribus, cui grande folium & radices albæ, althæa uo- *Althæa.*
catur, & ab excellentia effectus à quibusdam aristalthæa, *Aristalthæa.*
à Latinis Ibiscus & maluaufiscus appellatur. Cæterum *Ibiscus.*
malux radix decocta ex uino, aut aceto, aut, ut Dioscori- *Maluaufiscus.*
des tradit, ex urina hominis, surfures & manantia capitis
ulcera emendat & sanat.

Aut tu fœniculum, nîtrumq; & sulphura usua
Contere, deinde caput permixtis ablue cunctis.

Fœniculum.) Fœniculum ferulacei generis plāta est, Græ

Marathon.

ci marathron dicunt, omnibus notū. Nobilitauere id serpentes, gustatu senectam exuendo, oculorumq; aciem succo eius reficiendo. Vis illi calida, deficcans & abstergens. *Nitrum.*) Nitrum simile est sali, unde etiam cum adiuncto sal nitrum aliquando appellatur, Arabice baurach: aliud ab eo quod nunc sal nitrum & sal petrę uocāt,

Nitrum.

Sal nitrum.

Baurach.

Sal petrę.

cuius in tormentis illis tonitruarijs, quas Bombardas uocant, usus est. Porro nitrī uaria sunt genera, de quibus copiose satis Mesue in de simplicibus, & Plin. nat. hist. li. 31. cap. 10. ubi de natura eius sic scribit: Non est differentia, et nitrī natura non multum à sale distans. Optimum quod tenuissimum, et ideo spuma melior, cuius probatio est ut sit minime pōderosa & maxime friabilis, colore penè purpureo. Nitrī uero probatio ut sit tenuissimum & quāmaxime spongiosum fistulosumq;. In medicina calfacit, extenuat, mordet, spissat, ficit, exulcerat. Utile ijs quę euocanda sunt aut discutienda et lenius mordenda atque extenuanda, sicut in papulis pustulisq;. Dioscorides, Nitrum uires ex alto in summum euocandi habet. Item, Nitrum & nitrī spuma uires habent sali æquales. Miscentur emplastris quę discutiendo, extrahendo, extendo & extenuando sint. *Sulphura uiua.*) In terrę generibus, ut Plinius ait, uel maxime natura mira est sulphuris, quo pluri-

Spuma nitrī.

Sulphur.

Sulphur ui-

uum.

ma domantur. Genera quatuor. Viuum, quod Græci apyron uocant, hoc est, ut Celsus ait, quod ignem non expertum est. Nascitur solidum, hoc est, glebosum. Eo solo ex omnibus generibus medici utuntur. Cætera enim liquore constant et conficiuntur oleo incocta. Viuum autem effoditur, translucetq; & uiret. Alterum genus appellat glebam, fullonum tantum officinis familiare. Tertio quoq; generi unus tantum est usus ad suffiendas lanas, quoniam candorem tantum molliciemq; confert: Egula uocatur hoc genus. Quarto autem ad lychnia maxime cōficienda. Vires uiuo cuius in medicina usus, calefaciendi, discutiendi ac maturandi, cutisq; uitia detergen-

di,

di, autore Dioscoride.

Furfuribusue nouis durum miscebis acetum,
 Ut varios crines tali des unguine puros,
 Prodest & tarda demptus testudine sanguis,
 Et prodest cedro dimissus ab arbore succus,
 Desinet interea glomerari farrea nubes,
 Cessabitq; grauis crebræ porriginis imber.

Furfuribus nouis.) Furfur farinæ purgamentum est, deter- *Furfur.*
 gentis naturæ præsertim nouum ac recens editum. *Du-*
rum.) Forte, acre & multæ acetositatis. *Varios.*) Ob pra-
 uos in capitis cute humores, multiformes, inæquales, ra-
 ros & hîc inde dispersos. *Des.*) Facias. *Tali unguine.*) Huius
 modi unguento prædicto. *Tarda.*) Tardigrada, pigra pro-
 pter incessum: est enim tardi progressus testudo. *Testudi-*
ne.) Testudinum, quibus geminus & in terris & in aqua *Testudo.*
 uictus est, plura sunt genera. Terrestris, marinæ, lutariæ,
 quæ in cæno et paludibus atq; in dulci aqua uiuunt, quas
 quidam è Græcis emydas appellant. Marinarum sangui-
 ne alopeciarum inanitas & porrigo, omniaq; capitis ul-
 cera curantur. Inarscere autem eum oportet, lentèq; ab-
 lui, author Plinius lib. 32. cap. 4. *Cedro ab arbore.*) *Cedrus.*
 arbor est grandis & procera, ex qua liquor colligitur ce-
 drinus, è quo & oleum fit. Fructû ferti iuniperi modo ro-
 tundum, myrt hæ baccæ magnitudine, qui cedrides di- *Cedrides.*
 citur: author Dioscorides. *Dimissus.*) Stillatus, siue per se
 siue incisa arbore is fluxerit. *Succus.*) Hoc est, liquor ce- *Cedria,*
 drinus, qui cedria, cedreæue & cedri mudicitur: quamuis *Cedrea.*
 aliqui hæc inter se distinguant, cedriam esse dicentes cru- *Cedrium.*
 dam ex cedro arbore resinæ modo stillatè lachrymam
 seu gummi, quod alchitran uocant Arabes, & male picem *Alchitran.*
 siquidam interpretatur Simon Genuensis. Cedrium uero
 ex cedri materia concisa & in furnis accensa picis mo-
 do fluentem & exceptum liquorem. Sed quia horû idem
 usus est & æqualis in medicina uirtus, hinc fit ut illæ nûc

PORRIGINI PLENDÆ.

*Cadauerum
uita.*

*Glomeror.
Glomeramen.
Glomeratio.
Glomer.
Glomus.
Glomulus.*

Nubes.

inter se misceantur appellationes. Cæterum probatur ce-
drinus liquor, ut Dioscorides tradit, qui crassus pellu-
cet, & intenso firmoq; odore est, quiq; diffusus concretis
stillicidijs seipsum continet nec diffluit. Natura & uis illi
est uiuentia corpora corrumpere, defuncta incorrupta
seruare, quam ob causam cadauerum uitam pleriq; eum
dixerunt. Calefacit, ficit, & cutis uitia exterendo repur-
gandoq; emendat & sanat. *Interea.*) Dum hæc aguntur
& dicta remedia applicantur. *Glomerari.*) Glomerari est
accumulari et coaceruari. Vnde glomeramen & glomera-
tio, quasi aceruatio quædam et accumulatio: item glomer
glomus & glomulus. Plinius nat. hist. libro 36. Si quis im-
properet intra labyrinthum sine glomere lini, exitum in-
uenire nequeat. Apuleius in Asino aureo libro 6. Et ac-
cepto frumento & ordeo & milio & papauere & cicere
et lente & faba, commixtisq; aceruatum, confusisq; in u-
num glomulū. *Farrea nubes.*) Quod prius dixit, Copia far-
ris. Est autem nubes proprie crassior illo uapor in aëre
suspensus ex quo pluuia generatur, ad cuius similitudi-
nem, porriginem uocat nubem, tanquam nubis speciem
præbentē, dū crasso et denso agmine deuolant porriginis
squamulæ. *Gravis.*) Magnus, molestus & noxius. *Cre-
bre.*) Frequentis, dū crebræ & frequentes decidunt squa-
mæ, instar imbris, qui fit dum crebris descendit stillis plu-
uia. *Imber.*) Humor qui porriginem facit: seu squamulæ
ipsæ instar imbris decedentes.

CAPILLO TINGENDO.

CAPVT IIII.

QVOS pudet ætatis longæ, quos sancta senectus
Offendit, cupiunt proprios abscondere canos,
Et nigrum crinem succo simulare dolofo,
His prodest acri contrita cupressus aceto.

Capillo



CAPILLORUM.) Docet hoc capite Serenus Cosmotica quædam medicamenta, quæ capillis uenustandis excogitata sunt à medicis. Quid autem sit capillus, sui ipsius indicio constat: cuius efficiens causa est frigiditas tum interior quæ in cute et capitis ossibus existit, tum exterior aëris nos ambientis, quæ uaporem ab interioribus ascendentem, in quæ cutis meatibus detentum, durius crassescere cogit. Materia uero pilorum est uapor sumidus, crassus, humens & glutinosus per cutem transpirans, productus à natura triplicem ob causam: quarum una est necessitas, propter cerebri humiditatem & cranei commissuras, ut noxi humores è capite expellantur: altera causa est iuamentum, quo pilorum frequëntia caput à nimio ambientis aëris tum frigore tum calore defendat, ipsorumquæ iniuriam longius propulset. Tertia causa est ornatus & decor ne esset informe: unde interrogatus aliquando Charilaus cur comam nutrireret? respondit hunc ex omni ornatu pulchriorem uenustiorēquæ fore. Proinde capilli in homine educandi & laudandi, aliàs superuacaneum naturæ summi quæ artificis opus esset, qui tamen nihil frustra & incassum facere solent. Verum in affectatos, hoc est, nulla decoris affectatione exultos, non delicatos, nec ad lenocinium ornatos & comptos, quos affectatos uocant, decet esse capillos. De quorum honesto ornatu & decore, sic inquit Ouidius: Turpe pecus mutilum, turpis sine gramine campus, Et sine fronde frutex, & sine crine caput. Item diuus Ambrosius in hexamero libro 6. Coma reuerenda in senibus, ueneranda in sacerdotibus, terribilis in bellatoribus, decora in adulescētibus, compta in mulieribus, dulcis in pueris. Tolle arboris comam, tota arbor ingrata est. Tolle humani capitis capillum, tota pulchritudo flaccescit. Hic ornatus est capitis obuius omnibus & perspicuus, quo cerebrum munitur et uestitur, ne aut frigore uexetur aut æstu. Sed quoniam in turpē ac effœminatā molliciem pessum,

Cosmotica medicamenta.

Capillorum causa.

Capillorum materia.

Capillorum ratio triplex. Necessitas. Iuamentum. Ornatus.

Capilli in affectati.

Capilli affectati.

CAPITULO TINGENDO.

iuerunt, non immerito à quibusdam uituperantur, ut qui mentem detegant, non ornent corpus. Vnde haud inſcitum extat adagium, Nullus comatus, qui non idem Cynædus. Hinc contra Dionem qui comam encomio laudarat, Synefius caluiti laudem deſcripſit. *Tingendo.*) Inſiciendo, fucum & alium à natiuo colorem inducēdo. *Pudet.*) Verecundantur & moleſte ferunt annorum multitudinem atq; omnibus exoptandam ſenectutem, ob egregias illas animi dotes, conſilium, rationem et prudentiā, quæ in ſenibus uigent. Sed ſtulta & peruerſa mortalium natura ſemper deterioribus innititur, plurisq; æſtimat corporis dotes quàm animi: unde plerisq; adeo oneroſa eſt ſenectus, ut etiam ſenes iam effecti, ſemper iuuenes uideri malint quàm ſenes, dedecori ducētes corporis uires, inualidas atq; inſirmas, cutem rugoſam, pilos canos cum prudentia & alijs animi dotibus iunctos in ſenibus: plurimum uero extollentes, maximiq; facientes corporis robur & uires præualidas, cutem prænitidam & bene curatam, formæq; pulchritudinem, pilos comatos, & id genus alia, quamuis nulla hijs adſit uirtus. Quo fit ut maximo oneri, maximeq; odioſa ſit talibus ſenectus, & huius indicium ipſa canicies: unde ſæpius etiam quo iuniores appareant, canos abſcondere & fucū, alienumq; colorem inducere ſtudent. Quo pacto aut et quibus præſidijs in alios colores mutadi ſint cani, præſenti ca. docet Serenus. *Aetatis lōge.*) Vitæ diuturnæ & ſenij. Aetates à uarijs uarie diſtribuunt. Galenus in libro cui titulus ὁπορίαι πικροί, quatuor eas facit. Primam iuuenum, in quibus effloreſcit ſanguis, tæperaturæ calidæ & humectæ, ad modum Veris. Secundam uigentium, in quibus abundat flaua bilis, temperamenti calidi & ſicci, inſtar æſtatis. Tertiā mediōrum, in quibus nigra effloreſcit bilis, temperaturæ frigidæ & ſiccæ, inſtar autumnij. Quartam ſenium, in quibus exuperat pituita, temperamenti frigidi atq; humecti, ad modum hyemis. Item Hippocrates in libro de uictus ratione

Aetatum diſcrimina.

ratione, diætæue siccaſdem tradit, Modo autem hoc ætates inter ſeſe differunt. Puer quidem calidis et humidis commixtus eſt, quoniam his conſtitit et creuit: nam calidiſſima & humidifiſſima ſunt, quæ proxima generatione ſunt, plurimumq; creſcunt, hiſq; accedentia ſimiliter. Calidus quidem eſt aduleſcens, quod ignis aquã ſuperauit: ſiccus autem eſt, quod puerile humidum conſumptum iam eſt, partim incorporis incrementũ, partim in ignis motũ, partim etiam laboribus. Vir autẽ ſiccus eſt & frigidus, quod calor amplius non ſuperat, corpusq; non creſcit, propterea friget: ſiccitas enim prioris ætatis ineſt, ſequentiſq; & aquę accęſſus nullã habet humectationem, quod ſiccis et humidis ſuperatur. Senes uero frigidi et humidi ſunt, quod ignis diſceſſit, aqua accęſſit, quæ ſua humiditate ſicca pepulit, humida confirmauit. Auicenna uero prima Fen primi libri Canonis capite de cõplexionibus, ætates ita diſtinguit: Aetates omnes ſunt quatuor. Prima eſt ætas addendi, quam uocant adoleſcentiam, ad annum producta ſerẽ triceſimũ. Secunda eſt ætas conſiſtentię, quæ & pulchritudinis ætas uocatur, ad annũ ſerẽ triceſimũ quintum uel quadageſimum. Tertia eſt ætas diminutionis occultę, in qua uirtus non amittitur, uocata ſenectus, quæ ſerẽ eſt uſq; ad annum ſexageſimũ. Quarta eſt ætas diminutionis & interitus manifeſti, cum uirtus manifeſte minuitur: & hæc quidem eſt ætas ſenium & finis uitæ. Prima autem ætas quæ eſt adoleſcentię, ſubdiuiditur in ætatem infantię, cum ad dimotiones & ambulandum adhuc inepti ſunt pueri. Deinde in ætatem dentium plantatiuam, quæ eſt poſt ambulationẽ & antequã ſit fortis, & illud eſt cum nondum omnibus dentibus repletæ ſunt gingiue. Poſtea eſt ætas concuſſionis poſt uehementiam & ortum dentium priuſquam polluantur. Poſt hanc uero eſt ætas cum ab eo ſemen egreditur quouſq; barbeſcat. Demum eſt ætas fortitudinis, donec creſcere ſinat. Hacenus Auicenna, à quo & illud optime ad-

iectum est aduerbium Fere. Non enim ubiq; nec semper eadē habetur ætatū mēsurā, sed diuersa pro ratione cōplexionis, sexus, uictus, regionis & aliorum plurium. Quod & sexto de sanitate tuēda testatur Galenus cum ait: Non est ætates annorum numero circumscribere, ceu quidam fecerunt, nisi forte in latitudine quadam. Nam pubertatem aliqui incipiunt anno quartodecimo, aliq; uno post anno aut etiam amplius: item diminutionis initium quidam habent statim ab anno trigesimo, nōnulli post quintum & trigesimū. Robur uero omnibus minuitur post ipsam summi uigoris ætatem. Sunt adhuc qui aliter partiantur ætates, uidelicet aut secundum uniuersi ordinem illas distribuentes, aut in hebdomadas aut gradus quosdam diuidentes, aut aliter quoq;. Sed de hijs ne sim prolixior, tantilla nunc sufficiant. *Sanctus senectus.*) Sanctum dicitur quod à prophanis usib⁹ est segregatū, item quod incorruptum est. Vergilius: Tuq; ô sanctissima coniunx Fœlix morte tua. Et sic etiā sancta dicitur senectus incorrupta, quæ adolescentiæ honeste antea cæ fundamentis constituta est atq; firmata, omnis culpæ inscia, intacta & ab omni iniuria tuta. Vnde quib⁹ huiuscemodi senectus conceditur, hijs quoq; maxime autoritatem, & autoritatis fructus, salutationes, assurrectiones, deductiones, reductiones atq; consultationes cōsequuntur: quare etiam maximus honos olim habebatur talibus, ut qui cōsilio, ratione, sententia, prudentia, sapientia, omniq; alia uirtute uigerent aliosq; præcellerent: ob quæ soli in senatū admitebantur & accersebantur, à quo etiam summum consilium maiores appellarunt Senatum, quod eiusmodi uirtutes nisi in senibus raro aut potius nunquam reperirentur, ob quas etiam honore isto soli digni existimati & iudicati sunt. Quod autem senibus olim amplissimi sint exhibiti honores, testis est inter alios uel A. Gell. Atticarū noctium lib. 2. cum insit: Apud antiquissimos Romanorum neq; generi, neq; pecuniæ præstantior honos tribui quàm

*Sanctum.
Senectus sancta, & honoranda.*

Senatus unde dictus.

quàm ætati solitus, maioresq; natu à minoribus coleban-
tur, ad deum prope & parentum uicē, atq; omni in loco,
inq; omni specie honoris priores potioresq; habiti. A
cōuiuio quoq; ut scriptū est in antiquitatibus, seniores à
minoribus domum reducebantur: eumq; morem acce-
pisse Romanos à Lacedæmonijs traditum est, apud quos
Lycurgi legibus maior rerū omniū honos maiori ætati
habebatur. Hactenus Gellius de honore exhibito seni-
bus à iuuenibus. Cuius rei etiā fufe & perpulchre memi-
nit Valerius Maximus memorabilium rerū lib. secundo.
Iubemur & nos uel in sacris literis senectuti honorem de-
ferre. Leuitici namq; 19. sic scriptum est: Coram cano ca-
pite cōsurge, & honora personam senis, & time dominū
deum tuum. *Offendit.*) Apprehēdit, occupat, lædit. Pro-
prios.) Inter pilorū colores senili ætati maxime proprius
est albus. Pili enim humoris unde alimenta trahunt, colo-
rem imitātur. Senum autem humor maxime frigidus est
& immodice humectus ad albedinem uergens, quare &
pili inde emergentes inalbescūt & cani fiunt. Porrò alius
& scriptus codex qui mihi est, hic non Proprios habet
sed Properos, id est, celeres, & festinos, qui legitimū ante
tempus ob morbum aliquem aut curas aut aliunde cani
facti, senes apparere faciūt. *Canos.*) Capillos albos & ca-
niciē, quę bifida est: morbi et ætatis, morbi, ut quę ob uehe-
mētiorem siccitatis uim in persiccantiū ægritudinum fine
cōtingit: ætatis uero et senij canicies est, quæ caloris ino-
pia contingit, frigiditatem & immodicā humiditatem in-
dicans, humor enim & sublatus inde uapor, frigoris ope-
ra in albedinem uergunt & albos generant capillos. *Ni-
grum.*) Capillorum nigriria caliditatē indicat & adustio-
nem quandam: humior enim et inde sublatus uapor calo-
ris opera quodā modo aduritur, & in nigrorē uergit, un-
de & nigrificantes efficiuntur capilli, eandē humoribus ex-
primentes qualitatē atq; colorē. Quo fit si cani in nigros
mutādis sint capillos, ut medicamētis uti oporteat calidis

Capilli albi
unde fiant.

Canicies du-
plex, morbi, æ-
tatis.

Capilli nigri
unde fiant.

et ficcis, quæ humores frigidos calfaciant et quasi adurāt
 quales sunt quas subsequēter ponit Serenus. *succo*.) Hu
 more et liquore inficiēte. Seu, ut scriptus codex habet, Fu
 co, id est, colore. Fucus enī herbæ gen^o est, à Græcis *φῦκος*,
 appellatū, de quo Dioscorides medicinalis syluæ lib. quar
 to, & Plin. libro 13. cap. 25. agit. Estq; herba hæc tingendis
 lanis utilis. Vnde simpliciter fucus pro colore etiam ac
 cipitur, & fucare pro colorare: præsertim ubi nō natiuus
 nec genuinus sed factitiuus & uelut adulterinus significa
 tur, ut apud Horatiū, nec amissos colores lana refert me
 dicata fuco. Et inde medicamenta illa quibus capilli tin
 guntur, & quibus cuti superinductis mulierculæ uitia
 formæ dissimulant, fucos appellant. Plautus, Vitia corpo
 ris fuco occulunt. *Simulare*.) Simulare est aliud quā
 ex se sit esse ostendere: quemadmodum dissimulare est, id
 quod est, non esse ostendere & fingere. Hic itaq; simulare
 per metaphorā pro inficere tingere & colorare sumitur.
Doloso.) Fraudulento, fallente, decipiēte, fictitio & aliud
 esse fingēti, ostēdentiq; quā ex ipsa rei natura existat. *Cu
 pressus*.) Cupressus arbor perpetuo uirore, magnitudine,
 rectitudine, proceritate, robore & perennitate insignis:
 natu difficilis, & ut Plin. ait, morosa, fructu superuacua,
 baccis torua, folijs amara, odore uiolenta, ac ne umbra
 quidem gratiosa. Huius semen (autore Teophrasto de
 causis plantarum lib. 1.) adeo minutum est, ut uix ocu
 lis percipi possit. Non enim totū id quod pilæ speciem ge
 rit, fructus est eius, sed quod cono innascitur, per quā te
 nue et exile laricis semini proximum, quod dehiscente pi
 lula sua decidit, nec colligi, nisi ab experto potest. Natura
 cupresso, ut Dioscorides tradit, refrigerans. Cōtra quod
 tamē est Galenus, qui, ut Serapio refert, uim illi tribuit ca
 lefacientem. Verum quod de aceto mox dicetur, id etiam
 de cupresso nunc dicere liceat: uidelicet, mediocris inter
 calorem & frigus esse temperaturæ, magis tamen calore
 participare, licet mediocriter. Estq; uirtutis desiccantis,
 cum

Fucus herba.
φῦκος.

Fucus color.
Fucare.

Simulare.

Dissimulare.

Cupressus.

Lib. 15.

cum acredine & mordicatione moderata. Et ultra hæc est illi adstringendi facultas, & amaritudo non parua: quarum qualitas amara quidem præit & adstringenti uiam facit, et altera alterius uim uehementiorem minuit: quare huiusmodi medicinæ quibus adstringendi uis cum amaritudine est mixta, præstantiores sunt hijs quæ tantum adstringunt. Aliæ itē qualitates eius omnes minus sunt uehementes. Nam si ualentiores essent & immodicæ, utiq; inutiles essent & magis noxiæ quàm salutiferæ. Nimia enim exiccatio non modo putrescentes & uitiatos depasceret atq; discuteret humores, sed alios quoq; utiles adtrahendo consumeret. Calor uero immodicus humores plus iusto adureret & incineraret, cumq; acredine et mordicatione nimia cutē exulceraret: quæ omnia summopere cauenda sunt in id genus dispositionibus. Valenter quidem siccantia, ne cum uitiato utilis quoq; confluens absumatur humor: calida uero imodice & acria, ne cutis exulceretur. Cæterum quod ex cupresso administratur in medicina, sunt folia, summitates & spheria, quas pilulas Plinius, alij conos & nuces uocant. Quodcunq; autem horum ex aceto contritum adhibueris, capillos inficit & denigrat. *Aceto.*) Quoniam ui stiptica & adstringente prædita sunt medicamenta quæ nigros tingunt capillos, et ob eam in altū minus apta sunt descēdere, ideo optime admiscetur illis liquor aliquis qui meatus adaperiat & ea ad statutum locum deducat: inter liquores autem ad id maxime idoneum est acetum, quod mediocris inter calorem & frigus est temperaturæ, & maxime tenuium partium, præcipue acre & forte, quod magis & referat meatus & alia medicamenta ualentius penetrare facit.

Vel frons lentisci, uel tristia poma sabuci.

Lumbrici quoq; terrestres miscentur oliuo

Et iuuenem præstant rediutuo flore capillum.

Frons lentisci.) Folia lentisci arboris, ex qua nascitur resina *Lentiscus,*

CAPILLO TINGENDO.

Mastiche.

Acinum.

Bacca.

Nux.

Malum.

Sabucm.

Lumbrici

terrestres.

quæ ab arbore lentiscina, à quibusdam uero mastiche appellatur. Totaq; arbor adstringendi uim habet: siquidem fructus, folia, ramorumq; & radicum cortex æquali potestate sunt, quamuis de folijs tantum quod capillos tingant, ab hoc & à Plinio traditum sit. *Trifolia.*) Austera, acerba. *Poma.*) Acini. Arborum fructus omnis aut acinus est, aut bacca, aut nux, aut malum quod & pomum dicitur. Inter acinos uero numerantur uua, morum, grana hederæ, sabuci, ebuli, mali Punici & id genus alia. Inter baccas autem, quæ maiores sunt acinis, minores uero pomis, fructus oliuæ, lauri, corni, myrthi, lentisci & similitum. At nuces uocant ea quæ foris duro teguntur cortice, & intus habent quod esui est. Contra uero quæ foris habent quod esui est, & intus dura includunt, ea mala uocant & poma. Sed hæc uocabulorum differentia non semper obseruatur, ut hoc loco manifesto apparet, ubi sabuci fructum non acinum sed pomum appellat Serenus. *Sabuci.*) Sabucus quid sit, notum est, huius interiora mire firma traduntur. Constat enim, ceu Plinius lib. 16. cap. 40. refert, ex cute et ossibus. Nam ut in animalibus, ita in toto arborum corpore, cutis, sanguis, caro, nerui, uenæ, ossa & medullæ intelligi debent. Acini eius eadem ratione quæ uel cupressus uel lentiscus pilos inficiunt nigrosq; tingunt. Dioscorides, Inunguntur acinis sabuci ad nigrum colorem capilli: & Plinius libro 16. Sabuci acinos habent nigros atq; paruos, humoris lenti inficiendo maxime capillo. Nec modo illiti sed & poti quoq; id agunt, ceu Plinius etiam testatur libro 24. cap. 8. dicens: Acini sabuci tingunt capillum poti acetabuli mensura. *Lumbrici.*) Lumbrici uermes sunt à lubricitate sic dicti, multis ac uarijs morbis accomodi: temperatq; inter frigus et calorem adurentem qualitatis, & qui humores unde pili tum gignuntur tum succrescendo augentur, uitiatos & locum iam occupantes, citra utilis confluentis absorptionem, digerendo discutiunt, & influentes inhibent, atque pilorum originem

originem corroborant. Vnde capillo tum gignendo & augendo tum flauo & pulchro colore tingendo sunt idonei. Accipiuntur autem lumbrici uiui, & in ollam, quo fricando se mudent, aliquandiu ponuntur, deinde lauuntur, et loti cum tantūdem olei in duplici uase coquuntur, modo qui dictus est supra: cocti colantur, et oleum id usui seruatur, & oleum lumbricorū appellatur, multi ac magni ad uaria morborum genera, usus in medicina. *Terrestres.*) Terreni & qui in terra repperiuntur, ad differentiam illorum qui aluum occupant et proprie lumbrici dicuntur, de quibus plura in sequentibus. *Rediuuium flore.*) Florem rediuuium uocat capillorum originem & radicem refluenscentem, quæ prius ob humores uitiatos languebat, marcebat et quasi emortua delitescibat, nunc autem ob eosdem pristinae integritati medicaminis ui restitutos conualescit & reuiuiscit.

Oleum lumbricorum quomodo conficiatur.

Capillorū flos.

Præterea niueum poterit depellere crinen,
Resina ex facili terra uiscoq; coacta.

Resina.) Resina est lachrymum et liquor crassus ex arboribus fluens & sæpius in ipsa sua sponte siccatus ad solem residens. Nascitur autem ex terebintho, lentisco, cedro, cupresso, & quas in Europa Plinius lib. 16. cap. 11. cognatas dicit arbores, ex pinu, pinastro, picea, abiete, larice & theda. Suntq; omnis resinæ summæ species, ut idem Plinius libro. 14. cap. 6. tradit, dux. Sicca & liquida. Sicca quæ è pinu & picea fit. Liquida è terebintho, larice, lentisco, cupresso, & ut Dioscorides lib. 1. tradit, ex picea quoque & teda: qui etiam in sicca genere abiegnū esse dicit & eam quæ ex teda nascitur. Præstat autem in arborū differentia & omnes alias antecedit, ut Dioscorides ait, terebinthina, postquam lentiscina est, quam mastichen uocant, tum quæ ex picea destillauerit & abiegnā. Post has numerantur quæ ex teda fluxit & pinea. In omnib; autem hijs eligenda quæ odoratissima, pellucens, nō adeo ari-

Resina.

CAPILLO TINGENDO.

da, neq; humens, friabilis & ceræ similis. Natura resinæ omni, mollire, siccare, calefacere, discutere & repurgare & adstringere: uerū discussoria uis maior est in terebinthina, adstringens uero in lētiscina. Præterea quanquam modice siccet resina, tamen immodice calfacit, uti Terepente lib. 3. tradit Galenus: & ideo ea nemo utetur sola, nec aliter, nisi cum leuiter refrigerantibus admixtis, unum ex omnibus medicamentū fecerit quod sit temperatum. Vnde Serenus hanc legem obseruans, terram quæ frigida est naturæ & capillo tingendo idonea, illi admiscet. *Facili.*) Molli & quæ ad tractandū sit habilis, in qua nihil est asperum aut lapidosum: quorum si quid inest, tollendum erit. Aut facili, id est, uirtutis non uehementis nec acris, sed temperatæ & corroborantis: quod si qua inest acredo, talis (ut præcipit Galenus Therapeutice libro. 6.) elui debet. Omnis enim eluendo detrahitur acredo & mordicatio. Lauatur autem terra omnis, ut Plinius libro 35. cap. 15. docet, aqua perfusa, soleq; siccata, ac iterum ex aqua trita & reposita, donec cōsidat & digerī possit in pastillos, coquitur in calicibus crebro cōcussu. *Terra.*) Plura sunt ad medicinas pertinentia terrę genera, ceu Samia, Chia, Selinusia, Cimolia, pnigitis, crethria, ampelitis, armenia, ochra, lemnia sphragis, rubrica sinopis, & fabrilis et si quæ sunt alię. E quibus capillis tingendis maxime idonea est ampelitis, quam pleriq; pharmacitum uocant. Vnde Plinius ait, Medicamentis additur, præcipue in calibepharis & inficiendis capillis. Siccat, discutit & adstringit terra omnis cuius in medicina aliquis usus est: habetq; ut Diosc. tradit, refrigerandi, glutinandiq; uim præcipuā & supremā, citra omnē erodendi uim, nisi mixtam cōiunctamq; sibi aliam habuerit qualitatem ceu feruidam, quā tamen omnē lotura amittit. Videturq; autor nūc ad illud Martialis alludere: Quid faciem tingis? nam certe non potes illas Rhefina, Veneto nec refecare luto. *Visco.*) Cæterū hic circa calorifica & adurentia illa medicamen-
ta,

Terra lotio.

Terra genera.

Terra ampelitis seu pharmacitis.

Viscum.

ta, quædam animaduersione digna sunt. Et in primis cauendum, ne nimio & immodico talium usu in prauas incidamus ægritudines, quod sæpius incautis usu uenire solet: cuiusmodi sunt catarrhus, apoplexia, epilepsia, paralysis, & consimiles. Deinde præuidendum etiam cum huiusmodi adurentia adplicatur remedia, ut caute id fiat, ne cutem tangendo, ipsam exulcerent: quare semper cum pectine administrentur, intra cuius dentes primum molle quid ceu bombix seu linum seu spongiæ frustulum aliquod illigetur, deinde in medicamine pecten madefiat, & postea cum ipso madefacto caput pectetur, statimq; linteolo mundo fricetur, hocq; toties fiat donec optatus sequitur effectus. Adhæc antequam talia fiant, prius lauandi sunt pili ut sordes auferantur, ad quod maxime idoneum est lixiuium è cineribus uitis & alumine: quod quamcūq; rem lotam cum aqua eius omni color inducēdo aptam & idoneam facit. Cum autem ita loti fuerint capilli, bene siccentur, et post sufficientem exiccationem, medicamentum administretur, siue oleum id fuerit, siue succus, siue alius liquor quicunq; ad id idoneus. *Alumen.* *Canones.*

Alia.) In unum acta & commixta.

In pulchram speciem nigros flauescere crines

Vnguento ciceris prædixit Tullius, autor

Si prægnans artus captiui foricis edit,

Dicuntur fœtus nigrantia lumina tingi.

In pulchram.) Splendidam et decoram, qualis esse solet flaua. Vnde Horatius in Odis Pirrhæ comam pulchram describere uolens, flauam illam uocat cum ait, Cui flauam religas comam. Est enim muliebrum capillorum epitheton Flauum. Cæterum manu scriptus codex noster, non In PVLCHRAM, sed Ad RVTILAM, scriptum habet. Est autē Rutilus color, rufi species, qui nigroris aliquid habet admixtum, quem quidam hyacinthinum etiam dicunt. Sed qualis proprie sit color is, docet nos ex Fronto

Rutilus color.
Hyacinthinum color.

CAPILLO TINGENDO.

nis sententia A. Gellius Atticarū noctium lib. 3. ubi Phavorino de colorum generibus differenti sic responderet Fronto: Non inficias imus, quin lingua Græca quam tu uidere legisse, prolixior fusiorq̃ sit, quàm nostra. Sed in his tamen coloribus quibus modo dixisti, denominandis, nō perinde inopes sumus, ut tibi uidemur. Nō enim hæc sunt sola uocabula ruffum colorem demonstrantia, quæ tu modo dixisti, ruffus & ruber: sed alia quoq; habemus plura, quàm quæ dicta abs te Græca sunt. Fuluus enim, & flauus, & rubidus, & phœniceus, & rutilus, & luteus, & spadix, appellationes sunt ruffi coloris, aut acutiores eum, quasi intendentes, aut cum colore uiridi miscuentes, aut nigro infuscantes, aut uirenti sensim albo illuminantes. Nam phœniceus, quem tu Græce φοινικῶν dixisti, noster est, et rutilus et spadix phœnicei συνώνυμα, qui factus Græce, noster est, exuberantiam, splendoremq̃ significat ruboris, quales sunt fructus palmæ arboris nō admodum sole incocti, unde spadici & phœnicei nomen est. Spadica enim Dorici uocant auulsum ē palina termitem cū fructu. speciem.) Formam. Species unius cuiusq; rei forma, pulchritudo & decor est. Vnde & illud à Porphyrio in libro prædicabilium repetitum, dictum est, πρῶτον ἐστὶν ὁ ἀξιόμυρονις, hoc est, primū species digna imperio. Vbi multi perperam pro Primum, Priami legunt: quod uel ex Græcis uerbis manifestū est. Flauescere.) Flauos fieri, qui color etiam ruffi species et appellatio est. De quo post fuluum sic etiam idem Fronto apud Gellium refert, Flauus contra uidetur ex uiridi & ruffo & albo concretus. Sic flauentes comæ, & quod mirari quosdam uideo, frondes olearum à Vergilio dicuntur flauæ. Sic multo ante Pacuuius aquam flauam dixit, & flauum puluerem. Cuius uersus (quoniā sunt iucūdisimi) libens commemini: Cedo tamen pedem, lymphis flauis flauum puluerem Manibus ἴσδεμ, quibus Vlyssi sæpe permulsi, abluam, Lassitudinemq̃ minuam manuum multitudine.

Hæc

Ruffi coloris
appellationes.

Phœniceum color.
Rutilus.
Spadix.

Species.

Flauum color.

Hæcille. Vnguento.) Vnguētum proprie uoluprarium *Vnguentum.*
 est, uoluptatis, deliciarum, elegantix, sua uolentix ac lu-
 xurię causa ad ungenda corpora inuentū. Cuius faciendi
 ratio, ut Plinius libro 13. refert, duplex est: Succus & cor-
 pus. Ille olei generibus ferè constat, hoc odorum: hæc
 stigmata uocant, illa hedismata. Singuli quoq; succi no- *Stigmata.*
 bilia unguenta faciunt. Siccis odoribus constant quę dia *Hedismata.*
 pasmata uocantur. Nam feces unguenti magmata appel- *Diapasmata.*
 lant. Et hæc est materia luxus ē cunctis maxime superua- *Magma.*
 cui. Verum talium usus nunc aboleuit. Accipiturq; un-
 guentum modo pro compositione medicamentaria te-
 naci, qua ualetudinis causa chirurgi ad morborum et uul-
 nerum curationem utuntur. Porro unguentum Serenus
 pro unguine accipit, quod succum significat ex quo ali-
 quid ungi potest. *Ciceris.*) Cicer leguminis genus est, *Cicer.*
 cuius differentix plures, magnitudine, figura, colore, sa-
 pore: de quibus libro 18. Plinius. Virtus & natura illi est
 calida cum abstersione et mundificatione: unde pilorum
 sordes detergendo ipsos mundificat & splendidiores effi-
 cit succus & ius decoctionis ipsorum. *Tullius.*) Reijcit di *Tullius.*
 cti iam medicamenti fidem in Tulliu, qui quantus in o-
 mni doctrinarum genere claruerit, libri ab eo editi satis
 id monstrant, si modo is est, qui Cicero appellatur. *Au-*
 tor.) Adsertor & inuentor non modo dicti de ciceribus *Author.*
 medicamenti, sed & eius quoq; quod sequitur de oculo-
 rum infantium nigredine formanda. Autor nomen est,
 nō uerbale, ut quidam existimauerunt, ab augeo, sed an-
 tiquum & primogenium, hoc est non ab alio, sed à se na-
 tum, generis communis: & citra aspirationem scribitur.
 Quamuis quidam etiam à Græco deductum uelint quod
 Græci αὐθεντικὸν autorem dicant: quod si esset, potius utiq;
 per aspirationem scribi conueniret, quod tamen non fit.
 Nec reprehendendus est Seruius, qui id primogeniū esse
 autumat et asserit. *Pregnans.*) Mulier uterū gerēs et graui *Pregnans.*
 da, quęq; iā occupata est in generando, quod conceperit.

PHTHIRIASI ARCENDAE.

Sorex.

Artus captiui soricis.) Muris recens capti membra & corpusculum. *Sorex* mus est, à sono quem rodendo facit sic dictus. Aliqui à mure distinguunt: mures quidē domesticos, sorices uero syluestres esse dicētes. Et diuersa esse uel ex Columella manifestum est, dum ait: Si serpēs aut mus forexq̃ in mustū ceciderit. *Plin.* Sorices & ipsos hyeme cōdi autor est *Nigidius*. Quod ad medicamētum attinet, idem aliorū autoritate, tacito tamē autore, *Plin.* refert lib. 30. cap. 5. dicens: Si oculi nigri nascentium placeāt, soricē pregnantī edendū tradunt. *Fœtus.*) Partus in utero adhuc existentis. *Lumina.*) Oculi. *Catullus*, Vt simul ac nostros inuisent lumina colles. *Tingi.*) Colorari & nigros fieri. Et hoc uel causa quadam occultiore, uel pregnantis comedentis imaginatione fortiore.

PHTHIRIASI ARCENDAE.

CAPVT V.

NOXIA corporibus quædam de corpore nostro Progeniuit natura, uolens abrumperē somnos Sensibus, & monitis uigiles incendere curas.

Phthiriasis.

φθιρίσις.



PHTHIRIASI.) Phthiriasis morbus est pedicularis, ubi ex sanguine & humoribus malis et corruptis intra cutim pediculi generantur & uermes qui φθιρίδες uocantur. *Theophrastus* de causis plantarum libro 2. Omnibus cognati nutrimenti desiderium est, quemadmodum pediculis sanguinis, ex cuius corruptione generatio eorum existit. Et *Plinius* lib. 26. cap. 14. Item phthiriasis, quo *Sylla* dictator consumptus est. Nascuntur quoq; in sanguine ipso hominis animalia exesura corpus. Qui hunc morbum patiuntur, à uermibus deducto uocabulo, σκωλικόβροτοι appellantur

σκαλικόβροτοι.

appellantur interdum: quo genere obiit Herodes, ceu di-
 uus Lucas in Actis Apostolorum refert dicens: Καὶ γὰρ ὁ
 μῆκος σκωλικόβροτος, hoc est, Et factus est obnoxius mor-
 bo, quo qui laborant, exedūtur à uermibus. Eodem mor-
 bo interiere Democritus, Alcman poeta, Mumius iure-
 consultus, Ennius belli Seruilis dux, & quos autor hic
 nominat Pherecides Syrus, & L. Sylla dictator. Noxia
 corporibus.) Nocua & corruptionem interitumq; adfe-
 rentia corporibus nostris, hoc est, toti massæ corporeæ ex
 artubus & mēbris cōpactæ & constitutæ. Quedam.) Ani-
 malia ceu uermes & pediculos, quos Plinius etiam nunc
 tineas nunc serpentes uocat. Tineas quidem lib. 11. cap. 33.
 dum insit: Nascuntur intra hominem tineæ tricenū pe-
 dum, aliquando & plurium longitudine, iam in carne ex
 animi, uiuentium quoq; hominum capillo: qua sceditate
 & Sylla dictator & Alcman ex clarissimis Græciæ poetis
 obiere. Serpentes uero lib. 7. cap. 31. dum ait: Morborum
 tam infinita est multitudo, ut Pherecides Syrus copia ser-
 pentium ex corpore eius erumpente expirauerit. Et Apu-
 leius floridorum lib. 2. Quin etiam Pherecides Syro ex in-
 sula oriundus, qui primus uersuum nexu repudiato, con-
 scribere ausus est passim uerbis soluto loquutū, liberā
 oratione: eum quoque Pythagoras magistrum coluit, &
 infandi morbi putredine in serpentium scabiem solum
 religiose humauit. De corpore.) Hoc est, ex sanguine &
 carne corrupta. Corpus nūc totā massā corporeā, Corpus.
 nunc carnem ipsā & sanguinem significat. Martialis,
 Viuebant laceri membris stillantibus artus, Inq; omni
 nusquā corpore corpus erat. Natura.) Natura uis quēdā Natura.
 est diuina, mundi membris à se creatis indita. Aristoteles
 auscultationis physicæ lib. 2. Naturam diffinit principium
 & causam mouēdi & quiescēdi eius in quo est, primum
 per se, & non secundum accidēs. Hippocrates in libro de
 natura inscripto, Naturam uocat quod uti cūcta gignan-
 tur, ingenerenturue, principia subministrat. Aliquando

uero perfectionē denotat & consummationē atq; finem in quo significato eam accipit Aristoteles Politicorum lib. 1. cap. 2. ubi inquit Quale unumquodq; generatione eius perfecta & absoluta, hāc uniuscuiusq; naturā esse dicimus. Volens.) Velle et intēdere dicitur natura quod nō impedita produceret. Somnos.) Somnus sensuum ligamentum, defectus & impotentia, ob excessum uigilandi dicitur. Vigilia uero eorundem solutio, cum liberam functionibus suis intendere ualēt operā. Sensibus.) Vbi enim sensus nō est, nec somnus esse potest. Solis enim uiuentibus sensum habentibus cōuenit tum somnus tum uigilia. Et quicquid dormire contingit, idem contingit & uigilare. Est autem Sensus nunc substantiæ nomen ex forma sensationem efficiente et materia illam suscipiente compositæ; nunc uero sensationis, hoc est, in ipso sentienti organo obiecti sensibilis deprehensio. Estq; duplex. Vna interior, hoc est, interioris organi, phantasia et imaginatio dicta. Altera exterior, organiq; exterioris, uidelicet, Auditio, soni in auditu perceptio, Visio, coloris in uisu, Oloratio, odoris in olfactu, Gustatio, saporis in gustu, Tactio, tangibilis qualitatis in tactu susceptio. Estq; nūc operationis, nunc potentiæ nomen. Et.) Expositio est prioris, nam quod non dormit, uigilat, modo uigilare & dormire aptum natum sit. Monitis.) Admonitis, scilicet per somni ablationem ob cruciatus præsentiam: nā quibus somnus aufertur, quosq; cruciatus aliquis infestat, tales ne dormiant sed uigilent, deq; rebus suis solliciti sint, admonentur & instruuntur. Vigiles curas.) Vigiliis curarum & sollicitudinum plenas, ab effectu: curæ enim uigilias inducunt, hominemq; in somnum efficiunt. Quibus enim res quæpiam curæ est, hī solliciti & infomes uigilesq; redduntur. Statius sylvarum libro 1. Vigilesq; suo pro Cæsare curæ.

Sed quis non pauceat Pherecydis fata tragœdiæ?

Qui

Naturam uelle.

Somnus.

Vigilia.

Sensus.

Cura uigiles.

Qui nimio sudore fluens, animalia tetra
 Eduxit, turpi miserum quæ morte tulerunt.

Quis.) Ac si diceret, nullus. *Paucat.*) Formidet, timeat,
 & abhorreat. *Pherecidis.*) Pherecides Syrus poeta tragi- *Pherecides*
 cus & philosophus percelebris, Pythagoræ præceptor *Syrus.*
 fuit, qui propter deorum contemptum et iactantiam suam,
 quod deis se nunquam immolasse, nec minus iucunde
 semper uixisse prædicabat, tam diro fato tamque exitiali
 morbo phthiriasi ab Apolline punitus perijt. *Fata.*) *Fatum.*
 Mortem fatalem, quæ diuinæ prouidentie decreto, et suo
 ordine uti à deo promissa est, euenit. Hic quæstio se ingerit,
 quæ apud Philosophos agitur, uidelicet, An omnia ex
 fati præscripto, necessario eueniant? Cuius quæstionis
 uis in eo latet, ut quid sit fatum, pernoscat. Sed quia uari-
 riz de hoc & diuersæ sunt philosophorum opiniones, hinc
 euenit etiam ut diuersa de fati necessitate sentiatur, sintque in-
 ter se ipsi discordes. Alij enim, e quorum numero est Tul-
 lius, fatum e medio tollunt, & nihil esse uolunt, quare &
 fato nihil tribuunt, neque tribuere quid possunt. Alij uero
 fatum quidem admittunt, sed non idem de eo sentiunt.
 Chrysippus enim Stoicæ princeps philosophiæ, fatum
 definit naturalem quandam & sempiternam indeclina-
 bilemque per æternos consequentiæ ordines, ex quibus
 connexa est, seriem rerum. Plato uero & Platonici fatum
 appellat uniuersalis naturæ rationem sempiternam, eter-
 namque legem, quando scilicet illa cœlestium causarum ra-
 tio ita digeritur, ut exquisitæ arti dominetur. Et quamuis
 hi omnia fato tribuant, tamē causam quoque à nobis pro-
 ficiscententem adhibent. Alij autem fatum appellant, di-
 uinæ prouidentie decretum, seu decreti quendam effectum.
 Prouidentiam autem nihil aliud dicunt quam ordinis re-
 rum rationem, quantum diuinæ inest menti, quæ omnia
 disponit, ordinat atque prædeterminat. Eius uero ordinis
 quantum mobilibus inest rebus, explicationē & effectum,

uocant fatum, Et hī omnes cuncta ex fati & necessitatis, quam uocant, præsripto fieri uolunt, nihilq; esse quod non fato regatur. Quibus tamen aliarum opinionum auctores ita reclamant, Si omnia fato gubernantur & nihil cōtra fatalem sit necessitatem, haud merito hominum delicta ipsis & uoluntatibus eorum imputantur. Item si non sponte sed necessitate quadam delinquūt & ad maleficia trahuntur homines, inique nocentium poenae legibus constituuntur, quod tamen cottidie uidemus fieri, ob liberam bene uel male agendi concessam nobis uoluntatē. Sed de hīs uide A. Gellium Atticarum noctium libro 6. *Tragœdi.*) Tragici poeta, fuit enim Pherecides poeta tragicus & tragœdiarum scriptor. Est autem tragœdia poematis genus grande, in quo heroes, duces ac reges introducuntur. Seu ut aliqui diffiniunt, Tragœdia est heroicæ fortunæ in aduersis determinata comprehensio, qua discitur quid in uita fugiendū sit: habetq; principia tranquilla, media suspecta, & exitus tristes atq; funestos. Dicta uero est tragœdia, ἀπὸ τοῦ τραγῶν καὶ τῆς ὤψης, hoc est, ab hircō & cantu. Nam olim Liberalibus (qui Libero patri festus erat dies) hircus cantus prēmium proponebatur: hinc Horatius, Carmine qui traico uilem certauit ob hircum. Cur autē eo tunc hircus immolaretur Libero patri, causam habes apud Verg. georgicon libro 1. Seu ut alij nolunt, dicta est tragœdia à fece quā τραγὰ appellant, eo quod olim personis nondum repertis, fabulas acturi ora fecibus perungebant. Vnde Horatius, Ignotum tragicæ genus inuenisse camenq; Dicitur & plaustris uexisse poemata Tespis, Quæ canerent, agerentq; peruncti fecibus ora. Sunt etiā qui à uino, quod τρύβη diceretur, dictam uelint, eam ob causam quod Liberalibus uinum cantoribus pro corolario dabatur. Dictum est autem τρύβη uinū, à præcipua eius parte, hoc est, à fece: hæc enim uini robur & perfectio est. Nam hac exempta facile degenerat, nec ita diu multis in locis uim suam obtinet, sed ante tempus

Tragœdia.

τρύβη.

pus

pus deperdit. Cæterū tragœdia Libero patri sacra est, ceu
 Apollini comœdia, quæ priuatorum ac ciuium acta com
 prendit. *Sudore.*) Sanguine & humore corrupto &
 putrido. *Fluens.*) Manans & diffluens: in uermes enim
 solutus interiit. *Animalia tetra.*) Vermes & pediculos fœ
 dos, diros & noxios. *Miserum.*) Pherecidē calamitosum
 & infœlicē. Cum enim in omni uita semper iucūde uixis
 set, tandē à deis punitus miserabili ac fœda morte interiit.

Comœdia.

Sylla quoq; infœlix tali languore peresus

Corruit, & fœdo se uidit ab agmine uincti.

Sylla.) De L. Cornelio Sylla Plinius iunior in libro de ui
 ris illustribus, quem aliqui Suetonio Tranquillo adscri
 bunt, inter alia hæc: Rep. ordinata dictaturam deposuit,
 unde spe deceptus Puteolos cōcessit, & morbo qui phthi
 riasis uocatur, interiit. De eodem Plinius naturalis histo
 riæ lib. 7. cap. 41. sic etiam scribit inter alia: Age nō exitus
 uitæ eius omnium proscriptorum ab illo callamitate cru
 delior fuit, erodente se ipso corpore & supplicia sibi gi
 gnente, quod ut dissimulauerit & supremo somno eius
 cui immortalis quodammodo est, credamus ab uno illo
 inuidiam gloria uictam. *Infœlix.*) Quamuis superbum
 fœlicis nomē sibi usurpauerit Sylla, fœlix tamē uere non
 fuit. Nam quem uitæ contumelia quæpiam afficit, cuiq;
 expetibile quid deest, fœlix esse qui potest? Syllæ uero si
 non aliud, hoc tamen nempe fœlicitati suæ defuit, quod
 ut ipse, Plinio libro 7. referente, confessus est, capitolium
 non dedicauit. Fuit etiam non citra uitæ contumeliā: ipse
 enim quanquam graminea (qua nulla nobilior in maie
 state populi terrarum principis, præmijsq; gloriæ) dona
 tus corona, ut Plinius lib. 11. scribit, eam tamē capiti suo
 proscriptione detraxit. Nam obsessus in toto orbe pro
 scriptus fuit, & tandem fœdissimo morbo phthiriasi affe
 ctus in eodem computruit. Itaq; haud iniuria nunc à Se
 reno infœlix dicitur. Fœlix namq; uere dici non potuit,

L. Corn. Sylla.

Fœlix quis.

licet falso *foelicitis* cognomen sibi adscripserit: merito supremum uitæ diem expectasset, antequam *foelicem* se appellasset, iuxta Solonis sententiam, cuius meminit Ouid. metamorphoseon lib. 3. hñs uerbis: Sed scilicet ultima semper Expectanda dies homini est, diciq; beatus Ante obitum nemo, supremaq; funera debet. Quamquam Aristoteles uiuentes etiã dicit beatos, nam in operatione *foelicitatem* ponit. Verum cui hominum præcipua fuerit *foelicitas*, ut Plinij uerbis utar, non est humani iudicii, cum prosperitatem ipsam alius alio modo & suapte ingenio quisque terminet. Si uero facere iudiciũ uolumus, ac repudiata omni fortunæ ambitione decernere, mortalium nemo est *foelix*. Abunde igitur atq; indulgenter fortuna deciditur cum eo qui iure dici nõ *infœlix* potest. Quippe ut alia non sit, certe ne laxescat fortuna metus est: quo semel recepto, solida *foelicitas* nõ est. Porro quia de *foelicitate* sermo est, quid ipsa sit, de humana loquor, Aristotelem audiamus, qui Rhetoricorum libro 1. sic eam describit: *Fœlicitas* est fortuna secunda cum uirtute, uel pro re, sufficientia uitæ, uel uita tuta & iucundissima, uel possessio num facultas, & corporis uires, cum factiua, conseruatiua, amplificatiuaq; horum uirtute. Omnes enim serẽ, unum quoddam istorum aut plura, *foelicitatem* esse fatentur. Quod si huiusmodi quid *foelicitas* sit, necesse est partes ipsius esse nobilitatem, multorum atq; bonorum gratiam, diuitias, bonorum liberorum & multorum procreationem, commodam senectutem. Præterea, corporis commoda, ueluti sanitatẽ, formam, uires, proceritatem, robur ad certandum, gloriam, honorem, prosperitatem, uirtutem ac partes eius, prudentiam, fortitudinem, iustitiam, temperantiam. Sic enim sufficientissimus quispiam erit, si sibi adsint, quæq; in ipso, & quæ extra sunt bona, cum hæc præter alia nõ sint. Sunt autẽ in ipso quæ in anima, & quæ in corpore sunt. Extra uero, nobilitas, amici, pecunię, honores. Adhęc oportere arbitramur potentiã
& fo

Fœlicius.

& fortunā non deesse: hoc nanq; pacto uita erit tutissima. Haftenus Aristoteles. D. Augstinus de Ciuitate dei lib. 9. sclicitatē definit effectum rerum omnium optandarū plenitudinē: quā ex triplici bonorū genere cōstat, uidelicet, bonis animi, corporis atq; fortunæ. Et Aristoteles Ethicorū lib. 9. expetendarū rerū finē dicit sclicitatem: & sclicitē uocat eum qui per uirtutē operatur perfectā, & bonis externis satis abūdat, & in uita perfecta, & ita est uicturus et secundum rationem moriturus. Sed de his, ne sim prolixior, nūc satis. *Tali languore.*) Defectione, dissolutione et morbo phthiriasi. Languorem proprie uocant morbū leuem ac lentū, qui quamuis lecto non adfigat, tamē quo minus firma simus ualetudine, efficit. *Peregrus.*) Exesus à uermibus & consumptus. *Corruit.*) Cōcidit, defecit & mortuus est. *Fœdo agmine.*) Vermium & pediculorū copia & multitudine immūda, spurca & fetida. *Vinci.*) Superari, communi & morti tradi.

Languor.

10.4

12

Sæpius ergo decet mordax haurire sinapi.
Vel nitro, ac sale permixtis, acidorū liquore
Laxatis, ut sint simul allia, tangere corpus.
Aut lachrymis hedere, aut succo perducere cedri.
Sæpius.) Multoties & iterato. Nam cum morbus sit magnus & facile curam nō admittat, sæpiusculē medicinam iterare oportet: unica enim & rara medicaminis administratio nihil efficit. *Ergo.*) Quoniam phthiriasis ex magna humorum uniuersi corporis corruptione & putrefactione gignitur & morbus est exitialis: ideo illico adhibenda sunt medicamina quæ humorum putredinem perficcent, detergant & uacuent. Nam si in huiusmodi morbo cura tardabitur, hominis quoq; ac uitæ salus periclitabitur & interibit. *Decet.*) Conuenit, imò necessarium est si commodum aliquod sequi debeat. *Mordax.*) Acre, pungēs & efficax, quale in hoc morbo desideratur medicamentum, *Haurire.*) Sumere & ubertim bibere.

Sinapis.

Nam sicuti nec pauca ita nec parua quicquā efficit quantitas. Conuenit autem tritum semen ex mulso bibi. *Sinapi.*) Sinapis herba est nota, cuius seminis triti & melle conditi nunc frequēs usus est ad intinctus. Hoc Pythagoras principatū habere ex hīs quorum in sublime uis fertur, iudicauit, quoniam non aliud magis in nares & cerebrum penetret. Eo quidā utuntur cum rubrica ad alopecias, pſoras, lepras & phthiriasēs, ut refert Plinius lib. 20. ca. 22. Nitro.) De hoc dictū est supra capite tertio. Porro semper eligendum est optimum quod tenuissimarum est partiū, cuiusmodi est berenicium siue armenū. Quod si lapidosum fuerit, uri id atq; diligenter leuigari debet.

Nitrum.

Nitri adustio.

Sal.

Vritur autem in noua testa seu olla diligenter operculata ignitis carbonibus donec candeat superpositum. *Sal.*) Sal, ut Aristoteles meteororum lib. 2. tradit, est ut adustæ terræ species, quæ frigido & humido in humorem soluitur, calido autem & sicco cogitur et duratur: opposito ad glatiem modo, quæ frigido & humido concreſcit, calido & sicco soluitur. Porro sal omnis aut factitiū est aut naturā: suntq; plures eius differentię, de quibus copiose Plinius libro 31. cap. 7. Dioscorides libro 5. & Mesue in de simplicibus. Est autem natura sali multiplex, et ut Plinius ait, per se ignea, ignibusq; inimica, fugiens eos, omnia erodens. Corpora adstringens, siccans & alligans. Deſuncta autem ac putrescentia ita uendicans ut per sæcula durent. In medendo uero mordens, adurēs, repurgans, extenuans, dissoluens. Stomacho tantum inutilis, præterquam ad excitandam auuiditatem: idem noxia & tinearum genera pellit in uino potus. Cæterum sal qui siccissimus, idem & salissimus, & quisquis facile liquescit, humidiorq; est, idem quoq; ad obsonium & cibum utilior: minoris enim amaritudinis est talis. Acer uero & siccus seruandis carnibus est aptior. Estq; sal omnis cibi primū, maximeq; commune condimentum, auuiditatemq; inuitans, sine quo uita humanior nequit degere, adeo
necessa-

necessarium elementum est, ut transferat intellectus ad uoluptates animi quoq; nam ita sales appellantur, omnisq; uitæ lepos & summa hilaritas, laborumq; requies, non alio magis uocabulo constat. *Acido liquore.*) Aceto. *Acidum.* Acidum enim dicitur quod acetum factum est. Acetum autem quamuis ad imaginationem sit humidū, corpora tamen quæ contingit, ficcāt. *Laxatis.*) Remollitis & dissolutis. *Vt sint simul.*) Hoc est, ut prædictis nitro & sali & aceto sint simul commixta allia. *Allia.*) Allium non modo cum nitro & sale acetoq; ut autor hic docet, inunctū, sed & per se tum potum tum inunctum phthiriasi medetur. Auicenna Canonis li. 2. Bibitur decoctio allij & interficit lendes & pediculos, & inungitur super eos. Plin. lib. 20. cap. 6. Phthiriales & prurigines potum curat allium, tusum item cum aceto & nitro. Dioscorides idem allium contra pediculos & lendes, sed cum origani decocto utiliter bibi tradit. *Tangere.*) Contingere & inungere, illinireq;. Nam si inunctio fieri debet, opus est tactione. *Lachrymis herdere.*) Gumi hederæ. Dioscorides libro 2. Depilata hederæ lachryma, pediculosq; inuncta necat. Plinius libro 24. cap. 10. Lachryma hederæ psyllotrum est, phthiria firmq; tollit. Galenus itē, uti Serapio refert, Gumi eius et proprie nigræ uirtus est quæ adurit adustione occulta & ideo occidit pediculos & abradit pilos. *Succo cedri.*) Plin. li. 24. cap. 8. Cedri succus defuncta corpora cōseruat, uiuentia corrūpit, mira differentia, cū uitā auferat spirātib; defunctisq; pro uita sit. Et ibidē, Phthiriales perūgere eo nō dubitauerim, itēq; prurigines. *Perducere.*) Hoc est, manibus hinc inde ducēdo atq; fricādo inūgere corpus.

*Acidum.**Acetum.**Allium.**Hederæ lachryma.**Cedri succus.*

Quin etiam fūrfur mixto medicatur aceto.

Vnda maris lendes capiti deducit iniquas,

Et quicquid crebri defendit sylua capilli.

Quin etiam.) Insuper, adhuc. *Furfur mixto aceto.*) Furfur est farinæ purgamentum, Cuius duplex discrimin est et ge- *Furfur.*

nus. Vnum quod crassioribus ramentis constat: & alterum quod tenuiore & quasi pulueris tritura cōstat, cuius usus est, & uirtus illi calens, siccans & repurgans detergensq̃. *Vnda maris.*) Aqua marina, quæ salsa est & uirtutis abstergentis, qua lendes quoq; & tetra capitis animalia curātur, autore Dioscoride & Plinio. Quod si alicubi ut in mediterraneis haberi non potest, arte talē faciemus quæ eidem æquiualet. Sed quo pacto fieri debeat, docet nos Plinius naturalis historiæ libro 31. cap. 6. dicens: Nec ignoro hæc mediterraneis superuacanea uideri posse. Verum & hæc cura præuidit inuēta ratione qua sibi quisque aquam maris faceret. Illud in ea ratione mirum, si plus quā sextarius salis cum quatuor aquæ sextarijs mergatur, uinci aquam, salēq̃ non liquari. Cætero sextarius salis cum quatuor aquæ sextarijs salissimi maris uim et naturam implet: moderatissimum autem putant supra dictam aquæ mensuram octonis cyathis salis temperari. Et hæc non minoris est potentie quā ipsa marina. *Lendes.*) Lens lendis est ex quo pediculus formatur. Fiunt autem lēdes ex humoribus putridis ceu pediculis: sed lendium materia magis grossa est & minus apta ad motum, pediculorum uero materia subtilior est & ad motum habilior. *Iniqua.*) Improbas, scēdas atq; molestas. *Quicquid.*) Omnem capitis immunditiem & sordē. *Defendit.*) Tuetur, obuoluit & contegit. *Sylua.*) Copia. Sylua proprie dicitur quæ cedua est, et si succisa fuerit, rursus ex stirpibus aut radicibus renascitur. Et metaphoricæ quia sylua ex frequentibus & copiosis constat arboribus, hinc etiam pro aliarum rerum congerie, copia & multitudine accipitur. Et aliquando pro subito illo scribendi genere quod quadam festinādī uoluptate defluit, estq̃ uelut prima materia, cuiusmodi sunt syluæ Statij Papinij, quas ipse sic quoq; descripsit, An hos libellos, qui mihi subito calore, & quadā festinandi uoluptate fluxerant, cū singuli de sinu meo prodijissent, congregatos ipse dimitterem.

Præ

Aqua maria.

Aqua facit
marina æqui-
ualens.

Lendes.

Sylua.

PRVRIGINI PAPVLIS. ET

SCABIEI ARCENDIS.

CAPVT VI.

ILLOTVS sudor, uel copia nobilis escæ
Sæpe graui scabie correptos asperat artus.

PRVRIGINI.) Prurigo (inquit Galenus) Aphor. lib. 1.
pruritus quidam est cum paucō dolore. Pruri Aph. 24.
tus autē mordicatio est ex superfluo corrupto Prurigo.
& putri pituitoso aut bilioso humore ad par Pruritus.
tes cutis deducto generata. Et à scabie (ut Auicenna di Scabies.
cit) differt in hoc, quod cum pruritu non sunt bothor Libro 4. fen. 7
sicut in scabie, quoniam ipsa est à materia subtiliore et mi Tract. 1. ca. 6.
nus declinante ad faldedinem. Papulis.) Scilicet maiori-
bus, & quas Græci ἀγρία, id est feras appellāt. Sunt enim
& leues dictæ papulæ, de quibus postaget Serenus cap.
11. sub nomine impetiginis: sunt quæ cutis passiones, sed a-
pud diuersos diuersis etiam nominibus appellatæ. Qua-
re clarioris notitiæ causa, non ab re fuerit talium discrimina
longius prosequi. Itaque cutis passiones denotantia
plura sunt nomina: ceu lichen, lepra, (accipiendo lepram
in eo significato quo Græci, nō quo Arabes & medici iu-
niores accipiunt,) papula, impetigo, psora, & id genus
alia. Vnde sciendum, quas Paulus Aegineta, Galenus et
Græci omnes uocāt λειχήνας, has Celso esse papulas: qua-
rum bifida est ratio, Nam aliæ maiores & ἀγρια, aliæ le-
ues. De prioribus sub eodem papularum nomine agit
Serenus capite præsentis: de alijs uero capite ut dictum est
undecimo sub nomine impetiginis, sub quo etiam deli-
chenibus & papulis agunt Niccolus & Gentilis. Auicen Impetigo non
na uocat impetiginē non excorticatā, nam excorticatam excorticata.
quoque facit. Vulgo uolatica dicitur. Et quam Græci λέ- Volatica.
πρα, (nam apud Arabes & medicos iuniores eum signi Lepra.

Elephantiasis.
Impetigo.
Impetigo ex-
corticata.
Pfora.
Albaras nigra.

Impetigo.
Lichen.
Zerna.
Serpigo.
Papule.

Lichen.
Lepra.

ficat morbum, quem Græci et eruditiores, ut Celsus et Sere-
nus ac Plinius *ελιφαντιασιν* uocant: in quo non modo cu-
tis sed & caro & ossa afficiuntur, estque uulgo notissimus,
de quo post Serenus aget capite decimo.) Quam Græci
inquam lepram, illam Celsus impetiginem, Auicenna im-
petiginē excorticatā uocat. Pfora uero natura haud mul-
tum à lepra distat, & ab Auicenna albaras nigra uocatur.
Arabes enī *الوبار*, baras interpretatur, quod uel Rasis te-
stimonio comprobatur libro *Cōtinentis* 25. ubi autoritate
Galenī dicit Cātharides unguū baras sanare si de eis fiat
illinitio cum cerato: hoc autē unguibus pforā patiētibus
medicari scribit Gal. de simplici medicina lib. 11. Adpro-
bāt dicta, tū remedia quibus hijs morbis medicatur, tum
horū definitiones, quas etiā maioris notitię causa longius
adscribere non pigebit. Inquit Cassius Fœlix, ut refert Si-
mon Genuensis, Impetigo, Græci *λεχθινας* dicunt, Latini
Zernas. Nascuntur ex melancholico humore rotūdo sche-
mate, id est figura, in superficie cutis cū ingenti pruritu et
asperitate: atque ubi id malum serpere cœperit, serpigo dici-
tur. Depapulis Celsus libro 5. eadem, ait enim: Papula-
rum duo genera sunt. Altera est in qua per minimas pu-
stulas cutis exasperat & rubet, leuiterque roditur, medium
habet paulillo leuius, tarde serpit: idque uitium maxime
rotundum incipit, eademque ratione in orbem procedit.
Altera autē est quam *εγρια* id est feram Græci appellant:
in qua similiter quidem sed magis cutis exasperatur, exul-
ceraturque: ac uehementius & roditur & rubet, interdum
etiam pilos remittit: quæ minus rotunda est, difficilius
sanescit, nisi sublata est, in impetiginem uertitur. Sed le-
uis papula, etiam si ieiuna salua quotidie defricatur, sane-
scit: maior commodissime murali herba tollitur, si sub ea
detrita est. Galenus item in libro cui titulus *ὁροι ιατρικοί*, id
est, definitiones medicinales, Lichen, ait, est asperitas cu-
tis cum magno pruritu, Lepra uero est transmutatio cu-
tis ad contrarium naturæ habitum cū asperitate, dolore,
atque

atq; pruritu & squamarum resolutione, et quãdoq; unã, quandoq; plures corporis partes depascitur. At Celsus *Impetigo.* de impetigine multa libro 7. ubi quatuor eius genera ponit, quibus cutis duritiem & asperitatem cum rosione & squamulis tribuit, quemadmodum etiam omnia in pedibus oriri tradit & manibus, atq; ungues quoq; infestare, *Vngues leprosi.* quos & Plinius item sæpius leprosos nominat. Quibus manifesto apparet impetiginem apud Celsum nihil aliud esse quàm lepram à Græcis dictam. De psora uero quod *Psora.* ob naturę cognitionem parũ à lepra distet, testis est Paulus Aegineta dicens, Lepra & psora sunt in superficie cutis asperitates cum pruritu & resolutione ex melancholico humore ortum habentes: sed lepra quidem cutem *Lepra.* profundius depascitur, in orbem procedēs atq; in ea quædam ueluti squamulæ resoluuntur: psora uero magis in summo consistit, uarijsq; modis figuratur, & furfuracea corpora abijcit. Auicenna Fen 7. libro 4. Et de impetigine est excorticata propter uehementiã siccitatis, & multitudinem profundationis, & est sicut albaras nigra & sicut cortices: & de ea est non excorticata. Et de impetigine est ambulatiua maligna, & de ea est stans. Idem libro & Fen dictis tract. 2. cap. 9. Albaras nigra, est impetigo excorticatiua, & est scabiositas accidens cuti, aspera, uehemens, & facit squamas sicuti piscium cum pruritu, et est propter humorem melancholicum imbibentem de eo quod est iuxta ea imbibitione fortiore, quàm in colore imprimat tantum. Hñs itaq; simul collatis, satis cõstat dictorum ab initio ueritas, uidelicet terminorum inter se concordia & dissidium. *Scabiei.* Scabies cutis infectio est, & ut Celsus ait, durior cutis rubicundior ex qua pustulæ oriuntur, quædam humidiores, quædam sicciores: exit ex quibusdam sanies, fitq; ex hñs continuate exulceratio pruriens: serpitq; in quibusdam cito, atq; in alijs quidem ex toto definit, in alijs uero certo tempore anni reuertitur. Quo asperior est, quoq; prurit magis, eo difficilius tolli-

Scabiei causa
sudoris sordit-
ies.

Sudor.

Probl. lib. 2.

Sudoris modi.

Hemitybium.

Heliosis.

Psammismos.
ἡμίμος.

ἑρπὴς ἰσχυρὴ.

Sudoris exu-
perantis ratio.

tur: itaq; eam, quæ talis est, ἀγρία, id est feram, Græci ap-
pellant. *Illotus sudor.*) Scabiei curam traditurus autor,
morbi causas præmittit: e quibus una est sudor, qui dum
non abluitur neq; detergitur, in sorditiem conuertitur,
quæ deinde acredine sua & salsedine quam à sudore con-
trahit, cutim erodit & scabiem facit. Est autem sudor, ut
Aristoteles ait, excrementi cuiusdam secretio. Et ut Aui-
cenna dicit, sanguinis aquositas, cui pus cholicum est
admixtum. Et Galenus de sanitate tuenda libro 1. sudo-
rem dicit esse corporis excrementum halituosum, quod
foris in corporis summo per cutis poros atq; meatus e-
mergit atq; excernitur: à quo excremento originem ha-
bent sordes quæ circa omnium cutim semper acervantur,
Porrò sudorum aliqui per se & sponte, non arte parati,
emergūt & profluunt, & hoc ubi uirtus est ualida, super
fluame euacuare potens humiditatem, ceu fit in crisi et die
bus criticis, quando & optime iudicium fit. Vel ubi uir-
tus est imbecilla & corporis constitutio est praua: quod
euenit aliquando plethoricæ copię ratione, interdum
uero ob cibi ac potus exuperantiam & ingurgitationem.
Et qui hijs modis fiunt sudores, affectarum partium eua-
cuant humiditates. Aliqui uero ex uiolentis proueniunt
causis & arte parantur: & id etiam duobus fit modis, aut
enim balneo siue sudario, quod hemitybium Græce uo-
cant, prolicite: aut sicco calore, qualis est qui in solatione,
æstiuoq; calore secernitur atq; paratur, heliosin hanc uo-
cant: aut qui clibani & furni æstu elicitur. Item qui harena
mouetur calida, & à Paulo Aegineta psammismos uo-
catur, quod ἡμίμος harena sit est sabulum. Adhæc qui
exercitatione, aut labore, aut frictione, aut quoquo mo-
do aliter citra balnei uim mouetur aridus sudor, quæ ἑρπὴς
ἰσχυρὰ dicunt Græci. Et hi sunt modi quibus sudores
fiunt. Sed quod exuperat aliquando, hoc euenit aut cor-
pore rariore laxioreq; existente, aut materie abundantiā,
eiùsue subtilitate, aut uirtutis expultricis uehemētia, seu
reten-

retentricis imbecillitate. Cæterum in qua parte corporis sudor est multus & superfluens, siue calidus siue frigidus is fuerit, ibi significat morbum. Et sudor multus ex somno factus absq; causa manifesta, corpus uti pluri cibo significat: si uero cibum non accipienti hoc accidat, scire oportet quod euacuatione indiget, autore Hippocrate aphorismorum lib. 4. Vbi Galenus ait, Quod in præfenti aphorismo docetur, in uerbo Multus adiecto maxime existit. Si enim sudor multus non esset, posset & propter uirium imbecillitatē et corporis raritatē accidere. Ipsius uero multitudo, altera duarum causarum fit, uel propter ciborum qui sunt recenter assumpti immoderantiam, uel illorum qui antea. Quod si propter recenter assumptos, prohibere oportet ne plures assumant: quod si propter prius assumptos, euacuare. Sed de sudore nunc satis superq;. *Copia.*) Multitudo & usus superfluus, immodicusq;. Nam ubi multus ingeritur cibus, multæ etiam generantur superfluitates, quæ causa sunt non modo scabiei, sed & multarum aliarum quoq; ægritudinum. Nobis *Scabiei causa* *lib. 4. fen. 7.*
lis esse.) Hæc altera scabiei causa est. Dicitur autem cibus *cibus.*
Cibus nobilis. nobilis, qui præ lautus atq; opiparus ad uoluptates atq; delicias cum speciebus alijsq; rebus aromaticis & saporibus apparatus, qualis ferè nobilibus atque diuitibus in continuo usu solet esse. Verum huiusmodi ciborum usus frequentior & immodicus sæpiusculæ causa solet esse scabiei. Cuius rei testis est uel Auicenna inquires: Scabies plurimum quidem generatur ab acceptione in commestione salforum & acutorum & amarorum & specierum quæ pro condimento sunt cibus acutarum & similium, *sæpe.*) Plurimum, non tamen semper. Possibile est enim aliquem continuo talibus uti cibarijs & copiose, & tamen nihilo setius corpus eius talis esse constitutionis aut exercitijs, ut ab eisdem affici non possit, imò potius huiusmodi superflua consumendo, iuuari aptū sit. Non enim quod pluribus ceu otiosis accidit, idem alijs etiam omni

Lib. 4. fen. 7.
 Tract. 3. ca. 6.

bus exercitio utentibus accidere oportet.

Ergo lutum prodest membrís adhibere fricatis

Quod facit ex asino siccatus corporis humor.

Nec pudeat tractare fimum quem bucula fudit.

Lutum.) Fimum, stercus, cuius uis est calfacere, siccare & discutere. *Fricatis.*) Scilicet mediocriter & ante medicamento impositionem: per frictionem enim corpus calefit & meatus aperiuntur, sicq̃ præparato corpore medicamento uirtus facilius penetrat & suscipitur, efficaciusq̃ effectum suū exercet. *Ex asino siccatus corporis humor.*) Hoc est, Asini excrementum siccum per aluum redditum unā cum urina sua commixta, quod fimum appellatur. De cuius medico effectū Plinius sic etiam tradit: Scabiem hominis asinina medullæ maxime abolent. *Vrina* eiusdem cum suo luto illitæ. *Bucula.*) Bucula cum simplici c. parvus bos est seu uacca. Vergilius Georgicon libro 1. Aut bucula cælum Suspiciens patulis captauit naribus auras. Et Georgicon. 4. Aut errans bucula campo Decutiat rorem. Et huius fimus eadem ratione qua aliorum scabiei prodest. *Buccula* uero per duplex cc. diminutiuum est à bucca, quæ aliquando pro ore accipitur, aliquando uero pro oris lateribus. Cicero: Et quicquid in buccam uenerit, ad te scribam. Horatius, ut Iupiter ambas inflatus buccas. Sunt autem, ut Plinius ait, infra malas hilaritatem risumq̃ indicantes buccæ.

Stercoris ex porco cinerem confundito lymphis,

Sic pauidum corpus dextra parcente foueto.

Stercoris ex porco cinerem.) Hoc est, puluerē fimi suilli. Porcus enim suem significat, estq̃, ut Varro rei suæ rusticæ libro 2. scribit, Græcum nomen antiquum, sed obscuratū, quod nunc eum uocant χοῖρον. De cuius fimi medicina sic tradit Plinius, Pustulis suilli fimi cinis aqua illitus medicatur. Et exinde etiam scabiei in qua pustulæ sunt, ut dictum est. *Lymphis.*) Lympha dicitur aqua. Et inde uinū lymphatum

Fimus asini.

Lib. 28. c. 10.

Bucula.

Fimus bovis.

Buccula.

Buccæ.

Lib. 11.

Fimus porci.

Porcum.

χοῖρον.

Lympha.

lymphatum, hoc est aqua dilutum, & morbus lymphaticus, id est, aquosus, qui aqua intercus etiam & hydro-pifis dicitur. Quamuis etiam lymphati et lymphatici pro furore perculsis, uesanis & bacchabundis accipiantur. Vnde Vergilius lymphatam uocat reginam, pro mente commotam. Et Catullus in argonautica, Qui tū alacres passim lymphata mente furebant. Item à lymphā fit uerbum lymphor, quod est lymphatico furore corripio uesā numq̃ facio. Valerius Flaccus, Deus ancipitem lymphā uerat urbem. Priscianus, à lymphā uerbum fit lymphor. Nam quicunq̃ effigiem nymphae, à qua lymphā dicitur, uiderit, furere non cessat. Quos Græci Νυμφολήπτοις, Latini lymphatos uocant. Plinius fatuos, & animos uocat lymphantes libro 27. cap. 12. dū ait, Natrix uocatur herba, cuius radix euulsa uirus hirci redolet. Hac in Piceno à scæminis abigunt, quos mira persuasione fatuos uocant. Ergo species lymphantium hoc modo animorum esse credimus, qui tali medicamento iuuentur. *Pauidum.*) Timidum, formidulosum. Corpus enim ulceratum ad leuem quidem tactum, deinde etiam ad suspicionem tactus condolefcit & expauescit. Dum enim refricatur & pustulae uelluntur, ad uiuamq̃ carnem dilacerantur, dolor quidam inducitur, cuius impatiens, pauidum ac timidum formidulosumq̃ redditur, fricationem et ortum inde dolorem expauescens. *Dextra parcente.*) Manu leuiter tangente, et ita ut pauci sint manuum circumactus, qui nullo compressu sint graues, & modice celeres, sed blande innitantur, medium inter molle & durum seruantes modum, quatenus neq̃ coactum constrictumq̃ corpus sit, neque ultra quàm par est laxum remissumq̃ fiat, sed legitimum naturæ modum seruet: tum inducendum imponendūq̃ medicamentum. *Fouere.*) Fouere, calefacere est et calida, tum humida tum sicca corpori adplicare medicamenta. Inde q̃ fomenta dicuntur & fatus, calidorum et humidorum siue calidorum & siccorum ad corpus læsum appli-

Lymphatum
uinum.Lymphaticum
malum.

Lymphati.

Lymphatici.

Lymphor.

Νυμφος
λήπτοι.

Fatui.

Pauidum.

Fouere.

Fomenta.

Fatus.

Fomites.

cationes. Celsus libro 4. cap. 5. de dolore stomachi: Pro-
sunt sicca & calida fomenta. Idem libro eodem cap. 5. de
rigore & morbis ceruicis: Deinde opus est fomento hu-
mido & calido. Et hinc etiam fomites dicuntur, flammæ
nutrimenta, & assulæ ex arboribus, & scintillæ ex ferro
candenti malleis excussæ.

Proderit ex oleo puluis, quem congerit altum
Dulcibus è latebris patiens formica laborum,
Conuenit hinc tepido lita tradere corpora solî.

Oleum.

*Puluis acerui
formicarum.*

Formica.

Oleo.) Præsertim omphatio, seu quod ex oleastro fit, quod
maiore adstringendi vi est & abstergit, fursuresq; & ma-
nantia capitis ulcera, scabies & lepras exterit, ut autor est
Dioscorides. *Puluis.)* Hoc est, aceruorum à formicis è ca-
uernis suis egestorum terra puluerulenta. *Altum.)* No-
men est aduerbii uim obtinens. *Dulcibus latebris.)* Szaui-
bus cauernis et domicilijs, quibus hyeme conduntur et à
frigoris uiolentia defenduntur. *Patiens formica laborum.)* Fre-
quens & assidua, laboriosaq; in opere. Horatius, Exemplo
est nobis magni formica laboris, Ore trahit quodcunq;
potest, atq; addit aceruo. Plinius libro 11. cap. 30. de sedu-
litate illarum inter alia sic inquit, tam in opere qui labor?
quæ sedulitas? filices itinere earum attritos uidemus, & in
opere semitam factâ, ne quis dubitet qualibet in re quid
possit quantulacunq; sedulitas. Apuleius libro 2. fini aurei
sexto, ipsam ruricolam uocat, quasi ruris cultricem diuti-
nam & operariam sedulam, cum ait, Tunc formicula illa
paruula atq; ruricola certatim difficultatis tantæ, labo-
risq; miserta. *Tradere soli.)* In solare, & æstiuo calori, sola-
ribusq; radijs exponere, ut malus humor deficcetur &
discutatur.

Feruentes papulas sapyro curato liquenti,
Aut acido baccho miscebis farra lupini,
Atq; hoc in calido percurres membra lauacro.

feruentes papulis.) Ardentes: pruritu enim ſcuiunt acu- Papule.
 runt. Vergilius georgicon libro 3. Ardentes papulæ atq; Lichenes.
 immundus olentia ſudor Membra ſequabatur. Galenus
 αὐχίνας uocat, quæ ſi diu perſeuerauerint, tandem in le-
 pram conuertuntur, in qua maior eſt cutis ſorditas & de-
 ſquamatio quàm in lichenibus. *Sapyro liquenti.*) Succo Sapyrus.
 liquido herbæ ſapyri, Sapyrus, ut exponit Pandeſtarius;
 eſt brionia, ſiue ut aliqui codices habent, duabus ultimis
 detractis literis, bryon. Vtrunq; enim in diuerſis codi-
 cibus ſcriptum repperitur. Verum utcunq; ſit, certum
 eſt utraq; re papulas & congenera cutis mala paulò ante
 tractata ſanari. Siquidem brioniam & præſertim ſemen
 ipſius pſoris & lepris utiliter inungi & emplatri modo
 imponi tradunt Plin. & Dioſcorides: bryon uero ſimili
 modo adhibitum lichenas ſanare teſtantur iſdem. Porro
 quid bryon, quid brionia, paulò altius repetendū. Itaq;
 brionia duarum eſt ſpecietum: Vna, quam ampeloleu- Brionia.
 cen Græci, Arabes feſceram, Latini uitem albam uocant: Ampeloleuce.
 cuius ſarmenta longis & exilibus internodijs geniculata Feſcera.
 propinquos frutices & arbores implicando ſcandunt & Vitis alba.
 clauiculis apprehendunt: folia pampinoſa ad magnitu-
 dinem hederæ diuiduntur ut uitium, pilioſiora tamen: ra-
 dix, quam quidam cucurbitā reptilium uocant, alba eſt Cucurbita rep-
tilium.
 et grādis raphano ſimilis initio, ex qua prima informatio
 ne caules aſparagi ſimilitudine exeunt, cuius ſuccus ante
 ſeminis maturitatem colligi debet: ſemen in uua quam Vua lupina.
 lupinam uocant aliqui, raris acinis dependent, ſucco ru-
 bente, poſtea croci, quo coria depilātur. Altera eſt quam Ampelos mela.
 Græci ampelon melan, Arabes feſcereſin, Latini uitem ni- Feſcereſis.
 gram dicunt: ſimilis priori præterquam colore: ſemen Vitis nigra.
 nigrum, aſparago ſimile: radix foris nigra, intus buxæo
 colore: naſcitur maxime in frutetis & arundinetis. Am-
 barum folia, fructus & radix acrimoniā habent, meden-
 turq; ſcabiei, lichenibus, id eſt papulis et impetigini, ac re
 liquis conſimilibus cutis malis inuñcta. Verum alba ma

*Bryon.
Muscu.*

Lichen herba.

Hepatica.

Eupatorium.

ioris efficaciz est in hoc quàm nigra. Hactenus de bryonia: nunc de bryo. Est autem bryon muscus, & hic in triplici differentia. Vnus qui in arboribus. Alius aquaticus quo lapides in fluminibus uestiuntur & muscantur, ut Columellæ uerbo utar. Tertius est herbosus, qui in saxis humectis & umbrosis locis nascitur, estq; aquatico illo crassior & procerior, & tum à Græcis tū à Latinis quod cognomini malo medetur lichen uocatus: de quo sic tradit Diosco. Lichena petris adhærentem sunt qui bryon, id est, muscum, Romani pariter Græcis lichena dicunt. Muscus roscidis petris adhærens lichen est. Hic emplastri modo impositus sanguinis eruptiones sistit: inflammationes compescit & lichenas sanat. Inungitur idem utiliter ex melle ictericis: & in os linguâq; destillationes cohibet. Hæcille. Plinius duplicē lichena faciens lib. 16. cap. 4. de eisdem inter alia lichenis mali remedia sic scribit: Lichen uero herba hijs omnibus præfertur, inde nomine inuento. Nascitur in saxosis folio uno ad radicem lato, caule uno, paruo, longis folijs dependentibus: hæc delet & stigmata. Teritur cum melle. Est aliud genus lichenis petris tantum adhærens, ut muscus, qui & ipse illinitur. Hic & sanguinem sistit uulneribus instillatus, et collectio nes illitus. Morbum quoq; regium cum melle sanat ore illito & lingua: qui ita curantur, aqua salsa lauari iubentur, ungi oleo amygdalino, hortensibus abstinere. Hactenus Plinius de lichene, cui uis est mediocriter siccans et refrigerans, extendoq; purgans et abstergens. Hæc quod hepatis utilis esse debeat comesta, nunc hepaticam uocāt, sed falso, non enim hepatis utilis est, quamuis ictericis qui plurimum hepatis uitio laborant, medeatur. Non enim intus sumpta cum melle morbum ipsum tollit, sed extra potius illita colorem naturalem ipsis restituit. Verum si qua herba est quæ ob excellentem iuuandi hepar proprietatem, hepatica dici debeat, tunc illam eupatorium esse dixerim: non quidem illā quæ passim in fossatis nascitur,

&

& nunc pro eupatorio accipitur, sed eam quam nunc, licet falso, agrimoniam appellamus: cuius semen & herba *Agrimonia.* ipsa utiliter bibitur cum uino iocinorosis, teste Dioscoride. Nam, ut sexto de simplici medicina tradit Galenus, hepatis bona est, & obstructions eius expurgat, ipsumque confortat. Et idem in libro de antidotis, affectum hepatis saepius hac herba efficaciter adiutum asserit. Sed de hoc tantilla sufficiant. Demum ne id præteream, scriptus qui mihi est codex, non Sapyro, sed Oleo scriptum habet. Quæ lectio minus mihi arridet, quoniam uti Galenus tradit, *Oleum.* oleum per se inimicum est ulceribus, in papulis uero exulceratio est, quæ cum exiccatione indigeat, & oleum per se tale non præstet, sed contrarium potius, inutilis etiam erit eius administratio. *Acido baccho.* Vino acetoso & *Acetum.* aceto ipso uini, quod ut Dioscorides tradit, ad lepras & lichenas facit, cum aliquo eorum, quæ his malis accommodata sunt, mixtum. Et Plinius libro 23. cap. 1. Contra lichenas, inquit, & bibitur & imponitur. *Farralupini.* Farinam lupini. Far antiquitus de omni fructu dicebatur, *Far.* quoniam id terra ferat. Et ab eo farina dicta est. Lupinus *Lupinus.* autem leguminis genus est, compressæ figuræ, amari saporis: quod, ut Plinius libro 18. cap. 14. tradit, cum sole, heliotropij more, quottidie circumagitur, horasque agricolis etiam nubilo demonstrat. Huius medicam uim, quam hic tradit Serenus, comprobatur Plinius libro 22. cap. 25. dicens, Lupinorum farina aceto subacta, papulas pruritusque in balneis illita cohibet, & per se siccatur ulcera. Dioscorides uero lupinorum farinam simpliciter cutem purgare, & ipsos in cælesti aqua decoctos usque dum in succum lentescant faciem exterere dicit, papularum uero eruptiones utiliter foueri decocto eorum, sed additis pipere & ruta. *Percutres.* Perduces, peruolues atque perunges. *Laua-* *Lanacrum.* *stro.* Balneo, Lauacrum locus est ubi lauantur homines; balneum.

Pruritus autem salios leuat humor aceti,
Siue maris rapidi sudor, cochleæq; minutæ,
Quarum contactu perimetur acerba libido.

- Pruritus salios.* *Pruritus salios.*) Hoc est, ex humore acri & salso generatos, materia enim ex qua fit pruritus, phlegma est, siue pituita, non omnis, sed quæ acredine & falsedine participat. Sunt enim plures pituitæ differentiæ. Verum pituita, ut Auicenna finit prima primi, sanguis est incoctus. Sed melius Galenus libro 1. præsagiorum Hippocratis, Pituita, inquit, excrementum est semicocti alimenti. Et de locis affectis libro 3. cap. 5. ait: Cum simpliciter dicimus, pituitosos quidem eos nominamus, in quibus humiditas simul atq; frigiditas dominatur, quamuis magnæ peculia resq; interim differentiæ eius inueniantur. Pituitæ enim unum genus est, quod quotidie uel screando uel uomen do uel emungendo educitur, uaporofo scilicet spiritu pleno, ut ne sensum quidem lateat, ipsum esse dissimulare. Aliud uero genus, simile quidem uidetur, licet fortasse non sit, qualis est crudus humor, qui in urinis substat, à Praxagora uitreus appellatus. Atq; ex hoc genere esse uidetur saliuæ, quæ neq; fluida admodum est, neq; aquosa. Verum saliuæ non unica duntaxat qualitate gustum afficit, nedum uniuersa pituita. Sæpenumero enim & acrem & acidam & falsam in ore saliuam manifeste deprehendimus, ueluti cum sani degimus, nulla qualitate infecta sed perinde quasi aquosa, saliuæ gustui offertur. Item de differentijs febrium libro 1. cap. 6. tradit se & eos qui Hippocratem imitari, & tum ueterum tum aliorum scriptorum consuetudinem seruare uoluerint, pituitam appellare humorem, quisquis in corpore frigidus simul & humidus fuerit. Cuius plures sunt species. Vna multum frigida, quæ calido conclusa loco, maximos ac uehementissimos dolores concitet: & talis humor fuso uitro similis uidetur. Altera uero species pituitæ, est quam excreantes sæpe ex-
- puunt

puunt quidam, sensibilem obtinentem dulcedinem: & hæc haud exacte frigida est. Tertia autem species est, alia quidem ipsis expuentibus acida apparens, quæ minus quàm uitrea, magis quàm dulcis frigida est: quemadmodum altera salsa habetur, aut ob putrefactionem, aut ob permixtionem falsæ serosæ humiditatis. At uero uitrea pituita forsità acidæ qualitatis particeps est, ita ut omnes differentię tres existant: acida, dulcis, salsa. Verum uitreum humorem idem Galenus de locis affectis libro 1. sic dictum tradit à Praxagna, eo quod fuso uitro tū colore tū substantia haud abfimilis sit, et quia frigidissimus existat: hoc aut quod frigidissim⁹ est, haud obscure percipi sensu tactus, tum ipsorum qui illum excernunt, tum aliorum quoq; qui conestim ipsum tetigerunt. Sed de pituita & differentiis eius ex Galeno hætenus. Ex quibus quinque distinctæ inuicem pituitæ species sic colliguntur autore Ioānitio. Vna quæ salsa est cæteris calidior & siccior, cholericō humore infecta. Altera dulcis, humectationi & calori attinēs, humore sanguineo infecta. Tertia uero acris & acida, frigida & sicca, humore infecta melancholico. Quarta, uitreus dictus humor, qui ex magna frigiditate & coagulatione nascitur. Quinta autem, quæ nulla qualitate affecta & saporem non habens, propriam retinet frigiditatem & humiditatem. *Leuat.*) Tollit, discutit & sanat. *Humor aceti.*) Acetum, quod autore Dioscoride, pruritus lenit & reprimat ac discutit. Aceto enim, ut Plin. tradit, cum summa uis sit in refrigerando, nō tamen minor est in discutiēdo. *Maris fudor.*) Hoc est, maris spuma, quæ in extremis littoribus maris ac scopulis relicta inuenitur uirtutis siccæ detergentis & mundificantis. Auerrois, Spuma marina uirtutem habet absterfuam & mundificatiuam cū qualitate calida, quibus uiribus, pruritus, psoriasis, lichenibus et similibus medetur affectib⁹. Et quod hic cōtra pruritū de maris spuma traditur, id Dioscorides et Plin. cōtra eosdē pruritus & psoras & lichenas de maris

Acetum.

Spuma maris.

Maris fudor.

Spuma.

aqua testantur. Porrò quia de spuma nunc agitur, sciendum spumam quamlibet ex duarum substantiarum permixtione consistere: altera aëria & spirituosà, altera humida & pituitosa: mixtio autem earum fit, ambabus in multa perfractis, & multis mutuo complexu paruis ampullis ab ipsis effectis. Ambarum uero substantiarum confractum & mixtionem facit nonnunquam motus uiolentus uel utriusque uel alterius tantum, ut in mari ex uehementi & uiolento uentorum afflatu in multas & exiguas partes attrita aqua: nonnunquam uero caliditatis copia & fortis calor id efficit, ut in polentis atque lebetibus. Et hanc duplicem spumæ generationem non solum in exteris rebus, uerum etiam in animalium corporibus inuenire licet. Cum enim adsunt ex morbo comiciali conuulsiones, uehementia motuum solet spumam generare. In capris uero ira percitis, calor. In equis autem currentibus utraque causa uigorem habet. Cæterum spuma solutu difficilis fit, aut ratione humoris, aut ratione humoris simul & spiritus. Quoties enim is qui perfringitur & quo spiritum circumplectente ampullas contingit generari, tenacem habuerit humor consistentiam, non facile solubilis sed stabilis perficitur spuma. Potissimum autem quoties ambo concurrunt, tum humor qui spiritum intra se claudit, crassus ac glutinosus, tum aër seu spiritus etiam qui includitur turbulentus ac nebulosus. Autor Galenus in expositione aphorismorum & prognosticorum Hippocratis. *Rapidi.*) Aestuantis, furiosi, truci et uesani. Horatius, Qui fragilem truci commisit pelago ratem. Catullus, Rapidum salum tulistis, truculentaque pelagi. *Cochleæ minutæ.*) Idem testatur Plinius libro 30. cap. 3. dicens: Sedant pruritus cochleæ minutæ latæ corritæ illitæ. *Contactu.*) Attactu, approximatione & illinitione. *Acerba libido.*) Grauis & molesta scalpendi fricandi que cupiditas, quam pruritus inducit. Est autem libido generale uocabulum omnis cupiditatis, autore Augustino. Plinius libro 17. cap. 19, Neque enim anima

Cochleæ.

Libido.

animalium tantum est ad coitū auiditas, sed multo maior est terræ ac satōrū omnium libido, qua tempestiue uti plurimum interest conceptus, peculiare utiq; in infitis, cum sit mutua cupiditas utrinq; coeundi.

PHRENESI ET CAPITI

PVRGANDO.

CAPVT VII.

EX uitio cerebri phrenesis furiosa mouetur,
Amiffasq; refert frendens amentia uires.



PHRENESI.) Per phrenesin intelligit omnem mentis uacillationem & alienationem, in sanisq; genera omnia. Sunt enim plura ipsius genera, præcipua tamen phrenesis, mania & melancholia. Quorum phrenesis proprie cerebri passio est, principales actiones eius lædens, mentemq; commouens & insanire faciens, à pallida seu flaua bile proficiens. Suntq; differentię ipsius, ut tradit Galenus de locis affectis libro 3. cap. 1. simplices quidem duæ, & ex his composita tertia. Quippe sunt phrenetici quidam, qui de his quę oculis offeruntur, recte (quantum ad sensitiuam notitiam, et imaginandi potentiam pertinet) iudicant, cogitando uero et discernendo à naturali iudicio aberrant, animoq; desipiunt. Alij contra cogitatione & mente quidem non falluntur, sed imaginatione & sensibus difformiter mouentur. Tertij uero sunt qui ubi mens imaginibus addita est, simul & sensus & cogitationis uitio laborant, & talium perfecta est phrenesis. Aliud insanę genus est Mania, cerebri etiam uitio contingens, furorem & ferina deliramenta inducens: taliter enim affecti, audaces, præcipientes, tumultuosi & cōrumeliosi fiunt. Cuius causa est flaua bilis in cerebri corpore abundans, præassata ta-

Phrenesis.

Phrenesis species.

Mania.

Melancholia.

men & ad atræ bilis naturam accedens. Tertium cerebrũ uitium & insanix genus est, quod ab atra bile seu melancholico, frigido turbidoq; humore contrahitur, & melancholia appellatur, à Paulo Aegineta sic definitum, ἡ μελαγχολία, παραφροσύνη τίς ἐστιν αἰὲν πυρετοῦ ἐπὶ μελαγχολικῷ μέλιστα χυμῷ γενομένη, hoc est, Melancholia est insanix quædam sine febre à melancholico maxime humore proueniens. Et taliter affecti melancholici dicuntur, quorum præter naturam uisa nõ semper eodem genere continentur, uariæq; sunt ipsorum imagines, timorq; nunquam illos deferit, sed timent omnes, mœrēt, uitam damnāt, et odio habent homines, de quibus plura Galenus libri tertij de locis affectis siue de interioribus capite sexto. Et hæc de insanix generibus quatenus propria primariaq; cerebri affectione fiunt. Nunc de his quæ non primo & per

*Alienationes
per consensum.*

seipsa sed per compatiendi rationem fiunt, quales sunt alienationes et deliria in febribus accidentia, quæ nec maniam, nec melancholiã aut phrenesim, sed paraphrosy-

Paraphrosyne.

nen potius nuncupamus. Estq; delirium tale acutissimæ febris accidens, ex multis calidis ad ipsum cerebrum elatis uaporibus proueniens, unde etiam talium affectus subito accidunt & quiescunt, & quoties morbus declinat, delirium quoq; mitigatur, quod non fit in alijs. Mania enim & melancholia citra febrem accidunt, phrenesis uero quamuis cum febre sit, eius tamen delirium, etiam febrium mitigato uigore, non quiescit. Phreneticis enim, febris, unum quoddam accidens dispositionum cerebri censetur, nec subito etiam nec affatim, sed paulatim & accidit & quiescit hic affectus, & antequã inualescat, ipsum non pauca præcedunt accidentia, phrenetica uocata indicia, quorum copiosius meminit Galenus libro 5. de locis affectis. Vbi etiam docet quomodo phrenesis dignoscatur à delirio, quod ob septi transuersi affectum accidit, & à phrenesi non multum distat, iugiter enim infestatur, quod ob nullius alterius partis uitium fieri solet : atque

adco

*Delirium à
septo transuer-
so.*

adeo continuum delirium id est, ut hac parte inflammatione affecta phreneticos euadere putauerint ueteres, quare eam *φρενας*, hoc est, mentem appellauerunt, tanquam sapiēti parti quid acciderit. Est et aliud delirij genus quod ob oris uentriculi uitium accidit, uidelicet, ubi uitiosus humor in eo exaugetur aut neruosa partes inflammantur. Solet enim neruosis partibus inflammatis proptius quam reliquis, delirium superuenire, id quod ascendente ad caput interdum per continuas partes solo calore, interdum uero spiritu uaporoso, uel fumoso, aut fuliginoso. Adhuc sunt & alia quibus per consensum caput afficitur, delirio rum causa, quas Serenus in textu recenset, de quibus suo loco mox dicemus. Demum solet à uentriculo proficisci *Hypochondria* hypochondriaca flatuosa quod præcordiorum uocata affectio, *ca affectio*, quam melancholica tristitia, desperatio & moestitia sequitur, & quæ ad melancholiæ accidentia nihil reliqui facit. In huiusmodi autem affectu, uidetur quidem in uentriculo ipso esse inflammatio: sanguis autem in parte inflammata contentus, & crassior & atræ bili magis conformis: unde sublata ad cerebrum ab atræ bile euaporatione, melancholica eueniunt in mente accidentia, ceu metus & moestitia. Sed de hijs nunc satis. *Capiti.*) Cerebro, cuius phrenesis proprie affectio est, & reliqua insaniam delirijque genera ad idem referuntur. *Purgando.*) Emundatio, euacuatio & sanatio. Differt autem ab euacuatione purgatio: quoniam hæc proprie alienæ materiæ & humorum qui sua qualitate molestant & affligunt, eductio est. Euacuatio autem ubi propria materia quantitate exuperans & humores omnes æqualiter uacuantur. *Ex uitio cerebri.*) Hoc est, propter cerebri affectum et actionum ipsius lesionem. *Phrenesis.*) Huius dictionis penultimam alij breuē, *Phrenesis penultima syllaba* ut hic Serenus, alij uero longam proferunt. Iuuenalis: *penultima syllaba* Cum furor haud dubius, cum sit manifesta phrenesis. *Maro.* *anceps*. *Desipientia* *Puriosa.*) Quæ furit seu furorem insaniamque facit. Nullus *omnis pericu-*

Lib. 6.
Aphor. 53.

Atra bilis du-
plex.

Humor melan-
cholicus.

enim furor, nulla insania, nulla desipientia non furiosa, nulla secura, nulla non periculosa est: alia tamen alia leuior est & securior: minus enim periculosa est, quæ cum risu est: periculosior uero, quæ serio fit & cum studio: & omnium periculosissima, quæ temeraria. Vnde Hippocrates in aphorismis ait, Desipientiæ quæ cum risu fiunt, securiores: quæ uero cum studio, periculosiores. Fiunt autem omnes (ut ibidem Galenus docet) patiente cerebro, siue primo & per seipsum, siue per compatiendi rationem. Differunt autem inuicem per causas ipsas efficientes. Alia enim ex sola fit caliditate sine humore uitioso, similis quodammodo ei quæ ex ebrietate contingit: alia uero ex flaua bile, cum studio perficitur: alia uero satis furiosa ex flauabile multum exusta, ut iam ad atræ bilis naturam accedat. Vbi animaduertendum est, quod atra bilis quædam ex flaua bile superassata gignitur, quæ omnino molestissima est. Quædam uero ex sanguinis fece, quæ crassior quidem est illa secundum substantiam, sed plurimum differens prauitate qualitatis. Et hanc quæ est ueluti fex sanguinis, cum quis proprie loqui uoluerit, nondum atram bilem, sed humorem melancholicum nominabit: ex nomine uero abusu & improprie aliquando atra bilis uocabitur: quoniam si non prius euacuetur, paulo post atra futura est. Mouetur.) Agitatur, concitatur, furit & insanit: seu causatur, oritur & generatur. Amittit uires.) Virtutes animales tum motus copotes tum imaginatiuam, cogitatuam & memoratiuam facultates deperditas. Refert.) Reuocat & renouat: id tamen apparenter solum: nam reipsa omnibus tum corporis tum animi uiribus sanis destituti sunt: quamuis aliquando et agiles et prudentes sibi uideantur cum tamen nihil horum illis firmum & sanum sit. Frenuens.) Fremens, tumultuans & stridens. Tales enim furore & rabie perciti, dentibus aliquando frendere solent: quo signo præsentem, mors haud procul abesse dignoscitur, uel Hippocratis testimonio præfagiorum lib. 1. cum ait,

ait,

ait, Si quis delirans dentibus strideat, admodum exitiosum iam est, hoc est, uti Gal. ait, ualde exitiosum, quod est quidem non multo post, sed cito moriturum ægrum. *Amentia.*) Dementia, furor, insania, alienatio, uehemens mētis commotio et perturbatio. Sic dicta ab A priuatiua particula, quasi sine mente, hoc est, sine consilio, discretione, & quo sapimus animo.

Siue calens febris iactatos exedit artus,
Siue meri gustus, seu frigoris efficit aura.

Calens.) *Ardens.* Est enim calida & sicca passio febris. Nā *Febris quid.* ad igneam natiue caliditatis conuersio. *Febris.*) Inter in *Febris insanie* sanie, quæ non primaria cerebri affectione sed per com- *causa.* patiendi rationem accidit, causas, una est febris ipsa. Et hoc bifariam: Primo quia per eam calidi uapores ad cerebrum ascendentes, ipsum perturbant & animæ actiones corrumpendo, furorem & insaniam faciunt. In confesso autem iam est tum apud medicos tum apud philosophos etiam summos, quod & humores & omnino corporis temperatura, animæ actiones uariare possunt: & quod animæ potentiæ, corporis temperaturam sequuntur. Et non modo febris, sed alij plurimi quoque morbi calidi & biliosissimi, phrenesim, insanias atque furores efficiunt, quando scilicet multos uapores ad caput transmittunt & eisdem cerebrum conturbant. Secundo, quia calor in febribus præsertim ardentibus & causone, omnium membrorum humiditates desiccatur atque consumit, per quarum & maxime earum quæ in cerebro sunt, consumptionem atque desiccationem, sæpius etiam desipientiæ contingere possunt, præsertim ubi uigiliæ adsunt. Vigiliæ enim, uti Galenus in *vigilie insanie causa.* aphorismorum expositione testatur, ex hijs sunt quæ maxime euacuant & exiccant, atque ideo desipientiam faciunt, immodicæ siccitatis ratione, & quia in longis etiam uigijs biliosior redditur sanguis. Ex quibus manifestum est non omnes insaniarum species à repletionē fieri, sed ali-

quando etiam ex defectu. *iactatos artus.*) Membra inquietata & hinc inde mota. Solent enim in huiusmodi febribus ardentibus & calidissimis, membra quoque inardescere, & inde inquietari, ex qua inquietatione inordinate mouentur & iactantur. Vbi uero febris non fuerit talis, & æger nihilominus membra non ex more componit, sed inæqualiter dispergit, hoc non inquietationis modo, sed & malitiæ signum est, teste Hippocrate præfagiorum libro 1. ubi inquit: Vbi pedes nudat æger, & hos non admodum calidos, ac ubi manus, ceruicem, & crura inæqualiter dispergit, malum est, & angoris, inquietationisq; signum. Et paulo post sic ait, De manuum motione huiusmodi notas perpende. In acutis febribus, in peripneumonia, phrenitide, capitis dolore, si quis manus faciei admouerit, ut inde quippiam superuacue uenetur, aut festucas carpatur, aut à ueste floccos, aut à pariete stipulas auellat, id omne malum & exitiale est. In phrenitide quidem quia princeps sedes affecta est, in alijs uero propter magnitudinem eorum. *Exedit.*) Depascitur, exhaurit & exiccat. *Merigustus.*) Hoc est, uini & præsertim meratoris potus et ingurgitatio. Quod autem uini potus desipientiam faciat et mentem commoueat, testis est uel Hippocrates in aphorismis dicens: Ex multa potatione, rigor & desipientia, malum. In cuius aphorismi expositione Gale. ait, Quod quidem multa potatio, non aquæ sed uini portionem significat, unicuique manifestum. Desipiunt autem ex talibus portionibus aliqui capite oppleto plurimo sanguine ac spiritu calido, ob hanc ipsam uero causam, & calidiores redduntur, præcipue quidem caput, sed & corpus uniuersum. *Frigoris aura.*) Hoc est, ær & uentus frigidus. Et hoc est quod Hippocrates tradit libro aphorismorum tertio dicens: Autumno uero & plurimi, uel æstiu morbi fiunt, & furores, & atræ biles. Quomodo autem id accadat, docet nos in eiusdem aphorismi expositione Galenus dicens, in autumno & æstiuorum morborum permultos fieri,

Vini potus in-
sanie causa.

Lib. 7. Aph. 7.

Frigus aeris, in
sanie causa.

ma-

manente adhuc æstiuo humore flaua bile scilicet in ipsos frigidum enim existit hoc tempus, & bilem ipsam æstiuo tempore exassatam excipit. Neq; , sicuti æstas ueri superueniens humores euacuat, ita & autumnus æstiuos: sed contrarium ex toto accidit. Nam ex partibus extimis, cu- tem duriores efficiendo & substantiam eius condensan- do, diffilari prohibet & ad intimas ducit: qui deinde in- rus detenti, & cerebri actiones lædentes, phrenitides & alia insaniarum genera efficiunt.

Conueniet calidis pecudum pulmonibus apte
Tempora languentis medica redimire corona.

Calidis.) Naturali calore adhuc præditi. Accipitur enim ex ouillo genere siue mas siue fœmina fuerit pecus, & iu- gulatur, semineciq; adhuc pectore aperto pulmo extra- hitur, qui extractus natiuo calore nondum extincto sed calēs adhuc capiti utiliter applicatur & imponitur. Non quod actuali illo calore membrum & cerebrum calefieri debeat, cum aliās sit nimis calefactum, sed quo meatuum capitis obstructions referando, faciliior uirtutis medica menti ad interiora fiat transitus. Si enim frigidus appli- caretur, cutem condensando, meatus occluderet, quo minus uirtus sua ad interiora penetrare posset, præsertim cum potestate frigidus sit pulmo & humidus, soporife- *Pulmonum na- tura frigida & humida.*
rusq; quibus uiribus maxime opus est in huiusmodi æ- gritudinibus calidis, teste Galeno qui, therapeutice libro 13. sic ait: In phrenitide, sopire ac stupefacere principem facultatem oportet, cerebrū scilicet quod supra modum incaluit refrigerando. Cæterū si talis cum natiuo calore pulmo haberi nō poterit, tūc coquēdo calefaciendus, qui habetur, in decoctione capitis & pedum suorum seu in aqua simplici, & sic calens capiti imponēdus, toties quo- ries opus fuerit iterando. Et dictæ decoctioni, si libitum fuerit, addi poterunt cortex papaueris albi, Hyoscyami, flores uiolarum, rosarum, nymphææ, & anethum. Et ha

iusmodi remedio plurimū utuntur tempore nostro medici Bononienses, & ego sæpius usum eius cōtulisse uidi.

Pecuu. *Pecudum.*) Ouium. Pecus pecoris seu pecudis, utrunque enim dicitur, proprie omne animal quod sub hominis imperio ē terræ pabulo pascitur, significat: quamuis aliquando etiam pro omni animali præter hominem accipitur, autore Capro grāmatico. In præsentia tamen pro ouilli generis animali accipitur. *Pulmonib.*) Pulmones multitudinis numero dixit, non quod plures sint in animali: nam unicum tantum habet unumquodque: sed quia diuisus in duas fibras, quemadmodum ungula bubula: quam diuisionem nos etiam tum ex hominis ac reliquorum animalium anatome, tum ex Aristotelis & Auicennæ, ut alios interim omittamus, testimonio agnoscimus. Aristotelis uerba, quæ libro de historiis animalium primo scribit, hæc sunt: Bipartitus pulmo omnium, sed in animal generantibus distinctio non æque apparet, minimeq; in homine, est enim hic simplicior, nec ita multifidus ut nonnullorum generantium animal, est. Auicenna uero decima sen canonis libri tertij, Pulmo, inquit, duas habet diuisiones, quarum una tendit ad dexteram, & altera ad sinistram: et hoc ideo ne cesset anhelitus propter nocumentum adueniens uni duarum partium. Porro quod ad multitudinis numerum & prolationem eius attinet, sic etiam eodem protulit Plautus in Curculione dicens: Pulmones distrahuntur, cruciatur iecur. Et Cato in lib. de re rustica, capite de brassica, Si bilis atra est, inquit, & si lienes turgent, & si cor dolet, & si iecur, aut pulmones, aut præcordia, uno uerbo omnia sana faciet, quæ intro dolitabunt. Quod si quis ipsum nō diuisionē hanc sed re ipsa plures intellexisse uelit, id ita accipiendum erit, ut illi non unius sed plurium sint animalium, ut uno refrigerato, alius simili modo applicetur. Quod autē pecudis pulmo capiti sic applicatus phreneticis prodest, Plinius etiā non abnegat, sed confirmat potius, cum naturalis hystoriae

floræ libro 10. cap. 3. sic ait, Phreneticis prodesse uidetur
 pulmo pecudum calidus circa caput alligatus. *Tempora.* *Tempora.*
 Tempora proprie partes sunt capitis oculos interiacen-
 tes & aures ac uerticem, ex quibus ut plurimum canities
 oritur, eo quod priores capitis partes posterioribus sunt
 humectiores & pituitosiores. Aliquādo tamē, ut hic pro
 toto capite accipiuntur & præsertim parte eius anteriore,
 & ubi sunt commissuræ cranei: quæ (ut supra dictum est)
 à natura creatæ sunt, tum ut per eas cerebri superflua ex- *Commissure*
sive suture cra-
neij.
 purgentur, tum quo medicamentorum uirtus necessita-
 tis tempore ad penitiora penetrare possit. Sunt autem
 quinque numero, quarum una fronti communicans, quia
 coronæ præfert imaginem, dicta est coronalis. Altera di-
 recte ab osse anteriore per medium in longitudinem ad
 os dictum lambda pergens, caput diuidit in duo media,
 & hæc à figura sagittalis nuncupatur. Tertia uero à Græ-
 cæ literæ figura lambda uocatur, quæ talis est Λ , & hæc in
 ter occiput & basim ipsius communis existit, cuius pun-
 cto, cum sit secundum figuram anguli, extremitas sagitta-
 lis cōtinuatur. Et hæc tres, eo quod ab extimis ad intima
 directe per integram ossium spissitudinem producuntur,
 ueræ nuncupantur. Reliquæ uero duæ non ueræ & men-
 dosæ uocantur, non quia ad intima non perueniant, sed
 quoniam directe ut priores non penetrant, nam quod ex
 trinsecus ab imo exorditur, intus desinit superne: & has
 Galenus alicubi uocat agglutinationes, sunt quæ inter ossa
 capitis lateralialia atque præcipua, & ossa petrosa, quæ super-
 iacent eis, coherentque corticis imagine quadam, unde &
 corticales & squamosæ uocantur, de quibus etiam thera-
 peutice libr. 6. sic ait Galenus, Os quod sincipitis ossi pro-
 tinus succedit, temporis os uocatur, in quo ipsas squama-
 tim compactas cōmissuras esse accidit. Sunt quæ à sagittali
 æque distantes, quæ profunditate integra in ossibus non
 profundantur, profundatione scilicet directa, uti priores.
 Quod non intelligens Mundinus, manifesto errore illas

ad intima non penetrare adcredidit. Inquit enim in anatomice sua, Mendosæ sunt duæ, scilicet in utroq; tempore una: & dicuntur mendosæ, quia non penetrant interius, sed tantum apparent exterius, hæc Mundinus, sed falso. *Medica.*) Medicante & salubritatem adserēte. Redimire.) Circundare & illigare & imponere.

Illotis etiam lanis suffire memento,
Cerritum, sæpe horrendi medicantur odores,
Atq; ideo sanos primum curarier est par.

Lana succida.

illotis lanis.) Lanis succidis, quæ quales sint docet nos Varro rusticæ rei libro 1. circa finem dicens, Tonsuræ tempus inter æquinoctium uernum et solstitium, cum sudare cœperint oues, à quo sudore recēs lana tonsa succida est appellata. Quæ probatissima est, autore Dioscoride, quæ mollis est & ex collo, femoribusq; pecoris detonsa: talis enim adspergines facile combibit, & sordiū suarum pinguedine quæ cœsypos est, egregie mollit. Estq; succidis omnibus, ut Plin. tradit, usus medicatus, plurimaq; præstant remedia. Quin ipsæ sordes pecudum, sudorq; fœmini & alarum adhærentes lanis, cœsopon uocant, innumeros prope usus habent. Vnde si succidæ lanæ, cui magna propter cœsypon in medicinis utilitas, non fuerit facultas, eius loco, ipsius cœsypos accipi poterit, autore Galeno, & præsertim Atticus, qui cæteris præstat: melior tamen ad præsentem usum contra phrenesim est ipsa lana succida, quam cum Sereno Plinius etiam suffitu phreneticis prodesse testatur. Verū quia de cœsypo agimus, sciendum quod & cœsypos dicitur & cœsypon. Ouidius libro de arte amandi 1. Oesopa quid redolent quamuis mittantur Athenis, Dempus ab immundæ uellere succus ouis. Non autem dicendum est Isopus, ut perperam nostri temporis medici faciunt, et ad differentiam hyssopi herbæ addunt dictionem humida, qua omnino nihil opus est si recte proferatur. Quomodo autem fiat cœsypos, docet

Lib. 2.

Ocsypus.

Lib. 9. c. 49.

Lib. 29. c. 2.

Simp. lib. 10.

Ocsypus, cœsypon, cœsopon.

Error medicorum recentiorum pro cœsypo, hyssopum humidam dicentium.

nos

nos Dioscorides medicinalis Syluæ libro 1. Plinius naturalis historiæ libro 29. cap. 2. & Mesue in suo Grabadin. *suffire.*) Suffumigare, ut grauis odor ad ægri nares per-
tingat. A uerbo suffio fit suffitus, & suffimentum & suf-
fitio, id est, suffumigatio. *Ceritum.*) Lymphatum, insa-
num, furore perculsum, et quasi Cereris ira uexatum, ceu
laruatus dicitur qui laruarū occurratione uexatur. Plau-
tus, Certe laruatus es, aut ceritus. Horat. Ceritus fuit aut
commotæ crimine mētis. Lymphatus uero dicitur quasi
Nympharū spiritu correptus, unde etiā lymphationes a-
pud Plinium. Et huiusmodi insanos & commotæ mentis
homines Græci *νυμφολίπτοις* uocant, de quibus iam an-
tea dictum est, capite sexto. Qui tamen nō ex morbo sed
naturalī intemperie tales fiunt, cum scilicet atra bile agi-
tantur, quæ melancholia dicitur. Qualibus autem inge-
nijs huiusmodi intemperies accidere soleat, docet nos ex
Phauorini sentētia A. Gellius Atticarum noctium lib. 18.
cap. 7. cuius hæc sunt uerba: Scitote intēperiem istā, quæ
μελαγχολία dicitur, non paruis, nec abiectis ingenijs ac-
cidere, *ἀλλ' ἄναι χεῖρόν τι πάθος τὸ τοῦ ἡρώϊκον*, & ueritates
plerunq; fortiter dicere, sed respectum non habere, *μήτε*
καίρου, μήτε μέτρου. *Sæpe horrendi odores.*) Quod prius spe-
ciatim de succidæ lanæ suffitione, id nunc generatim de
omnium graueolentium rerum odore testatur medica-
mentum. Agunt autem id huiusmodi odores, non quia
calefaciunt, sed potius quia meatuum obstructions ada-
periunt, & humores in cerebro congestos & commotos
attenuant, dissipant & sternutamento educunt: quanq̃
id etiam haud perpetuo agant, præsertim ubi morbus fir-
mas fixerit radices: quare etiā nō perperam adiecit di-
ctionem *SAEPE*. Contingit etiam aliās aliquando ubi ca-
put uel sanitatis tempore multum oppletum est humori-
bus, non modo graues odores, sed & aromatum quoq;
& omnium satis calefacientium rerum odores ui sua calo-
rifica caput petente & humores ac spiritus commouēdo

*Ceritus.**Laruatus.**Lymphatus.**νυμφολίπτοις**Melancholia**quibus pecu-
liaris.**Ordo grauis.*

perturbandoq̃, capitis grauitatem facere, ut in aphorismis testatur Hippocrates: cuius libro s. uerba sunt hæc, Suffitus aromatū muliebria ducit, sæpius uero & ad alia utilis esset, nisi capitis faceret grauitatem. *Sanos.*) Incolumes, non quidem simpliciter ~~sanos~~, sed qui sanitatis, latitudinem egressi, iam ægrotare cœperunt, & in quibus ægritudinis initium factum est, nondum tamen confirmatum. Quot uero modis dicatur sanum, & ægrum, & si inter hæc sit medium, docet Galenus in libro μικροτεχνῶν, id est, artis parux. *Primum.*) Ab initio ægritudinis, cum iam afficere & ledere incipit, nondū tamen radices fixit. Nam ut paulo post inquit, Non semper præsens dolor est sanabilis: esto. Cura magis prodest uenturis obuia morbis. Quare Galenus, uti in libris de affectorum locorum notitia siue de interioribus refert, cum ardēti febre correptus floccos euellere & festucas colligere se intelligeret ex amicis astantibus, timens ne ex delirio illo phreneticus euaderet, dixit illis, Nephrenitis me accipiat, auxilio estote. Si enim in phrenitin transisset delirium, uix et cum difficultate curari potuisset. *Curarier.*) Curari. Adiecta est syllaba Er, per proparalepsin: quæ figura est, ut Diomedes grammaticus inquit, quando aliquid ad nouissimam partem dictionis accedit, ut admittier orat, pro admitti. *Est par.*) Par cum uerbo substantiuo & nullo sequente casu, idem est quod decens, idoneum, rationi consentaneum, utile & proficuum.

Purgatur cerebrum mansa radice pyrethri.

Vngitur & succis dederit quos parua sabucus.

Purgatur.) Vacuatur, exoneratur, alleuiatur et ab humoribus noxijs emundatur. Est aut purgatio proprie, ceu iam paulo ante dictū est etiā, humorū sua qualitate molestantium euacuatio. Porro cerebrum non una purgatur uia. Sunt enim purgandi ipsum meatus multi. Nam cum rationalis animæ sit ceu domiciliū, uti Galenus de sanitate tuenda

Er syllaba in fine
adiecta.
Proparalepsis
figura.
Par.

Purgatio.

Cerebri purgatio
di meatus.

tuenda libro 1. tradit, & osse solido undiq; sit septum, plurimis maximisq; canalibus expurgatur. Primum per nares & palatum. Secundo per utranq; aurem. Tertio per caluæ commissuras. Nec absimile est etiam aliquid ab eo confluere ad oculos. Verum insanientium cerebrum Serenus hic potissimum per nares, palatum, & caluæ commissuras purgare docet, quamuis auribus etiam medicamentorum aliqua instillari possint, per quæ cerebrum expurgetur. *Manfa.*) Masticata & dentibus confecta atque comminuta. Est enim mandere, cibum dentibus comminuere: unde nutrices pueris cibum præmandere dicuntur. Et cibus mansus, hoc est, dentibus confectus atque comminutus, ex quo digestionis initium sumere creditur. Mandendo autem res ad id idoneas, cerebrum per os, palatum & canales illos atq; meatus à superfluis et noxijs expurgatur humoribus. *Radice.*) Hæc enim plantæ pars sola nunc in medico usu est: unde Auicenna, Plurimum quod de hac planta administratur, est radix eius, melius autem est illud quod est acutum, mordicans linguam. Nam vis illi est feruens, masticatum ceu reliqua feruida, copiosam oris saliuā proritat: cerebri enim meatus obstructos aperiendo, & pituitam per palatum & os trahendo caput purgat, quemadmodū cæteri caput purgantes apophlegmatismi, hoc est, medicamenta quibus per os capitis pituita purgatur. *Pyrethri.*) Pyrethrō herba est, quæ, ut libro 3. tradit Dioscorides, caulem & folia agrestis dauci & scœniculi modo ex se profert. Umbellam anetho similem et rotūdā habet, radicem pollicis crassitudine, longam, sapore maxime feruido: qua manfa, in ore saliuā abundat, & capitis pituita purgatur. *Parua sabucus.*) Sabucus minor, humilis & humi depressa, quæq; in altum non surrigitur, unde & chamæactē à Græcis dicitur. Nam χαμαι humi depressam significat, ἀκτὴ uero sabucus est. Latini Ebulum uocant. Huius succus, ut Plinius etiam libro 14. cap. 8. tradit, cerebri collectiones, pri-

Mandere.

Radix pyrethri.

Apophlegmatismus.

Pyrethron.

Sabucus parua.

Chamaeacte.

Ebulum.

uatimq; membranæ quæ circa cerebrum est, lenit infusus. Vis illi siccans & refrigerans.

Expressusq; hedera mandatur naribus humor.

Aut mixtum rutæ cerebro stillatur acetum.

Non semper præsens dolor est sanabilis, esto,

Cura magis prodest uenturis obuia morbis.

Hedera.

Hedera.) Id est ex hedera succus præsertim ex folijs & corymbis eius: qui, ut Plinius tradit, naribus infusus caput purgat. *Mandatur.*) Immittitur, infunditur & instillatur.

Ruta.

Ruta.) Ruta duorum generū est. Vna satiuæ & hortensis, cui latoria folia, rami fruticosiores; altera syluestris, quæ maiore acrimonia est & ideo in cibis damnata. Quæ fico arbori adnascitur, melior edendo est. Succus exprimitur tusa ea & aspersa modice aqua, & in pixide Cypria asservatur. Feruentis naturæ utraq; & in præcipuis medicaminibus, gustu acris & amara: meatus oclusos referans, humores discutiens & ex imis partibus euocans, unde & insanientibus medetur. Celsus, Conuenit etiam offerre naribus rutam ex aceto contritam. Plinius, Rutæ succus & phreneticis ex aceto tritæ instillatur in tempora & cerebrum. Admiscetur autem acetum, quoniam aliorum medicaminum ad membra, ad quæ aliās pertransire sine eo non possent, uehiculum est atq; delator: præterea refrigerandi ui qua rutæ feruori resistit, dotatum est. *Cerebro.*)

Acetum.

Scilicet per nares, ut apertis meatibus sternutamenta moueantur, per quæ materia expurgetur. Plurimum enim prodest in hoc morbo sternutamenta mouere medicamentis in id efficacibus: quæ tamen facienda sunt in hijs, quibus, ut Celsus tradit, uires non desunt. *Non semper est sanabilis.*) Scilicet ubi nimia facta est impressio. Nā, ut Mesue dicit, cura huius ægritudinis si iam impressit, cassæ est: si autem adhuc sit præparamentum ut imprimat, sed adhuc non impressit, curatur: sed non apud negligentes & stolidos. *Præsens dolor.*) Impressus etiam confirmatus affe-

Dolor.

affectus. Dolor, uti Gal. ait, tristis est sensus. Aliquando uero dispositio ipsa in qua dolemus, & quæ cum dolore natura apta est fieri, quemadmodum Erysypelas, inflammatio, uulnus, fractio, ruptura, conuulsio & similia. Et in huiusmodi significato accepit dolorem nunc Serenus, & Hippocrates in libro epidemiarum sexto, ubi inquit, In Cranone dolores antiqui, frigidi, noui, calidi, sanguinolenti plurimi fuerunt. Et in aphorismis lib. 1. Quicumquæ, ait, dolentes parte aliqua corporis omnino dolorem non sentiunt, his mens ægrotat. *Eslo.*) Ponit curæ possibilitatem. *Cura obuia.*) Curatio & medicatio morbo imprimere & radicē figere uolenti occurrēs, ipsumque præueniendo auertens. *Venturis.*) Futuris & firmam impressionē molientibus, cum scilicet adhuc est in principio, & nondum in uigore constitutus morbus: postquam enim omnino radices fixerit, tunc difficilis, imò, ut dictum est, impossibilis est curæ. Hinc Persius, Venienti occurrere morbo. Et Ouidius, Principijs obsta, sero medicina paratur, Dum mala per longas inualuere moras.

DE FLVORE CAPILLORVM

ET MACVLIS CAPITIS TOL.

CAPVT VIII.

DE FLVIT expulsus morbo latitante capillus,
Seu raro ablueris, seu uis epota ueneni est,
Seu salamandra potens, nullisque obnoxia flammis
Eximium capitis tactu deiecit honorem.

DE FLVORE *capillorum.*) De casu & deflu- *Defluuij capillorum causa.*
uio capillorum. Decidunt autem capilli uel uia
naturæ ob alimenti inopiam, & fit caluities, de
qua nihil in præsentī, nam incurabilis est pas- *Caluities.*
sio: uel propter uitium aliquod accidēs in humoribus ex

Corporis ex-
crementa tri-
plicia.
Sicca.
Humida.
Halituosa.

Pori.

Sudor.

Insensibilis
transpiratio.

quibus nascuntur. Qualis autem sit humor ex quo gene-
rantur, & ex cuius corruptione corrumpuntur, docet
nos Galenus tuendæ sanitatis libro 1. ubi de corporis ex-
crementis agens, dicit illorum unum esse siccum quod
per aluum deiicitur: alterum humidum quod per vesicam
excernitur: tertium uero halituosum quod in singulis
animalis nascitur particulis, ex ipso unde aluntur succo.
Cui excremento quamuis nullus certus ut alijs à natura
præscriptus est meatus, expellitur tamen ipsum partim
actum per ipsa molliora corpora, quæ fluentis eius uio-
lentia cedunt, potissimum cum à spiritu maiore impetu
irruente, impellitur: partim etiã per exiguos omnes quos
poros Græci uocant, corporis meatus, quorum non mo-
do reliquum corpus uniuersum, sed etiam tota cutis ple-
na est. Porro huiusmodi generis excrementum tenuissi-
mum facile sanè eijcitur, partim quidem in speciem hali-
tus ab insito calore solutum, partim uero uiolento motu
confertim erumpens. Cæterum quod ita excernitur, s V-
DOREM appellant. Alterum uero cui nullum publice no-
men est, & quod uulgo etiam quoniam uisum præ tenui-
tate effugiat, haud cognitum est ab ijs qui id ratione con-
templati sunt, Græce ἀσθηλος αἶμα διὰ πνοῆς uocatur, hoc
est, insensibilis & sensum latens transpiratio, in qua etiam
crassioris excrementi nonnihil excernitur, cui tamen &
uehementiore calore, & fluoris impetu maiore opus est,
ne ante itineris finem sistatur, saltem ad cutim: à quo ex-
cremento etiam tum sordes quæ circa omnium cutim
semper adseruantur, tum pili ipsi originem habent. Et
non solum ab huiusmodi per cutim transpirante excre-
mento, à principio pili gignuntur, sed & de cætero ue-
luti succrescendo, ut idem therapeutice libro 14. scribit,
augentur. Cæterum quoties id uel prorsus perijt, uel
redditum est uitiosum, toties pilos corumpi est necesse
quemadmodum & stirpes ipsæ aut nutriente succo desti-
tutæ, aut non idoneo usæ, corrumpuntur. Verum quan-
do

do prorsus deperditur qui pilos alit succus, caluities ori-
 tur, passio insanabilis. Quando uero uitiatur, tum ophia-
 ses tum alopecia proueniūt: in quibus omnibus particu-
 lar quæ utilis fuerat, amissio est. Vtraq; uero ab animali
 nomen adepta est. Alopecia quidem quod uulpina sit pas-
 sio, id est, quæ uulpibus sæpe accidere consueuit. Ophia-
 sis uero à serpentis similitudine nomine ducto. Quorum
 malorū alopecia Galenus in diffinitionibus suis dicit
 esse natiui coloris in capillo mutationem, qua ad aurum
 inclinato colore capillus à radicibus fluit. Ophiasim uero
 similem huic in capillo natiui coloris in magis uarium et
 uersicolore mutationem, quo uitio circumactis & obli-
 quis spatijs capitis partes glabrescunt. Celsus hæc mala
 Areas uocat, & de iisdem libro sic scribit: Arearum duo
 genera sunt. Commune utrisq; est, quod emortua sum-
 ma pellicula pili primum extenuantur, deinde excidunt:
 at si ictus is locus est, sanguis exit liquidus & mali odo-
 ris, in crescitq; utrūq; in alijs celeriter, in alijs tarde. Peius
 est quod densam cutem & subpínguē & ex toto glabram
 fecit: sed ea quæ alopecia nominatur sub qualibet figura
 dilatur, fit & in capillo & in barba. Id uero quod à ser-
 pentis similitudine Ophiasis appellatur, incipit ab occi-
 pitio, duorum digitorum latitudinem non excedit, ad au-
 res duobus capitibus serpit, quibusdā etiam ad frontem,
 donec se duo capita in priorem partem committāt. Illud
 uitium in qualibet ætate est, hoc ferè in infantibus. Illud
 uix unquam sine curatione, hoc per se sæpe finitur. Hæc
 Celsus. *Maculis.*) Capillorum et capitis defedationibus,
 areis, glabretis & inanitatibus, præsertim ijs quæ in ophia-
 si fiunt. Nā quod serpētinis maculis sit assimilis, ophiasis
 dicta est. *Defluit morbo latitante.*) Ponit primo fluoris capil-
 lorum causas, quarum una est aliquando morbus. Solet
 enim post morbum ferè semper capillorum contingere
 defluuium, humores enim sub cute latentes à quibus nu-
 triuntur, & subinde succrescunt capilli, tunc maxime cor

Caluites.

Alopecia.

Ophiasis.

Area.

Morbus deflu-
uij causa.

1
Sordes & rari-
or capitis
lotio.

3
Venenum.

Venenū quid.

4
Salamandra.

rumpi solent: quamuis etiam citra morbos id aliquando fiat. *Seuraro ablueris.*) Alia floris capillorum causa est rarior capitis lotio, cuius intermissione sordes circa cutim aceruantur, qui tandem putrescentes capillorum radices etiam corrumpunt, unde & decidunt. *Vis epota ueneni.*) Inter defluuii capillorū causas una etiam est uel assumptum uenenum: cuius signum est, coloris in uniuerso corpore mutatio, aut enim liuens est, aut nigricās, aut uarius. Nec refert siue in cibo siue in potu fuerit assumptum: quāuis facilius fallere, celeriusq; in uenas & uniuersas corporis partes permanere, præcipueq; cor ipsum pertingere possit in potu quā in cibo sumptum. Est autem uenenum quicquid assumptum aut attactum nocet, & naturā eius cui approximatur, immutat. Quod, ut Auerrois docet, in corpore operatur, aut qualitatibus primis, aut à tota substantia, aut fortitudine attractionis, aut uitæ calorem remouendo *Salamandra.*) Alia floris capillorum causa & efficax quidem est, ut inquit, salamandræ attactus. Est autem salamādra, ut Dioscorides tradit, ignauum animal, in lacertarum censu & genere, colore uario. Et ut Plinius scribit libr. 10. Salamandra animal est lacerti figura, stellatum, nūquam nisi magnis imbribus proueniens, & serenitate deficiens. *Potens.*) Efficax in nocendo et præsens. Estq; ut Plinius libro 29. cap. 4. tradit, inter omnia uenena salamandræ scelus maximū. Cætera enim singulos feriunt, nec plures pariter interimunt, ut omittam, quod perire conscientia dicuntur homine percusso, neq; amplius admitteri ad terras. Salamandra populos pariter necare improvidos potest. Nam si arbori irreperit, omnia poma inficit ueneno, & eos qui ederit, necat frigida ui, nihil aconito distans, quinimo si contactu ab eo ligno uel pede crusta panis incoquatur, idem ueneficium est, uel si in puteum cadat. *Nallis obnoxia flammis.*) Hoc est, ignis calori & consumptioni non subiecta, sed ab igne, in quo uiuit, inuicta imo tantus huic rigor est, tradente Plinio libro

bro 10. cap. 67. ut ignem tactu extinguat, non alio modo
quàm glacies. Quamuis alibi, libro scilicet 29. idem neget
uerum. Inquit enim, Ex ipsis quæ magi tradunt contra
incendia, quoniam ignes sola animalium extinguat, si fo
rent uera, iam esset experta Roma. Sestius negat restingui
ignem ab hijs. Hæc Plinius. Dioscorides item libro 2. igne
non cremari salamandram, falsum esse dicit. *Capitis hono
rem.*) Capillos, qui à summo illo rerū opifice ornamenti
& honoris causa in capite ueluti in eminente ædificij cul
mine procreati sunt, Non obstante quod Aristoteles ca
pillorum rationem ad duas tantum referat causas, uide
licet ad necessitatem ipsam, & ad præsidij rationem: qua
rum necessitas est propter cerebri humiditatem ac caluæ
commissuras: ubi enim plurimum est humoris atq; calo
ris, ibidem pilorū ortus ut copiosior sit, necessum est. Præ
sidij autem ratio est, ut pilorum copia caput à nimio tum
frigore tum calore defendat. Et quamuis hæc duæ præci
puæ capillorum sint causæ, nihilominus tamen et in or
natu est tertia, qui uelut in ædificij culmine miri decoris
speciem ostentat. Vnde Charilaus aliquando interroga
tus, cur comam nutritur? respōdisse fertur, Quoniam ex
omni ornatu is pulchrior, uenustiorq; ac minimi sump
tus esset. Sed de hijs antea quoq; dictū est ca. 4. Cæterum
hominis caput inter cætera animantia cuncta maxime pi
losum esse, rei ipsius indicio satis cōstat, nec argumētis ad
id opus est. *Tactu.*) Præsertim saliuæ. Nam, ut Plin. lib.
10. ait, Eiusdē saliuæ quæ lactea ore uomitur, quacūq; par
te corporis humani contacta, toti defluūt pili, idē quod
contactum est colorem in uiriliginem mutat. Et libro 29.
Quippe cū saliuæ eius quacūq; parte corporis, uel in pe
de imo respersa, omnis in toto corpore defluat pilus.

*Capillorum
cause.*

Nonnūquam uariant maculæ, paruiscq; parumper
Orbis aspersum ducit noua uulnera tempus.

Nonnunquam uariant.) Ostenis Alopecij & defluuij capillo

DE FLVORE CAPILL. ET MAC.

rum causis, describit nunc alteram arearum speciē, quam
Tiria. ophiafin siue tiriam uocant aliqui. *Variante macule.*) Areæ
 & depilationes uarie & tortuose fiunt & serpunt. Vnde
 Abinzoar libro 1. Thezizir ait, Tiriam à serpentis nomine
 ita nominari, eo quod depilatio cutis fit per uiam tortuo-
 sam. Et Galenus in primo memiri capite primo, demon-
 strat alopeciam non differre à tiria (quam ipse serpiginem
 uocat) nisi in sola figura. Alopecia enī, ut Celsus tradit,
 sub qualibet figura dilatatur, non sic autem altera ut iam
 patuit. *Orbibus.*) Circuitibus & tortuositatibus maculo-
 sis in orbis formam factis. *Noua uulnera.*) Vlcera recētia,
 per quæ tiria siue ophiafis differt ab alopecia. Vnde Auicē-
 na canonis libro 4. dicit: Et differentia quidem inter alo-
 peciam & tiriam est, quod in tiria non tantum cadunt pi-
 li, imò exoriatur cum ea cutis tenuis, sicut accidit serpen-
 ti, & fortasse accidit in ea figuratio proueniens sicut figu-
 ra serpentis. *Tempus.*) Ophiafis enim, ut Celsus ait, ab
 occipitio incipiens, ad aures duobus capitibus serpit, qui-
 busdam etiam ad frōtem, donec se duo capita in priorem
Tempora. partem committant. Tempora autem partes sunt capitis
 oculos acaures interiacentes.

Vipereæ pellis cineres his addito rebus,
 Roboreæ sue pilas ursino iungito seuo,
 Vel testudineo mala permulceto cruore.

Vipera. *Viperea.*) Vipera serpētis genus est, sic dicta, ut aliqui uo-
 lunt, quod ui pariat, non obstante quod & reliqua ani-
 mantia fermē omnia ui quadam partum suum edere so-
 leant. Alij hanc nominis rationem ueluti frigidiusculam
 refurantes, uiperam, eo quod uiuum, hoc est, animal pa-
 riat, quasi uiuiperam dictam aiunt, idē ex feræ propieta-
 te colligunt. Nam, ut Aristoteles & Plinius tradunt, sola
 uipera ex omni serpentium genere animal parit. Sunt &
 alij qui ideo dictam uolunt uiperam, quod ui pereat, eo
 quod tum mas in coitu, tum femina in partu pereat. Sed
 quæ

quæ potior sit sententia, iudicentalij. Verum uiperam Græci, marem quidē Echīn, fœminam uero Echidnam uocant, sicq̃ diſtam uolunt *παρὰ τὸ ἔχαι μὲν αὐτὴ τὴν γονίμ* *Echis.*
ἔχει θανάτου, quod ad interitum & mortem uſq̃ fœtum in *Echidna.*
 tus contineat. Nam dum pariendi tempus adest, fœtus ex eo parentis utero in hæc uitalia prorumpit: idē pœ-
 na, ut uolunt, iuſtiſſima, quo ſcilicet talionem reddat.
 Nam coeuntibus mare & fœmina, hæc coeuntis maris
 præ dulcedine caput abrodit. Quod & Nicander teſtatur
 dum inquit, Vipera ſæua caput lætali dente mariti Mor-
 dicus abſcindit, ſed nata ē ſemine proles, Viſcera dilaniat
 matris, lucemq̃ requirit, Sic patris interitum ſub primo
 ulciſcitur ortu. Et Galenus in libro de Theriaca ad Piſo-
 nem ex Nicandri ſententia ait, Vipera præ alijs animali-
 bus omnibus caput ad perniciem habet idoneum: nam,
 ut ferunt, maris ſemen aperto ore excipit, quo deinde ſu-
 ſcepto, eiufdem caput abſcindit: tali uiperarum exitiali
 exiſtente complexu, demum ex ſemine geniti catuli quo-
 dam naturæ inſtinctu uterum matris abrodunt, atque in
 lucem erumpunt patris mortem uindicantes. Sed con-
 tra hæc Appollonius apud Philoſtratum, Viperam eſ-
 ſe uiſam reſert, ſerpentes, quos peperifſet, lambentem
 quafiq̃ expolientem. Non enim aſſentior, inquit, im-
 pudenti eorum ſermoni, qui uiperarum fœtum abſque
 matre prodire autumant: id natura non patitur, nec reci-
 pit experientia. Sed hijs omiſſis, ad alia progrediendum.
 Itaq̃ quam nos uiperam, Græci echidnam uocant, Ara-
 bes ex Græcorum lingua detorto & corrupto uocabulo
 Tyrū appellant, generis nomine ſpeciei impoſito. Nam
 uipera theriu ſpecies eſt. Theriō *θηρίον* autem Græcis & *θηρίον.*
 præſertim poēſis, ſera eſt & noxia beſtia, ceu lupus, leo, ur-
 ſus. Apud medicos uero pro uenenata beſtia accipitur,
 quæ morſu aut icſtu uenenum relinquunt, & ueneni ſui
 ui & maleficio nocent, maximeq̃ uiperam ſignificat: &
 in hoc ſignificato peculiariter utitur Gal. Et quæ de Tyro

tradit Serapio, eadem de uipera scribunt Dioscorides, Paulus atq; Galenus. Et quos hī trochiscos, seu, ut Plin. uocat, pastillos appellant theriacos, quoniam ex therio, id est, uipera componuntur: eosdem Auicenna in mentione theriaces Andromachi, trochiscos uocat tyri. Verum quæ medicorum uulgus narrat hodie de serpente quodam alio à uiperis & peregrino, qui proprio nomine Tyrus appelletur, & quē nō nisi peregre ex Aegypto usq; petiit, nobili illi antidoto theriacæ addere oporteat, fabulosa sunt, & à ueritate maxime aliena. Vipera enim est quæ theriacæ admiscetur, & non modo in Aegypto, sed & uniuerso orbe reperitur, quare etiam ex ubique reperta confici potest theriaca: quamuis nō inficias eam, uno in loco repertam efficaciorē & utiliorē esse quā in alio. Nam, si Theophrasto credimus, plurima sunt quæ tum loci in quo agunt, tum uictus quo uiuunt causa, uiribus aut efficaciora aut deteriora redduntur. In Arabia enim si quem momorderit uipera, uulnus facit, sed ac si ferro illatum fuerit, citra ueneni timorem, quod cibi ratione quo alūtur contingit: cum enim odoratis ac medicatis ceu balsami succo, qui ubertim illic nascitur, plurimum alantur, uirus aliās letale, mitiore permutant potestate. Alimenta enim uim habent non minimā tum mitigandis tum accendendis uenenis. Vnde etiam in Phœnicia, uti tradunt, uel halitu solo uiperæ pernecant hominem, ob radicū quæ illic nascuntur uim atque uenenositatem. Quare non mirum est, unam theriacam altera meliorem credere & esse, ob uiperas, uipercōsue pastillos aliunde conquisitos & additos. Neq; uipera quæ trochiscos theriacos ingreditur, pro alijs accipitur serpentibus, quā de quibus paulo ante dictum est ex sententia Galeni atq; Nicandri: quamuis diuersum manifeste errore tradat Gētilis haud parū autoritatis medicus, dū in expositionibus suis in quintū Auicēnæ librum sic ait, Ut apparet Vipera sumitur pro communibus serpentibus

tibus, non pro illis quæ caput masculi in specie sua præscindunt quando coit cum ea, unde filij facientes matris vindictam eas scindunt. Sed erroris causa, reor, fuit, quod eosdem serpentes aliquando uiperas aliquando tyros nominauit Auicenna. Cæterum sunt qui uiperam non alium credant quam quem uulgo marasum uocant, à Marforum populis ducta nomenclatura, quia id genus maxime consecrantur, circumferrentur Marfi. Quod & Galenum significare dicunt in libro ad Glaucanem, et libro de simplicibus. 11. Et Plinium quoque quilibro 7. Marfos à Circes filio ortos testatur, & ob id ingentem contra serpentes uim illis fuisse. Cuius sententiæ autores sunt cum primis Nicolaus Leonicensis medicinæ decus præcipuum & parens optimus, qui primus labefactatam funditus euerfam medicinam reparare & è tenebris Aesculapij more reuocare aggressus est, barbaramque illam medicinam Latinitati restituit. Alter huic subscribens est Ludouicus Cælius, uir eruditus & in omni disciplinarum genere exercitatus. Quorum permulta de uiperis & de illarum in pariendo natura, & an Plinius & Aristoteles de hoc inter se concordent, discordentue, tradit uterque, hic quidem in antiquarum lectionum libris, ille uero tum in proprijs tum in his quos de Plinij & aliorum medicorum erroribus conscripsit: cuius tamen ueracia scripta mordere haud puduit Pandulphum quedam Collenutium, uirum & si aliàs non indoctum, tamen, ut est in prouerbio, *ἁντὴρ βωλὶμ*. Sed de his satis. Nunc quia theriacæ facta est mentio, sciendum theriacam proprie dici *ἔκ ποτῶν διπρίων*, Theriaca hoc est à feris uenenatis quæ ictu aut morsu uenenum relinquant. Et hoc aut quia aduersus theria, id est, feras uenenatas præsens sit remedium: & sic accipit Plinius libro 30. cap. ultimo, ubi theriacæ compositionem describit, nulla uiperæ facta mentione, qua magnus rex Antiochus aduersus omnia uenena usus traditur. Et libro 29. cap. 1. dicitur Theriace uocatur excogitata compositio luxurijs

ex rebus externis, cum tot remedia dederit natura, quæ singula sufficerent. Aut dicitur theriaca, quoniam therion, id est uipera, compositionem eius ingreditur: unde quoque eandem ob causam trochisci siue pastilli theriaci uocantur: de quibus Plinius libro iam dicto cap. 4. sic scribit, Fiunt ex uipera pastilli, qui theriaci uocantur à Græcis, quaternis digitis utrinque amputatis, exēptisq̃ interaneis & liuore spinę adherente, reliquo corpore in patina ex aqua & aneto discocto, spinisq̃ exemptis & addita similagine, atq; sic in umbra siccatis pastillis, quibus ad multa medicamenta utuntur. Significandum uidetur ē uipera tantum hoc fieri. Hactenus Plinius. Quod autem ad extremarum partium amputationem attinet, fatentur id etiam medici, sed in amputationis causa adserēda non conueniunt: aliqui enim id fieri debere uolūt, quoniam in his partibus & in ore potissimum uenenum gestit: quod tamen tanquam fabulosum non acceptat Dioscorides, sed eō causam rejicit quoniam partes illæ sint ossæ & sine carne, quare etiam inutiles. Verba eius libro secundo, sunt hæc: Oportet detracta pelle caput & caudā, quod nulla in hīs caro est, amputare. Fabulosa enim ad mensuram extremarum uiperæ partium amputatio est. Sed hoc ultimum Dioscoridis dictum ad amputationis causam tantum, quia uenenū in hīs partibus lateat, referendum est, non simpliciter ad amputationem ipsam in qua omnes conueniunt. Demum theriaces nomine uocantur aliquādo sine permixtione id genus simplicia quoq; uenenis aduersantia, ut apud Auicennam canonis libr. 1. cap. de opopanace, Cum aristolochia pota, theriaca est. Et capite de Scylla, Theriaca est, inquit, aduersū uenenosa. Plinius item libr. 31. cap. 4. Et algam maris theriacen esse Nicander tradit. Sed de uipera & theriaca satis superq̃. Pellis.) Membranę & cutis exuētę ac aridę et inanīs, quam renouando iuuentam, quottanis exuunt, & exuium spoliūq̃ dicitur. Plinius senectam, senium &

Exuiū
Spoliū ^{Serpētis.}

Senectā,

& senectutem appellat: interdum uero quia uerno tempore potissimum hanc exuunt, uernationem. Græci leberida & aliquando syphar dicunt. Huius cremati cinerem alopeciam sanare testatur etiam Plinius libro 29. cap. ultimo dicens, Pellium uiperinarum cinis alopecias celerrime explet. *Cineres.*) Cinis combustæ materiæ puluis est. Modus uero cōmunis cremandi res omnes præter ligna est, ut in testaceum & fictile uas coniiciantur & operculentur, tum carbonibus obrutæ dimittantur usq; dum exustæ sint. *His addito rebus.*) Areis, alopeciæ et ophiassi apposito & inungito. *Roboreas pilas.*) Idem medicamentum hoc testatur etiam Plinius libro 24. cap. 4. dicens, Roboris pilulæ ex adipe ursino alopecias capillo replent. Est autem Robur glandifera arbor, de qua inter alia idem Plinius libro 16. sic scribit: Robur præter fructum plurima alia gignit. Nanq; fert & gallæ utrūq; genus, et quædam ueluti mora, ni distarent. Nascuntur in eo & pilulæ nubicus non absimiles, intus habentes flocculos molles, lucernarum luminibus aptos: Nam & sine oleo flagrant sicuti galla nigra. Fert & aliam utilem pilulam cum capillo uerno tempore tamen. Gignunt & alij ramorum eius pilulas corpori non pediculo adhærentes. Necnon & è folijs conuolutas pilulas. Ferunt robora & cachryn: ita uocatur pilula in medicina urendi uim habens. Continet nucleum pineis similem, is crescit hyeme, aperitur uere pilula tota: cadit cum folia cœperint crescere. Et hæc pilula est aduersus capillorum defluuia efficax. Qualis autem hæc ipsa seu cachry sit, & quæ eius forma & figura, clarius nos docet Theophrastus de plantarum historia lib. 8. hñs uerbis: Harum unaquæq; ex paruis particulis squamarum modo deinceps constat eadem qua pineæ nuces forma, eousq; ut non dissimilis nouæ & uiridi pineæ nuci figura sit, oblongior tamen forma & æqualiter per totū crassa. Augetur hoc hyeme, uere aperitur: flauescunt tunc squamæ illæ, & in trium digitorum longitudinem

Senium,
Senectus angui.
Vernatio.

Leberis.
Syphar.
Cinis.

Adustionis rerum
modus communis.

Robur.

Pilulæ roboris,

Vrſi adeps.

extenduntur: & cum uere folium prodierit, decidunt. Hætenus Theophrastus. *Vrſino ſeuo.*) Adipe vrſi, qui, ut Dioscorides tradit, capillos nutrit, & auget, alopeciasq̃ emendat & explet. Et Plinius libro 8. Vrſo, inquit, ſunt adipēs medicaminibus apti, cōtraq̃ deſluuium capilli tenaces. Quod autem ad ſeuum attinet, ſciendum quod

στέας.

quemadmodum Dioscoridi unum & idem totius animalium omnium pinguis nomen eſt στέας, ita Sereno ſub diuerſis, ſeu, adipis, & pinguis nominibus, unum & idem pingue eſt, idq̃ à renibus potiſſimum detractum, à quibus omne laudatiſſimum. Quamuis Ariſtoteles libro de hiſtoria animalium tertio, ſeu & adipis ex animalium genere & eorum partibus corporumq̃ temperamenti & pinguium ipſorum habitu, ſua fecerit discrimina, Quo-

Seuum στέας.

rum alterum apud Græcos στέας, alterū πιμελί uocatur, hoc Latine adipem, illud ſeuum ſeu mauiſ ſebum dixeris. Quorum ſeuum pinguedo eſt durior, pluſq̃ terreſtris naturæ participans, & cum reſtrixit glaciatur & fragilis eſt, & in fine carnis ſemper exiſtit, & in animalibus alteræ tantum parte dentatis, & naturæ temperamento magis terreſtribus repperitur: adhæc ſeuum ægre liqueſcit, liquatum uero celerrime denſatur, duriusq̃ adipe uel ſenſu ipſo deprehenditur. Adeps autem contrario modo ſe habet. Nam liquidior eſt, minusq̃ duratur, ac inter carnem & cutem inuenitur, & in animalibus utrinq̃ dentatis & naturæ temperamento humidioribus, celerrimeq̃ liquatur. Et hæc ſeu ac adipis autore Ariſtotele differentiæ.

Adeps. πιμελί

Nec obſtat quod Plinius libro 11. tradit adipem concretum & cum reſtrixit fragilem, ſemperq̃ in fine carnis. Sed quàm bene id dicat, iudicent alij. Vulgus hodie Ariſtotelis ſententiam ſequitur, & differentiam illam ab eo præſcriptam obſeruat. *Teſtudio cruore.*) Sanguine teſtudinis. Caper grāniaticus ſanguinē dicit, dū manat: effuſum uero, cruorē. Sed nō obſeruatur hæc proprietas. Teſtudo autē animal eſt quadrupes, ut Pacuuius illā deſcribit, tæ-

anguis teſtudiſis.

ranguis.

r uor.

eſtudo.

digrada,

digrada, agrestis, humilis, aspera, capite breui, ceruice anginea, aspectu truci. Et ut Græci dicunt ἀμφίβιον, hoc est, aqua terraq̃ ceu rana uictitans. In quibus & naturæ spectabilis potetia est, ut Plinij uerbis utar, qui etiã lib. 32. post castorū medicinas & obseruationes de testudine sic quoque ait: Geminus similiter uictus in aquis terraq̃ & testudinū, effectusq̃ par in honore habendo uel propter excellēs in usu pretiū naturęq̃ uere proprietatem. Et paulo post in medicinæ ipsius obseruatione, Testudinum, inquit, marinarū carnes ammixtæ ranarū carnibus contra salamandras præclare auxiliātur. Neq̃ est testudine aliud salamandræ aduersus. Sanguine alopeciarū inanitas, & porrigio, omniaq̃ capitis ulcera curantur. Inarescere aut̃ cum oportet, lēteq̃ ablui. Dicta est autē testudo, ut Varro sentit, quod testa tegatur. Suntq̃ genera ipsius plura, de quib⁹ dictū est supra. *Permulceto.*) *Permollito* & inūgito.

HVMORIBVS ET PERFRI-

CTIONIBVS MEDENDIS.

CAPVT IX.

SAEPE ita peruadit uis frigoris ac tenet artus,
 Vt uix quæsito medicamine pulsa recedat.
 Si ranam ex oleo decoxeris, abijce carnem,
 Membra foue, parili pellet ratione rigorem
 Vrticæ semen, perceptaq̃ frigora uincit.
 Et ceruina potest mulcere medulla rigorem.



HVMORIBVS.) Scilicet frigidis et crassis, qualis est pituita crassa & uiscida in corpore collecta & concreta, cuius exuperantia & superfluitatis redundātia fiunt capitis, stomachi & artuum dolores, debilitates, grauitates et dispositiones ægritudinesq̃ alię. *Perfrictionibus.*) Id est, algoribus & fri-

Frigoris nexa.

goribus & ex hijs neruorum ac artuū cōtractionibus. Frīgus enim neruis & mēbris neruosis inimicū, illa cōgelās et cōtrahens ac meatus constringendo spiritibus transitū intercipient, unde à soliti muneris functione destituit, & sensus aut motus aut utriusq; difficultatem inducit, aut hōrum alterum uel utrunq; simul auferunt. Acciduntq; ægritudines qualis est paralyſis, spasmus, stupor & id genus si quæ sunt aliæ. *Peruadit.*) Pertrāſit ac penetrat. *Vergilius*, Penetrabile frigus adurit. *Vis frigoris.*) Violentia & acuties ipsa frigiditatis & aeris ambientis frigidi. *Horatius*, Geluq; flumina conſtiterint acuto. *Tenet.*) Detinet & congelando contrahit, et per hoc ultra frigoris noxam, duritiem quoq; neruorum nobis inſinuat et motus difficultatem. Nam quæ frigent membra, horrent etiam et dureſcūt quodam modo, ſubindeq; ſenſu et motu non nihil deſtituuntur. *Artus.*) Artus proprie dicuntur partes corporis inter iuncturas connexæ: ſic dictæ quod inter ſe arcentur: & per diminutionem articuli partes minores ceu digitorum. Differuntq; à membris, quoniam artus dicuntur oſſa cum neruis et uenis: membra uero caro quæ artus tegit. *Silius*, Et uenis male iuncta trementibus oſſa, Extant cōſumptis uiſu deformia membris. Sed iſta ſæpius confunduntur nec ſemper iſthæc obſeruatur proprietas. *Queſito.*) Conquiſito & requiſito atq; exquiſito. *Ranam ex oleo.*) Hoc eſt oleum in quo coctæ ſunt ranæ. Coquuntur autem donec caro ab oſſibus ſeparetur, quibus deinde proiecſtis, quod reliquum eſt, uſui ſeruetur. Tale uero oleum neruos refrigeratos calefacit, & induratos mollit, dolores lenit, & membris ſenſum ac motum reſtituit, imò ut inferius tradit, articularijs morbis et neruis contractis eſt quàm utiliſſimū. *Carnem.*) Totam ranarum materiam craſſam, ſcilicet, carnem, oſſa, & quicquid craſſioris eſt ſubſtantix. *Membra.*) Artus, ubi ab externo frigore ſuerint affecti. Nam ubi ab interiore cauſa ceu humoribus ſuperfluis propter obſtructionem meatuum

Artus.
Articuli.
Membra.

Oleum ranarū.

tuum cerebri & originis neruorum acciderit affectio, tūc alibi applicanda erunt medicamenta, ceu in occipite, nu-
 cha et primis uertebreis. *Rigorem.*) Frigus et duritiē: Nam *Rigor.*
 quæ frigent membra, horrent etiam & durescunt quo-
 dammodo. *Rigorem* pro frigore accipit M. Cato in libr.
 de re rustica cum ait, Ni rigore peruratur. Pro duritiæ ue-
 ro Vergilius inquit, Tū ferri rigor. *Vrtica semen.*) *Vr-* *Vrtica.*
 tica omnibus nota herba est, qua quamuis nihil inuisus
 nascatur ob igneum pruritus quo urit & unde nomen
 habet, tamē nihilo secius plurimis etiam scaturit remedijs,
 multisq̃ medetur morbis: & semen quidem quod effica-
 tius est, ex oleo membris frigore rigentibus inunctum: ca-
 lorificum enim est & discussorium. Nec modo rigenti-
 bus algore membris, sed & articularibus morbis te poda-
 gricis cum oleo uetere plurimi imponunt, ut refert Pli-
 nius. *Ceruina medulla.*) Medulla ceruina omnium proba- *Medulla cer-*
 tissima est & laudatissima, mox uitulina, post hanc tauri- *uina.*
 na, tum caprina & ouilla, ut tradit Dioscorides. Sed Pli-
 nius post uitulinam proximam laudat hircinam & dein-
 de caprinam. Est autē medulla, pingue id quod in ossium *Medulla.*
 medio latet, de quo sic scribit Dioscorides, Crassescit me-
 dulla omnis ultima æstate appetente iam autumno, reli-
 quis temporibus sanguineo colore & ueluti fluida caro
 in ossibus inuenitur. Cognitu difficilis medulla est, nisi
 aliquis à seipso exossatam roposuerit. Molliunt medullæ
 omnes, rarefaciunt, calefaciunt & ulcera explent. Curan-
 tur, ut Plinius docet, ante autumnum recens lutæ, sicca-
 tæq̃ in umbra per cribrum, deinde liquatæ per lintea ex-
 primuntur ac reponuntur in fictili locis frigidis. *Mulcere.*)
 Delinire, mollire & mitigare.

Decoctum raphani semen cum melle uocabis.

Decoctum raphani semen.) Pituita & noxi humores capitis
 & totius corporis, quoniam sæpiuscule uentriculi ratio-
 ne proueniunt, ideo nūc autor ante capitis purgationem

docet mederi uētriculo iuxta doctrinā Galeni, qui microtechnes libro tertio unum commune præceptum obseruandum sub oculos nobis proponit: scilicet, ut unam quanq; prius quæ efficit causam rescindamus: deinde ita ad illam quæ ab eadem causa facta est, ægritudinem accedamus. Cū itaq; à uentriculo & excrementis eius uapores quidam subleuantur ad caput & id implendo aggrauāt, necessum est in primis uentriculum à talibus excrementis purgari. Quod bifariam fieri potest: aut uentrem subducendo, de quo nulla est ambiguitas: aut uomitū ciendo, de quo Auicēna quarta primi dicit, quod uomit⁹ euacuat pituitam et bilem: ipse nanq; nō habet quod ipsum mundet, sicut intestina habent bilem ruffam quæ ad ea descendit et mūdāt ea, et remouet grauitatē quæ accidit capiti, & aufert fastidium, & confert lassitati corporis, & epilepsiæ stomachicæ & tremori et paralyfi. Est autē maxime post cœnā utilis, ut Celsus tradit, hoc est, post assumptū cibū. Vnde nostri temporis medici ferme omnes in hoc consentiunt, & præcipiunt, uomituros primo uentriculum varijs replere cibarijs, deinde uomitum ciere: quod tamen periculosum est, multi enim hoc pacto strangulantur, sæpiusq; mors inde sequitur: id quod sæpiuscule se uidisse testabat præceptor noster LEONELLVS VICTORIVS, æui sui BONONIAE medicus, clarissimus: quare ab huiusmodi uomitus prouocatione semper dehortari solebat discipulos. Sed unusquisq; quod rationi cōsentaneum & sine periculo fore censuerit, id sequatur. Rhab-

Vomit⁹.

Rhabanus.

Radix,

Radicula.

Armoracea.

phani.) Raphanus duū generū est. Vnus satiuus, qui etiā radix uocatur & radicula. Celsus libro 3. cap. de resolutione linguæ. Nonnunquam multam esse radiculā oportet, deinde uomere. Alius uero agrestis est, armoracea dictus. Dioscor. Agrestis raphanus quā Romani armoracēā uocant. Palladius libro 11. Item betā locis siccioribus nec nō armoracēā seremus, uel transferemus ad culta, ut melior fiat, nam hæc agrestis est raphanus. Raphano uis &

&

& natura est, ut tradit Dioscorides, colligēdi flatus. Cale-
 scit, in cibo gratus ori, sed stomacho parum accommo-
 datus, ructus cit, bonam facit aluum, sed oportet à cibo
 eum sumere, sic magis digestionem conferentem: præsum-
 ptus enim cibum in stomacho supra se suspendit. Præ-
 sumptus itidem uomitionibus accommodatus est, sen-
 sus exacuit. Cortex raphani ex aceto mulso sumptus, ma-
 iore efficacia ad uomitiones est. Et hæc de plantæ radice
 dicta sunt: de qua Plinius etiam libro 20. sed cōtra quā
 hic, ait: Vomituris summo cibo esse raphanos utilissimū
 est: purgant enim stomachum, pituitamq; extenuant ra-
 phani. *Semen.*) Quod, ut Gale. lib. simpl. 8. tradit, fortius
 est omnibus partibus plantæ, & agrestis quidem fortior
 est domestico: cuius uirtus est calida & sicca atq; attenua-
 tiua, quæ in uomitu prouocando desideratur. Et de se-
 mine Dioscorides ait, Vomitorium etiam semē raphani
 est. Et Auicēna quarta primi, Res quoq; quæ uomitus sunt
 præparatoriæ, sunt eruca & raphanus cum melle, & quæ
 sunt eis similia, & eorum semina. *Vorabis.*) *Degluties.* *Vorare.*
 Vorare est cibum non confectum dentibus deglutire.

Sive fel ursinum tepesacta dilue lymp̃ha,
 Proderit hoc potu. Seu cassis ostrea testis
 Vsta dabit cinerem, qui pro sale sumptus in escis,
 Decutiet gelidum calefacto uertice uirus.

Fel ursinum.) Ponit nunc uentris subductiuū medicamen-
 tum. Est autē fel nihil aliud quā pessimi sanguinis pur-
 gamentum. Et inter omnia communia animalium præ-
 stantius in effectu: habetq; omne acrimoniā, et calefacit:
 differtq; hoc ab illo maiore tantum minoreue efficacia.
 Proritat omne fel deiiciendæ alui cupiditatem: imò & so-
 lutium est, ita etiamq; fel porcinum, quod inter alia
 est debilius. Curatur omne hoc modo: Sumito recens &
 filo crasso ore eius præligato in feruentem aquam demit
Fel urfi.
Fel quid.
Felis curandi
modus et ratio.

tito: finitoq; illic semihora, seu tandiu dum trium stadio-
rum spatium quis decurrat: deinde extractum ex aqua
mox sine sole in umbra, & sine humore locis siccatur ier-
uato. Quod uero fel oculorū medicinæ seruandum erit,
filo pariter præligatum in uitreum uasculum melle ple-
num demittito, filiūq; capite ex uasculi ore religato oper-
culatum reponito, autor Dioscorides, Auicenna, Plin.

Thera. lib. 10.
Aqua calida,

Tepefacta lymphæ.) Aqua calida. Nam, uti Galenus testatur,
neq; ipsam frigidæ substantiam (scilicet per se solam) neq;
eius qualitatem omnino integram, usq; ad uiscera per-
tingere, est salubre. *Dilue.*) Luere est soluere. Inde relue-
re, resolueret et diluere, dissoluere: ac, uti Agretius inquit,

Luere. Reluere
Diluere,

temperare est. Persius, Diluis helleborum. Vergilius,
Cui ru lacte fauos, & miti dilue baccho. Hinc uinum di-
lutum, id est, aqua dissolutum & temperatū. Martialis,

Georg. lib. 1.

Diluti bibis unciam falerni. Celsus uinum præcipit pue-
ris dilutius, senibus meracius esse bibendum. *Cassis testis.*)
Inanibus, uacuis & amotis tegumētis. *Ostrea.*) Ex aqua

Ostrea.

tilium & siliceo conchiliorum genere sunt & ostrea, sic
dictæ quod scabram & asperam habent testam. *Vsta dabit*
cinerem.) Per adustionem nanq; omnis fit cinis: qui cale-
facit, siccatur & secundum rerum ex quibus fit diuersitatem

Cinis ostrea.

diuersificatur, ut tradit Auerrois. *Pro sale.*) Loco salis
cibo inspersus & comestus. Est enim & ipse falsæ cinis par-
ticeps, terrestrium partium naturæ calidæ & desiccantis.
Gelidum uirus.) Hoc est, frigus et humores capitis frigidos.
Virus. Virus multa significat, proprie tamen asperitatē odoris,
ut uirus alarum: aliquando uero asperitatem saporis. Plin-
nius lib. 31. Aqua marina uetustate uirus deponit. Et lib.
34. Stannum illitum ærēis uasis saporem gratiorem facit
& compescit æruginis uirus. Item coloris asperitatem.
Idem de sanguine purpuræ: Tum superadditum deco-
quitur uirus. Significat & geniturā. Idem libro 29. Virus
uerrinum ē scropha à coitu exceptum priusquam terram
attingat, contra dolores aurium ualet. Accipitur etiam
inter-

Virus.

Interdum pro ui naturali. Idem libro 34. cap. 14. ut legit Pe-
 rottus: Sola hæc materia uirus ab eo lapide accipit reti-
 netq; longo tempore, aliud apprehendens ferrum. Ni-
 malis pro uirus hoc loco legere uires, ut aliqui codices ha-
 bent. Demum accipitur etiam pro ueneno & quicquid
 humanæ naturæ cōtrarium est, ut hic. Vergilius, Ille ma-
 lū uirus serpentibus addidit atris. *Calefactio.*) Morbus
 frigidus calefactione indiget, si abigi debeat. Contraria
 enim contrarijs curantur. Vnde Galenus microtechnes
 lib. 3. Curatio, inquit, unam præcipuam, ac communissi-
 mam habet intentionem, ad id quod est dispositioni au-
 ferendæ contrarium. Ex hoc siquidem genere sunt causæ
 illæ omnes quæ sanitatem efficiunt. Secundum partem
 uero, ex unicuiq; dispositioni contrarijs. Calido igitur
 affectui, causa frigida contraria existit, frigido autem cal-
 ida, eademq; in cæteris proportionē. Etenim si omne im-
 moderatum est præter naturam, moderatum uero secun-
 dum naturam, necesse est omnino, ut immoderatum ab
 immoderato contrario ad mediocritatem redigatur. At
 manifestum est quod secundum potentiam, non autem
 imaginationem, & calefaciens, & refrigerans, & quæcun-
 que alia huiuscemodi oportet assumere. Voco autem se- *Secundum po-*
 cundum potentiā, quod re ipsa uere tale existit, quale esse *tentiam.*
 dicitur. Secūdum imaginationem aut, quod ex prompto *Imaginationē.*
 quidem sensu tale esse imaginamur, cum tamen uere tale
 non sit. Hæc ille. *Vertice.*) Vertex, autore Quintiliano, *Vertex.*
 est contorta in se aqua, seu quicquid aliud similiter uerti-
 tur: unde summum capitis ob capillorum flexum, uertex
 quoq; dicitur, & pro ipso toto capite nonnunquam acci-
 pitur, ut hic. Adhæc montium & herbarum summitates,
 uertices appellantur. Vergilius, Accipiens sonitum, saxi
 de uertice pastor. Columella de lactuca, Tertia quæ spi-
 so, sed puro uertice pollet.

Nonnullus liquidum sumit mulsūq; sinapi,
 Atq; palato agitat, pariter retinensq; uomensq;
 p

Liquidum.) Molle, tritum & liquore solutum. *Mulsum.*) Hoc est, melle seu mulso temperatum & contritum liqua-
Sinapi. tūq. *Sinapi.*) Sinapi uis & natura est, ut tradit Diosco-
caleſcere, extenuare & extrahere. Commanducatum pi-
tuitas capitis per os ducit & purgat Et Plinius, Sensus, in-
quit, atq; sternutamenta capitis purgat. Item, Contra pi-
tuitam tenetur in ore donec liqueſcat, aut gargariffatur
cum aqua mulſa. Amplius Auerrois, Sinapi, ait, calidum
est & ſiccum, mundificat humiditates quæ ſunt in capite,
& est de medicinis aperientibus colatorij oppilationem.
Gargariffatio- Corn. Celsus iteni libro 5. ſinapi inter ea quæ gargariffan-
nium cauſe. do humores euocant, connumerat, dum inquit: Garga-
riffationes autem, aut lauandi cauſa fiunt, aut reprimedi,
aut euocandi. Lauant lac, cremor uel ptiſanæ uel ſurfu-
rum: Reprimat aqua in qua uel lenticula uel roſa uel ru-
bus uel cotoneum malū, uel palmulæ decoctæ ſunt: Euo-
cant, ſinapi, piper. *Palato agit.*) Ore mouet & garga-
riffat. Palatum oris pars eſt. Ariſtoteles de hiſtoria anima-
lium libro 1. Oris partes ſunt palatum, fauces, lingua, ton-
ſillæ & dentes. *Retinens.*) Detinens in ore dum mouetur
& gargariffatur in eo. *Vomens.*) Euomens et expuens ſci-
licet poſt gargariffationem.

Allia nonnulli mandunt, olei uero liquore
Perfundunt calido cerebrum, naſiq; latebras.
Quidam lactucæ credunt prodeſſe ſapores,
Curandi modus hic & ſuauiſ & utiliſ idem eſt.

Allium.

Allia.) Allium omne acrimoniam habet, unde & cerebri
pituitas purgat maſticatum non minore utilitate quàm
ſinapi. Prodeſt & comestum contra pituitas, eo quo Pli-
nius docet modo præparatum, uidelicet, ſub pruna co-
ctum potum & cum mellis pari modo ſumptum. *Oleili-*
quore.) Hoc eſt, oleo ipſo. Plinius libro 12. Arbores poſtea
grandioribus fruge ſuccis hominem mitigauere: ex hijs
recreans membra olei liquor: qui etiam, ut Dioſcorides
tradit

Oleum.

tradit, calefaciendi & discutiendi uim habet, præsertim uetus. *Perfundunt cerebrum.*) Caput in quo cerebrum situa-
tur, inungunt. *Nasilatebrat.*) Narium intima & forami-
num nasi profunda, quo facilius per colatorij meatus uis
eius ad cerebrū ipsum pertingat. *Lactuca.*) *Lactuca* no-
ta planta est, sic dicta, ut Palladius ait, quod abundantia
lactis exuberet: seu, ut Dioscorides tradit, quod lactis ab-
undantiam facit. Suntq; plura eius genera, de quibus in
sequentibus. Virtus omni lactucæ refrigeratrix & hume-
ctans, soporiferaq; & ebrietati aduersa: unde capitis gra-
uitates quas Græci *καρκαρία* dicunt, & à nimio uini po-
tu ac ebrietate propter uapores eorum sursum leuatos &
caput opplentes contingunt, infita frigiditate sua illos
prohibendo, retundendo & discutiendo sanat, uel Ruffo
reste, qui ait: Lactuca curat ægritudines quæ fiūt ab ebie-
tate, quando sumitur: succus enim eius in detentis à cra-
pula, humores qui uinosi crudiq; existunt, in aluum de-
trahit, ac corpus refrigerās eisdem discutit, uinum enim
humidum est & calidum, replens & obstruens, Lactuca
uero inter acrepala connumeratur, hoc est, ea quæ ebie-
tati obluſtantur, eamq; prohibent: et ideo quoq; antiqui
tus in cœnæ fine sumebatur: post uero ad conciliandam
appetētiā in cœnæ principio sumi cœpta est. Vnde Mar-
tialis inquit, Claudere quæ cœnas lactuca solebat auorū:
Dic mihi, cur nostras inchoat illa dapes? Diuersas itaque
ob causas, diuerso etiam tempore fuit eius usus. In tan-
tumq; commendata est olim post diuum seruatum Au-
gustum, lactuca, ut seruari etiam in alienos menses eam
oxymelite repertum sit, ut tradit Pli. Fuit autē uariis con-
dituræ eius modus & operosus etiam. Nam ut Columel-
la rei suæ rusticæ libro. 12. cap. 9. docet, Caules lactucæ ab
imo depurgatos eatenus, qua tenera folia uidebuntur, in
alueo salire oportet, diemq; unum, & noctē sinere, dum
muriam remittant, deinde muria eluere, & expressos in
cratibus pandere, dum assiccescant, tum subternere ane-

*Lactuca.**καρκαρία.**Acrepala.**Lactucæ condi-
tura qualis.*

thum aridum, & fœniculum, rutęq; aliquid & porri concidere, atq; ita miscere, tum siccatos coliculos ita componere, ut fascoli uirides integri interponantur, quos ipsos ante dura muria die & nocte macerare oportebit. Similiterq; assiccatos cum fasciculis lactucarum cōdi, & superfundius, quod sit aceti duarum partium, atq; unius muria: deinde arido spissamento fœniculi sic comprimi, ut ius supernatet: quod ut fiat, is, qui huic officio præerit, sæpe suffundere ius debet, nec pati sitire salgama, sed extrinsecus munda spongia uasa pertergere, & aqua fontana quàm recentissima refrigerare. Et hunc condiendi modum breuibus innuere uidetur Dioscorides cum ait, Condiuntur lactucæ muria, seruanturq; aliorum salgammorum modo. Sed nostro tempore raro in alienos menses illas condimus, sed recentibus simpliciter & sine impendio in acetarijs utimur cum sale, oleo & aceto, adiunctis aliquando nasturtio, buglosso, mentha aut alijs herbis, aut succidijs, aut ouis duris insectis, piscib; sue assatis, & alijs rebus cōpluribus. *Sapores.*) Sapor gustus obiectum est, & sic ab Aristotele describitur: Sapor est à terreo sicco in humido facta passio, alteratiua gustus de potentia ad actum. Estq; nunquam non coniunctus humori sapor, neque sine ipso percipi potest. Si quid enim gustandi sensum afficere debet, necessum est, ut humidum sit illud aut actu aut potentia. Et hinc etiam saporres dicuntur conditura & balsamēta, quæ liquore aliquo aut sale condiuntur, ut uel in alienum tempus seruari possint. Item succi & humores siue liquores quibus panem uel obsonia quo commendationis suauiorisq; sint saporis, intingimus. Vnde etiam à tingendo, id est, inficiendo & madefaciendo immergendoq; intinctus dicuntur: Græci embannmata uocant, ἀπὸ τοῦ βάπτειν, quod intingere est: qua dictione Latini quoq; utuntur. Columella libro 12. Hoc sinapi ad embannmata non solum idoneo, sed etiam specioso uteris.

ELEPHANTIASI PROPEL-

LENDÆ.

CAPVT X.

EST elephas morbus, tristi quoq; nomine dirus,
 Non solum turpans infandis ora papillis,
 Sed cito præcipitans funesto fata ueneno.



ELEPHANTIASI.) Elephantiasis apud *Elephantiasis.*
 diuerfos autores, diuerfos etiam morbos signi-
 ficat. Rasis etenim, Auicenna & Arabes, & hos
 sequuti medici recētiore, morbum ita uocāt,
 eum in quo pedes & crura supra modum intumescunt
 sed de hoc nihil in præsentia. Galenus uero, Paulus Aegi-
 neta et Græci & Latini uetustiores, ceu Plinius, Celsus &
 noster Serenus, eum intelligunt morbum, quem Arabes
 & medici iuniores uocant lepram, qui ex crassa pituita
 & atra bile ortum traxit, nomen uero ab animalis simili-
 tudine. Nam ut in libro de causis accidentium sexto scri-
 bit Galenus, Hoc morbo laborantes carnem habent ni-
 gram, & tuberibus plenam, qualis est cutis elephantum.
 Aliqui tamen sic dictum putant ob morbi magnitudi-
 nem, qui nulli ferè remedio succumbit. Alij uero ob id,
 quod sicut elephas præ cæteris animalibus diutissime ui-
 uit, ita hic humor longissimus est. Est autem non solius
 cutis, ceu λεπρά uocata à Græcis, passio, sed in eo cutis, car-
 nes & ossa quoq; uitiantur: quod uel Celsus ipse testatur
 medicinæ libro 1. ita scribens, Ignotus penè in Italia, fre-
 quentissimus aut in quibusdā regionibus is morbus est,
 quē elephantiam Græci uocāt: isq; longis annumeratur.
 Totum corpus afficitur, ita ut ossa quoq; uitari dicātur.
 Summa pars corporis crebras maculas, crebrosq; tumo-
 res habet. Rubor harum paulatim in atrum colorē con-

vertit. Sūma cutis inæquabiliter crassa, tenuis, mollisq̃
quasi squamis quibusdam exasperatur, corpus emacrescit,
os, suræ, pedes intumescunt. Vbi uetus morbus est,
digiti in manibus pedibusq̃ sub tumore cōduntur. Pli.
item nat. historiz libro 26. cap. 2. eundem morbum sic de
scribit. Diximus Elephantiasin ante Pompei magni æta-
tem non accidisse in Italia, & ipsam à facie sæpius incipi-
entem. In hanc prima ueluti lenticula, mox inualecente
per totum corpus maculosa uarijs coloribus & inæquali
cute, alibi crassa, alibi tenui, dura ceu scabie aspera, ad po-
sterum uero nigrescente, & ad ossa carnes apprimente,
intumescuntibus digitis in pedibus, manibusq̃. Aegypti
peculiare hoc malū, & cum in reges incidisset, populis fu-
nebre. Quippe in balneis solia temperabātur humano
sanguine ad medicinam eam. Hic morbus quod eo affecti
faciem habent similem Satyris, nasum simum, crassa la-
bra, aures leuigatas, Græce Satyriasis etiam uocatur, ut
scribit Galenus de causis morborum libro 2. suntq̃ tales,
ut idem in lib. de tumoribus præter naturam dicit, aspe-
ctu horribiles, & male olentes. Porro Satyriasis non sem-
per hunc morbum illis significat, sed & priapismum ali-
quando. Est *elephas*.) Describit elephantiasin. Dicitur
autem & *elephas* & *elephantia* & *elephantiasis*. Tristi.)
Hoc est, tristitiam adferente. Dirui.) Crudelis, funestus
& quasi deorum ira missus. Horatius, Crescit indulgens
sibi dirus hydrops. Infandis.) Nefandis, turpibus & fe-
dis, quibus uel quæcunq; mors præferenda sit: qui enim
huiusmodi morbo affecti sunt, tanquam à communi ho-
minum conuersatione sciunguntur, ne alios quoq; infi-
ciant, cum morbus sit contagiosus. Ora.) Vultum &
faciem in qua primum sese ostentat, quamuis per totum
corpus serpat. Est enim, Paulo Aegineta autore, cancer
totū corpus occupans, à facie tamē sæpius incipiens, quā
obré & inter capitis affectus de illo nūc agit Serenus. Pa-
pillis.) Tuberculis & paruis papulis, tumoribusq̃, qui-
bus

Satyriasis.

Elephantiasis
est cancer uni-
uersalis.

bus plenum est corpus. *Funeſtus.*) Funeſtū dicitur triſte, *Funeſtus.*
 cruentum, ſunebre & mortiferum, hoc eſt, quod ſuneris
 ac mortis cauſa eſt. *Fata.*) Mortem diuina prouidentia
 deſtinatam & ineuitabilē. Eſt enim morbus ubi radices
 fixerit, incurabilis, ſed non acutus, imò potius inter lon
 gos et diuturnos cōnumeratus: de quo Paulus Aegineta
 libr. 4. cap. 1. ſic tradit, Si cancer unum tantū membrum
 infeſtans, tamen ſecundum ſententiam Hippocratis in
 ſanabilis eſt, quanto magis elephas, qui cancer quidam
 eſt uniuerſalis, omnem curationem ſuperabit. Et hoc in
 tellige de eo qui iam confirmatus eſt. Nam qui primum
 incipit morbus, non omnino deſperatus eſt. *Veneno.*) *Venenum.*
 Humoribus per uniuerſum corpus corruptis & putri
 dis, imò & toto corpore putrefacto: et perniciē uitę. Quic
 quid enim naturę & uitę contrarium eſt & aduerſatur,
 iſtis perniciem adferens, id eorum uenenum eſt.

Huic erit aduerſus cedri de cortice ſuccus.

Mustelę uē cinis, uel fuſus ſanguis ab illa.

Nonnulli dixere ſerum prodeſſe bibendo.

Aduerſus. Cōtrarius, amolitur enim & ut hoſtis propul
 ſat ac abigit morbū. *Cedri de cortice ſuccus.*) Hoc eſt, cedri *Cedrium.*
 liquor, qui per corticis incisi cauernas ex arbore de
 fluit, ſeu cruda cedri ſachryma quę per ſe ex arbore gumi
 modo per corticē fluit et cedrea ſiue cedrium uocatur, de
 quo dictum eſt ſupra cap. 3. & 5. De hoc ſic tradit Dioſco
 rides, Illinitur elephantis, & linctū iſdem pariter mede
 tur. Plinius etiam libro 24. cap. 5. In elephantiaſi ulcera
 ſordida & excreſcētia in iſis, ſi cedrio illinātur, facilius per
 ſanari teſtatur. *Mustelę.*) Mustelarum duo ſunt genera, *Mustela.*
 magnitudine diſtantia. Vnum uulgare & minus, quod
 domeſticum uocatur, quia in domibus noſtris oberrat,
 & catulos ſuos (ut autor eſt Cicero) quotidie transfert,
 mutatq; ſedem. Vnde Plautus in Stichō ait, Certum eſt
 muſtelę poſthac nunquā credere, nam incertioreſ nūq;

ELEPHATIASI PROPELENDÆ.

- Gale.** Iam noui bestiam, quin & ipsa decies in die mutat locum. Græci γαλέμ galen uocant: hæc felium modo mures uenatur. Plinius libro. 8. cap. 27. Mustela ruta in muriū uenatum cum ijs dimicatione conferta. Homerus in libello cui titulus θαρραχουμομαχία, id est, ranarum & murium pugna, idem testatur, ubi psicharpax mus de se sic refert: Ἀλλὰ δ'ὦν μάλα πάντα τὰ δειδία παῖσαρ ἐπ' αἶαν, Κίρκω καὶ γαλέμ, οἱ μοι μέγα πένθος ἄγουσιμ, Καὶ παγίδας σονοῖσσαρ ὅπου δολοῖς πέλε πότμος, Πλεῖστον δ' ἡ γαλέμ περιδεΐδία ἢ τις ἔρϊςκ, ἢ καὶ τρωγλοδύνοντα κατὰ τρώγλημ ἔρειναι hoc est, At duo ualde sunt omnia quæ timeo in uniuersam terram, circū siue accipitrē & galen, qui mihi magnū luctum inducūt, Et decipulam suspiriosam, ubi dolosa inest mors. Plurimum uero galen pertimeo, quæ optima est: quæq; foramen ingredientem me in foramine inuestigat & quærit. Alterum genus est syluestre, domestico longe maius.
- Idem.** Græci uocant ictides. Aristoteles: Ictis syluestris mustelæ genus est magnitudine melitenfis. Syluestrium etiā duo genera sunt. Vnum quod sub uentre rufescit, martem apellant. Martialis, Venator capta marte superbus adest. Suntq; huius pelles hodie magno in precio. Alterū candidius est, quod uiuerram uocant: cui magna propter leporum uel cuniculorum uenatum gratia est, ut Plinius lib. 8. refert: Inijciunt eas in specus qui sunt multifores in terris, unde et nomen animali, atq; ita eiectos superne capiunt. Meminit eiusdem animalis Aristoteles quoq; lib. de naturis animantium 9. cap. 6. quanquam leporibus insidiari nō indicet, sed auibus & aluearibus. Idē Suidas idem animal piscibus insidiari tradit. Cinis uel sanguis.) Idem testatur Plinius lib. 30. cap. 3. Elephantiasin curat sanguis & cinis mustelæ. vel.) Disiunctiua coniunctio est. Accipitur tamen interdū pro etiam. Vergilius, Carmina uel cœlo possunt deducere lunam. Et sic etiam accipere potes hoc loco. Serum.) Serum est aqua lactis. Dioscorides, Habet omne lac cōiunctum sibi serum, quod à lacte separa-
- Cinis mustele.**
- Sanguis mustele**
- Vel.**
- Serum.**

separatum efficacius in purgādo est. Datur hijs quos sine acrimonia purgare uoluerimus: quales erunt atra bile laborantes, comitiales, lepræ, elephantiafes, & toto corpore papularum eruptiones. Datur autem bibendum heminis per interualla temporis usq; ad quinas. Verum à potu eius spatari bibentes per interualla illa temporis oportet. Plinius de eodem sero libro 18. cap. 9. sic quoq; scribit: Bibitur efficacissime heminis per interualla singulis usq; ad quinas à potu illius solitis gestari. Datur comitialibus, melancholicis, paralyticis, in lepris, elephātijs, articularibus morbis. Et Mesue, Aqua lactis est medicina bona infectionū cutis, quarū materia est cholera, & humor adust⁹, sicut est imperigo, & serpigo, & scabies sicca, & pustulæ, & pruritus, & ulcera mala sicca, & lepra, et similia. Per lepram autem intelligit morbum quem Græci & hic Sere-nus noster uocāt elephantiam. Melior est autem sumpta ex lacte iuuenum caprarum & nigrarum & boni pastus & recenter fœtarum. Post istam uero est ouium: & cum primis recens, boni odoris & saporis, in quam nulla ceci-dit corruptio.

Mentastri folium potu apposituq; salubre est.

Nec frustra bulbos & sulphura iungis aceto.

Præterea nitrum debes cum melle iugatum

Spargere lacte bouis, uarias sic ungere frontes.

Mentastri.) Plinius naturalis historiæ libr. 20. cap. 14. Men-
tastrium, inquit, syluestris mentha est, differens specie so-
liorum quasi figura ocymi, pulegi colore, propter quod
quidam syluestre pulegium uocant, ijs commanducatis
& impositis sanari elephantiam, sicut Magni Pompei æta-
te fortuito cuiusdam experimento propter putorem in
facie illita compertum est. Apuleius, Ad elephantiosos,
Herbæ mentastri folia frequenter commanducato, sanare
certum est. Nec frustra.) Imò cum profectu & comodo
maximo. Bulbos.) Bulborum, qui ex ceparum genere Bulbi.

sunt & illis similes, plura sunt genera, quæ differunt magnitudine, colore & suauitate. Alicubi enim, ut Theophrastus tradit libro de plâtis octauo, adeo dulces nascuntur, ut per se sine condimento alio edantur, quales in Taurica Chersoneso sunt. Post quos maxime laudant in Africa nati, et cum primis à Catone celebrati Megarici, à Megaris ciuitate Græciæ. Et hî præ cæteris Venerem maxime stimulant. Columella: Quæq; uiros acuunt, armantq; puellas, iam Megaris ueniant genitalia semina bulbi, Et quæ sicca legit Getûlis obruta glebis. Et hinc pluribus in locis salaces eos uocat Martialis, quod de mortuam excitent Venerem. Et eandem ob causam in nuptiis edendos præcipit Varro, cui & Apicius subscribit; sed is nucleos addit pineos, erucæ succum & piper. Sicenium septimo culinariæ artis libro scribit: Varro si quid de bulbis dixit iniquum, qui Veneris hostium quærent, deinde ut legitimis nuptiis in cœna ponuntur, sed & cum nucleis pineis, aut cum erucæ succo & pipere. Pythagoras philosophus tanti fecit bulbos præsertim Megarenses, ut de ipsis & uiribus eorum in medico usu, uolumen condiderit. Habent omnes acrimoniam, & quam nunc cum reliquis sibi iunctis uim eorum ad elephantiam tantum contrahit Serenus, illam generalius & simpliciter contra faciei uulnera efficacem tradit Plinius dicens: Bulbi ex aceto et sulphure uulneribus in facie medentur. Sed hæc de bulbis priuarim sic dictis sufficiant. Alioqui bulbus generaliter pro omni radice rotunda accipitur, quales lilij, croci, narcissi & cannarum bulbos legimus. Et Cornelius Celsus medicinæ libr. 1. bulbos innuit uocari omnia olera capitata, uel quorum radices esui dantur. De alimentis namq; pertractans, post ualentissimorum, hoc est, in quibus plurimum alimenti est, ciborum enumerationem, In media, inquit, materia numerari ex oleribus debere ea, quorum radices uel bulbos assumim⁹. Et paulo post, Ex oleribus, ait, ualentior rapa, napiq; & omnes bulbi, in quibus cepam

pam quoque & allium numero, quàm pastinaca, uel quæ specialiter radícula appellatur. *Sulphur.*) De sulphure et generibus eius dictum iam est in præcedentibus. Vis illi discutere & siccare: lepras, impetigines, scabros ungues, uirilignes & omnes corporis exulcerationes tollit, autore Dioscoride. *Nitrum.*) De hoc dictum est etiam supra cap. 5. Plinius libro 31. In facie, inquit, exulcerationes sanat cum melle & lacte bubulo nitrum. *Melle.*) Quæ mellis natura sit, docet nos Plinius libro 22. dicens, Mellis ipsius natura talis est, ut putrescere corpora non sinat, iucundo sapore atq; non aspero, alia quàm salis natura. Et Columella libro 12. Ea mellis est natura, ut coerceat uitia, nec serpere ea patiatur, qua ex causa etiam exanimus corpus hominis per annos plurimos innoxium conseruat. Dioscorides, Melli uis & natura est exterere, aperire, & humores in summum proritare. Ideoq; sordidis ulceribus & sinibus utiliter infunditur. *Lacte bouis.*) Lac medicatius est bubulum, maxime recens: quod cum melle crudo & modico sale prurigines, papularum eruptiones, & omnes malos corporis humores medicatur. *Variæ.*) Hoc est, uarijs maculis & exulcerationibus uariegratas et defædatis. *Frontes.*) Faciem. Frontem aliqui à ferendo dictam uolunt, quod animi indicia præ se ferat. Nam frons, ut Plinius libro 11. ait, homini tristitiæ, hilaritatis, clementiæ, seueritatis index in assensu eius. Varro tamen dictam existimat à foraminibus potius oculorum.

Cerussam & chartam quam gens Aegyptia mittit

Tunde simul, misceq; oleum quod flore rosarum

Conditum est, line sic faciem, sic redde salutem.

Cerussa.) Cerussa color est quem Græci *μύθιον* uocant, hoc quondam meretrices, nunc honestæ etiam, si dicere fas est, matronæ sese fucant, faciemq; oblinunt, quo senectam ac formæ uitia dissimulent, quemadmodum & purpurisso eandem ob causam sese fucant, sed hoc ruborem

addunt uultui, cerussa uero candidant ipsum. Est autem factitia res Cerussa. Nam ut libro 34. Plinius tradit, Psimythium hoc est cerusam plumbariæ dant officinæ. Fit autem ramentis plumbi tenuissimis super uas acetum aspersum impositis atque ita distillantibus, quod ex eo cecidit in ipsum acetum arefactum molitur & cribratur, iterumque aceto mixto in pastillos diuiditur, & in sole siccatur æstate. Fit & alio modo addito in urceos acetum plumbo obturatos per dies 10. derafoque ceu situ ac rursus deiecto, donec deficiat materia: quod derafum est teritur & cribratur & coquitur in patinis, misceturque tudiculis, donec rufescat, & simile sandarace fiat: deinde lauatur dulci aqua, donec nubeculæ omnes eluantur: siccatur similiter postea, & in pastillos diuiditur. Est autem letalis potus, sicut spuma argenti. Palladius libro 9. Cerusa plumbo creatur attrito, quæ corporibus nocet humanis. Nam ut Dioscorides testatur, letalis est, & ueneni maleficiū habet pota. Cæterum in usu medico Cerusa, tradente therapeutices libr. 3. Galeno, siccatur & adstringit modice, uulneribusque medicatur, si emplastici similis sit, uel etiam humidioris cuiusquam medicaminis: humiditatem enim desiderat, quæ uis eius ad ima pertrahatur: cineris namque ritu si circa uulnus eam insperges, nihil proficies: non enim ad fundum medicamenti uis peruenit, quod ita sit siccum. *Charta usta.*) Scilicet adustam & incineratam. Charta ex papyro fiebat, ut dictum est supra in procemio. Ipsa cremata inter caustica est, ut Plinius tradit libro 24. cap. 11. Eandem combustam inter ea quæ adurunt, ponit Celsus, Dioscorides. Potest crematæ papyri cinis quæ in ore aliisque partibus pascendo serpunt cohibere: ueruntamen in eo efficacior facta ex eo crematæ chartæ cinis est. *Quam gens Aegyptia.*) Hoc est, quæ ex Aegypto, ubi papyrus, ex qua fit, nascitur, ad nos uenit. Nam quæ alibi nascitur papyrus, chartis & huic medico usui minus est habilis aut efficax. Est autem Aegyptus Asiæ pars prima inter Catabathmō et Arabas, ut tradit

Charta usta.

Lib. 5.

Aegyptus.

tradit Pomponius Mela: quamuis Ptolemæus illam tribuat Aphricę. Sed latius de hoc uide Plinium lib. 5. cap. 9. Strabonem libr. 17. & Herodotum libro 2. *Oleum rosarum.*) *Oleũ rosarum.*
 Simplex hoc est rosaceum: quod, ut tradit Dioscorides, sic fit: Rosę (defectis prius forfice unguibus, quę in imo *Vngues in folio*
 folio candida pars sunt) insolatę pondere unciarum sex *lijs.*
 in olei sextarium demerguntur, dimissęq; in eo diebus octo madere, mox quadraginta diebus tertia rosarum ad iectione insolatę sic reponuntur & seruantur. Et tale oleũ cataplasmatibus etiam utiliter miscetur, nedum quod per se tantum adspargitur & illinitur. Estq; uis illi adstringēdi, refrigerandiq; & ulcera malefica, quę cacoēthe uocant, mitigandi. *Conditum.*) Confectum & compositum.

CVTIS ET FACIEI VITIIS

PROPELLENDIS.

CAPVT XI.

LIVIDA si maculat faciem lentigo decoram,
 Nec prodesse ualent naturę dona benignę,
 Erucam atq; acidum laticem simul illine malis.



V T I S & faciei uitij.) Cutis & faciei uitia & *Cutis uitia.*
 defecationes, de quibus hoc capite agit Sere-
 nus, sunt cum primis lētigo, quam Celsus len- *Lentigo.*
 ticulam uocat, liuores, cicatrices, impetigo siue *Lenticula.*
 papula leuis, & hñs similes cutem ac faciem deturpantes
 maculę. *Liuida lentigo.*) Macula nigricans aut rubicun-
 da, liuoreq; perfusa, qualis color esse solet plumbi aut qui
 ex percussione fit, & ad lentis similitudinem prouenit,
 unde & nomen habet: cui non absimiles sunt uari & *Vari.*
 ephelides, omnes in sceminis præcipue se depromen- *Ephelides.*
 tes. De quibus Celsus medicinę libro 6. sic scribit: Pe-
 nę ineptię sunt, curare uaros & lenticulas & ephelides,

sed eripi tamen scemini cura cultus sui non potest. Ex hijs autem quas supra proposui, uari lenticuleq; uulgo notæ sunt, quamuis rarior ea species quā φάκοι Græci uocant, cum sit ea lenticula rubicundior & inæqualior. Ephelis uero à plerisq; ignoratur, quæ nihil est, nisi asperitas quædam & durities mali coloris. Cætera non nisi in facie, lenticulæ etiam in alia parte nonnunquam nasci solent. Hæc ille. *Faciem decoram.*) Facies in homine tum capitis tum uniuersi corporis ornatus est uel præcipuus: hac nihil pulchrius, nihil ornatus, magis uel decorum: hac mentis arcana produntur. Facies ipsa, Cassiodoro in lib. de anima tradente, quemadmodum prudentiæ suæ patefecit indicia, in effigiem nostram exeunt occultæ cogitationes, & ex parte cognoscitur, qualis intus animus uoluntasq; uersetur. Vultus siquidem noster, qui à uoluntate nominatur, speculum quoddam est animæ suæ, & quod substantialiter non cernitur, per eius habitum euidentissime declaratur. Et quia solus omnium animalium, teste Aristotele, erectus est homo ac solus anteuersus prospicit, uocemq; mittit: hinc Græce πρόσωπον dicta est facies, ut uolunt, nomine ab re indito. Adhæc uultus & facies aliquando pro rerum apparentia, & specie siue forma, posita repperiuntur. Columella, Nec omnibus annis eodem uultu uenit æstas aut hyems. Plinius, Parum est singulas herbarum ætates pingi, cum quadripartitis uarietatibus anni faciem mutant. *Nec prodesse ualent.*) Facies enim deformis & uitiosa neq; decori neq; uoluptati est homini, sed labori potius & fastidio & despectui. Integra uero & pulchra, decor est corpori & honos non paruus. *Naturæ dona benigne.*) Inter naturæ dona non minimum est ipsa corporis forma integra & pulchritudo ipsius decora, iuxta illud, πρῶτον εἶδος ἄξιον τυράννης, hoc est, primum species digna est imperio. Hanc autem non nostro merito, sed liberaliter sua sponte & gratuito nobis largitur consummatissimam. Cum enim nihil faciat frustra, semper quod

*Facies corporis
ornatus.*

Cap. II.

Vultus.

*De part. lib. 4.
Prosoyon.
A. Gell. lib. 13
cap. 18.*

*Pulchritudo na
turæ donum.*

quod optimum est & perfectissimum, operatur, non pre-
 pedita. *Eruca.*) Eruca herba est calida, frigorū con- *Eruca.*
 temptrix, & diuersæ quam lactuca naturæ, quare & illi *Plin. lib. 19.*
 in cibis ferè iungitur, ut nimio frigori par feruor immi- *cap. 8.*
 xtus temperamentū æquet. Est item Veneris concitatrix.
 Columella, Excitet ut Veneri tardos eruca maritos. Dio-
 scorides, Stimulat Venerem multus crudæ erucæ cibus.
 Potest idem & semen, quod confectionibus etiā additur *Διασατυριων*
Διασατυριων, id est, dia satyrion uocatis, hoc est, quæ ex
 Satyrj radice, à qua nomen habent, ad Venerem exci-
 tandam componuntur. Huic in cōdiendis obsonijs tan-
 ta est suauitas, ut Græci *ἐνζωμον* appellauerint. Cuius se- *Ενζωμον.*
 men etiam cutis uitia in facie cum melle illitum arcet: len-
 tiginēs ex aceto: cicatrices nigras reducit ad candorem
 cum sefe bubulo, ut auctor est Plin. *Acidum laticem.*) Hoc *Lib. 10. cap. 15.*
 est, humorem & liquorem acidum & acetum ipsum, cui *Acetum.*
 nequitia inest uirtus. Nam uini uitium est: fitq̃ ex uino.
 Si enim uini, quod calidum est, uas uacuum fuerit, nec
 clausum, aer uim eius ex uacuo elicit, quare uapidum fit
 & in uitium transit, quod acetum dicitur, hocq̃ in reme-
 dia, magnosq̃ ad usus, & sine quo uita mitior degi non
 posset. Cibus enim & sapores non alius magis succus cō *Plin. lib. 14. ca. 2*
 mendat aut excitat. Plurimum fotu medetur post uredi-
 nes, item lepris, surfuribus, ulceribus manantibus. Con- *Latex.*
 tra lichenas & imperigines et bibitur & imponitur. Quo
 modo autem arte conficiatur acetum, docet Columella
 lib. 12. cap. 5. Cæterū latex proprie dicit̃ de aqua, eo quod
 intra terræ uenas lateat. Consequenter uero & de omni
 alio liquore, sed cum adiūcto, ceu hoc loco, cum acetum
 dicere uellet, acidum dixit laticem. Et Vergilius, Regales
 inquit, inter mensas, laticemq̃ lyeum: uinum intelligens.
 Ouidius item Palladios latices uocat oleum. *Mala.*) Fa-
 ciei quæ lentigine infecta est, Malæ faciei pars sunt infra *Mala.*
 oculos homini tantum, quas prisci genas uocabant. Pus *Genæ.*
 doris sedes tibi maxime ostenditur rubor: infra eas hila- *Buccæ.*

CUTIS ET FA. VITIIS.

ritates risumq̃ indicantes buccæ. Autor Plinius libro 11.

Proderit & bulbus mellis dulcedine uictus.

Crudæue dulcacido miscebis rapa liquori.

Sanguine uel leporis morbus delebitur oris.

Frons salicis cum flore suo contrita medetur.

Bulbus.

Mel.

Bulbus.) Idem testatur Plinius dicēs: Bulbus in melle con-

tusus, & faciei illitus, lentigini medetur. *Mellis dulced. ne.*)

Hoc est, melle cui dulcedo inest, & in omni genere quo

dulcius, eo probatius: estq̃ illi uis exterere, qua in hīs ui-

tijs opus habemus. *visu.*) Superatus & mitigatus dul-

coratusq̃ per admixtionem mellis: habent enim acrimo-

nix nonnihil bulbi etiam qui edendo sunt. *Cruda.*) Co-

Dulcacidus

liquor.

ctura enim nōnihil absterisionis illi adimit. *Dulcacidoliq.*)

Dulcacidus dicitur liquor, qui dulcissimis rebus est con-

ditus & acidis ceu melle & aceto, ē quibus duobus & a-

Oxymel.

Acetū mul-

sum.

qua & sale potus conficitur, qui oxymel dicitur, id est, a-

cetum mulsum. Quod sic conficitur, ut tradit Dioscori-

des, Sumito aceti sextarios quinque: marini salis pondo u-

num: mellis pondo decē: aquę hemias totidem, mixtaq̃

simul omnia coquito usq̃ dum decies inferbuerint, tum

refrigerata omnia in dolia diffundito. Sunt & alij confi-

ciendi oxymelitos modi & rationes, de quibus uide Gal.

libro de sanitate tuenda quarto, & Plinium libro 14. cap.

Rapum.

Congyle.

17. & libro 23. cap. 3. *Rapa.*) Rapum siue rapam: utrunq̃

enim dicitur, Gręci à rotunditate congylen uocant: ipsis

enim γόγγυλον significat στρόγγυλον, id est, rotundum.

Vtitur dictione Columella, Gōgylin illustri mittit quam

Nursia campo. Sunt autē duo raporum genera. Vnum

fatium in latitudinem fusum aut in rotunditatem globa-

tum. Alterum agreste, in aruis maxime nascens, frutico-

sum, radice in longitudinem procurrente raphani simi-

litudine, semine foris nigro, intus albicante, duplo maio-

re quàm papaueris. Cæterum quod hic simpliciter de

crudis rapis dicit Serenus, id de fatiuorum radice, quæ in

communi

communi uitæ usu est, intelligendum est: non obstante quod Plinius & Dioscorides eundem effectum de syluestris semine testentur, & aliter etiam medicinam illam instruant. Dioscorides siquidem de syluestri loquens, Ad-
ditur, inquit, semen id his quæ ad exterendam faciem reli-
quumq; corpus, lupinorum, triticiûe, aut lolij, aut erui fa-
rinis conficiuntur. Plinius uero, Semine, ait, ad albican-
dam cutem in facie, totoq; corpore utuntur mixta urina
pari mensura. *Sanguine leporis.*) Idem testatur Diosco-
rides libro 1. cap. 18. de utroq; lepore, dicens: Vitiligines, len-
tiginis, ephelides, id est, aspera & discolor ceu ab æstiuo
sole cutis, calido leporis sanguine utiliter inunguntur. Idem
eiusdem libri cap. 70. de sanguinibus: Emendat leporinus
sanguis lentiginis, ephelides, si calente eo inungantur.
Sextus item Platonius, Leporis, inquit, sanguis, lentigi-
ges de facie purgat perunctus. *Oris.*) Faciei. Vergilius,
Os, humerosq; deo similis. Ouidius, Os homini sublimis
dedit. *Frons.*) Frons frondis arborum et herbarum folia
significat. *Salicis.*) Adstringunt salicis flores, folia, semẽ,
cortex et succus: estq; omnium uirtus desiccans sine mor-
dicatione, validior tamen cortici, quemadmodum & om-
nium corticum natura est: foliorum & florum succus len-
tiginem cæteraq; cutis in facie uitia purgat & emendat:
imò & corticis è ramis primis cinis, magisq; admixto suc-
co suo, ut tradit Plinius libro 24. cap. 9. Est autem trium
generum. Vnus quem arbor ipsa exodat gumi modo. Al-
ter, qui manat in plaga cum floret exciso cortice trium
digitorum magnitudine. Et tertius, qui detruncatione
ramorum à falce distillans est.

*Sanguis lepo-
ris.*

Frons, dñs.

Salix.

*Salicis succus
triplex.*

Sepiolæ cineres ex ossibus, omnia sanant.

Cycneos adipēs hilarī misceto lyeo,

Omne malum propere maculoso ex ore fugabis.

Sepiola.) Sepiola diminutiuum est à sepia, quæ piscis est in
ter eos qui sanguine carent connumeratus. Quorum ut Sepia.

R

libro nono tradit Plinius, tria sunt genera. In primis quæ mollia appellantur: deinde contacta crustis tenuibus: postremo testis conclusa duris. Mollia sunt lolligo, sepia, polypus & id genus reliqua. Hijs caput inter pedes & uentrem situatum est. Pediculi octoni omnibus, sepiæ & lolli gini, pedes duo ex hijs longissimi & asperi, quibus ad ora admovent cibos, & in fluctibus se ueluti anchoris stabiliunt, cæteri cirrhi quibus uenantur. Mares sepiarum generis, uarij & nigriores, constantiaq; maioris. Percussis tridente scæminis auxiliantur. At scæmina iusto mare fugit. Ambo autem ubi sensere se apprehendi, effuso atramæto, quod pro sanguine hijs est, infuscata aqua absconduntur. Quod & Oppianus halieuticôn libro 3. testatur dum inquit: Quin & natua scœcunda est sepia fraude. Est liquor in tumida concretus turbidus aluo, Qui fuscus piceam superat caligine massam, Conditus hic humor nutritur corpore, præsens Auxiliû miseræ, subita formidine capta Atras emittit guttas, & polluit æquor, Obscuratq; uias ponti tenebrosa cruore Permixon sanies piscantis lumina turbans Auertit usum & prospectum surripit omnem, Hæc facili cursu pertinctas æquoris undas Effugit horrendos pisces hominemq; sagacem. *Ossibus.*) Sepia duabus constat partibus. Vna quæ duriore testa clauditur: & altera quæ hanc foris claudit testa. Cuius etiam duplex rei substantia, una interior pumicosa & tenera, qua aurifabri ad formarum insculptiones utuntur: altera exterior silicea, durior, crustacea, & in qua cû asperitate aliqua est leuor: & huius cinis est qui lentiginē et alias similes corporis defædationes purgat & exterit. Plin. Medetur lentigini, cæterisq; uitij ex ossibus sepiarum cinis: idem & carnes excrecentes tollit, & humida ulcera. *Cygneos ad.*) Cygnus Græce, Olor Latine, Auis est candida atq; canora, quæ instante morte mirandos quosdam edit catus, quod uel oninium poëtarum literis est celebratum. Martialis, Dulcia defæcta modulatur carmina lingua Cantator cygnus

Ossis sepiæ.

Sepiæ partes.

Cygnus.
Olor.

gnus funeris ipse sui. Etiam si nemini contigit hunc audire cantum. Nam Lucianus negat se uel uidisse cygnos cum in Pado flumine nauigaret. Aelianus addit eos non canere, nisi flante Zephyro uento, qui & Fauonius dicitur. Cuius rei causam etiam philosophi reddere conantur, aiuntque id accidere propter spiritus per collum procerum & angustum erumpere laborantes. Vnde prouerbium etiam fertur, *Κύνεσσιν ἄσμα*, hoc est, cygnea cantio, de his qui suprema senectia sacunde disserunt, aut suauiloquentius scribunt. Et alterum quum indocti & ἄμαρτοι falsæ doctrinæ iactantia, uiris eruditissimis & ἐν μούσοις imprudenter obstrepunt, Anser inter olores. Vergilius: Sed argutos interstrepere anser olores. Cæterum de cygnis ad medicum usum idoneis sic etiam tradit Plinius libro 10. cap. 3. Præcipue faciem purgat atque erugat cygni adeps. *Μίλρι.*) Ab effectu, hilares enim a lætos reddit bibentes uinum. Horatius, Natis in usum lætitiæ scyphis. Et, Ades lætitiæ Bacchus dator. Tibullus: Adde merum, uinoque nos compesce dolores. Propertius: Cura tuque tuo sit medicina mero. *Lyc.*) Baccho & uino, quod omnis ulceris, qua ulcus est, optimum est medicamentum, autore Galeno, detergit enim & mūdāt. Dictus est autem *Lycus* a uerbo λύω quod est soluo, eo quod & corpus & mentem dissolutam reddat uinum.

Adagio.

Vinum bilare.

Lycus.

λύω.

Si liuor torrebāt atrox, aut nigra cicatrix,
 Attritos appone genis, purgare memento,
 Rutarum succos lentisci mastiche tundens.

Si liuor torrebāt atrox.) Intelligit ephelidas quæ proprie cutis uitium sunt, ubi ipsa multo sole tosta candore & lenore suo amisso, nigritiam & aspredinem contraxit: quarum nigrorē Serenus per liuorem, qui nihil aliud quam cutis macula liuida & nigricans est, intelligit: aspredinem uero per uerbū torrebāt. Quæ enim torrentur, dura fiunt & aspera. Ephelides itaque dictæ sunt a sole, quasi ἐφ' ἡλίου, *Ephelides*

Ephelides
quid.

Linor.

Ephelides

unde dictæ.

*Solati.**Cicatrix.**Ad cicatricem
ducere ulcus.**Cicatrix
duplex.**Vari.**Parenthesis.**Ruta.**Mastiche
lentisci.*

id est, sub sole: & hæc prima nominis origo fuit & causa: licet postea etiam de similibus à quacunque causa contractis cutis vitijis dictæ sint ephelides. Hoc vitio à sole adu-
stos Plinius aliquando solatos uocat. *Cicatrix.*) Cicatrix stigma est & nota quæ curato vulnere uel ulcere remanet in corpore, hoc est, membrana & tegumentum carnis cuti quàm simillimū: cutis enim non est, quando & densior ea uisu tactuque sentitur: & ratione, ex eo quod pilos non edit, intelligitur. Vnde ad cicatricem ducere ulcus, ut tradit Galenus, est tegere carnem naturali aliquo tegumento, hoc est, cutem generare, aut summā carnem cuti similem efficere. Est autem duum generum cicatrix. Vna simplex & plana: altera quæ in tumorem excreuit & cal-
lum duratum, cuiusmodi sunt uari, qui tubercula sunt et exigui ac duri tumores siue calli ex male curatis puerorū cum in toto corpore tū in uultu pustulis relictī. *Purgare memento.*) Hæc uerba per parenthesin interiecta sunt, & medicamēti uim, quæ est purgare & mūdare, exprimunt. Est autem parenthesis, diuise sententiæ interposita ratio cinatio, autore Diomede grammatico. *Rutarum succos.*) Hanc rutæ contra cicatrices uim, radici eius maxime tribuit Plinius dicens, Radix rutæ sanguinem oculis suffu-
sum, & in toto corpore cicatrices aut maculas illita emendat: exterit enim & attenuat. Sunt autē duo rutæ genera: de quibus et quomodo succus illarum exprimatur, dictū est in præcedentibus. *Lentisci mastiche.*) Lachrymo quod ex arbore lentisco gumi modo sudat. Nam ut in naturalis historiæ libro 12. cap. 18. tradit Plinius, gemina est mastiche, quoniā in Asia Græciāque herba repperitur è radice folia emittens, & carduum similem alo, seminis plenum, lachrymaque erumpit incisa parte summa uix ut dignosci possit à mastiche uera: nec non & tertia in Ponto est bituminis similior. Laudatissima autem Chia cādida. Adulte ratur thure aut resina. Verum mastiche lentisci uera, misceatur, autore Dioscoride, hijs quæ exterendis dentibus con-

conficiuntur & circumlitionibus uultus nitorem adferens. Et Plinius libro 24. cap 7. Mastiche lentisci, inquit; ad exterendam cutem in facie & stygmata adhibetur.

Si uero uitium est, quod ducit ab impete nomen,

Hoc matutina poteris cohibere salua,

Seu folio platani quod mansum mane uorabis.

Si uero uitium.) Docet nunc mederi impetigini, quæ Celso *Impetigo.*
 leuis est papula, Græcis lichen, & si serpere ceperit, serpi- *Papula leuis.*
 go dicitur: de quibus dictum iam est supra capite 6. *Ducit Lichen.*
ab impete nomen.) Hoc est, uocatur impetigo, ab impetu &
 ortus sui celeritate: cito enim uenit. Dixit autem impete
 pro impetu, per antithesin, hoc est, per literæ commuta- *Antithesis.*
 tionem, ut Impete nunc uasto ceu concitus imbribus
 amnis. *Matutina salua.)* Salua ieiuna quæ impetigini me *Salua ieiuna.*
 detur illita. Auicenna, Fricatur impetigo cū salua homi-
 nis ieiuni. Celsus, Leuis papula etiā si ieiuna salua quoti-
 tidie defricatur, sanescit. Plinius, Credamus ergo & liche-
 nas leprasq; ieiuno illitu assiduo arceri. Adhæc Paulus
 Aegineta sic scribit, Ad impetiginem fortis operationis
 est salua famelici hominis, & ieiuni, & proprie cuius cō-
 plexio est calida. Et interficit uenena omnia. Porrò du- *Salua duplex.*
 plex est salua. Vna quæ à capite destillat pituita, de qua ni-
 hil in præsentī. Altera quæ generatur in carnibus glando-
 sis circa radicem linguæ, ubi multa principalium mem-
 brorum uirtus cōcurrit, estq; in ea magnum complexio-
 nis siue caloris, cuius est, uestigium, unde & ad cibi con-
 coctionem iuuat: & ideo etiam quia unus homo habet
 complexionem alteri non conformem, propterea quoq;
 salua unius respectu alterius est permutatiua, & habet ra-
 tionem ueneni, nedum quod cæteris animantibus ceu
 scorpioni & alijs sit uenenum. *Cohibere.)* Ne longius ser-
 pat inhibere, & sanare. *Folio platani.)* Platanus insignis *Platanus.*
 arbor est, sic dicta Græcis à latitudine, quod sit πλατύφυλλος,
 hoc est, latissimorum foliorum, quæ umbram præstet

vel opacissimam: cuius gratia tantū petita orbe est ijs qui
 σκιατροφούμενοι dicuntur, ut autor est Theophrastus. Ec-
 hinc etiam umbrantes platanos uocat Palladius. Tantæ
 autē magnitudinis aliquando repertæ sunt, ut intra ipsas
 domicilij modo cauas, multi epulati fuerint, ramis men-
 sas ac scamna præbentibus. Cuius rei non unum extat ex-
 emplum, & præsertim illud quod Caius princeps in Ve-
 lterni ruris platano, cuius tabulata, laxisq; ramorum tra-
 bibus scamna patula miraculo fuerāt, epulatus est, quam
 cœnam ipse Nidum appellauit. Sunt & alia huius rei ex-
 empla quæ apud Plinium repperies libro 15. Qui tantum
 etiam honoris increuisse platanis tradit, ut mero infuso
 enutrentur, quoniam compertum foret id maxime pro-
 desse radicibus, sicq; edoctas uel arbores uina potare. Sed
 de foliorum large thoros etiam præbentium insigni, &
 ramorum mensis ac scamnis idonea amplitudine, uiniq;
 infusione, paucis sic etiam meminit Palladius, Insignes
 folijs platanos, scelicia mensis Brachia, gaudentes uitis
 honore comas. Amplius de Platano Nicæder in theriacis
 sic scribit: σφαίρατι θρεβλῆος πλατύνω, hoc est, Sphæra q;
 thorum præbentis æstate platani: ubi interpret, illud θρεβ-
 λῆος pro umbrosa accipi posse tradit, quoniam latissi-
 ma sint eius arboris folia, ut opacissime contegant æsti-
 uo tempore. Vel, inquit, quia thorus ex numerosis folijs
 confici abunde possit tempore eodem. Additq; platani
 fructum esse sphæria quædam trachea, id est, orbiculos
 asperos, & propterea à Nicandro dici sphæram. Plinius
 Latine pilulas reddidit. Præterea platanum Græci plata-
 nistum etiā uocāt: & sic apud Homerū semper accipitur
 quodcumq; eni platanistū nominat, platanū intelligit
 Estq; paronymon siue denominatiuū, primitiuo nihil
 plus minúsue significans. Neq; est per diminutionem di-
 ctum, tūc enim in σκος exire deberet sicut Satyriscus, Ca-
 lamiscus, Pyrgiscus & reliqua. Mansum mane uorabis.) Ma-
 tutino tempore dum adhuc ieiunus est uenter dentibus

Platani fructus
 sphæria, &
 sphere, pilu-
 leq; dicitur.
 Platanistos.

confectū & masticatum platani folium degluties & comedes, si impetigini & alijs cōsimilibus morbis consultum uoles: frigiditate enī sua platani folia sanguinis & humorū ex quib⁹ fit impetigo, adustiones refrigerāt, deficcant & emendant, morbumq; sanant: quemadmodū et pilulę eius in uino potæ lentiginē curāt, teste Plin. lib. 24. cap. 8.

Fœda fluunt curui quæ purgamenta cameli

Vrentur, cineremq; dabunt, iungentur aceto

Mascula thura simul, diuinaq; cura ualebit.

Fœda purgamenta.) Stercus fœtidū quod à corpore excernitur atq; expurgatur cameli, quod ulcera cum alia tum impetiginosa & serpiginosa detergit & mundificat, imò quod plus est, uerrucas etiam magnas destruit, et resoluit scrophulas fortiter, autore Auicenna. Curui.) Camelorū corpora quia distorta & gibbo montuosa sunt, curua dicuntur atq; praua. Prauum nanq; intortū est. Hinc diuus Hieronymus in exhortatoria ad Exuperantium, Camelorum corpora prauitates appellat, cum ait, Ne queras diuitias quę camelorum prauitatibus comparantur. Cameli.) Camelos inter armēta pascit oriens. Quorum duo genera, Bactriæ & Arabiæ. Differūt, quod illi bina habēt turbera in dorso: hī singula, & in pectore alterum cui incubant. Dentium superiore ordine ut boues carent in utroq; genere. Homines autem iumentorum in hīs terris dorso funguntur, atq; etiam equitatu in prælijs. Velocitas inter equos: sed sua cuiq; mensura, sicut uires: nec ultra assuetum procedit spatium, nec plus instituto onere recipit. Odium aduersus equos gerūt naturale. Sitim et quatriduo tolerant. Implentur cum bibendi occasio est, & in præteritum & in futurum, obturbata cōculatione prius aqua: aliter potu non gaudent. Viunt quinquagenis annis: quidam & centenis: autor Plinius historiæ suæ lib. 8. capite. 18. Mascula.) Plinius lib. 12. cap. 15. Quod ex eo rotunditate guttæ pendit masculum uocamus,

Stercus cameli

Præuio

Camelus

Thuris masculina

*Thus in Arabia
& Saba tantū
nascitur.*

*Manna thuris.
Thuris pollin.*

cum aliās non ferē mas uocetur, ubi non sit fœmina. Religiōi tributum ne sexu alter usurparetur. Masculum aliqui putāt à specie testium dictum. *Thura.*) Inter principales Arabiꝝ diuitias, quæ cognomē illi fœlicis atq; beatæ dederunt, thus quoq; habetur: quod etiam, ut Plinius lib. iam dicto testatur, præter Arabiam ipsam nullis, ac ne Arabiæ quidem uniuerſæ, sed ei tantum parti quæ Saba appellatur, quod significare Græci mysterium dicunt. Vergilius idem testatur dicens, Solis est thurea uirga Sabæis. Creditur nouellæ arboris candidius esse, sed ueteris odoratius. Præcipua gratia est māmoso, cum adhærente lachryma priore consecuta alia miscuit se. Singula hæc manum implere solita. Græci stagoniam & atomon talī modo appellant: minorem autem orobian. Thuris concussionem & purgamentum siue puluerem & micas concussu elisas antiqui thuris pollinem & mannam uocauerunt. Trifariam enim omnis thuris substantia diuiditur, in thus, corticem thuris, & dictam iam mannam: quæ magis quàm thus adstringit, quamuis leuis etiā sit manniæ uis adstringens, quam à cortice habet, qui illi paululum admiscetur, unde etiam thure ipso ad nōnulla utilior existit. Ipse uero cortex thuris, tū adstringit, tum siccat insigniter, ut tradit Galenus. Adulteratur autē thus resinæ candidæ gēma perquàm simili. Probaturn candore, amplitudine, fragilitate, carbone ut statim ardeat, item ne dētem recipiat potius quàm in micas frangatur. Vſus illi medicatus. Præterea de thure sic scribit Dioscorides, In Arabia quæ ob id thurifera dicta est, nascitur thus. Primum bonitatis honorem masculum habet: quod stagoniam quasi stillicidiare uocant natiua guttæ rotunditate, & atomon quod nullas sectiones habet: candido præterea colore: fractumq; intus pingue est: & incēsum quàm primum ardet: Indicū subruſſo & liuido colore est. Rotundum opere & artificio humano thus fit: sectum enim in quadrangula fragmenta, tum coniectum in fictile aliquod

aliquid, multa uoluatione donec rotundum fiat circum agitur. Vetusstate quod tale fuerit ruffescit: uocātq̃ id stageron aut entomon. Secundæ bonitatis est quod Orobian, & melioton appellāt: quantitate minimum, colore uero maxime ruffum. Vocatur & thus aliquod amomi: candidū quidem, sed cū fricatur mastiches modo lentescens. Adulteratur omne thus pinea resina, & gumi artificiose conformatum: facillime tamē deprehenditur. Gumi enim incensum non agit flāmas. Resina in fumum euanescit. Thus uero quā primum ardet. Indicat fraudem præterea & odor. Potest thus omnia hæc: calefacit, adstringit, purgat, explet, & ad cicatricem perducit. Incipiētes formicas et impetigines tollit, additis aceto & pice inunctum.

AVRIVM VITIIS SVC

CVRRENDIS.

CAPVT XII.

QVVM sæuus teneras dolor alte fauciat aures,
Fraxinea in flammis fundit quem talea succum
Instilles, siue obscænos ex uirgine rores,
Aut succum ex folio dederit quem populus alba.



VRIVM uitij.) Aures cartilagineæ ac sinuo *Aures.*
sæ in sublimi corporis, et ut Auerrois tradit, in
osse petroso collacatæ sunt, & ideo Arabum
lingua uocantur Agari. Quarum pars infima, *Agari.*
quam imam uocant auriculam & in qua memoriæ dica- *Auricula ima.*
tus est locus, Lobus nuncupatur: quanquā superior por- *Lobus.*
tio etiam, & omnia summa ita nominari possint, ceu ie-
coris lobi, & ciceris uas aut sabæ, & quod Plinius ait, mi-
lij panniculæ. Aurium uero sordes, autore Plinio, mar-

*Marmorata.
Cerumina.*

morata dicuntur, recentiores Cerumina uocantur quæ quia sudoris qui computruerit ratione censentur, amarulenta sunt. Alij biliosa cerebri censent excrementa, cuius indicium quoque uolunt colorem luteum: quemadmodum enim per oculos melancholicum expurgatur excrementum, & per os pituitosum atq; sanguineum, ita etiam per aures biliosum excerni dicunt. In auribus item primum rectus ac simplex est meatus, mox tortuosus & flexuosus, qui subinde iuxta cerebrum in multa & tenuia diducitur

Aurium meatus cur tortuosus.

foramina, per quæ fit auditio. Tortuosus autem & non rectus est anfractus, ne, ut Auicenna tradit, subita æris irruptio frigiditate uel caliditate cerebrum male afficeret, uel soni excessus neruum quo fit auditus oblæderet atq; disrumperet. Cum ergo peruenit unda uocalis, sic aerem sonum deferentem uocat Auicenna, ad illud quod est illic, comprehendit eam auditus. Ex quo colligitur Auditum non tantum exteriore aëre perfici, sed & interno quodam qui auribus inest congenitus, quod uel Aristoteles in libris de anima scriptum reliquit. Auditui enim con-

Unda uocalis.

Auditum duplici aëre perfici.

naturalis congenitusq; inest aer, qui exteriore aëre moto excitus, meliorem præstat auditionem. Est enim aer ille internus & auribus insitus, de se immobilis, & cum mouetur, id ab aëre fit exteriore, placide tamē & tranquille, citra turbationem aliquam et strepitum auris, ut non percipiatur quando mouetur, & quando non. Et hinc membra contextus & cōuolutus est, & auris iter cochleatum, flexuosum atq; anfractuosum factum est, ne lædatur aut turbetur, aut à tranquillitate sua dimoueat. Cum enim membrana illa lædatur, præpeditur auditio: ceu læsa cuti-

Auditus incolumis argumentum.

cula pupillam obuolvente, præpeditur uisio. Incolumis autem auditus argumentum est, si auri admota manu aut cauitatibus illato digito, sonitus & rinnitus quidam aeris ceu cornu sonantis, introrsus auditur. Qui tamen sonus insito aëri non est proprius, sed alienus. Qui etiam si non auditur, læsi auditus indicium. Cæterum quod ad

Aures cur binae.

auris

aures etiam attinet, binæ à summo rerum opificē creatæ
 sunt, ne una oblecta, auditus omnino præpediretur. In la-
 teribus autem collocatæ & non in parte anteriore, pro-
 pter uisum, gustum, & olfactum, qui commodissime in ea
 fuerunt positi: nec in posteriore, ne à sensu communi lon-
 gius abessent. Et quamuis binæ sint aures, simplex tamen
 illis hauritur sonus: quemadmodum enim in uisu nerui
 optici coniunguntur, ne species appareat duplex, ita et in
 auditu, nerui ἀκουστικοί, in origine concurrūt, unde etiam
 formarum audibiliū fit unio. Amplius aures, ut Plinius
 scribit, homini tantum immobiles. Quod si quis moueri
 dixerit, sciat perparuum quidem esse motum eiusmodi.
 In alijs tamen animantibus mirum in modum moueri
 aliquando uidentur. Ratio autem est non ex aurium mo-
 tu intimo, sed per expulsionem musculi mandibulam
 mouentis, qui quandoq; ita auribus admouetur, ut con-
 tingat. Cæterum morbi & uitia, quæ auribus accidunt,
 sunt comprimis dolor & inflammatio, humores, pus &
 sanies profluens, ulcus sordidum, uermes in ipsis gene-
 rati, foraminum compressio, auditus grauitas, aurium in-
 tra se ipsas sonitus, & res quæ in ipsas ceciderunt ceu la-
 pilli, aqua, pulices aut aliorum animalium quoddam: de
 quibus post capitis & faciei morbos nunc primum agit
 Serenus, subinde ad oculos transiens: non quod aurium
 usus sit potior, hunc enim natura, ut Celsus ait, proximū
 à luminibus nobis dedit, sed quia maius aliquāto in hijs
 periculum est. Nam uitia oculorum intra ipsos nocent,
 aurium inflammationes, doloresq; interdum etiā ad de-
 mentiam mortemq; præcipitant, quo magis inter initia
 protinus succurrendum est, ne maiori periculo locus sit.
 Quoniam, Auicenna teste, dolores eius quandoq; perni-
 ciosi sunt. Sed antequam ad localia medicamenta proce-
 datur, ubi corpus nimis & malis repletum fuerit humo-
 ribus, ipsum ab eiusmodi prius alleuiandum est. Et si
 per consensum fuerit affectio, membro cui cōsentit prius

*Aures cur in la-
teribus.*

*Nerui ἀκου-
στικοί.*

*Aurium mobi-
litas.*

Aurium uitia.

*Lib. 6. cap. 7.
Aurium usus
proximus à lu-
minibus.
Aurium dolor
periculosior.*

*Canones gene-
rales circa cha-
rationem.*

subueniendum, capitis etiam dolorem, si quis adest, prius mitigando. Quibus peractis localia tum deinum administranda sunt remedia, semper etiam à leuioribus inchoando, & ante medicaminis immissionem, aures à sordibus aut prius impositis medicamentis, si quæ insunt, mundando. Nam, ut Paulus Aegineta tradit, Audiendi facilitatem præstat in primis purgare meatum à sordibus. Adhæc præcipiente Celso, medicamentum quod imponendum est, semper ante tepesceri conuenit, commodissimeque per strigilem instillatur. Vbi auris repleta est, super lana mollis addenda est, quæ humorem intus contineat. Idem de calidis imponendis medicamentis testatur Mesue dicens, Post hæc autem non prætermittimus quod medicamenta quæ distillantur in oculis, semper actualiter frigida mittenda sunt: quæ autem in auribus, tepida aut calida sunt apponenda, siue sint ad ægritudines calidas siue frigidas. Primo tamen antequam quicquam in aures imponatur, ob periculum quod ex auditoriorum meatuum obstructione contingere posset, cura prius tentanda est cum sacculis, suffitibus & cataplasmatibus: quibus adhibitis, si nulla sequatur salus, tum primum iniectiones & instillationes fiant, quæ post tertiam, ut aliqui uolunt, seu, ut alijs placet, post sextam horam iterum ab aure extrahantur. Sint autem quæ iniiciuntur quantitatis modicæ, utpote, unius aut duarum guttarum, ne meatus obstruant. Sint item liquida. Nam, quod Celsus ait, illud perpetuum est, quotiescunq; crassius medicamentum est quàm ut in aurem instillari possit, adiiciendum eum esse humorem, ex quo id componi debet, donec satis liquidum sit. Vbi autem immissum est medicamentum, patiens per horæ spacium sanam super aurem iaceat. Tandem, operationes in auribus ob magnam auditui nerui sensibilitatem, suauiter & citra dolorem fiant, ne læsio contingat. Nec illud omittendum, ubi exulceratæ sunt aures, siccissimis opus esse medicamentis, ut tradit Galenus therapeutice libr. r. quo-

quoniam audiēdi locus etiam siccissimus est. Cum enim particula cui medetur siccissima est, necesse est ut ualentissime sicceatur. Indicat enim ueluti uitium ipsum ut curetur, sibi applicandum esse contrarium: sic particula ipsa quod sit sibi simillimū. *seuus.*) Crudelis, magnus & uehemēs, qui uel somnum tollere soleat, siue calidus siue frigidus is fuerit. Vtriq; enim medicari docet. *Teneras.*) *Auris tenera et lenis.* Graciles, molles ac lenes. Est enim auris, ut Auicenna tradit, creata cartilaginea, habens cum conseruatione figuræ lenitatem & reflexionem. *Akte sauciat.*) Profunde, intime, et uehemēter uulnerat & afficit. *Fraxinea talca.*) Hoc *Fraxinum.* est, fraxini lignum & ligni sectiones atq; præsemina. *Tā Talca.* lea enim proprie ligni frustum dicitur quod serendi aut plantandi gratia præscinditur. De fraxino uero, quæ inter arbores quas materiæ causa natura genuit, copiosissima est, Plinius libro 16. cap. 14. inter alia sic scribit: Fraxinus procera arbor est, ac teres et pennata folio, multumq; Homeri præconio & Achillis hasta nobilitata: materies est ad plurima utilis. Græci duo genera eius fecere: longam, enodem: alteram breuem, duriorē, fuscioremq; laureis folijs. Alij situ diuisere. Campestre enim esse crispam: montanam, spissam. Folia earum iumentis mortifera: cæteris ruminantium innocua Græci prodidere. In Italia nec iumentis nocent. Contra serpentes uero succo expresso ad porum, et imposita ulceribus opifera, ac nihil æque repperitur. Tantaq; est uis, ut ne matutinas quidē, occidentesue umbras quamuis sint longissimæ, serpens arboris eius attingat, adeo ipsam procul fugat. Experti prodimus. Si fronde ea gyro claudatur ignis & serpens, in ignes potius quàm in fraxinum fugere serpentem. Mira naturæ benignitas, priusquam hæc prodeant florere fraxinum, nec ante conditas folia dimittere. *in Oleum fraxi- flammis fundit succum.*) Hoc est, liquorem: & ut Mesue uocat, oleum fraxinum, quod ignis ui ex conciso ligno elicatur, hoc modo: Accipiuntur ollæ, iustæ magnitudinis,

binæ, una orificij arctioris, altera latioris: quarum hæc extra luto figuli bene induc[t]a, in terræ foueam ponitur: illa uero conciso ligno impleta priori ollæ inuerso orificio superponitur, ita tamen ut ambabus interponatur lamina ferrea tenuis & multorum foraminum instar cribr[i] triticei, quæq[ue] amplitudine sua ollam latiorē undiq[ue] cooperiat: sicq[ue] præparatæ ollæ, luto exacte ut nihil ex alterutra euaporare & exhalare possit circumliniatur: quo fact[o], lignorum congeries ipsi superposita accendatur, & duabus horis ardere sinatur: sic enim succus & oleum manabit, quod usui seruetur. Et eodem modo fit oleum iuniperinum: quod ego sic feci. Primo accepi ollam grandem ex una parte lati orificij, ex altera rotundatam & paruis foraminibus plenam, quam ligni frustulis paruis impletam cum cooperculo & luto circumlito bene clausi, deinde clausam alteri ollulæ paruæ in terram locatæ cum parte perforata imposui: sicq[ue] ambabus dispositis & undiquaq[ue] luto ne quid exhalare posset, bene illitis, postea cum igne, ut dictu[m] est, operatus sum. *Obscænos rores.*) Hoc est, humorē corporis qui per partes obscænas expurgatur. Et is quidem est lotium siue urina, quæ auribus frigore affectis opitulatur, maxime etiam si exulceratæ fuerint. Nam, ut Auicenna tradit quarta tertij, cum multiplicatur pus ualde, tunc necessariæ sunt distillationes ex urina infantium. Plinius hanc cōtra pituitas & uermes, sed cum porro utilem tradit libro 28. cap. 6. dum inquit: Vrina impubium puerorum contra aurium pituitas, uermiculosq[ue] si decoquatur ad dimidias partes cū porro capitato nouo fictili. Nec modo auribus sed & uniuerso corpori urinam impubium prodesse testatur Sextus Platonicus dicens: Pueri uel uirginis inuestis lotium infusum auriculis quæ pus habēt, curat, et remediū est totius corporis. *Virgine.*) Per uirginem intelligit puerum siue masculus siue femella is fuerit, qui adhuc incorruptus est & Veneris usum nondum expertus. Dicitur autem & de alijs rebus

Lotium impu-
beris.

Vrina.

Cap. 12.

bus illibatis, intactis & incorruptis uirgo: unde Martialis chartam nondum contrectatam in uulgatamq̃ uocat uirginem. Et Plinius terram uirginem dixit synceram & intactam, neq̃ à metallicis refossam aut attaminatam. *Succum ex folio pop.*) Diosco. lib. primo: Tepidus foliorū succus cōtra aurium dolores utiliter instillatur. Item Plinius libro 24. cap. 3. Foliorum populi albæ succus calidus aurium dolori prodest. *Populus alba.*) Plinius lib. 16. cap. 24. Populi tria facit genera, albam, nigram, & quæ lybica appellatur. Alba folio bicolor, superne candicans, inferiore parte uiridi. Mirū in primis id quod ulmo, tiliæq̃, & oleæ, populo albæ & salici euenit. Circūaguntur enim folia earum post solstitium, nec alio argumento certius intelligitur sydus confectum.

Populus

Sæpe chelidonix rapidum sociatur acetum

Adiunctoq̃ nitro procedit cura salubris.

Mentastri liquor expressus conducere fertur.

Infectum uiolis olium bene consulit auri.

Annosa rubros si legeris arbore uermes

Ex oleo tere, sic tepidos infunde dolenti.

Chelidonia.) Qua ratione capitis, eadem et aurium dolori *Chelidonia* medetur chelidonia: cuius uirtutes dictæ sunt superius capite primo. *Rapidum acetum*) Hoc est, citū & quod uim *Acetum.* suam cito exercet: quale est maxime quod forte est et acre. Scriptus codex habet S A P I D V M, hoc est, proprio sapore & saporis aciditate ualidum & efficax. Aceti calidi uaporatio, ut tradit Auicenna, confert difficultati auditus et acuit ipsum. Er, ut Dioscorides testatur, Acetum instillatum necat aurium uermes. *Nitro.*) Dioscorides, Nitrum *Nitrum,* medetur purulentis auribus, earūq̃ inflationibus & tintinibus, cum calida aqua uel uino illis instillatum. Purgat & sordes cum aceto n̄dem instillatum. Plinius libro 21. cap. 10. Nitrum auribus purulentis uino liquato infun-

Mentastrium.

Conducere.

Inficere.

Infectus.

Oleum uiolarū

*Vermes rubri
arborum.*

ditur. Sordes eiusdem partis erodit ex aceto. Sonitus & tinnitus discutit ficcum additum. Et exinde doloribus illarum medicina est efficax, præsertim ubi humor est tenax & causa frigus. *Mentastri liquor.*) Succus mentastri aurium dolorē frigidum sanat; & maxime eum cuius causa sunt uermes, ipsos ui ignea & amaritudine sua occidēdo. Hinc Apuleius herbæ mentastri succum cum uino austero auriculis iniectum, uermes natos necare dicit. Et Plinius libro 29. cap. 14. Succus, inquit, auribus uerminosis instillatur. Porro quem huius mentastro, eum Dioscorides calamētho tribuit effectum dicēs: Verminosas aures sanat enectis uernibus instillatus calamēthi succus. *Cōducere.*) Conducere inter alia significata sua aliquando idem est quod prodesse & utile esse, ut in hoc loco. *Infectum.*) Inficere proprie est tingere & colorare: μεταφορικῶς uero, polluere, maculare & corrumpere. Vnde oleum infici dicitur, quando per alterius rei admixtionem natura eius corrumpitur & admixtæ rei naturam accipit. Est autem & infectus quarti ordinis nomē, & tincturā significans. Plinius libro 9. De lanarū infectu suis locis dicemus. *Vis olei oleum.*) Oleum uiolarum, quod fit floribus earum in oleo maceratis & expressis: hocq; autore Auicenna, magis sedatiuū est doloris quàm oleum rosaceum, propter mollificationem quæ est in ipso: conuenitq; in dolore uementi & à causa calida proueniente. *Consulit.*) Prouidet & opitulatur. *Annoſa.*) Vetus & cariōsa. *Rubros uermes.*) Plinius libro 29. capite 5. testatur idem, dicens: Vermes ex arboribus rubri cum olio triti, exulceratis & ruptis auribus præclare mēdētur. Detergunt enim & dolores permulcent, maxime ex oleo quod etiam mitigando lenit.

Si uero obstrusa sensus moreretur in aure,
Lumbricos terræ, seu umq; ex anseris raucis
Excoque, uel ueterē poteris dissoluere morbum.

Si uero

si uero obstrusa.) Docet nunc aurium dolori, quem auditus grauitas comitatur, mederi, ubi scilicet cum dolore grauius quis audire cœperit: quod maxime post lōgos & uehementes aurium et capitis dolores euenire consuevit ex meatuum auditoriorum obstructione, quæ uel à sordium coitu accidit, uel ab humorū copia, uel à crusta qualis sup

cer
 ulcera innascit. *Lumbricos terre.*) Vermes terrenos, quos Dioscorides γῆς ἔντερος, id est, terræ intestina uocat, traditq; cū anserino adipe elixa aurium uitij utiliter instillari: quod Plin. etiam lib. 19. cap. 5. testatur inquit, Constat deplorata aurium uitia sanari si terreni uermes adipe anseris de cocti infundantur. Celsus eosdem ex oleo coctos adhibere docet cum ait, Medicamentum est oleum in quo lumbrici cocti sunt. *Seuum.*) Seuum quid sit & quo pacto differat ab adipe, dictū est supra. Sed huiusmodi dictionum proprietas nō semper obseruatur, præsertim in carmine, quod uel ex præsentī capite, ne longius testimonia conquiram, manifestum est. Nam quod nunc anseris seuum nominat, paulò post adipem uocat, dum inquit, Anseris aptus immittetur adeps. A seuo fit seuosum, quasi seuo plenum: et seuare, hoc est, seuo cōcinnare. Columella lib. 2. cap. 22. Ferijs ritus maiorum etiam illa permittit, far pinfere, faces incidere, candelas seuare: ni mauis dicere sebare, utrunq; enim dicitur, & seuum & sebum. Dicitur item sepaceum à sepo. Apuleius in asino aureo lib. 4. Nec mora cū numerosæ familiæ frequentia domus tota completur, tedis, lucernis, cereis, sepacis, nocturni luminis instrumētis. *Anser.*) Dioscorides, Adeps anserinus facit ad aurium dolores. Auicenna lib. 2. Adeps anseris sedat dolorem auris. *Rauco.*) Male sonoro, obstrepero. Vel.) Etiam. *Dissoluere.*) Discutere. Hinc medicamentum discussorium, quod Græci diaphoreticum uocant, quod discutit atq; dissoluit humorum crassitudinem. Et diaphoretis discussio est, hoc est, digestio & euaporatio, humorq; per insensibiles meatuseductio.

*Lumbrici terre
intestina terre.*

Seuum.

*Seuosum,
Seuare.*

Sepaceum.

*Medicamentū
discussorium
Diaphoreticū.
Diaphoresis.*

Fella bouis surdis etiam prodesse loquuntur,
Si fungas olidæ graue quod minxere capellæ.

Fel bouis.

Fella bouis.) Fella bubula uel taurina, quæ cæteris, testante Dioscoride, sunt efficaciora. Et Auicenna, Fortiora fella quadrupedum sunt, fel uaccinum siue taurinū. Plinius li bro 13. Si grauitas sit audiendi, fel bubulum cum urina

Surdus.

Surdus.) Surdus proprie dicitur qui nihil audit, aut qui male audit. Dicitur etiam de eo quod non auditur. Iuuenalis, Surda nihil generet graue buccina: & herbæ surdæ, quorum nomina nō audiuntur, quia non sunt. Transfertur autē & ad alia. Vitruuius Architecturæ libro 1. Etiam diligenter est animaduertendum, ne sit locus surdus, & ut in eo uox quā clarissime uagari possit. Plinius libr. 36. Ad hoc quibusdam incurrit umbra, surdusq; color fit. Et, Hebescent ni color surdus repercussu angulorum excitetur, Persius, Seu spirent cirt nama surdum. Horatius, Feruida quod subtile exsurdant uina palatum. *Olide.*) Foetidæ. Sunt enim grauis ac foetidi odoris capræ, quarum graueolentem odorem & uirus

Serm. lib. 1.

nunc tragum nunc hircum uocāt. Catullus aut caprum. Lædit te, inquit, quædā mala fabula qua tibi fertur Valle sub alarū trux habitare caper. *Graue quod minxere capelle.*)

Tragus odor

scu hircus, aut caper.

Lotium capri- num.

Hoc est, excrementitium illum uesicæ caprarum humorem graueolentem, ac tetrum foetidumq; odorem reddentem. Huiusmodi autē humorem & urinam aurium doloribus conferre, autor est Dioscorides, dicens: Vrina capri na aurium doloribus medetur instillata.

Si uero in patulas animal penetrauerit aures,
Proderit admixto pauidi fel muris aceto,
At si lymphæ potens peruaferit, anseris aptus
Immittetur adeps, ceparum non sine succo,
Qui grauis est oculis, sensum tamē auribus auget.
Patulas.) Semper enim aperti sunt aurium meatus & an-
fractus

fragilis. *Animal.*) Ceu'pulex, aut aliud tale animal paruum. *Pauidi.*) Trepidantis & periculum semper pertimescentis. Ad omnem enim sonitum & strepitum expauescunt mures & fugiunt. *Fel muris.*) Fella remedio esse si quod animal in aures ceciderit, testis est Auicenna sen quarta tertij. Et Plinius libro 29. cap. 5. Si quod animal, inquit, in aurem intrauerit, præcipuum remedium est murinum fel aceto dilutum. *Lympha potens.*) Aqua multa & copiosa. Solet enim nonnunquã aqua aures intrare quæ multitudine & frequẽtia sua potenter & uiolenter nocumẽtum eisdem adfert. *Pertuaserit.*) Intrauerit & ad intima usq; penetrauerit. *Anseris adeps.*) Plinius libro 29. cap. 5. Si aqua intrauerit, adeps anserinus cum cepæ succo remedium est Sextus Platonicus, Aqua in aurem si introierit, anserinus adeps cum cepæ succo mixtus bene, auriculæ infundatur, prodest. *Ceparum non sine succo.*) Hoc est, cum succo ceparum: cui tamen non anserinum sed gallinaceo rum adipem iungit Dioscorides, dicẽs ceparum succum cum gallinaceorum adipe utilem esse ad grauitatem aurium, incertos earum sonos, purulentas ex eis destillationes, & exhauriendas quæ in eis coierunt aquæ. Quamuis per se etiam tum gallinaceum tum anserinum adipem ad aurium dolores facere testetur Auicenna. Distillatur, inquit, cepæ succus in aurem, propter grauedinem capitis & tinnitum & putredinem in auribus & aquam. Plinius libro 20. cap. 5. Multos in auriculis sonitum & grauitatem emendantes, syluestrium ceparum succũ unã cum anserino adipe in easdem stillasse scribit. *Qui.*) Ceparum succus. *Gravis est oculis.*) Id est, oculis nocet præsertim sanis. Nam male affectus sæpenumero auxilio est. Nocet autem comestus quidem, quoniam uaporosus est. Omne autem uaporosum, oculis noxium. Vnde Iesus Hali dicit, Omnes concordati sunt, quod comestio salis debilitat uisum, lac, cepe, porri, caules, lentes, fabæ, & uniuersaliter omne uaporosum. Nocet etiam oculis imposi-

Fel muris.

Anseris adeps.

Cepa.

Vaporosa oculis nocentia.

Adagio.

tus ui sua acri & exulcerante. Imò odor ipsius oculis no-
xius est, lachrymas ipsis excutiendo. Vnde quia lachry-
mas mouet, prouerbio etiam cepas edere aut olfacere iu-
bemus eos quos flere iubere uolumus. Lachrymosam ce-
pam uocat Columella. Et Plinius, Omnibus odor est la-
chrymosus, inquit. *Sensum auribus auget.*) Hoc est, aurium
sonitus & surditatem auferendo, auditū recuperat, iuuat,
& corroborat, bonamq̃ facit auditionem.

Vis & phœbigenæ diuinam discere curam,
Sicq̃ uel annosis confecta doloribus auris,
Allia tum septem numero, septemq̃ lupinos
Muriceam dabis in testam, tum Delphica frondis
Addatur, mixto totum feruescat aceto,
Doctus eris tepidos illinc immittere rores.

Allium.

Phœbigenæ.) Phœbo geniti Aesculapij. *Confecta.*) Affe-
cta, saucia & læsa. *Allia.*) Auicenna sen quarta tertij cap.
1. Oleum instillari iubet in quo coctum sit allium. Plinius

Lupinus.

uero libro 10. cap. 6. alliorum succum cum adipe anseri-
no. *Lupinos*) Lupinus legumen est notum, cuius suc-

Murex.

cum instillare iubet Auicenna. *Muriceam.*) Murex con-
chilijs adnumeratur ceu purpura, quorum sanguine ue-
stes tinguntur insectu precioso. Per se autem, ut Plinius
tradit libro 32. cap. 4. conchilio infecta lana magnopere
prodest auribus. Inest autem & testis uirtus desiccans at
que detergens auribus utilis, quam & medicamenta illis
imposita ad se rapiunt, quare illa cum eadem coqui et præ-
parare iubet nūc Serenus. Ni pro testam legere malueris

Texta.

textam, ut lanam intelligas murice infectam, ex qua & fa-
sciola fieri possunt quibus capilli in capite alligantur &
textæ dicuntur. Et forte non male, ut Plinij sententiæ iam
relatæ cōcordet. Verum in scripto codice pro muriceam
legitur Puniceam: ubi per testam Puniceā intelligito ma-
licorium quod Punici mali cortex est, & is quidem in ma-
gno usu. Et in quo decoctū ex porri succo efficaciter sanat
aurium

aurium dolores, ut libro 30. ad finem tradit Plinius, & libro 33. ait, Ad aurium dolorē utile est ex Delphica oleum in mali Punici cortice tepefactum. *Delphica frondis.*) Folia *Laurus.* laurus Delphicæ. Sunt enim duo genera laurus, ut Cato tradit: Vnum Delphicum, sic dictum quod eo uictores Delphis olim coronarentur, & est uiridior laurus: Alterum Cyprium, folio breui, nigro, per margines imbricato, crispum. Sed de lauri generibus plura Plinius libr. 15. ca. 30. Vis lauro excafactoria & folijs & cortice & baccis: ualenterq; siccant, molliunt, & discutunt, ac contra aurium dolorem & grauitatem ualent. Vnde Auicenna inquit, Faciunt ad dolores auris frigidos & elongationem auditus & conferunt tinnitui. Plinius item libro 33. cap. 8. Aurium, inquit, dolori et grauitati instillatur succus cum uino uetere & rosaceo. Et, Ad aurium dolorem utile est ex Delphica oleū in mali Punici cortice tepefactum. Celsus porri succo cum laureo oleo utitur. Adhæc habet & contra uenena remedium laurus, unde in prouerbium abiit, ut qui foeliciter ē periculo effugisset, & tutum se asserere uellet, is diceret, *δαφνίνην φαρμάκον βακτηρίαν*, hoc est, Lau *Adagio.* reū gesto baculū. Et quia hæc arbor fulmine non icitur, ideo & aduersus fulmē uis eius tueri creditur. Vnde & Tiberius Cæsar, qui tonitrua, autore Suetonio, præter modum expauescebat, turbatiore cælo nunquam non coronā lauream ceruice gestauit, quod fulmine afflari negetur id genus frōdis. Est autem Apollini sacra, uaticinaq; arbor laurus. Nam quia nihil crepitantius uritur, unde etiam *δάφνη* daphne dicitur, ab particula *δα* quæ intētionis uim habet, & *φωνέμ* quod loqui est & canere, hinc ueteres rerum euentus ex crepitantis modo aucupabātur. Si enim crepuisset abunde & sonantius, foelix auspiciū existimabatur. Vnde Tibullus, Laurus ubi bona signa dedit, gaudete coloni. Quod si tacita conflagrasset, infœlix haberetur. Hinc Propertius, Et tacet extincto laurus adusta foco. Alij uero laurum Apollinis tutelæ adscribunt, ideo

OCVLORVM DOLORI.

quia si noctu dormientibus ad caput puluillo subieceris, uera somnia uisuri sunt, uti Fulgentius recitat mythologiarum libro primo. Frondis.) Frondis in recto casu posuit, quemadmodum infra quoque capite 19. ubi ait, Perfrica frondis.

OCVLORVM DOLORI

MITIGANDO.

CAPVT XIII.

S V M M A boni est, alacres homini contingere Quos quasi custodes, defensoresq; pericli (uisus) Prospiciens summa natura locauit in arce, Sic tamen ut nullos paterentur desuper ictus, Atq; supercilio pauidi tegerentur opaco.

OCVLI.

Libro. 11.



OCVLORVM dolori.) Oculos humani corporis partem esse preciosissimam, ut qui lucis usu uitam distinguat à morte, scriptum est à Plinio. Hos Galenus nunc uisus potentia uocat organum lucidum, nunc solarè animalis particulam, & diuinum quoq; membrum, ut cuius precipue inexplicabilis & mira sit subtilitas, si quid aliud in animantium natura. Vnde Auëzoar theizir sui lib. 1. Oculus, inquit, membrum est subtile & delicatum præ cæteris membris. Huius particulæ sunt humores contenti tres. Tunica uero continentes ab alijs aliter statuta. Sunt enim qui quatuor eas faciunt, quarum summam & extimam uocant Consolidatiuam, robustam, solidam & pinguem, quæq; oculi constitutio tueatur uniuersa. Alteram quæ huic subest Græci Ceratoidè appellat, uulgo Cornea dicitur, eo quod pel lucida sit ut cornu attenuatum, quo sit speciebus peruia. Tertiam uocant Vucam, ab nigrore uuz, ut obscuratur in ea humor

Oculorum
partes.

Humores 3.

Tunica 4.

uel 7.

1

Consolidatiua.

2

Cornea.

3

Vuca.

ea humor in quo uisus facultas uiget, aliās enim species in eo se non ostentant: estq̃ densa, ne si laxior esset, inclusus humor se pronueret: habet tamen in anteriore parte orbicularem pupillæ meatum, qua se uisibilem infinuant species. At intra tunicam hanc humorē statuunt albidum, ouorum albugini similem ac pellucidum, Glacialis enim omnium humorum est intimus, glaciei assimilis: quem bifariam diuidunt, in partem scilicet anteriorem & posteriorem, quam uitream uocant, quæ glacialē foueat & alat. Et hīs circūiecta est tunica quarta tenuissima quam araneā dicunt, & Herophilus arachnoiden nominauit. Et sic tres sunt in oculis humores, et tunicæ quatuor. Alij tamen septē constituūt tunicas. Primam coniunctiuam siue consolidatiuam. Corneā quam à dura matre oriri dicunt, bifariam diuidunt, & anteriorem corneā uocāt, interiorē uero scleroticā. Consimiliter uueam, quam à pia matre oriri tradunt, in duas secernūt, & partem anteriorem uueam, posteriorem secundinam uocant. Idem in aranea faciūt, eandemq̃ bifariā diuidunt, & anteriorem araneam, & posteriorem retinā appellant. Sicq̃ decē sunt quas intimas uocant oculorū particulas, uidelicet, tunicæ continentes septem, & humores tres contenti. Diuidunt & aliter tunicas quidam, sed illos nunc sinamus. Omnium autem harum utilitatem & operationē difficile & quasi impossibile est tradere. Vnde Abinzoar theizir libro 1. sic scribit: Et scire debes oculi partes esse multas, & scire atq̃ cognoscere utilitatem seu operationem cuiuslibet earum difficile ualde tēpore Galeni erat, adeo quod Galen. in corde suo proposuit, nō reddere rationem singillatim de prædictis, nec earum causas & utilitates declarare in libro suo de iuuamēto membrorū. Et Auerrois sui Colliget libro 1. maiorem partem iuuamentorum arbitrii iudicij esse scribit. Ceterū uirtus uisuum, ut tertia tertij tradit Auicēna, & materia spiritus uisibilis procedit & pene trat ad oculū per uiam duorū neruorū cōcauorū, quos *Nervi optici*.

1
Humor albu-
gineus.

2
Glacialis.

3
Vitream.

4
Tunica aranea.

Alia tunicarum
diuisio.

Coniunctiua.

Cornea,

Sclerotica.

Uuea,

Secundina.

Aranea,

Retina.

ὀπτικόν^ς uocant Græci, ab eo quod uisuum spiritum ad
 oculos per ipsorum spiracula deuehant. Qui nerui à ce-
 rebro ad oculos producuntur effigie in primis literæ Græ-
 cæ χ, qui in contactu ad crucis modum interfecare se ui-
 dentur, quod tamē neutiquam fit, si acrius atq; solertius
 quis inspiciat. Sed à cerebro exorientes ad eundem ten-
 dunt locum, donec iungantur ita, ut meatus, qui antea
 duplex uisitur, unus et communis fiat: mox iterum dis-
 iuncti resiliunt, & qui à dextris oritur, dextrum item ocu-
 lum petit, & qui à leua, itidem ad leuum tendit oculum,
 autore Galeno de utilitate particularum libro 10. Vnde
 Auicenna prima primi ait: Ille qui à sinistra oritur, dextra
 tur: & ille qui à dextra oritur, sinistratur: deinde sibi su-
 per sectionem cruceam obuiant: postea ille qui à dextra
 oritur, ad pupillam dextram penetrat: & qui nascitur à
 sinistra, ad sinistram pupillam: quorum adeo dilatantur
 orificia, donec humorem qui uocatur uitreus, comprehē-
 dant. Quoniam itaque utriusq; oculi ex neruorum illo
 congressu, unum fit deferēs, & uisibilibus species in com-
 muni coeunt cōceptaculo: hinc fit quod sensibile utroq;
 haustum oculo, simplex & non geminum se ostendat,
 quod aliās dubio procul contingeret: hinc etiam quod
 spiritus uisuius, altero oculorum obleso, ad reliquum de-
 labitur totus, & roboratur, ualidiorq; promitur in a-
 ctum, ut clarum est, alterū claudentibus oculum. Quod
 in oculi meditullio nigricans uisitur, pupilla dicitur, in
 qua qui sunt humorum medius est glacialis, & ipse qui-
 dem clarus sicut grando. Et situs est in medio, quoniam
 est dignior locis qui sunt cum custodia, autore Auicen-
 na. Idem humor glacialis dicitur & crystallinus & gran-
 dineus. Et in hoc præcipue uidendi facultas uiget. Vnde
 Abinzoar: Humor grandineus est radix & subiectū sen-
 sus uisus, recipiens spiritum uisibilem per neruum opti-
 cum uenientem à cerebro. Et Iesus Hali: Humor crystal-
 linus est nobilior partibus oculi, quia per eum fit uisus, et
 reliquæ

Visibile utroq;
 haustum oculo
 er simplex &
 non geminum
 appareat.

Pupilla.

Humor glacialis,
 crystallinus,
 grandineus.

Videndi facul-
 tas in quo hu-
 more consistat.

reliquæ partes oculi sunt paratæ ut seruiant illi humori nobili, aut expellant nociua aut prebæant ei utilitatem. Galenus item therapeutices libro 7. Ipsum uisus instrumentum, inquit, est crySTALLINUS humor. Et lib. 2. eiusdem tractationis, Visio, ait, non oculi totius, sed crySTALLINI in ipso humoris est, cuius causa reliquæ oculi partes sunt factæ, quarum etiam singulæ aliquam seorsum actionem sunt nactæ. Ac uena quidem & arteria & neruus toti animanti communem: membranulæ oculi omnes, cum sint nutrimenti participes, omnino naturalibus facultatibus sunt præditæ, ac perinde etiam functionibus, quæ ab hijs proficiſcuntur. Sed qui perficiatur uisus, an intus per aeris media suscipiendo simulachra, an extra ab oculis profluentibus radijs, autorum inter se est discordia. Plato enim & Academici uisum ab oculis emanare & extra prodire uolunt: contra quos pugnant Aristoteles & ipsi Peripatetici, qui uisum fieri intus suscipiendo dicunt. Sed quia harum opinionum scrutinium, & ut inquit Auicenna, uerificatio certioris in his duobus sermonibus pertinet ad sapientes, non ad medicos, ideo de his nunc non plura. Quod reliquum est, Oculorum cuique duo sunt anguli quos Lachrymalia uocant medici recentiores, Auicenna Almacheni, Græci uero Canthos: de quibus sic scribit Aristoteles, Κοινὸν δὲ τῆς βλεφαρίδος μέρος τῆς ἄνω καὶ κάτω, καθοὶ, δ'ὕω μὲν πρὸς τῇ ρινὶ, δ'ὕω δὲ πρὸς τοῖς κροτάφοις, hoc est, Communis uero pars palpebræ superioris & inferioris, canthi, duo quidem iuxta nasum, duo uero iuxta tempora. Quorum hos syluestres uocant recentiores, illos uero domesticos. Græci πηγᾶς, id est pagas nuncupant, quasi lachrymarum fontes quosdam: hinc enim lachrymæ fluunt, singularis in homine admirationis. De quibus ab oculis emanantibus sic scribit Plinius: Hinc illæ misericordiæ lachrymæ, hinc fletus, & rigantes ora riui. Quis ille humor est in dolore tam fecundus & paratus, aut ubi reliquo tempore? Sunt autem nihil aliud lachrymæ quàm

Visus instrumentum.

Oculorum anguli, Lachrymalia, Almacheni. Canthi, domestici, syluestres.

Page.

Lachrymæ unde fluunt.

Lachryma quid.

aquosus humor siue sudor quidam ab oculis profluens. Aristo. τὸ δὲ δάκρυον, ἰσθῶς τις ἐστὶ, διὸ καὶ γίνονται αὐτὸ ὑπὸ θερμότητος ἀμφω ταῦτα, καὶ ἀλκιότητι, μὲν μάλιστα, hoc est, Lachryma autem sudor quidam est, quapropter & à calefactione fiunt ambo hæc, & falsa sunt similiter. Hinc etiam quæ acriorem ac mordaciorem odorem ex se reddunt, oculis quoq; lachrymas mouët, si cum acredine lentitiam quandam etiam habuerint, ceu de oleo cõstat & cepis. Oleum enim quamuis leniter mordeat, subintrans tamen suam ob lentitiam atq; subtilitatem, mouet dolorem, & subinde humorem ac lachrymas elicit. Cepe uero quod et humore & uapore est calido, tenui, & lento, acriter oculos mordendo, lachrymas commouet. Ex hinc prouerbijs quoq; locum fecit, ut si cui fletum imperare uolumus, iubemus hunc cepas edere aut olfacere. Sed dicet aliquis, Cur allium lachrymas nõ itidem mouet ut cepe, cum sit etiam calidum, acre, & humoris quid continens? Responderetur, quoniam lentitia illi non inest, quare et lachrymas mouere non potest. Nam, ut Aristoteles tradit, si quod lachrymas moueat, id mordax esse debet, humidum quoq; & lentum, quod ultimum allio deest. Sed hijs omisiss ad oculorum affectiones & earundem curationes procedendum. Ingentibus autem, ut Celsus libro 6. ait, & uarijs casibus oculi nostri patent, qui cum magnam partem ad uitæ simul & usum & dulcedinem conferant, summa cura tuendi sunt. Affectionum autem oculos instantiũ, quædam uniuersum oculum male afficiunt, quædam particulis quibusdam sunt propriæ: de quibus omnibus singillatim scribere prolixum esset, neq; Serenus omnium sed paucissimarum tantum curam tradit. Quæ igitur communis affectionum oculorum curatio requirit, subscribam. In primis autem, si cū oculorum affectu capitis dolor affuerit, is prius sedandus est, ubi ab oculis non procedit, & oculorum dolor non sit uehementior. Item si alteri membro compatiãtur oculi, id quoq; prius medicandum

Lachrymas
quæ moueant.

Allium cur
lachrymas non
itidem moueat
ut cepe.

Canones gene-
rales cir. a cu-
rationem.

dum. Amplius cognita ægritudine et ex medicamentis salute non cito succedente, nihilominus continuanda cura est, accidit enim aliquando uel uentositatem aliquam uel crassum difficilis resolutionis humorem in meatibus contineri strictis. Duabus item ægritudinibus acuta & chronica in oculo coniunctis, ab acuta inchoandum quousq; remoueatur, chronicam non negligēdo, ne fortificetur, deinde redeundum ad causam chronicæ: autor Iesus Hali. Adhęc, medicandi sunt oculi, ut inquit Canamufali, cum ferro & sine ferro. Qui uero medicandi sunt cum ferro, cum maxima subtilitate & sapientia medicandi sunt. Aliqui uero medicādi sunt cū puluere, aliqui cum aqua, alij cū unguento, alij cū coctura, alij cū medicaminibus, et alij cū purgationibus, & ita liberantur. Oportet autem, ut Iesus inquit, quod eligatur de medicinis quod fuerit bonum, recens, non uetus, nō sophisticatum, & quod teratur quælibet earum separatim, non simul, quia error est: quia ex medicinis quædam sustinent longam triturationem sicut minerales, quædam modicum sicut succi, & quædam teruntur magis quàm expedit & elongantur à natura sua. Omnes autem terendæ sunt quatenus nulla relinquatur in eis asperitas, qua oculis nocumentum inferri possit. Est enim multi sensus membrum, Vnde Auicenna etiam inquit tertij: Oportet penitus ut nō sit in medicina administrata in oculo & proprie in ophthalmia asperitas, neque qualitas saporis acetosi aut acuti. Et oportet quidem ut conterantur ualde, quatenus ipsius remoueatur asperitas, & quanto tibi plus est possibile ut sis cōtērus insipidis odore priuatis, nam illud est bonum. Quod si tactus fuerit necessarius, oportebit ut sit cū facilitate. Exigitur enim propter membrū ipsum superflua facilitas. Nam, uti Galenus therapeutices libro 13. tradit, uehementior etiam humoris casus in oculis non conducit, nam quæ feriūtur in hīs membranosa quædam imbecilla & corpora sunt. Et quod feritur non est diuersum ab eo

Oui albumen.

quod curatur: sed idem ipsum quod est curandum ualenter igitur. Adhæc oculus acerrimi est sensus, Ergo infundere huic medicamenta oportet, primum superiorem genam blandissime attolentes, mox minime incutientes. Inueniendi præterea humores mitissimæ minimeque mordentis naturæ, qui cum medicamentis sint infundendi. At mihi quidem magna cum consideratione uidentur ueteres ad oui deuenisse humorē, electo scilicet ex eo quod & mordēs minime esset, & glutinosum. Nam ex eo quod minime rodit, modo dictam indicationem hīs compleuit. Ex lentore autem, ad indolentiam non nihil confertur. Quippe lenire eiusmodi humores possunt, asperitates omnes, quas cūque acris fluctio excitat. Accedit quod crassus ac lentus humor, constantius quàm tenuis & aquosus in loco permanet. Sane quod lentum id quod absque rosione sit, cum modice incalcat, dolorē maxime leniat. id profecto ex rodentibus in aluo deiectionibus didicisti, in quibus iniectum seuum illico dolorem mitigat. Quod autem permanere quoque in laborante particula eiusmodi humidum expediat, manifestum est. Siquidem in hīs quæ in uentre accidunt, per clysterē assidue infundere molestū est: in his quæ in oculis, genā attollere. At uero exquisitæ membri sensus lene esse quod inijciatur, nihilque in se asperum sabulosum uē habere omnino indicat. Hinc igitur excogitatum commode est, tum humido oui utendum, tum quæ terrea oculari hīs medicamentis miscenda sunt, ea esse cum summa diligentia ad unguem leuigāda. Quoties tamen dolores hīs accidunt uehementes, repetitis hīs quæ de omnium dolorum generatione accepisti, disquires quo nam ex his affectu dolere oculos in phlegmone contingat. Nā aut ex uehementis acris cōfluentis humoris rosione, aut quod eorum tunicæ plenitudine distenduntur, aut propter crassorum humorum, flatuosiusque spiritus extensionem, uehementes in his excitantur dolores. Hactenus Galenus. Huiusmodi autem oculorum dolores,

lores, ut Hippocrates libro aphorismorum sexto prodidit, meri potio, aut balneum, aut uenæ sectio, aut medicamentum epotum, soluit. Meri quidem portio, ut in eiusdem aphorismi expositione tradit Galenus, ubi sine plethorica in toto corpore dispositione, sanguinis copia crassioris in oculorum uenulis continetur, ipsum diffundendo, & euacuando, suiçp̄ motus uehementia obstructions aperiendo. Balnei uero usus dolorem sedat, ubi humores acres ad oculos influunt, citra tamen corporis uniuersi plenitudinem, quæ nec uinum, nec balneum, ingens citra detrimentum, tolerat. Et hæc fortia sunt doloris oculorum remedia. Securissimum autem fomentum est, & omnino aliquam adferens utilitatem, uel tanquã signum ad dignotionem, uel tanquam causa sanitatis oculorum. Quando enim nihil omnino influit in oculos, fomētum dissoluens eam quæ in ipsis cōtinetur superfluitatem, eis sanitatem restituit. Adhuc autem influente humore, cum primum adhibetur suo calore, usq; ad aliquid dolorem lenit et leuamen adfert mediocre, sed paulo post dolorem auget, & alteram fluctionem attrahit, ex quo tanquam signo dignoscit uo qualis nam sit dispositio certius comprehendendo, ad uniuersi corporis euacuationem peruenimus, ipso quidem sanguine redūdante, per uenę sectionem, sed humorum malitia infestante, per purgationem; neq; enim difficile admodum est distinguere alteram ab altera. Demum circa narcothicorum, quibus audaculi sæpius utuntur, usum, illud quoq; non omittendum, quod talia, uti Galenus loco iam dicto tradit, ab initio materia existente influxu, sunt suspecta. Neq; enim uehementes reprimunt fluctiones, sed excerni prohibent; atq; ideo si humores fluentes acres extiterint, corneam erodi contingit: si uero multi, magis irritari, ac uehementer extendi, ac si rūperetur, ex quibus nisi medicamentū fuerit uehementer stupefaciens, dolores impatibiles excitantur. Si uero fuerit adeo uehementer stupefaciens, ut ex eo oculi

*Narcothici et
stupefacientia
bus quando
utendum,*

maximam inflammationem nō sentiant, necessarium est simul quidem uim uisoria[m] offendi, adeo quod cessante inflā[m]atione, uel debilit[er], uel nihil omnino uideant, simul autē & quandam præduram dispositionem & quæ difficulter sanari possit, in oculorum tunicis derelinqui. Quare cauere oportet, ut Iesus Hali præcipit, ab huiusmodi medicamentis stupefacientibus, quia uisum debilitant & forte destruunt. Quemadmodū contigit duobus Velt kirchij, quos noui, & quos huiusmodi stupefaciētibus ex cecauerat nobilis quidā impostor. Quare talibus nō utēdum est nisi in forti necessitate & in re modica. Maxima enim sunt oculorū perniciēs, uti therapeutices libro, testatur Galenus, utpote quæ nulla re alia illius ad præsens leniminis speciē præstant, quàm quod ipsum sensum enecant. Utendum autem hijs, ut iam dictū est, non nisi cum maxima necessitas urget. Illud minime ignorando, particulas ipsas nō nihil lædendas, imbecillioresq[ue] in reliquā uitam ex frigore futuras. Cæterum saluti hominis in præsens, ipsam futuram noxam posthabendo. Siquidem nō pauci eorum qui his utuntur, eò infirmitatis ueniunt, ut ferè nihil omnino uideant. Itaq[ue] si quando cogimur his uti, postmodum in sanitatis tempore, particulas ipsas excalfacimus oculis collyria quæ tantum excalfaciant infundentes. Vnde Mesue quoq[ue] ait, Si accidit nocumētum propter narcothicum, utendum est et embrocis ex rebus in quibus sit uirtus maturans uirtutem narcothici. Vltimo illud etiam non omittendū, quod medicamenta quæ distillantur in oculos semper actualiter frigida immittenda sunt, quemadmodum quæ auribus immittuntur, debent esse tepida, ut dictū est capite priore. *Summa boni est.*) Inter bona naturæ & corporis nō est maius neq[ue] preciosius quod homini contingere potest, quàm oculi sani & uisus incolumis, qui ad uitam transigendam maximum præstant usum & dulcedinem præcipuam, uitamq[ue] à morte distinguunt. Cæterū oculus ipse nō tanquā primatum aliquem

Ther. lib. 11.

aliquem inter partes obtinens, sed uelut qui purus esse omnino postulet, quo uidelicet probe munus suum obeat, per euidētes meatus eijcit, quicquid in eo excrementi gignitur, nempe per nares & genas, ut autor est Galenus de sanitate tuenda libro 1. *Alacres usus.*) Oculos uegetos & uiuidos, incolumesq̃, qui uisusq̃ potētiz sunt organū & instrumentum, quorumq̃ permagnus est usus. *Custodes defensoresq̃ periculi.*) Stipatores & ministros obseruantes custodiam, ne quid aduersi & nocumenti accidat corpori. Vnde Iesús Hali lib. 1. Vtilitas, inquit, est cōseruare corpus ab occasionibus uenientib⁹ ab extrinseco, & dirigere illud quo uoluerit, & ideo positus est in superiori corporis parte sicut custos uiridarij. Operatio autē eius est cognoscere colores & figuras & corpora, & quod est minus & quod est maius, quia est membrum sensibile. Et Auicenna prima tertij, Comparatio, inquit, oculi ad corpus est propinqua comparationi speculatoris ad exercitum, & locorum quidem qui speculatoribus est melior & conuenientior locus est altus. *Prospiciens natura.*) Natura prouidens, & de rebus humanis sollicita, quæ nihil facit frustra, cum in contemplatione naturæ, ut Plinius ait, nihil possit uideri superuacuum. Et Aristoteles polytorum libro 1. *ἡ φύσις*, inquit, *οὐδ' ἐν τοῖς περὶ ὄρα οὐδ' ἐν μάταιον.* Sed plus utilitatis causa genuit etiam quàm uoluptatis, autore Plinio. *Summa arce.*) Summo corporis loco & capite, quod corporis arx esse dicitur. Vnde etiam in libri proœmio dicebat Serenus, Principio celsa de corporis arce loquemur. In alto autem constituti sunt, quod locuseiusmodi custodibus maxime cōueniens sit. Nam qui in sublimi constitutus est, undequaq̃ imminetia pericula melius præuidere potest. Et oculi custodum uicem gerunt. *Sic tamen ut nullos pot.*) Ea industria ut aduersus occurrentia tuti essent. Superne enim supercilij & fronte prominentibus, inferne uero malis protuberantibus tanquam uallo obsepiuntur & sinuosa conualle re-

Oculorum utilitas et operatio

Natura prouidens.

Lib. 11. cap. 2.

Lib. 25. cap. 1.

Arx corporis caput.

Oculi cur in sublimi positi.

conduntur. Vnde Plinius naturalis historiæ libro 11, sic scribit de palpebris: Alia de causa hoc natura dederat ceu uallum quoddam uisus, ac prominens munimentũ contra occurfantia animalia aut alia fortituito incidẽtia. De-
super.) Superne ab extrinsecus occurfantibus. *istius.*) Ca-
super.) Supercilia, inquit Plinius, homini sunt & pariter & alterne mobilia. Et in his pars animi. Negamus, annuimus: hæc maxime indicant fastus. Superbia aliubi conceptaculum, sed hic sedem habet. In corde nascitur, hic subit, hic pendet. Nihil altius si mul abruptiusq̃ inuenit in corpore, ubi solitaria esset. Subiacent oculi pars corporis preciosissima, & qui lucis usu uitam distinguant à morte. Hæc Plinius. Oculis autem superposita sunt supercilia, quo humores à capite demanantes aliorum corriuent, uelut imbricamentum quoddam siue grunda uel γείσωμα: quanquam γείσωμα proprie dicitur quod in supercilijs prominet. Quod autem à capite ad oculos demanent humores, testis est Galenus de differentijs febrium lib. 2. dicens: Fluctio decumbens oculis, ut omnes concedunt, ab ipso capite decurrit. Et de sanitate tuenda libro 1. ait: Nec absimile est etiam aliquid à cerebro cõfluere ad oculos. Amplius Cilia quæ ab palpebris prominent, creata fuerunt, quo minutarum rerum ad oculos incursum tanquam stipatores quidam repellant, simulq̃ uisuum dirigant spiritum. Palpebræ autem oculorum sunt munimentum & membranæ oculos integentes, ad hoc cõstitutæ & creatæ à natura, ut, auctore Auicenna, expellant quod ad oculũ uolat & descendit ad ipsum de capite, & ut æquent lumẽ sua nigredine. Verum membranas huiusmodi, quas Celsus & Theodorus Gaza palpebras uocant, Plinius genas nuncupat, Græci uero βλέφαρα quasi ὀμματὸφνῶλα, hoc est, oclaria folia, πὰρ τὸ φάρος καὶ ἱμάτιον ἔναι τῷ βλέποντι, quod oculorum sint indumentum. Pilos uero de membranarum extremitatibus ortos, Græci βλέφαριδας, Plin. palpebras uocat,

Supercilia.
Libro. 11.

γείσωμα.

Ciliorum ratio

Palpebra.

βλέφαρα.

uocat, Theodorus uero cilia. Sed Cilium apud Plinium aliud significat. Nā extremū, inquit, ambitū genæ superioris antiqui cilium uocauere, unde & supercilia. *Pauidi.*) Timidi propter palpitatiōē & nictatiōē perpetuā, quæ timiditatis nota est, tradēte Aristotele libro priorum analyticorum. capite de syllogismo physionomico, dum inquit, Oculi nictantes nigri, ac cæsi, timidum significant. Et Plinius lib. II. Plerisq; ait, naturale est, ut nutare non cessent, quos pauidiores accepimus. Et mox post, Lubrici sunt, inquit, et mobiles oculi, propter incurstantia. *Opaco.*) Denso & umbratili, quod lumen opacitate & pilorum nigritia fouet egregiæ atq; temperat.

Oculi nictantes.

Sed dolor immeritum lumen si forte lacessit,
Lana madens oleo noctu connectitur apte,
Viuentisue nepæ sumen gestatur amictum.

Sed dolor.) Quoniam sæpius in quā plurimis dispositionibus, adeo uehemens excitatur dolor, ut curā ad se uertat, & affectui sum mouendo intentos esse non sinat, sed magis de se quā de affectu ipso sollicitos nos reddat, ideo primum doloris oculorum uehementiam mitigare docet Serenus, ceu priori quoq; capite de aurium dolore fecit, mox ad alias trāsiens dispositiones. Si enim aliquando, Doctore Galeno, occasione aliqua prohibemur, ut affectui sum mouendo intentos esse non liceat, tunc uehementiam doloris mitigare debemus, ne maius succedat periculum. Dolor enim sæpius fluctiones proritat, & affectus ipsos adauget. *Immeritum.*) Quod nihil mali promeruit, imò quā optime de nobis meritum est, utpote, quod à plurimis periculis nos defendit ac tuetur, et quod prius etiam dictum est non semel, lucis usu uitam distinguit à morte lumen & oculus. Neq; ulla ex parte maiora indicia animi cunctis animalibus, sed maxime homini, id est, moderationis, clementiæ, misericordiæ, odij, amoris, tristitiæ, lætitiæ. Profecto in oculis animus inhabitat

*Oculi animi in
dices.*

ardent, incenduntur, humectant, cohibent: hinc illa misericordiæ lachrymæ: hos cum osculamur, animū ipsum uidemur attingere: hinc fletus & rigantes ora riuī. Quis ille humor est in dolore tam sœcūdus & paratus? aut ubi reliquo tempore? Animo autem uidemus: animo cernimus. Oculi ceu uasa quædam uisibilem eius partem accipiunt atq; transmittunt. Sic magna cogitatio obæcat abducto intus uisu: autor Plinius. *Lana.*) Aut lota, aut succida. Lota in hoc confert quod materia est recipiendi humorem quando in eo infunditur, humores enim sine adminiculo aliquo minus apte applicari possunt. Verum si lanæ facultas non est, linteolo excipi possunt. Nam, ut Celsus inquit, Linteolo an lana excipiat medicamentum, nihil interest. Succida autem prodest, quia sordium ratione ad penetrationem faciliorem facit, & oculis contra inflammationes utilissima, doloresq; mitigans. Et hac etiam Plinius uti docet, qui oleo uinum etiam addit, dum inquit: Superimponi oportet lanam succidam ex oleo et uino. *Conneſtitur apte.*) Commode, rite & conuenienter uti decet annectitur & superimponitur, extra quidem clausis palpebris, non autem intra oculos, potius enim obesset quā prodesset, si intra ipsos mitteretur. *Vincentis.*) Ad differentiam signi cœlestis hoc ponitur, quod inanime est, & nepa etiam dicitur. Columella, Sed trepidus profugit chelas & spicula phœbus Dira nepæ. *Nepæ.*) Nepæ scorpius significat. Cicero de finibus libro 5. Serpere anguiculos, natrare anaticulas, uolare merulas, cornibus uti uideas boues, nepas aculeis, suam cuiq; naturam esse ad uiuendum ducem. Plautus item in Cassina, Recessim cedam ad parietem, imitabor nepam. Est autem duplex scorpius, terrestris, & marinus, qui piscis est, & cuius fel oculorum suffusionibus, albuginibus & hebetibus oculis utile est, autore Dioscoride. *Sumen.*) Plinius in historia naturæ libro 11. Sumen, inquit, quod antiqui abdomen uocabant. Abdomen autem ventris pars est, quæ ab umbilico

*Lana lota,
succida.*

*Nepæ.
scorpius.*

*Sumen.
Abdomen.*

umbilico ad inguina inter cartilaginem & pellem ducitur: ut ex Celso colligitur libro 7. dum inquit, Interdum enim uel ex ictu aliquo uel retento diutius spiritu uel sub graui fasce interior abdominis membrana superiore cute integra rumpitur. Item libro 4. Ab illis ac pube abdomen sursum uersus ad præcordia peruenit, ab exteriori parte euidentia cute, ab interiore leui membrana inclusum, quæ omento iungitur. Verum per suminis adiectionem intelligi datur, quod nepa hic pro scorpio accipi debet pisce, cuius sumen et ipsius pingue oculis superimpositum, dolores eorum medicatur. *Amidum.*) Circundatū, circumligatum & superimpositum.

Ex folio caulis cineres, contracta q̃ thura,
Et laticem Bacchi, foetæ cum lacte capellæ
Desuper induces atq̃ una nocte probabis.

Ex folio cineres.) Quod hic de foliorum Serenus, id desti- *Cinis caulium.*
pitum cinere prodit Auicenna dicens, Cinis quidem stipitum eius est fortis exiccationis, et habet proprietatem in sedando dolorem. *Caulis.*) Caulis dicitur in herbis *Caulis.*
robur ipsum siue stipes, sæpius tamen ob sui caulis ac *Brassica.*
thyrsi magnitudinem pro brassica sumitur: quæ omnibus oleribus, ut Cato dicit, antistat, & ad salutem temperat comesta sese semper cum calore, & rigore arido, simul et humido, & dulci, & amaro, et acri. Tria earum genera, Prima est leuis, quæ nominatur λεία, grandibus & latis folijs, caule magno: ualidam hæc habet naturam, & uim magnam habet. Altera est crispa, quæ à similitudine *ap̃i*, *σάλνοσδ' ἡς* uocatur: hæc est & aspectu, & natura bona ad curationem, ualidior q̃ est quàm quæ superscripta est. Item est tertia, quæ κρέμν uocatur, minutis caulibus, tenuioribus folijs, & acerrima omnium est istarum, tenui succo uehementissima. Et primum scito, de omnibus brassicis nulla est illiusmodi medicamentosior. Et hæc brassicæ genera sunt à Catone relata. Est autem peculiaris

*Brassica uino
aduersa.*

quædam uis illi cōtra uina. Nam, ut Dioscorides tradit, ebrietatis & crapulæ noxas tollit brassica à cibo sumptas: imò & Plinius historiæ naturalis libro 10. Græcorum opiniones referēs, scribit brassicam uino aduersari, ut inimicam uitibus: antecedente quidem in cibis, cauere ebrietatē: postea sumpta, crapulam discuti. Vnde M. Cato, Si uoles, inquit, in conuiuio multum bibere, cœnareq; libenter, ante cœnam esto crudam quantum uoles ex aceto. Et item, ubi cœnaueris, comesto alia quinque folia, reddent te quasi nihil ederis, biberisq; bibesq; quantum uoles. Cuius quidem rei rationem uel ex Aristotele colligere licet, sic enim in problematis tradit: Crapulam sedat brassica, quoniam frigida fit, & succum habeat dulcem et discutientem: unde fit, ut succus eius uinosos ac crudos humores in aluum detrahat, & uis sua diuretica tenues ad urinæ meatus perducatur, ipsa uero superius in uentriculo remanens, corpus refrigeret. Quo fit, ut humoribus utrinque deductis, & refrigerato corpore ac euidente facta discussione, crapula cesset. Amplius de brassica scribit Plinius libro 19. cap. 8. quod cum ipsa corrumpatur in dolio uini sapor, odore betæ folijs demersis restituitur. Item libro 17. cap. 24. idem sic scribit, Quorundam natura non necat quidem, sed lædit odore, aut succi mixtura, ut raphanus & laurus uitem. Olfactrix enim intelligitur, & tangi eam odore mirum in modum. Ideoq; cum iuxta sit, auerti & recedere, saporemq; inimicum fugere. Hinc sumpsit Androcydes medicinam, contra ebrietates raphanum mandipræcipiens. Vbi per raphanum brassica intelligitur, quod uel hinc manifestum est, quod ea quæ Plinius scribit, transumpta sunt ex Theophrasti de historiis libro 4. circa finem: ubi raphanum ille quoq; nominat, sed ita, ut brassicam intelligat: cui etiam interpres Theodorus astipulatur, uti in lectionibus antiquis annotauit Cælius. Et idem quod raphanus sit brassica, testatur Iulius Pollux libro 6. dum ait: Raphanus est crambe, hoc

*Raphanus p^{ro}
brassica apud
ueteres.*

hoc est, brassica. Item Aristoteles in de animalibus libro quinto sic ait, ῥάφανος, ἢ καλοῦσι τινὲς κράμβην, id est, raphanus, quam uocant nonnulli cramben. Mos autem est Plinio frequens, uti etiam Nicolaus Leonicenus annotauit, ut res easdem nunc Græcis, nunc Latinis appellerentur nominibus, ut paulo imperitiis uideri possint diuersæ. Et quamuis ita sit quod raphanus apud antiquiores Græcos cramben id est brassicam significet, posteriores tamen tum Græci tum Latini radicem quæ comeditur per raphanum intelligunt, quam Celsus radiculam uocat. Porro apud Atticos, ut Hesychius scribit, differunt ῥαφανὶς raphanis, & ῥάφανος raphanus: hoc enim crambes est, illud uero apud nos raphanus. Tryphon ait apud Dores paruas, raphanidas dici, magnas uero raphas. Demum raphanum à brassica diuersum etiam facit Palladius libro nono cap. quinto. Et nihilo secius utrumque uitibus aduersari, dum ait: Raphanum tamen, sicut brassicam, constat esse uitibus inimicum. Nam si circa se serantur, natura discordante refugiunt. Præterea ut illud etiam addamus, Solebat antiquitus, ut Suidas scribit, in cōuiujs adhiberi crambe, sed recocta adeo nauseâ adferre, ut Græcis in fastidiū prouerbiū abierit. Quoties enim rem iterum atque iterum repetitam non sine molestia significabant, dicebant, Δις κράμβη θάνατος, id est, bis crambe mors, de quō copiosius Germaniæ nostræ decus Erasmus ille in adagiorū chiliade prima, ceterura quinta. Demum sunt in brassica cymæ siue cymata, teneriores colliculi, quos appetente uere in prima florum germinatione & in summa stirpe profert brassica, Græci κύμα cyma dicunt, in quo floris primū, mox seminis fetus clauditur. Theophrastus libro 7. de plantis, ὅτι τὸ κύμα καὶ ἐν τῷ ἄνθος ἢ καὶ ὁ καρπὸς, id est, cyma & in quo flos aut & semen. Plinius lib. 19. cap. 8. Cyma, inquit, à prima sectione præstat proximo uere: hic est quidam ipsorū caulium delicatior teneriorq; cauliculus Apitij luxuria. Et pereū

Raphanus pro
radicula apud
posteriores.
Raphanus.
Raphanis.
Raphanides.
Raphæ.

Cymæ.
Cymata.
Κύμα.

Thus.

Druso Cæsari blanditus nō sine castigatione Tiberij patris. *Confracta thura.*) Thus subtilissime puluerisatum, adeo ut nihil aspredinis in ipso reliquatur. Poteſt aut̃ thus omnia hæc, teſtante Dioſcoride : caleſcit, adſtringit, purgat quæ claritati oculorum officiunt: concaua explet ulcera, & ad cicatricem perducit. Idem tradit Ieſus Hali dicens, Thus calidū & ſiccum eſt ac ſtipticum, diſſoluit materiam groſſam de ulceribus oculi, & abſtergit ea, & implet ulcera concaua, & ſigillat ea, & enudat faciem pupillæ. Vnde Galenus etiam therapeutices libro 5. Collyrium quod ex thure cōficitur, exulcerato oculo expedire ſcribit. Ad quorum omnium ſanationem, doloris ſequitur mitigatio. *Laticem Bacchi.*) Vinum quod doloris mitigatiuum eſt, & ut Ieſus inquit, oculum confortat &

Vinum.

Bacchi.

diſſoluit humores craſſos uiſcoſos. Bacchus autem pro uino accipitur, quoniam Iouis & Semeles filius uini reſpexit & Deus habitus eſt. Martialis in xenijs: Nomen- tana meum tibi dat uindemia Bacchū. Dictus eſt autem Bacchus, uti ab Euſtathio ſcribit, ἀπὸ τοῦ βαχίζω ab incondito ululatu, quo ſurentes bacchæ perſonāt. Poſtea quo tetri & immanioris ſoni fieret expreſſio, inſerta eſt litera K, quemadmodū ex iacho quoq; iacchus factus eſſe uide- tur. *Foræ.*) Foræ liberatę et exoneratę atq; enixæ. *Lacte capelle.*) Auicēna canonis libro 2. de lacte ſic ſcribit: Lac facit euenire tenebroſitatem uiſus & caliginem, uerum- tamen cum mulgetur in oculo conſert ophthalmiæ & no- cumento materierum calidarum effuſarum ad oculum & aſperitati. Eſt enim, ut idē alibi ſen tertia tertij tractatu 2. cap. 4. tradit, medicina oculi leniens. Et iterum capite 9. Quondoq; ait, adminiſtrantur in ea glutinatiua & com- menſuratiua materierum acutarū, & genera lactis ſunt ex ſumma eorum: & non eſt cōueniens ut dimittatur diſtillatio eius in oculo tempore longo, in idē oportet ut re- moueatur, et remouet oī hora. Itē, oportet ut oculus aſſi- due mūdificetur à lippitudine ex lacte diſtillato in ipſum.

Lac.

Nam

Nam in lippitudinis mūdificatione est doloris alleuatio
& absterfio oculi, & medicinis adest possibilitas operan-
di. Iesus itē Hali: Lac refrigerat, & in eo est absterfio pro-
pter aquositatem eius. Et quamuis in summa, omnes spe-
cies lactis, ut scribit Auerrois, ualent ophthalmiæ oculo-
rum quæ accidit ex rheumate calido, maxime tamē quod ^{Lac humanum,}
facit ad oculos est lac mulieris, & lac capræ, ut auctor est ^{caprinum.}
Canamufali. Et de hominis lacte dicit Diosco. quod
addito thure cruentis exictu oculis instillatur.

Hyblæi mellis succi cum felle caprino
Subueniunt oculis dira caligine pressis.
Vettonicæ mansus siccabit lumina succus.

Hyblæi mellis succi.) Hoc est, mel ipsum quod succosum est ^{Mel & eius}
& liquidum, idēq; Hyblæum quod post Atticum primam ^{genera.}
bonitatis laudem habet. Nam, ut Dioscorides refert,
Primam bonitatis æstimationem habet mel Atticum,
& in hoc quod ab Hymeto eius regionis monte Hymeti
on appellant. Probatur deinde ex Cycladibus insulis: &
ex Sicilia, quod Hyblæum ab insulæ eius ciuitate Hybla dī
cunt. Idem testatur etiā Plin. natura. historiæ lib. 11. cap.
13. Ibi optimum semper, ubi optimorum doliolis florum
cōditur, Atticę regionis hoc & Siculæ, Hymeto et Hyblæ
ab locis. Meminit utriusq; etiam Martialis libro 11. Cum
dederis Siculos medijs de collibus Hyblæ, Cecropios di-
cas tu licet esse fauos. Laudantur autem huiusmodi mella
maxime propter thymum, quo his locis pastæ apes mel
optimum conficiunt. Nam, ut Columella rei rusticæ lib.
9. tradit, Saporis præcipui mella reddit thymus. Vnde Pli-
nius lib. 11. cap. 10. Mellis, inquit, Attici in toto orbe sum-
ma laus existimatur propter thymum. Et Varro rei ru-
sticæ lib. 3. Aptissimum, ait, ad mellificium thymum: pro-
pter quod Siculum mel fert palmam, quod ibi thymum
bonum & frequens est. Itaq; quidam thymum contun-

dunt in pila, & diluunt in aqua tepida, ea conspergunt omnia seminaria confita apium causa. Ceterum quod ad mellis bonitatem adhuc attinet: Probatius in omni genere, ut Dioscorides tradit, quod dulcius, odoratius, acre, colore rutilo, non liquidum, sed ponderosum firmumq̃ est, & quod tractum digitos sequaci lentore sequitur. Adhæc primam habet bonitatis æstimationem mel uernum, secundum æstiuum, hyemale quia crassius ideo deterius, ceragini faciendæ aptius. Vis melli & natura exterere, aperire, & humiores in summum proritare. Purgat quæ claritati oculorum officiant. Et, ut Auicenna dicit, Mel uisus tenebrositatem abstergit. Iesus item Hali, Mel, inquit, utile est principio aquæ & obscuritatibus. *Felle caprino.*) Idem testatur Auicenna, dicens: Omne fel confert obscuritati uisus, & fel caprinum confert cæcitati, & maxime admixto melle. Celsus libro 6. eisdem cōtra aspredines uti docet inquiring, Si composita medicamenta nō adfunt, felle caprino, uel quàm optimo melle satis commode aspritudo curatur. Et Plinius libro 28. aliorum sententiam referens ait, Fel caprinum pluribus modis assumunt cum melle cōtra caligines. Sed Dioscorides contra oculorum uitia uim hanc felli syluestris capræ tribuit, dicēs: Syluestris capræ fel incipientibus oculorum suffusionibus, caliginibus, albuginibus & scabris palpebris priuatim confert, et lusciosos inunctum sanat. Sextus Plonicus item: Ad caliginem oculorum, Fel capræ (quæ syluestris capra est) cum melle Attico mixtum inunges, caliginem potenter discutit & claritatem præstat. Et ex hijs autoritatibus manifesto apparet, capris fel esse, quod & rei ueritas comprobatur: quamuis Plinius naturalis historiæ libro 11. cap. 37. dicat, Equi, muli, asini, cerui, capræ, apri, cameli, delphini non habent fel. Quod autem hoc loco equis etiam fel adimit, in hoc alibi se etiā coarguit. Nam libro 28. cap. 9. Sic scribit: Damnatur fel equinum tantum inter uenena, Ideo flamine sacrorum equum

Fel capræ.

equum tangere non licet cū Romæ publicis sacris equis etiam immoletur. *Caligine pressis.*) Caligantibus. Solent autem, ut Celsus tradit, caligare oculi, nonnunquam ex lippitudine, nonnunquam etiam sine hac propter senectutem imbecillitatem uē aliam. *Vetonica.*) *Vetonica* herba est nota, quā describit Diosco. lib. 4. cap. 1. & Plin. libr. 25. cap. 8. ubi etiā ait, Folia siccantur in farinā plurimos ad usus. Fit uinū ex ea & acetū stomacho & claritati oculorū. Tantumq̃ gloriæ habet, ut domus in qua sata sit, tuta existimetur à piaculis omnibus. Quod aut folia ferē lapathi serrata habere scribit, aut mendū est eo loci, aut quod uerisimile uidetur, alteram betonicam, quæ alio nomine britannica appellatur pro hac pinxit. Nam Dioscorides britannicam folia lapathi, betonicam uero folia quernis similia habere tradit. Idemq̃ de uetonica testatur Augusti medicus insignis & archiater Antonius Musa in libello de hac edito & à nobis nuper recognito & emendato: Et quod plus est, ambobus sensus etiā astipulatur. Sed Musam audiamus, qui post multiplices ipsius apud diuersas gentes appellationes de ipsa sic scribit: Herba uetonica nascitur in pratis & montuosis locis, mundis & opacis circa frutices. Animas hominum et corpora custodit, & nocturnas ambulationes à maleficijs & periculis, & loca sancta & busta etiam à uisibus metuendis tuetur & defendit, & omni rei sancta est. Cestron uocatur etiam psychotrophon, siquidem frigidis repperitur in locis, radicibus tenuibus, thyrso tenui ultra cubitum quadrangulo, folijs querci similibus, boni odoris, semine in summitate thyrsi spicato, modo thymbræ. Hactenus Musa, qui etiam de uirtutibus eius quatenus oculis prodest sic scribit: Ad dolores oculorum. Herbæ uetonice radices ex aqua ad tertias coquito, & ex ea aqua oculos fouetos. Ipsa autem folia eius trita supra frontem & oculos imposito. Item ad caligines oculorum: Vetonice drachmam unam, aquæ calidæ cyathos 4. ieiunus bibat: deducit ad

inferiorem partem eum sanguinem qui caliginem oculorum facit. Item ad lachrymosos oculos: Vetonica manducata aciem oculorum clariorē facit. *Siceabit.*) Per hoc dat nobis intelligere quod medicina hæc ualet contra caliginē quæ ex lippitudine nascitur. *Lumina.*) Oculos lachrymosos & lippientes atq; ex lippitudine caligantes.

Si tenebras oculis obducit pigra senectus,
Expressæ marathro guttæ cum melle liquenti
Detergere malum poterunt, uel uulturis atrī
Fella, chelidonio fuerint quæ gramine mixta,
Hæc etiam annosis poterunt succurrere morbis.

Tenebras obducit.) Caliginem & uisus obscuritatem inducit, ac si tunica quædam & uelamen obuolutum & superpositum sit. *Pigra senectus.*) Oculos propter senectutem aliquādo caligare, dictum iam est ex Celsi sententia. *Senectus pigra.* Dicitur autē pigra senectus, hoc est, tarda & multos post annos adueniens, aut quia pigri lassiq; sunt ad obeunda corporis munia senes. *Expressæ marathro guttæ.*) Succus fœniculi expressus. *μαράθρον* Græce, Latine fœniculus est: de quo in historia naturæ libro 10, cap. 23. Plinius sic scribit Fœniculum nobilitauere serpētes, gustatu senectam exuendo, oculorumq; aciem succo eius reficiendo: unde intellectum est hominum quoq; caliginē præcipue eo releuari. Colligitur hoc, caule turgescente. In sole siccatur. In ungitur ex melle, Dioscorides itē, Ex folijs, inquit, & caulibus expressus tum in sole siccatus succus, oculorum medicinæ & remedijs utilis quæcunq; ad eorum claritatem conficiuntur. Exprimitur & ex uiridi semine succus cum folijs ramulisq; ad eadem omnia. Radix præterea eodem modo in prima foliorū germinatione exprimitur. In occidentali Hiberia gumi similem ex se liquorē mittit fœniculum: medium cum floret demetentibus incolis caulem, igniq; admoventibus, ut ui caloris ueluti exsudatū gumi illud ex se mittat. Estq; in oculorū medicina multo quàm succus

succus liquor hic efficacior. Hæc ille. Sed, ut Mesue tradit ex autoritate Democriti, Fœniculum secundum omnem administrationis modum oculum detergit & uisum clariorem facit. Est enim ex rebus, autore Auicēna, quarum usus confert oculo & conseruat uirtutem eius, quare facere collyrium omni hora ex aqua fœniculi, est mirabile & magni iuuamenti. Item ad caligationem oculorum, ex sententia Pauli Aeginetæ, mirifice prodest, si perpetuo mēse quottidie huiuscemodi aqua oculis instilletur, quæ quidem sic præparanda est: In uas fictile extrinsecus pice illitum, fœniculum uirentem, aquamq; pluuialem iniice, deinde extracto fœniculo, quod reliquum est, seruato. *Liquenti.*) Puro & defecato. Vergilius lib. 4. Georgicon: Dulcia mella premies, nec tantum dulcia, quantum Etli- quida. *Vulturis, felle.*) Qualis auis sit uultur, dicetur inferius cap. 45. Nunc quam præstet oculis medicinam ex aliorum autoritate solū dicemus. Vnde Auicēna fen tertia tertij de cura debilitatis usus, Ex fellibus, inquit, conferentibus cum sunt singularia, est sicut fel uulturis: & ex iuuatiuis cum hoc est chelidonia. Sed Sextus Platonici, marrubij non chelidoniæ succum commiscet, dum inquit Vulturis fel cum succo marrubij, omnem caliginem discutit, incipientem suffusionem pariter insistit. Plinius uero porri succum cum modico mellis, dicens: Eadem uis & in uulturino felle est cum porri succo & melle exiguo. Vbi quidem porri loco marrubiū potius ponere debuisset Plinius. Nanq; medicamentum hoc, sicuti etiam pleraq; alia, ex Græcis tralaturnum censeo, apud quos quia uicina sunt nomina, porrum atq; marrubium significantia, ipse alterum pro altero exposuit, uti sæpe etiam aliās facit, nominum uicinitate deceptus. Apud Græcos autem *πράσινον* est & *πράσιον*, quorum hoc marrubium, illud porrum significat. Quod autem marrubium oculis conferat, dictum iam est ex Sexti Platonici autoritate, et idem Diosco, etiā testatur dicēs: Marrubij succus ficat^o, melle

Fel uulturis.

*Plinij locus
anima iunctus.*

πράσινον, porrum.

πράσιον, marrubium.

OCULORVM DOLORI.

& uino addito caliginem oculorū detergit. Et Auicenna, Succus eius cum melle est conueniens ad acuendum uisum. De porro autem hanc uim non inuenio scriptā, sed bene quod oculis noceat & uisui. Atri.) Nigri, cuius uis minus uehemens est, autore Plinio lib. 25. cap. 4. dum inquit, Annotandum quoq; minus uirium esse nigris penarum. Dicitum est autem prius, ocularia medicamenta uirtutis esse debere non nimis acutæ aut uehementis, ne nocumento sint potius quàm iuuamento. *Chelidonio gramine.*) Succo foliorum chelidonix: quam hirundines monstrauiere. Plinius libro 25. cap. 8. Animalia quoq; inuenere herbas, in primisq; chelidonium: hac enim hirundines oculis pullorum in nido restitunt uisum, ut quidam uolunt etiam erutis oculis. Genera eius duo: florent aduentu hirundinum, discessu marcescunt: florentibus succus exprimitur, & in æreo uase cū melle Attico leniter cinere feruenti decoquitur, singulari remedio contra caligines oculorum. Utuntur & per se succo in collyrijs, quæ chelidonia appellantur ab ea. Dioscorides, Prodest oculorum claritati maioris chelidoni herbæ succus in æneo uase in carbonibus addito melle decoctus. Exprimatur autem succus ex folijs, radicibus, et caule incipiente ætate, siccatusq; in umbra conformatur in pastillos. Hæc.) Iam dicta. *Annosif.*) Inueteratis nedū recentibus.

Fel quoq; de gallo mollitum simplice lymphæ
Exacuit puros dempta caligine uisus,
Siue columbarum fimus miscetur aceto,
Seu fel perdicis parili cum pondere mellis,
Vina chelidonix simili ratione iugantur,
Efficiuntq; suo præclaros unguine uisus,
Aspera quin etiam mulcent & rupta reducunt.

Fel galli.

Fel de gallo.) Auerrois Colliget sui libro 5. Fella ponuntur in collyrijs quæ faciunt absterfionem, & proprie uoluerum

erum fella, & est necesse eligere fella animalium quæ non sunt infirma, & fella marium, & quod plus quæritur in medicinis est fel galli ueteris. Pli. lib. 29. c. 6. Vis est in galli nacei felle alligato ad argema & ad albugines ex aqua diluto: itē ad suffusiones oculorū maxime cādidi gallinacei. *Mollitum.*) Remollitū, dilutum & resolutum. *Simpli. e lympha.*) Aqua communi pura, cui nihil alieni admixtū est, in qua ocularia medicamēta dissoluere possumus si alius non assit humor. Vnde Celsus ait: Quotiescunq; non ad iñcio quod genus humoris adñciendum sit, aquam intelligi uolo. *Columbarum fimus.*) Præcipue si adsit fistula seu albugo aut cicatrix et altarfati, ut uocat Auicenna, qui tertia tertij sic ait, Fit emplastrum de foris ex stercore columbino cum aceto aut uino. Et Plinius, Fimus columbarum ex aceto ad Aegilopas, similiter & ad albugines & cicatrices. *Fel perdicis.*) Plinius historix suæ libro 29. cap. 6. Laudatur oculis contusis fel perdicum cum mellis ex quo ponere, per se uero ad claritatem. *Aspera mulcent.*) Ponit dictorum medicamentorum uirtutes, quæ sunt aspredines lenire & scabrics leuare, ac ruptas partes unire & sanare. Vbi illud sciēdum est quod Celsus scribit, scilicet, Vbi medicamenta composita non fuerint, scabros angulos leuant & mel & uinū. Succurritq; & his & aridæ lippitudini si quis panem ex uino subactum super oculum imponit. Nam cum serē sit humor aliquis qui modo ipsum oculum, modo angulos aut palpebras exasperat: sic & si quid prodit humoris, extrahitur: & si quid iuxta est, repellitur.

Aqua.

Fimus columbarum.

Fel perdicis.

Si genus est morbi miserum quod lumen adurit,

Hic calor infuso mitescet lacte canino.

Anguibus ereptos adipēs erugine misce,

Hī poterunt ruptas oculorum iungere partes.

Si genus est mor.) Hoc est, si morbus est calidus & adurens, qualis est phlegmon & inflammatio oculorum, quæ in-

πρόπρωσις.

gens aliquando tanto impetu erumpit, autore Celfo lib. sexti capite sexto, ut oculos sua sede propellat: πρόπρωσις id, quoniam oculi procidunt, Græci appellant. Solent etiā Carbunculi ex inflammatione nasci, nonnunquam in ipsis oculis, nonnunquam in palpebris, & in his ipsis modo ab interiore, modo ab exteriori. Pustullæ quoq; ex inflammationibus interdum oriuntur: & ex pustulis ulcera interdū fiunt. *Lactē canino.*) Imò & alio quocunq; lacte. Refrigerat enim lac omne & lenit inflammationes. Celsus: Quo grauior quæq; inflammatio, eo magis leniri medicamentum debet, adiecto uel albo oui uel muliebri lacte. At si neq; medicus neq; medicamentum præsto est, sæpius utrumlibet horum in oculis penicillo ad id ipsum factio infusum id malum lenit. Auicenna libro 1. Lac cum mulgetur in oculo, confert ophthalmiæ & nocumēto materierum calidarum effusarum ad oculum & asperitati. Idem tertia tertij: Lactis genera sunt ex summa eorum quæ materierum acutarum sunt commēsuratiua.

Adeps anguiū.

Anguibz erep. adipēs.) Plinius libro 29. cap. 6. Anguium adeps ærugini mixtus, ruptas oculorum partes sanat. Et membrana siue earum senectus uernatione exuta, si adfricetur, claritatem oculorum facit. Dioscorides aliud ex uiperino adipe conficit medicamentum hoc pacto: Adeps uiperæ contra hebetes oculos, eorumq; suffusiones efficax est, admixtis illi cedrino liquore, Attico melle, uetereq; oleo, & omnium pari portione. *Aerugine.*) Aerugo ab rubigine differt, quoniam rubigo proprie ferri est et segetum. Plinius libro 18. cap. 17. Cæleste frugum uinearumq; malū nullo minus noxiū est rubigo. Moxq; post,

Aerugo.

Rubigo.

Rubigo, inquit, maxima segetum pestis. Et lib. 34. cap. 15. A rubigine uindicatur ferrum cerusa & gypso & liquida pice. Aerugo autem æris est & argenti: sed alterum pro altero nonnunquam accipitur: quod uel hac Plinij libro iam dicto sententia colligitur, dum infit: Aera extersa rubiginē celerius trahunt, quàm neglecta, nisi oleo perungantur.

gantur. Serenus æris æruginem intelligit, quæ ad oculos medicam uim in se habet. Nam uis illi ficca, adstringens & consolidans. Quin & in æris fodinis immorantium eruentiumq; oculi à uapore exhalante iuuantur eximie. Oculos enim contingens uapor occulte rheumata fistit & fluctiones, lachrymasq; manātes retundit. Quod si uapor id agit, quāto magis æs ipsum & ærugo eius: cuius quoq; magn⁹ est usus, sed pluribus fit ea modis, quos Plin. describit lib. 34. cap. 11. & Dioscor. lib. 5. cap. 47. Lauatur aut ærugo, ut Plin. tradit, sicut cadmia. Vis eius collyrijs oculorū aptissima, & delachrymationibus mordēdo proficiens. Sed ablui necessariū penicillis calidis donec rodere definat. Cruda autem ærugo uulnerarijs emplastris miscetur. Potest autem ærugo omnis, ut tradit Dioscorides, adstringere, calefacere, oculorum cicatrices exterere & extenuare, lachrymas ducere, quæ pascendo serpunt sistere, uulnerym inflāmationes arcere, & uulnera cum cera & oleo ad cicatricem perducere.

Sí uero horrendū ducent glaucomata plumbum,
Spiritus alterius prodest, quí grana cumini
Pallentis mandens uisus exhalat in ipsos.
Sí tumor insolitus tussis & duror inhæret
Turgentes oculos uilí circumline cœno.

Horrendum.) Horridum, deforme & propter curæ difficultatem pertimescendum, maxime si inueterauerit. Nam, ut Celsus dicit, Suffusio quam Græci hypochysin nominant, interdū oculi potētia qua cernit se opponit. Quod si inueterauerit, manu curandum est. Inter initia nōnunquam etiā certis obseruationibus discutitur. *Glaucomata,*) Glaucoma oculorū uitium est, quo uisus impeditur aut saltem uidendi perspicua claritas, & in pupilla concipitur. Celsus Suffusionem appellat, Græci Hypochysin. Porro recentiores medici hæc ab inuicem discriminant: & glaucoma uocant lēSIONEM humoris crystallini, ubi in

Glaucoma.
Hypochysis.
Suffusio oculorum.

glaucam demutatur qualitatem: hoc est, uti autor Libri definitionum dicit, Glaucoma est oculi uitium & naturalis humoris in glaucum colorem mutatio: & ut in Isago-ge scribitur, crySTALLINI humoris in glaucum & aquosum colorem mutatio. Hypochyma uero siue suffusionem dicunt humoris inter corneam & crySTALLINAM portionem statuti, concretionem & gelationem. Vnde Paulus Aegineta dicit antiquos glaucomata & hypochymata unū & idem mali genus esse existimasse: posteriores autē Glaucomata tantum dixisse crySTALLINI humoris in oculo uitia ex humiditate in glaucum colorem transeuntia, Hypochymata uero humorum suffusionem, qui inter corneam & crySTALLINAM concrecentes uisum impediunt additq̃ incurabilia esse glaucomata omnia, suffusiones uero curari sed nō omnes. Fiunt autē uitia hæc ob frigiditatem aut infirmitatem spiritus quo uisus peragitur. Ideoq̃ senibus, aut post longam ualetudinem frequentius accidunt. Sed de his satis. *Plumbum.*) Plumbū oculorum uitium est. Plinius libro historie naturalis 25. cap. 11. Nascitur uulgo molibdena, id est plūbago, etiā in aruo, folio lapathi, crassa radice hispida. Hæc commanducata, si oculis subinde religatur, plumbum, quod est genus uitij, ex oculis tollit. Poteris autem per plumbum utranque speciem intelligere, tum crySTALLINI læsionem, ubi in glaucū demutatur colorem, tū humoris inter corneam & crySTALLINAM siti congelationem: hanc quidem propter substantiæ plumbi, illam uero propter coloris similitudinem quandā: huiusmodi enim uitij ceu plumbi color est, glaucus à Græcis uocatus. Vnde & γλαύκωσις, glaucosis id uitium. Latini Cæsiū dicūt, à colore cæli quasi Cælium. De quo plura A. Gellius Atti. noctium libro 2. Cæterum scriptus codex habet peplum, id est, pellem & tuniculam. *Spiritus.*) Halitus, & insufflatio. *Grana.*) Semen, quo maxime utimur in usu medico. *Cymini.*) Dioscorides, Ori gratum & suauē est Cyminum; & ut Plinius

Plumbum oculorum uitium.

Plumbago siue molibdena herba.

Glaucum color. Cæsiū. Glaucofis.

Lib. 19. cap. 8. Cyminum.

inus

nus dicit, condimentorum ac omnium fastidijs amicissimum. Vis illi calefaciens & desiccans discutiensq; uarijs oculorum uitijs & uarie etiam approximatum utilissimum. *Pallentis.*) Ab effectu. Pallorem enim inducit corpori potum inunctumue, autore Dioscoride. Plinius lib. 20. Veruntamen omnem pallorem bibentibus gignit. Ita certe ferunt Portij Latronis clari inter magistros dicendi adsectores similitudinem coloris studijs contra æmulos imitatos: Et paulo ante Iulium Vindicem adsectorem illum à Nerone libertatis captatione testamentis sic lenocinatum. *Duror.*) Duricies & tumor durus. *Turgentes.*) Tumidos siue cum duricie siue citra ipsam fuerint. *Viliceno.*) Terra & luto communi quo figuli ad figlina conficienda utuntur, et testis ollarum nouarum ficcarum non coctarum, quæ autore Iesu Hali, desiccant, abstergunt & confortant, Et hoc est quod absolute lutum dicitur uirtutis refrigerantis & desiccantis, glutinantisq; autore Dioscoride. Nullamq; erodendi uim habet, nisi mixtam sibi aliam & feruidam habuerit qualitatem, quæ tamen lotura auferitur. Nihil autem refert siue lutum siue terram apellaueris.

Cap. 14.

*Cuminum pal-
lens.**Lutum com-
mune.*

DENTIVM VITIO ET ORIS

FOETORI MEDENDO.

CAPVT XIII.

H A V D facile est acrem dentis tolerare dolorem,
Quo magis est æquum medicā pernoscere curam.



DENTIVM uitio.) Per dentium uitia Sere- *Dentium uitia,*
nus aliarum etiam oris partium uitia intelli-
git. Dentium autem uitia sunt corrosio, com-
motio, foeda coloris mutatio, sordes adhaeren-
tes, quibus aliquādo foetor accedit & dolor, de quo quæ-

Z

stio est, an propriæ substantiæ ratione doleant dentes nec
 ne: de qua re uide Auicennam sen prima primi, doctri-
 na, summa 1. cap. 5. Et septima tertij cap. 1. & 4. Gignun-
 tur autem dentes ultimo loco, ut tradit Hippocrates in li-
 bro de carnibus, quod de capitis ossibus, maxillarumque
 pinguis glutinosi quod inest, incrementum fit & auge-
 tur, caloreque siccescit, peruritur, & absumitur: dentesque
 redduntur duriores & densiores quam cetera ossa, quod
 in his nihil frigidi inest. Sunt autem à summo rerum opi-
 fice homini contributi tum loquutionis, quo exactior li-
 terarum fiat enunciatio, tum cibi molliendi, quæ digestio
 num prima aut digestionis initium est, causa: ut Auerrois
 sentit qui sui Colliget libro 1. sic ait: Propter cibi mastica-
 tionem positi fuerunt dentes, ut faciant ad hoc conue-
 niens præparamentum: dentes quidem anteriores ut in-
 cidant, maxillares ut frangant, molares ut molant. Et scias
 quod in ore est aliquantula digestio. Dentium autem, ut
 scribit Plinius libro 11. qui digerunt cibum, lati & acuti:
 qui conficiunt, duplices: qui discriminant eos, canini ap-
 pellantur. Nec cibo tantum & alimentis necessarij sunt
 in homine, quippe uocis sermonisque regimen primores
 tenent, concentu quodam excipientes ictum linguæ, se-
 riemque structuræ, atque magnitudine mutilantes, molien-
 tesue aut hebetantes uerba: & cum defluxere explana-
 tionem omnem adimentes. Cæterum editis primores
 septimo mense gigni dentes, priusque in supera ferè parte
 haud dubium est: septimo eisdem decidere anno, aliosque
 suffici. Sunt autem in homine dentes numero triceni bi-
 ni. Contingit tamen quosdam non habere quatuor extre-
 mos, quare tunc non erunt nisi uiginti octo. Dentium au-
 tem primores quatuor quia secant τεταυικοῖα Græcis nun-
 cupantur: qui quatuor caninis dentibus ex omni parte
 cinguntur, sic dicti, quoniam in acutū producti caninos
 præferant dentes. Ultra hos uero gomphij siue molares,
 post quos postremi sophronisteres, quos dentes sensus
 uoca

Dentium nume-
 rus et nomina.

uocat Auicenna, quoniam post genituræ profusionem ante consistentiam, quæ circa annum contingit tricesimum, nascantur: hos Aristoteles Cranteras uocat & molaribus adnumerat libro 1. de historia animalium dicens, φύνονται δ' οἱ τελευταῖοι τοῖς ἀνθρώποις γόμφιοι ὅς τε καλοῦσιν πρσαντῖρας. Plinius genuinos uocat. Ex omnibus autem priores, ut Celsus scribit libro 8. singulis radicibus, maxillares utiq; binis, quidam etiam ternis, quaternis ueniantur, fereq; longior radix breuiorem dentē edit, rectiq; dentis recta etiam radix: curui, flexa est. Exq; eadem radice in pueris nouus dens subit, qui multo sæpius priorem expellit, interdum tamen supra infrāue eum se ostendit. Hactenus de dentibus, iuxta quos sunt gingiue oris multifida compago, de quibus Lactantius libro de Opi. sic *Gingiue.* scribit: Dentes autem ipsos ne magis horrore quàm ornamēto essent gingiuis mollibus, quæ à gignendis dentibus nominantur, ac deinde labiorum tegminibus honestauit. Inde gingiuula. Apuleius, Complanatorem tumidæ gingiuulæ. In quibus etiam iuxta dentes solent interdum tubercula quædam oriri dolentia, quas *parulidas Græce appellari tradit Celsus: licet perperam pro parulidibus parotides legatur. Oriuntur etiam plerunque alia quoq; ulcera in gingiuis, quibus similiter ut alijs oris ulceribus succurritur. Amplius dentes cum decore contegunt labia, quæ etiam ad loquendum sunt necessaria, *Labia.* quoniam locutionem præstant magis articulata, quam ob causam etiam mollia & carnosā à natura creata sunt, & hostij uice adiuncta sunt ori. Sed de labijs sic scribit Auicenna sen octaua terrij: Duo labia creata sunt ad cooperiendum os & dentes, & ad decorem, & ad retinendum saliuam, & in hominibus ad loquendum. Et creata sunt ex carne & neruis, quæ sunt partes lacertorum qui continent ea. Et accidunt labijs fissuræ, quæ si in labio inferiore frequentes fuerint mulieribus, indicio sunt uterum *Fissuræ labiorum.* esse siccum & qui rorari appetat, & cōsequenter tales esse

DENTIVM VITIO ET ORIS.

petulantes & coitus appetentes : item in febris acutis post signa concoctionis labiorum fissuræ, bonum sunt signum: indicant enim naturam morbo dominari & materiam eius ad exteriora propelli: & labia cum sint mollia & tenera, facile etiam materiei sunt susceptiua. Porro in lingua huiusmodi accidere fissuras, haud boni, inò mali potius est nota, maximum enim cauma & calorē in uentriculo & spiritualibus membris indicant. *Oris factori.* Per oris fœtorem intelligit etiam ulcera eius & pustulas, quæ fœtoris quoq; nonnunquam causa sunt. Os autem, quod Apuleius animi uestibulum, orationis ianuam, & cogitationum comitium uocat, est id quod intra maxillas & labra describitur, autore Aristotele de historia animalium libro 1. Partes autem eius sunt de quibus hic agitur, gingiua, labia, lingua & palatum. Sed oris primum iuuamentum, ut Auerrois tradit, est masticatio cibi. Et, ut Auicēna scribit, os est membrū necessariū, ad hoc ut perueniat cibus ad concavitatem inferiorem, et communicat in hoc ut perueniat aēr ad cōcavitatem superiorem, & confert in expulsionem superfluitatum aggregatarum in ore stomachi cum elongatur et fit difficilis earum expulsio ad inferiora. Et est uas uniuersale membrorum locutionis in homine & uociferationis in reliquis animalibus uociferantibus ex sufflatione. Cæterum uitia quæ ori accidunt, maxime sunt ulcera: quorum ea longe periculosissima sunt, autore Celso libro 6. quas aphthas Græci appellāt, sed in pueris, hos enim sæpe consumunt. In uiris & mulieribus idem periculum non est. Hęc ulcera à gingiuis incipiunt, deinde palatum, totumq; os occupant, tum ad uuam, faucesq; descendūt, quibus obsessis non facile fit, ut puer conualecat: ac miserius etiam est, si lactans adhuc infans est, quo minus imperari remediū aliquod potest.

Ultera oris triplicia. Continentur autem huiusmodi ulcera tribus generibus autore Paulo Aegineta. Vnum enim subalbidū est, aliud subrubens, tertium uero nigrum ut eschara, quod et pessimum

mum est & maxime letiferum. Suntq; omnia, nisi cito re-
 sistatur, facile dilatabilia: & hoc ideo, ut tradit Auicenna,
 quoniam locus est calidus, cui calor nunquam deest, qui
 maxime talium causa est ulcerum, & quia cutis oris etiam
 est humida & lenis. Plurimum autem accidunt propter
 calorem qui in uentriculo aut in capite superfluit per u-
 pores eorum calidos & humidos corrumpentes superfi-
 ciem cutis oris. Quæ si admodum sunt humida, curantur
 medicamentis uehementer siccantibus, maximeq; si pro-
 pe ossa fuerint, propter ossium naturam siccam: simpli-
 ciora uero, modice siccantia commode sanare possunt.
 Fœtor autem curatur medicamentis quæ proprie bonum
 reddunt odorẽ ori ac uniuerso corpori, qualia sunt myr-
 tus, thus, mastiche, uinum odorum & alia: quibus sem-
 per commiscenda sunt aromatica quædam ad id idonea,
 causa quidem existente frigida, ea quæ calfaciunt: calida
 uero existente causa, quæ refrigerant: & non semper uten-
 dum est calidis. Contraria enim cõtrarijs curanda sunt:
 quare decipiuntur qui semper calidis utuntur. Sed hæc
 nus de ore, inter cuius partes præcipuas est lingua, quæ
 reliquis in suo genere semper absoluta, homini tantum
 ita sæpe cõstricta uenis, ut intercidi eas necesse sit, alioqui
 usus loquendi inepta. Quantum autem ad substantiam
 eius attinet, lingua est caro rara, fungosa, & ut Auicenna
 dicit sexta tertij, mollis & alba. Et in ipsa est ex neruis &
 uenis ultra quàm credatur esse in suo simili. Et in radice
 eius sunt duo orificia, quæ saliuæ fontes & hauritoria di-
 cuntur à medicis, quorum munus est linguæ rorem con-
 seruare, quo tum lingua tum os uniuersum humescat. Et
 orificia illa contingunt ad carnem glandosam, quæ est in
 radice linguæ & saliuæ generatrix appellatur, cuius inua-
 mentum est saporatarum rerum gustum manifestare. Vt
 rum saliuæ est tanquam purior aquosa, tum à stomacho
 corruata tum à cerebro per ossis meatus, quod colatorium
 uocant, defluxa. Sed linguæ munus est, animi conceptus

Fœtoris cura-
 tio communis.

Lingua.

Saliuæ fontes
 seu hauritoria.

Saliuæ genera-
 trix caro.

Saliuæ.

Lingue munus
 & officium.

enunciare, saporumq; uim presentire, atq; cōtritōs cōmo-
litosq; dēnibus cibos colligere, et collectos ui sua deprime-
re atq; transmittere ad uentrē. Vnde à ligando cibo ling-
uam dictā putat Varro. Et de utilitatib⁹ linguæ sic scribit
Auicēna: Lingua quæ membrū est oris, est ex instrumētis
cōuersionis cibi mastīcari, et incīso uocis, & extractio lite-
rarū, & ad ipsam pertinet discretio gustus. Et Auerrois,
Linguæ, ait, iuuamentū est manifestū, quod illa & neruī
sui non fuerunt facti nisi propter operationem gustus,
quamuis huic adiungatur alia res propter electionē me-
liorem, hoc est, ad proferendum literas loquutionū. Est
itaq; lingua ipsa gustandi uim obtinens, & qua sapores
sentiūtur, uti testatur Aristoteles in de historia anim. lib.
1. cap. 11. inquit, Ori inest pars sentiens saporē lingua,
uim istam sentiendi præcipue obtinens parte sui primo-
re. Nā si interiore tāgat, minus sentiet. Qui uero saporis
sensum palato inesse arbitrantur, tales falli putat Lactan-
tius, quoniam linguæ inest, quamuis non toti. Nam par-
tes eius quæ sunt ab utroq; latere teneriores, saporem sub-
tilissime percipiunt. Plinius tamen libro 11. Intellectus, in-
quit, saporū est cæteris in prima lingua, homini & in pa-
lato. Cæterum neruus quo tactus utitur, non est alius ab
eo quo utitur gustus. Sed de hoc plura Galenus libro 4.
de locis affectis. Accidunt autem linguæ sicut & reliquis
partibus oris ulcera & pustulæ, quæ etiam ut reliqua cu-
rantur. Quare de hīs non plura. Nec aliud dicitur hic
de palato & oris interioris cavitare superiore, cuius utili-
tas est, ut uocis fiat intonatio, & cibi quando dentibus
teritur, reuolutio agilis. *Haud facile.*) Imò difficillimum.
Quamuis enim inter asperrimos cruciatus enumerētur,
qui sunt calculorum à stillicidio urinæ, stomachi accapi-
tis, & suus cuiq; ad præsens quisq; atrocissimus uideatur:
inter eos tamē ob quos uix ac minus deploratur homo,
& qui uix aliquem interimunt, non est acrior neq; atro-
cior quàm is qui dentium est dolor. *Acrem.*) Acre pro-
prie

*Saporis sensus
ubi percipitur*

Palatum.

*Dolores asper-
rimi.*

Acce.

prie dicitur de sapore acido, qualis esset aliquando tum in uino & alijs tum in aceto maxime. Columella libro 3. Radice tenus uitem præscindito, plagā acri aceto pariter ac lotio permixta terra linito, eodemq; radices irrigato. Trāsferetur tamē & ad alia, ceu hic acré uocat Serenus do lorem, qui acutus est & uehemens, qui ipse quoq; maximis, ut Celsus ait, tormentis annumerari potest.

Cum Baccho uiolas decoxeris, ore teneto,
Manfus item prodest succis oleaster acerbis,
Hinc oscedo fugit, linguæ quoq; uulnera cedunt.

Baccho.) Vino quod discutit, & si ulcus est, detergit illud *Vinum*,
& repurgat. Oportet autē huiusmodi liquores, cum quibus os colluitur, diutius in ore continere, præsertim qui contra dentium dolores adhibentur, ut docet Auicēna.

Viola.) Violæ hæc sunt, quas purpureas uocat Dioscorides libro 4. cap. 113. Sicq; describit: Viola folia habet minora tenuioraq; quā hederā; nigriora itidem nec dissimilia. Mediū inter folia coliculi à radice exeunt, in quibus flosculi sunt egregij odoris, colore purpureo. Nascitur umbrosis & asperis locis. Refrigerādi uim habet, ob quā & calidos dentium dolores sedat, & eorundem inflammationes extinguit. Et hæc est quæ nūc simpliciter uiola dicitur, & cuius præcipuus usus est contra calores febiles & iecoris: conditurq; zucchero tum flos ipse tum floris succus. Est autem & aliud uiolarū genus quod Græci leucoion dicunt: cuius generis etiam differentia est, & *Leucoia*, ipsa quidem in flore: qui in aliquibus candidus, in aliquibus luteus, in aliquibus purpureus uidetur. Probatissima in medicinæ usu quæ luteum habet florem: qui cum melle oris ulcera, quas aphthas dicunt, sanat, ut autor est Dioscorides libro 3. cap. 30. Hunc tempore nostro communiter Arabico nomine Keyri uocāt. *Succis acerbis.*) A *Keyri* maris & adstringentibus, præsertim qui ex folijs sunt succi, Vergilius Georg. lib. 2. Infelix superat folijs oleaster

Oleaster. amaris. *Oleaster.*) Oleaster est olea syluestris, Verg. libro 2, Georgicon: Indicio est tractu surgens oleaster eodem Plurimus, & strati baccis syluestribus agri. Est autem uis illi & natura adstringens, qua opus est in dentiũ ac oris uitijs, maximeq; ubi humorum est defluxus. Vnde Auicenna septima tertij dicit, Quando dens preparatus est fluxibus, oportet ut teneatur in ore decoctio rerum stipticarum diu. Et quia dentium substantia est sicca, idcirco medicinae conuenientes quæ conseruant sanitatem & reducunt eos ad id quod oportet, secundum plurimũ sunt exiccatiuæ commensuratae in duabus qualitatibus. Et Mesue, In principio doloris, inquit, administrentur medicinae quæ cõfortent dentes & repellant rheumatismos materię. Quod autem oleastri succus talis sit, & contra iam dicta oris ac dentiũ uitia profit, testis est Auicenna lib. 2, dicens: Oleum de oliuis syluestribus confert gingiua sanguineę, colluendo os ex eo: & confirmat dentes motos: & gumi syluestrium cõfert dolori dentium corosorum quando implentur eo. Sed de his copiosius scribit Dioscorides, hijs uerbis: Oleastri folia uim habent ad stringendi. Commanducata oris ulceribus, & hijs quæ aphthas dicunt, medentur. Idem potest succus & decoctum eorum. Oleum autem colluendis flaccidis & cum infirmitate humentibus gingiuis utile est. Mobiles confirmat dentes. Fouentur eodem calido etiam utiliter in gingiuas destillationes: oportetq; planam specillo circumponẽtes in oleum demergere, gingiuisq; ad mouere, usq; dum candido colore gingiua uideantur. Plinius lib. 27, Oleaster purgat ulcera, alienata explet, excreſcentia leniter erodit, siccatur & ad cicatricem perducit: Oleo os colluitur. Ad dentiũ infirmitatem imponũtur folia. *Oscedo.*)

Oscitare. Inter oris uitia numeratur & oscedo, quæ oscitandi uitiũ est. Oscitare uero, est os cõmouere & aperire totum, ceu fit præ somno aut tẽdio. Meminit huius A. Gellius Atticarum noctium libro 4, hijs uerbis: Deliberatum est de

nota

nota eius qui ad cēsores ab amico aduocatus est, et in iure
stans, clare nimis ac sonore oscitauit. Atq; inibi prope ut
plecteretur fuit, tanquam illud indicium uagi animi foret
& hallucinantis, & fluxæ atq; apertæ securitatis. Sed cum
ille deierrasset inuitissimum sese & repugnantem oscitatio
ne uictum, teneri q̃ eo uitio, quod oscedo appellatur, tum
notæ iam destinatæ exemptus est. Est autem oscitatio siue
oscedo proprie halycum species. Halice uero, quā multi
halen, Latini anxitudinem siue etiam pandiculationem
nomināt, est affectio tum in sanis tum maxime in affectis
& iam decumbentibus, cum scilicet toto corpore quis ex
tenditur. Fiunt autem halices, ut Auicenna sen tertia pri
mi doct. 1. c. 13. scribit, propter superfluitates quæ in mu
sculis congregantur, ob quod à somno frequenter acci
dunt: cum q̃ humores illi abundantiores fuerint, horri
pilatio inde fiet actremor. At si nimio plus abundarint,
febrem inducent. Oscitatio uero siue oscedo, motus est ha
licum, quæ accidit in musculis mandibularum atq; tho
racis. Quæ cū sanis in primis citra causam accidit et non
in hora cum multa fuerit, malum erit: melior autem est
quæ peracta digestionem accidit, talis enim propter super
fluitatum fit expulsionem. Nonnunquā uero & propter
frigus accidunt halices & oscitationes, aliquando etiam
propter cutis densitatem, aut resolutionem paucam, aut
excitationem à somno immaturam. Vinum uero ad me
dium temperatum halicibus & oscitationibus est conue
niens, cum non est ibi alia prohibēs causa. Quod uel Hip
pocratis testimonio comprobatur, qui libro 7. aphoris
morum sic ait, Halyce, anxitudo, oscitatio, horror, ui
num æquale æquali potum soluit ægritudinem. Vbi il
lud scire oportet, ut inquit Galenus, quod halycen nomi
nauit, quā multi Græci halen appellant, deinde & quæ
sit faciens hunc casum dispositio. Dicunt igitur ἁλὺς, id

Oscedo.
Oscitatio.
Halyce.
Hale.
Anxitudo.
Pandiculatio.

ἁλὺς, id

DENTIVM VITIO ET ORIS.

transeunt. Eodem modo & ægros illos anxios esse aiunt qui accubitus non perferentes, figuras euariant, quia semper præsens aggrauat eos. Hoc uero præcipue illis euenire consuevit, qui in ore uentriculi, quod nos abutentes uocabulo sæpe solemus stomachum nominare, humoris aliqua propria qualitas continetur, uentriculo molesta, quæ neq; plurima est, neq; in uentriculi fluitat cauitate, sed eam ipsæ imbibere tunicæ. Sed & oscitare sicuti & pandiculari, contenta aliqua in musculis per quos tales fiunt motus quos pandiculationes & oscitationes nominamus, uel humiditate flatuosa, uel spiritu flatuoso fieri est à nobis demonstratum. Horror autem prauis humoribus per cutem currentibus accidit. Liquet autem quod nunc à nobis habetur sermo de horrore, qui ex corpore prouenit insalubri, et non de illo qui causam extrinsecus habet. Singula igitur hæc quæ dicta sunt, potus uini meracioris sanat. Moderatam autem temperaturam ipse monstrauit inquit, Vinum æquale æquali potum: aqua enim uidelicet uult uinum æqua portione temperari, ut hæc quidem pellat, & euacuet ex materia infestante quicquid cesserit uini motui cum impetu lati, reliquum temperet. Calefacit enim uinum, ut nouimus, corpus totum, & cito mouetur ad omnes partes, cum hoc quod omnes humores optimos reddat. Hactenus Galenus. Hic uiderint quid dicant qui oscedinem interpretantur oris graueolentiam.

Cum nitro piper & uinum tepidum inijce denti,
Sæpe chelidoniæ succo, uel lacte capellæ,
Sanescunt dentes, aut tauri felle iuuantur,
Aut acidi latices clauso uoluntur in ore.
Manditur apta rubusgingiuis & bona labris.

Nitrum, piper, Cum nitro piper & uinum.) Idem medicamentum tradit Plinius in historia naturæ lib. 31. cap. 10. dicens: Nitrū prodest dentiū dolori ex uino si cum pipere colluatur. Et hoc

maxime ubi doloris causa fuerit humior frigidus pituitosus crassus & uiscidus, quem singula iam dicta calefaciunt, siccant, attenuant, extrahunt, detergunt & discutiunt, sicq; dolorem sedant. *Tepidum.*) Canon enim est in doloribus istis, ut medicamenta resoluentia et aperientia sint actu tepida aut calida, non tamen in excessu. Repercussiva uero in causa nimis calida ad duos uel tres dies sint actu frigida, deinde fiant tepida, ne poros atq; meatus claudendo, materia intus desineatur & occludatur: autor Auicenna. *Chelidonia.*) Maxime radices eius. Nam, uti Galenus & Dioscorides aiunt, Radix chelidonie commanducata dentium dolores finit. *Lacte capelle.*) Plinius lib. 23. cap. 10. Efficax habetur & caprino lacte collui dentes. Sextus Plonicus, Ad motionem dentium, Capre lacte mulgeat & dentes colluat, sæpius faciat. Nam cum substantia sit ab omni acumine & mordicatione sequestrata, ut Auerrois scribit, dolores ibi existentes mitigat gargarisatum et in ore detentum. Quamuis Auicenna dentibus nocere tradat, ipsos corrodendo, concuando & consumendo, & proprie cum dens frigida sit constitutionis, quare post ipsum os colluere iubet cum melle & uino & oxymelite. *Tauri felle.*) Idem testatur Plinius inquiring, Efficax habetur & felle taurino collui dentes *Acidilatices.*) Acetum. Dioscorides: Acetum prodest dentium doloribus si calido colluantur: Et Mesue in capite corrosionis & perforationis dentium de eodem aceto sic tradit: Collutio oris cum eo est sublimis. Porro usus eius conuenientior esset si alijs commisceretur medicamenti quam cum solitarium administratur, sua enim essentia dentibus nocet. Vnde de usu eius & uirtute sic scribit Auicenna fen 7. tertij: Acetum quidem quamuis sua essentia noceat dentibus, tamen quandoq; ponitur in medicinis dentium infrigidantibus & calefacientibus simul. In refrigerantibus quidem, quoniam refrigerat sua substantia & non penetrat. In calefacientibus uero, quoniam penetrat, & quonia adiuuat

cum incisione ad resoluendum. Eius uerò nō documentum est tunc fractum cum medicinis dentium quæ eis admiscuntur. Quod autem dicit in refrigerantibus non penetrare, hoc non simpliciter intelligi debet, quod nullo modo penetret cum penetrandi uim subministret, sed non tantum penetrat mixtum refrigerantibus eorum frigida-
 tate penetrationem prohibente, quantum penetrat mix-
 tum calefacientibus. *Rubus.*) De rubi generibus dicitur infra. Siccāt rubi & adstringunt: ideoq̃ uitij oris accom-
 modi. Vnde Auicenna, Rubi folia, inquit, quando masti-
 cantur, stringunt gingiuam & sanant alcola: & similiter
 fructus eius maturus, & succus fructus eius & foliorum
 ipsius sanat dolores gingiæ, & succus foliorum eius sa-
 nat os calidum. Idem, medicinæ conuenientes alcola que
 sunt acuta, sunt sicut masticationes foliorū rubi. Et Dio-
 scorides, Gingiuas confirmant, & oris sanāt ulcera com-
 manducata folia. Quin etiam succus ex folijs caulibusq̃
 expressus, mox in sole densatus dictis efficacius medetur.
 Fructus præterea succus in integra maturitate expressus,
 ad oris medicamenta accommodatus est. Sed & Plinius
 libro: 4. cap. 14. de rubis sic scribit: Nec rubos ad maleficia
 tantum genuit natura, ideoq̃ ex eis mora bestijs uel ho-
 minibus cibos dedit: uim habent siccandi, adstringendi,
 gingiuis, tonsillis, genitalibus accommodatissimi. Et, cau-
 les eorum tunduntur teneri, exprimiturq̃ succus, mox
 sole cogitur in crassitudinem mellis, singulari remedio
 contra mala oris potus aut illitus. Et oris uitij etiam fo-
 lia commanducata prosunt & ulceribus manantibus. Et,
 per se in cibo sumpti, cymæ modo, aut decocti in uino
 austero, labantes dentes firman. *Labris.*) Labijs. La-
 brum proprie fluminis, lacus & similium quæ aquæ
 superficie perluuntur, margo dicitur & extremitas: &
 per metaphoram labra quoque dicuntur tum oris tum
 aliarum rerum extremitates, quæ in homine etiam la-
 bia uocantur.

Rubus.

Labrum.

Lentiscus, myrthusq; emendant oris odorem.
 Quod uero assumpsit nomen de dente fricando,
 Ceruino ex cornu cinis est, aut ungula porcæ
 Torrida, uel cinis ex ouis, sed non sine uino,
 Muricis aut tosti, uel bulbi extincta fauilla,
 Ambitiosa putas, sunt ista salubria cunctis.

Lentiscum.) Dentium ac oris malis & fœtori quomodo me-
 deatur lentiscus, docet nos Dioscorides dicēs: Foliorum
 decocto utiliter mobiles dentes colluuntur. Et uiridibus
 ex lentisco dentifricijs pro arundinea acu frictione den-
 tes utilius exteruntur. Refina eius quæ mastiche uocatur,
 miscetur hijs quæ exterendis dentibus conficiuntur. Cō
 manducata oris halitum commendat, & gingiuarum tu-
 mores reprimat. Item Plinius libro 24. cap. 7. Decoctum
 lentisci gingiuas colluit, folia dentibus in dolore atterun-
 tur, mobiles decocto colluuntur. Item ex lentisco dentifri-
 cium fieri cōsuevit, & dentiscalpia, hoc est, cuspides quæ
 dam purgandis dentibus accommodæ. Martialis in apo-
 phoretis: *Lentiscum melius*, sed si tibi frondea cuspis De-
 fuerit, dentes penna leuare potest. Sed quia dentium cu-
 ra olim ut delicatis probro dabatur, hinc quibus denti-
 scalpium semper est in ore, *συντοργωγίς*, id est lentisci arro-
 sores dicuntur. *Myrtus.*) Myrthus duplex est, agrestis al-
 tera, de qua inferius dicetur cap. 31. Altera satiuæ perpetua
 seruans folia: cuius etiam duo genera sunt, ut tradit Co-
 lumella libro 12. quorum alterum est nigrum, alterum al-
 bum: quorum etiam nigrum, ut tradit Dioscorides, me-
 dicinæ utilius est quàm album, & in eo genere multo ma-
 gis montanum, semen tamen infirmius fert. Plinius lib.
 23. cap. 9. Myrtus satiuæ candida minus utilis est medicinæ
 quàm nigra. Semen odorem oris commendat uel pridie
 commanducatum. Mesue item, Medicinarū, quarū pro-
 prietas est generare in ore & uniuerso corpore odorē bo-
 nū, sunt sicut proprie teneritas myrti et thus et mastiche.

*Lentiscum.**Dentiscalpia.**Myrtus.*

Huiusmodi autē omnia aromatica sunt, qualia esse oportet ea quæ tum oris tum aliarum partium foetorē emendare & bonum odorem reddere debent. Quod si talia nō essent, ipsis tamē aromatica permisceri debēt, in causa quidem calida quæ refrigerant; in frigida uero quæ calefaciunt, non semper calefacientia, cū quidam aberrantes faciunt causam aliquando adaugentes. *Emendant oris odorem.*) Hoc est, Oris halitū tetrum ac foetidū, graueolentiamq; corrigunt, & commendatiorem beneq; redolentem efficiunt odorem. *Quod uero nom.*) Hoc est, dentifricium, quod à dentium fricatione sic dictum est: & puluisculus quidam est candidandis dentibus comparatus, hoc est, quo dentes fricātur ut candidi fiant. Sunt autem omnia huiusmodi dentifricia uirtutis detergētis. *Ceruino ex cornu cinis.*) Quomodo in cinerem cremandū sit cerui cornu, docet Dioscorides lib. 2. sic: Secatur in frusta cornu, sectumq; in simile crudum primo, mox luto circumlito operculo in fornacem conijcitur, uriturq; usq; dum albescat. Et huiusmodi cinis dentifricium est leuigandis dentibus utile, in quem usum confricandi eo sunt. Imò, ut Plinius libro 28. cap. 10. testatur, dentes mobiles confrimat ceruini cornus cinis, doloresq; eorum mitigat, siue infricētur siue colluantur. *Quidā efficaciorē ad omnes eosdem usus crudi cornus farinā arbitrātur.* Dentifricia utroq; modo fiunt. Item Sextus Plat. Cornu, inquit, cerui cōbustū, dentes qui mouentur firmat, si eo pro dentifricio quis utatur, Celsus lib. 6. Cornu rasum in aceto rite coctū cōtra dolores utile tradit. *Vngula porce.*) Hoc est, ossa ex ungulis suū. Plin. lib. 8. & capite nunc dictis: Ossa q; ex ungulis suum combusta eundem usum præbent. *Torrere.*) Cōbusta & incinerata, Torrere proprie est urere. Vergilius: Iam rapidus torrens sitientes Syrius Indos. Plinius, Si radicem betæ in pruna tostam superederint, odorem extingui. Dicitur aliquando etiam de frigore sic cati & arefacti. Varro, Frigore torret, *Cinis ex ouis.*) Plin. libro

Dentifricium
quid & unde
sit dictum.

Cinis cornu
ceruini.

Cinis ungule
porcine.

Torrere.

Cinis putami-
nis ouorum.

libro 19. cap. 1. Membrana putaminis ouorum detracta
 siue crudo siue decocto, labiorum fissuris medetur. Puta-
 minis cinis in uino potus, sanguinis eruptionibus. Com-
 buri sine membrana oportet: sic fit & dentifricium. *Sed*
non sine uino.) Postquā fricati sunt dentes, colluere etiam
 oportet ipsos cum uino maxime austero: hoc enim for-
 des per frictionem solutas detergit & abluit & dentes
 etiam confirmat, siquē exulceratū quid adest, illud quoq;
 purgat atq; emendat. Nam, ut Celsus ait lib. 6. Simul atq;
 uero pura ulcera esse cōperūt, lenis humor, interdū etiā
 quā optima aqua ore continenda est, prodestq; assu-
 ptum purum uinum. *Muricis testis.*) Cinis muricis. Plin.
 libro 31. cap. 4. Muricum cinis dentifricium est. Est autem
 murex ē conchiliorum genere ceu purpura, ē quorum
 sanguine tinguntur uestes infectu precioso. *Bull i extincta*
fauilla.) Hoc est, bulbi cinis, qui etiam ceu aliorum cine-
 res detergentis est naturę. Fauilla aut nihil aliud est quā
 cinis igne extinctus & desertus: sic dicta, quasi fouilla qd
 tectum ignem foueat: quum scintilla ardens sit quę ē si
 lice exilire solet cum cāditur. Verg. Ac primū filicis scin-
 tillam excudit Achates. Oportet autem res ipsas quas au-
 tor hucusq; recensuit, adurere & in cinerem redigere, si
 dentifricij usum prębere debeant: nec modo in dentifri-
 cij usu, sed & in alijs quoq; per multis necessaria est & per
 quam utilis rerum adustio. Adurūtur autem, ut Auicen-
 na canonis libro 2. scribit, propter unum quinq; acciden-
 tium. Quorum primum est rei acuitas, ut illa frangatur
 & minuatur, ceu fit in adustione atramenti & colchotar.
 Secundum est rei uirtus non acuta, sed debilis, ut uigore
 tur illa & acuitatē acquirat, uti manifestum est in lapide
 qui in calcem comburitur. In lapide enim nulla est acui-
 tas, postquam uero calx effecta est, acuitate participat, &
 illa nō modica. Tertium est substantię crassities, ut illa ar-
 tenuetur & subtilietur, ceu fit in adustione cancerorum &
 cornus ceruini. Quartum est contritionis ineptitudo,

Vinum.

Cinis muricum

Cinis bulbi

Fauilla.

Scintilla.

Cause adustio-
nis rerum.

DENTIVM VITIO ET ORIS.

ut ad conterendum præparetur, ceu fit in serico, quod in cordis confortatione exhibetur: quamuis enim incisum sit efficacioris uirtutis adusto, tamen quia incisum non sequitur minorationem partium sufficientē nisi cum labore, ideo potius aduritur. Quintum est substantiæ uis maligna & uenenosa, ut illa destruaturs & amoueatur, & propterea comburuntur scorpiones, quos adustos contra lapidem exhibemus.

Exesos autem dentes si forte querēs,
Vre fimum muris, patulis & hiatibus adde,
Vel cinerem dentis ceruini extinguere aceto
Conuenit, atq; cauīs immittere partibus apte.
Prodest & puluis lumbrici corpore tosto.

*Cause corrosio
nis dentium.*

*Cinis fimi mu-
rini.*

*Patuliam,
Patens.*

Exesos.) Corrosos & excuatos: quod fit aliquando propter usum rerum adurentium, aut dulcium ceu mellis, sacchari & similium: aliquando uero propter tabem pituitamue. Vre fimum muris.) Plinius lib. 30. cap. 3. testatur idem: Cinis ē murino fimo inditus dentibus confert. Et hoc pituitam desiccando & dentē forte frangendo, sicq; ad facilem exitum præparando. Quamuis sine causa eximendi non sint, ut Celsus tradit libro 6. dicens, Si exesus dens est, festinare ad eximēdum eum nisi res coegit, non est necesse. Quod si dolor eximi eum cogit, & piperis semen cortice liberatū, & eodē modo bacca hedere cōiecta in id foramen, dentem findit, isq; forte stans excidet. Sed quia periculosa sunt talia & fallacia, melius est illa omittere. Nam, ut Guido de Cauliaco chirurgiæ suæ lib. 6. ait, medicinz citra dolorem dentes eradicantes, multas dant promissiones, operationes autem paucas. Patulis hiatibus.) Cavitatibus & foraminibus dentium patentibus & apertis. Differt tamen patulum à patente, quoniam patulum dicitur quod semper patet, ut arbor. Verg. Titire tu patulæ recubans sub tegmine fagi: & aures patulæ, ut supra, Si uero in patulas animal penetrauerit aures. Patens uero

uero dicitur quod ad tēpus patet & apertū est. Adde.) In-
 de & immitte, ita tamen ne uicinos dētes attingat. *Cinerem Ciniſ dentis*
dentis ceruini.) Et hoc uirtute eadem qua prius dicta, uel ui *ceruini.*
 quadam occultiore. Apte.) Rite, conuenienter, & ut Me-
 sue dicit, cum cautela, ne alijs dētibz noceat, distinguen-
 do inter dentem & dētem cum cera uel aliquo alio quod
 fit ſicut ipſa. Vnde etiam Auicenna ſeptima tertij ait, Et
 quandoq; ponitur in circuitu eius cera aut maſſa aut ali-
 quid aliud diſtinguens inter dentem & inter dentes qui
 ſunt in circuitu eius & carnes rubeas. Et hinc etiam Cel-
 ſus alumen ſciſſile adminiſtraturus, dicit id inuolutum in
 lanula demitti commodius eſſe: quia ſic dente ſeruato do-
 lorem leuat. Similiter & plani piſcis, quæ paſtinaca eſt et à
 Græcis trygon dicitur, aculeum toſtum, deinde contri-
 tum, reſina excipere & ita denti circundare iubet. *Puluis Ciniſ lumbrico*
lumbrici corpore toſto.) De hoc Plinius libro 30. cap. 3. ſic pro-
 dit: Vermium terrenorum cinis ex eſis dentibus cōiectus
 ex facili cadere eos cogit. Integros dolentes illitus iuuat.
 Comburi autem oportet in teſta.

Ora peruſta cibo ſanabis lacte canino.
 Sæpe etiam gelida gingiuas collue lymphæ,
 Dentibus ut firmum poſſis ſeruare uigorem.
 Si uero inſandum proſerpit ad intima uulnus
 Permiſceto ſalem parili cum pondere thuris,
 Hinc tractato locum, miram experiere medelam,
 Hæc ſiccata dabit molles & fracta farinas,
 Hujuſ & attritu tetrum mulcebitur ulcus.

Ora peruſta cibo.) Solet non nunquam cibus calidiſſimus
 comeſturis apponi, qui ſi per imprudentiam ſic calidiſſi-
 mus aſſumatur, os & partes eius adurit, & puſtulas, exul-
 cerationeſq; efficit non ſine dolore, quibus nunc mederi
 docet lacte canino. Et idē etiā teſtatur Plinius iniquieſ: Si *Lac caninum.*
 ſeruientia os intus exuſſerit, lacte canino ſtatim ſanabitur.

Aqua frigida.

Gelida lymph.) Si quis dentes firmos & incolumes seruare, et à corruptione atq; dolore tutus esse uoluerit, is quot tidie in matutinis cum frigida os colluat: utile enim hoc erit & dentes incolumes conseruat, quemadmodum & halitum custodit, orisq; odorem commendat, si uino quàm optimo quando dormitum itur, colluantur ora. Vnde Plinius libro 29. cap. 4. inquit: Mero ante somnos colluere ora, propter halitus: frigida aqua matutinis impari numero ad cauendum dentium dolores. At dicit aliquis: Quid agam, si dolor iam adest, num eadem frigida uti possum? Respondeo quod præsente dolore in causa calida & maxime in doloris principio ut confluxus humorum arceatur, uti possumus aqua non modo frigida, sed & frigidissima, quæ repellat & stupefaciat. Ex eorum enim summa quæ stupefaciunt absq; nocumēto, ut inquit Auicenna, est aqua in frigidata cum niue in ultimo, & ponitur in ore acceptio post acceptionem donec stupefiat dens, quare quiescit dolor omnino, quamuis quandoq; sit addens in principio. *Salem.*) Quam uim contra oris uitia habeat sal, docet nos Dioscorides medicinalis sylug libro 5. dicens: Vtiliter inungitur sal contra tonsillas, columellamq; oris cum melle tostus, ulceraq; itidem quas aphthas uocant. Humore diffuentes gingiuas & ulcerū phagedenas cum polenta emplastri modo imponitur. De eodem Plinius libri 21. capite 9. sic tradit: Sal ulceribus oris manantibus in linteolo conserpso, gingiuarum tumori infricatus. Et contra scabriciem linguæ frictus, comminutusq;. Aiunt dentes nō erodi neq; putrescere si quis quot tidie mane ieiunus salem contineat sub lingua donec lique scat. Sed quid de hoc tradat Celsus, haud abs re fuerit etiam subiungere, qui libro 6. cap. 15. sic scribit de cancro oris, ubi penitus malum descēdit: Quidam etiam in acris aceti heminam frictum salem coniiciunt donec tabescere desinat, deinde id acetum coquunt donec exsicce-
tur, eumq; salem contritum inspergunt. Quoties autem

Sal.

dicamentum iniicitur, & ante & post, os diluendum est uel cremore lenticulæ, uel aqua in qua aut eruū, aut oleæ, aut uerbenæ decoctæ sint, sic ut cuilibet eorum paulum mellis misceatur. Sed & diu continere utrumlibet, & id bis aut ter die facere, pro ut uehemens malum est, necessarium est. *Thuris.*) Thus, ut inquit Auicenna, consolidat ualde & proprie uulnera recentia, & prohibet fraudulentam dilatare, & est cōueniens ulceribus factis ex adustione. Nec obstat quod calidum est, id enim modicū est. Nam, ut Galenus tradit, thus modice calet. *Tractato locū.*) Hoc est, locum ulceratum & ulcus ipsum cum dicto medicamento conspergito & cōfricato. *Siccata.*) Oportet enim sicca esse & quæ in puluerem redigi debent, & quæ huiusmodi ulceribus inspergenda sunt medicamenta. Cum enim humida sint ulcera, haud conueniens est illa madefacere, et humidum quid, excepto uino, infundere. Quod & Hippocrates docuit in libro de ulceribus dicēs, Vlcera madefacere quæcunque ea fuerint, nisi uino, non oportet. Nam siccum sano uicinius est, humidum uero non sano. Vlcus enim humidum est, sanum aut siccū. *Molles farinas.*) Puluerē mollem et subtilē, qualis est farina. Oportet enim medicamentum ulceribus imponenda, in subtilissimū puluerem ac pollinem frangi, conteri & leuigari, ne asperi quid insit. *Mulcebitur.*) Delinietur, mitigabitur & sanabitur.

VVAE, FAUCIBVS, COLLO,

ET QVAE MOLLIENDA

sunt, medendis,

CAPVT XV.



V A E.) Vva & malum et locum in quo id fit, *Vua.* indicat. Est autē uua, quæ alio nomine columella *Columella.* quoque dicitur, pars oris inter tonsillas ultimo palato dependens, & non in faucibus collo

Fauces.

φάρυγξ.

isthmus.

cata, ut quidam uolūt: quod uel ex Galeno palàm est, qui libro primo de differentijs morborum uuam abscissam palati & non colli uel gutturis passionem esse ostendit. Et idem aperte pronunciat libro de utilitate partium 11. Est autem, ut nona tertij scribit Auicenna, substātia carnosā pendens super supremam partem epiglottis sicut uelamen: cui ex morbis accidunt inflammatio & abscessus atque relaxatio. *Faucibus.*) Quemadmodum per uuam, ita etiam per fauces & malum & mali locus indicatur. Sunt autem fauces, quas Græci φάρυγξ dicunt, oris pars, & proprie spatium illud, quod est ante guttur & gulam, ut auctor est Galenus libr. de affectorum locorum notitia quarto, ubi ait: Fauces uoco internum oris locum, ubi simul conueniunt & gulæ & gutturis partes extremæ. In quo significato dicit etiam accipi ab Homero dū ait Vinum & frusta carnis humanæ per fauces Cyclopi erumpere. Neq; aliud apud Hippocratem significare tradit. Nā præ sagiorum libro 3. exponens uerba illa Hippocratis, Angina autem grauissima est, celeriterq; enecat, si neq; in faucibus, neq; in ceruice quicquam apparet. Per ceruicem, inquit Galenus, collū intelligit: Fauces uero, aperiendo os, ac linguam comprimendo deorsum, euidentem amplitudinem, in qua gemina hostiola uisuntur, tum gulæ, tum etiam gutturis. Neq; etiam aliud per fauces intelligit Galenus libro de utilitate partium 7. cum ait: Tracheam arteriam per larynga, id est guttur, pharyngi id est faucibus copulari: quanquam postea idem circa eiusdem tractationis libri octauī initia scribat, tracheam arteriā pharyngæ æquiuoce illi quæ est ante larynga nominari. Sed hic de proprio & usurato pharyngos significato loquimur. Amplius quid sint fauces, ubi agit de musculis faucium, hīs etiam uerbis declarat, dicens: Spatium quoddam præiacet, commune gulæ ac gutturis, ad quod commune spatium utrunq; orificium terminatur. Vocant autem spatium quidem ipsum ἴσθμον, quoniam angustum est, &

ob-

oblongum. Corpus aut ipsū comprehendens *φαρυγξ* nominant, id est fauces, quibus utrinque unus est musculus, qui & deglutitioni & locutioni obseruit. Cæterū pro *Guttur.* faucibus Arabicæ translationes guttur habere solent, & sic etiam accipit Auicenna Canonis libro 3. fen 9. cap. 1. dum ait, Per guttur intelligimus spatiū illud in quo sunt meatus anhelitus & cibi. Per quos etiam meatus anhelitus & cibi intelligere oportet orificia ipsa tracheæ arteriæ atque meri, non autem tota corpora. Certum enim est fauces non continere utrunque meatum anhelitus & cibi, si per meatum anhelitus totā tracheam arteriam: per meatum uero cibi, totum meri intelligamus, quæ ad collum, non ad fauces attinent. Porro canonis libro 1. æquiuoce utitur hoc nomine guttur. Primum enim cum dicit guttur duo habere paria, quæ ipsum ad inferiora trahunt, per guttur intelligit tracheam arteriam: cum uero postea in fine capitis dicit, Gutturis uero musculi sunt duo musculi gutturosi apud gulam positi, in transglutiendo adiuuantes, per guttur intelligit pharynga, id est fauces, quas gurgulionem uocat Hali abbas. Hæc autem nominis gutturis hic æqui uocatio probari potest ex hijs quæ Galenus in suis de anatomice libris de quatuor musculis tracheæ arteriæ scribit, qui ipsam contrahunt angustantque, & duobus faucium, qui tam uoci quàm etiam deglutitioni obseruiunt. Verū si proprie loqui uoluerimus, guttur non pharyngi aut faucibus accommodabimus, sed laryngi potius, id est, parti extremæ os uersus tracheæ arteriæ, quæ pars extrema ad pharynga & fauces terminatur. In gutture autem, ut Galenus tradit, est lingula quam epiglottis *Epiglottis.* Græci uocant, & à Plinio minor lingua, à recentioribus uero sublinguium, & ab Auicenna lingua fistulæ *Lingua minor.* apellatur. Et hæc maxime proprium uocis instrumentum *Sublinguium.* est. Etenim cum moderate & apperitur & committitur, uocem efficit: quāquam uocem reddi impossibile est, nisi ue *Lingua fistula.* hementer spiritus egrediatur, id uero ad intercostales per *Vocis instrumentum.*

tinet musculos. Porro apud Auicennam prima primi
 doct. s. sum. 1. capite 1. epiglottis non est lingua minor
 à Plinio uocata, sed larynx, hoc est membrum cartilagi-
 neum, creatum, ut inquit, ut sit uocis instrumentum,
 quod quidem ex tribus compositum est cartilaginibus.
 Et hoc etiam de larynge Galenus libro de sanitate tuenda
 6. non autem de lingua minore dicit. Neq; membrum hoc
 bronchus à Græcis, sed bronchi caput nominatur: quo-
 niam, ut lib. 1. de locis affectis inquit Galenus, & ipsam
 arteriā bronchum nominant. Suntq; tum gulæ tum tra-
 cheæ arteriæ pori & orificia, non colli, sed oris partes,
 quoniam in faucibus continetur. Fauces autem licet sint
 in confinio oris & colli, ad os tamen magis uidentur per-
 tinere, quemadmodum & palatum. Demum fauces Pli-
 nius summum gulæ nominat, quemadmodum postre-
 mum cui uenter adnectitur, stomachum. *Collo.*) Colli
 notio manifesta est. Fuit autem à summo rerum opifice
 creatum collum, gulæ causa & tracheæ arteriæ, quæ par-
 tes eius sunt: hæc anterior, illa posterior: hanc qua spiri-
 tum trahunt redduntq; animantia, Celsus asperam arte-
 riam, Hali abbas iugulum, M. Varro libro de re rustica
 1. gurgulionem uocat, dum ait: Hircus molliori pilo &
 potissimum albo, ac ceruice & collo breue, gurgulione
 longiore. Alij fistulam spiritalem, nonnulli arteriam uo-
 calem, aliqui cannam pulmonis, alij canalē animæ, multi
 guttur appellant. Illam uero posteriorem, quæ inter fau-
 ces & os uentriculi media est, & qua cibus potusq; de-
 uoratur, aliqui cibalem uocant fistulam, Plinius gulam,
 Celsus & qui post Aristotelis sæculum scripserunt, sto-
 machum appellant, Aristoteles uero & ueteres Græci œso-
 phagon, Auicenna & Arabes & horum imitatores no-
 strates, merin. Vbi animaduertendum est apud Plinium
 in omnibus ferè codicibus male trāspōsitas esse has duas
 dictiones interior & exterior: sicq; legendum esse, ut ex-
 terior ad arteriā, interior uero ad gulam referatur: eritq;
 hæc

Bronchus.

Fauces

COLLVM.

Colli partes.

Trachea arte-
ria.

Aspera arteria.
iugulum.

Gorgulio.

Fistula spiri-
talis.

Arteria uocalis

Cāna pulmonis

Canalis animæ.

Guttur.

Fistula cibalis.

Gula.

Stomachus.

Oesophagus.

Meri.

hec genuina et syncera Plinij lectio, Sub ea minor lingua epiglossis appellata. Opera eius gemina duabus interposita fistulis, exterior earum arteria ad pulmonem atq; cor pertinens, hanc operit in epulando, ne spiritu ac uoce illac meante, si cibus ac potus in alienum deerrauerit tramitem, torqueat. Altera interior est, appellatur sane gula qua cibus atq; potus deuoratur: tendit hæc ad stomachum, inde ad uentrem: & reliqua. *Quæ mollienda sunt.*) Hoc est, ceruicis & colli & horum neruorum duricies, conuulsiones & rigores. Estq; in triplici differentia hoc malum, de quo Celsus medicinæ libro 4. sic scribit: A capite transitus ad ceruicem est, quæ grauibus admodum morbis obnoxia est: neq; tamen alius importunior ac ueriorq; morbus est, quàm is qui quodam rigore neruorum, modo caput scapulis, modo mentum pectori annectit, modo rectam & immobilem ceruicem intendit: priorem Græci opisthotonon, insequentem emprosthotonon, ultimum tetanon appellant: quamuis minus subtiliter quiddam indiscretis his nominibus utuntur. Ea sepe intra quarum diem tollunt: si hunc euaserunt, sine periculo sunt. Omnia eadem ratione curantur, idq; conuenit. Hec ille.

Ceruicis rigore

Opisthotonos,
Emprostho-
tonos.

Tetanos.

Aegrescunt teneræ fauces, cum frigoris atræ
Vis subijit, uel cum uentis agitabilis ær
Vertitur, atq; ipsas flatus grauis inficit unda.
Vel rapidus clamor fracto cum forte sonore
Planum radit iter, sic est Hortensius olim
Absumptus, causis etenim confectus agendis
Obticuit, cum uox domino uiuente periret,
Et nondum extincti moreretur lingua disertæ.
Ergo omni studio quæres inhibere dolorem.

7401

Aegre.

bq

Aegrescunt.) Inter uerborum formationes est & illa quæ *Aegrescere.*
Inchoatiua dicitur uerborum species, quæ rem inchoa- *Verba inchoa-*
tam, futuram tamen significat, & uim incipiendi dun- *tina,*

taxat in effectu habet. Hæc Sco sylaba terminantur, quorum quædam deducuntur ex appellationibus: sic, ex igne, est ignescit, ex flamma flammescit, ex dumis dumescit, ex herba herbascit, ex ægro ægrescit. Et hæc perfecta non habent omnino, suntq; coniugationis tertiæ: autor Diomedes. *Tenere.*) Molles, & quæ facile à leui causa afficiuntur atq; leduntur. *Cum frigoris.*) Enumerat primo causas aliquot affectionū quæ faucibus accidunt, inter quas potissimum est frigus, quod occurrens & fauces offendens, ipsarum substantiā condensat, humores in unum cogit ac comprimit, & membrum ipsum refrigerando & desiccando alterat, duriciemq; & asperitatem, nonnunquam uero & tumores efficit non citra dolorem. Et hoc sæpius fit ubicibus & potus assumitur frigidus, aut ubi aer occurrat frigidus, ceu fit hyeme: quæ, ut Celsus testatur lib. 3, quicquid in faucibus mali contrahitur, irritat. Et quod Hippocrates libro 6. de epidemijs ait, Magnum frigus uenas frangit, tussescitq; ciet: quemadmodum & nix geluq; & glacies cōuertit, angitq; adeo uti tonsillæ, præfocationes, collectionesq; duræ creentur. Et in constitutionibus aquilonijs, ut idem tradit Hippocrates, qui aphorismorum libro 3. sic prodit: Si aquilonia præualuerit tempestas, tussescit, fauces, alui duræ. Quem aphorismum exponens Galenus ait, In aquilonijs fiunt tussescit, propter uidelicet instrumentorum respirationi obseruientiū intemperiem, & propter faucium asperitatem, de qua nobis insinuauit adiungens uerbum illud FAUCES, ut subintelligeremus, patiuntur. Nam solet hoc modo loqui aliquando. Licet autem & simul duo coniungentes legere, fauces, alui duræ: ut nonnulli expostores legendum existimarunt. Nam fauces in aquilonijs constitutionibus apparent duræ, quoniā exiccantur ac refrigerantur, et uenter inferior dura excernit, & propter temporis constitutionis temperaturā quæ uergit ad siccitatem toto corpore exiccato, Nam, ut post idē inquit Galenus, cum frigidus

Frigus.

Aquilo.

ac

ac ficcus uentus fit aquilo, omnes corporis consumit superfluitates. Amplius Celsus libro 2. Ex tempestatibus, inquit, aquilo fauces exasperat. *Atri.*) Nigri, ab effectut membra enim quæ afficit, adurendo ad nigrorem perducit. Celsus libro 1. Frigus summam cutem facit pallidam, aridam, duram, nigram. *vk.*) Violētia & intemperies. *Subjt.*) Intrauit, penetrauit, & penetratione sua adussit. Vergilius Georgicon lib. 1. Aut boreæ penetrabile frigus adurit. *Ventis agitabilis aër.*) Ponit nūc aliam affectionum faucium causam priori contrariam. Hæc autem est constitutio austrina, quæ humida est natura & calida, propter quod faucibus grauis est, & maxime quidem propter humiditatem, conferente tamen ad idem & caliditate. Cum enim humectet, ob id, quando fauces offendit, humiditatum excessus, superfluitatumq; multitudo ad ipsas colligitur. Et quia calefacit, ob id etiam humiditates in capite collectas dissoluit & ad partes inferiores tum alias tū fauces colliquādo fluere facit, ubi postea collectæ fluctiones atq; firmatæ, ipsas inflammant, & intumescere faciunt, doloreq; afficiunt. Nec modo fauces ipsæ & partes adiacentes talia patiuntur ab austro, sed & caput ipsum et sensum instrumenta, imò & uniuersum corpus, & mens quoq; ipsa male afficitur ab eodem, ut autor est Hippocrates libro aphorismorum 3. cum ait, Austri auditum hebetantes, caliginosi, caput grauantes, pigri, dissoluentes: quādo huiusmodi tempestas præualuerit, talia in morbis patiuntur. Et post, Quotidianæ autem constitutiones, austrinæ dissolunt corpora, & humectant, auditum obtundunt, capita aggrauant, & uertigines faciunt, oculis atq; corporibus difficilem motum præstant. Item Vergilius Georgicorum lib. 1. Verum ubi tempestas, & cæli mobilis humor Mutauere uias, & Iupiter humidus austris Densat, erant quæ rara modo, & quæ densa, relaxat, Vertuntur species animorum, & pectora motus Nunc alios, alios dum nubila uentus agebat Concipiunt. Cæ-

Austri.

terum quod dicit Serenus, VENTIS AGITABILIS AER, ex hoc manifesto patet non unum & idem esse uentum et aërem, ut falso putauerunt aliqui, sola ratione distinguentes ista, non autem substantia, cum tamen diuersa sint & substantia & ratione. Aër enim corpus est simplex & unū ex quatuor elementis mundi. Ventus uero est exhalatio calida & sicca, à sole & astris eleuata, & lateraliter transuerseque nunc hac nunc illac mota & à nube debiliter percussa. Et ex hoc nubem etiam aliud à dictis esse, cōtra eodem, clarum est. Nubes autem ex uapore fit qui calidus est et humidus, ut potentia aqua et facile à frigido densante & constringente in aquam conuertibilis. Sed de hac re copiosius Aristoteles meteororum libro 3. qui uolet, illic requirat. *Vertitur.*) Conuertitur & ad aliam ceu austrinam permutatur constitutionem. *Ipsa.*) Scilicet fauces & partes uicinas. *Platus.*) Ventus. *Inficit unda.*) Hoc est, humiditate afficit et humectat. *Rapidus clamor.*) Tertia causa quæ fauces lædit, est uelox, concitus, uehemens & impetuus clamor. *Fractio.*) Rupto, & qui non in eodem statu permanet, sed uariatur, & nunc cum impetu more eorum qui ira & furore concitantur, erumpit: nunc paulisper intermittitur: demum iterum in nulla permanens consistentia, nunc impetuose agitur, nunc quietius fertur, & continuo interpellitur, frangitur & interrumpitur, ad modum sonitus tubæ. Vergilius Georgicon libro 4. Et uox auditur fractos sonitus imitata tubarum. *Forte sonore.*) Sonitu magno, graui & uehemente. Vergilius: Magno ueluti cum flamma sonore Virgea suggeritur costis undantis aheni. *Planum iter.*) Fauces, guttur, & asperam arteriam, quæ spiritus uia sunt ac iter per quæ commeat. Et quāuis trachea arteria ex parte exteriori sit aspera, ut Celsus ait, ex interiori tamen, stomachi modo, leuis est. *Radit.*) Corradit, lacerat & exasperat. Idem refert Lucretius libro de natura rerum quarto dicens: Corporcam quoque enim uocem constare fatendum est, Et sonitum

tum, quoniā possint impellere sensus, Præterea radit uox fauces sæpe, facitq; Asperiora foras gradiens arteria clamor. Vbi etiam ncutro genere usus est dictione arteria, sic dicta, ἀπὸ τοῦ ἀέρος καὶ τῆς ἄτης, hoc est, ab aëre & seruando. sic.) Propter nimium clamorem & uociferationē. Hortensius.) Q. Hortensius is est, qui suis tēporibus, uti Vale Q. Hortensius. rarius Maximus tradit libro 5. ornamentum Romanæ eloquentiæ fuit; de quo idem libro 9. sic etiam scriptum reliquit, Q. autem Hortensius plurimum in corporis decoro motu repositum credens, penē plus studiū in eodem laborando, quā in ipsa eloquentia affectanda impendit. Itaq; nescires utrum cupidius ad audiendum eum, an ad spectandum concurreretur, sic uerbis oratoris aspectus, & rursus aspectui uerba seruebant. Constat Aesopum, Rosciumq; ludicræ artis peritissimos, illo causas agente, in corona frequenter astitisse, ut foro petitos gestus, in scēnam referrent. A. Gellius uero Atticarum noctium libr. 1. de eodem quoq; sic refert: Hortensius omnibus sermē oratoribus ætatis suæ, nisi M. Tullio, clarior, qui multa cum mundicia & circumspēte compositēq; indutus & amictus esset, manusq; eius inter agendum forent argutæ admodum & gestuosæ, maledictis, compellationibusq; probrosis iactatus est, multaq; in eum quasi in histrionem, in ipsis causis atq; iudicijs dicta sunt. Sed cum L. Torquatus subagresti homo ingenio & infestiuo, grauius, acerbiusq; apud consilium iudicum, quum de causa Syllæ quæreretur, non iam histrionem eum esse diceret, sed gesticulariam Dionysiamq; eum notissimę saltatriculæ nomine appellaret. Tum uoce molli atq; demissa Hortensius, Dionysia, inquit, Dionysia malo equidem esse, quā quod tu Torquate ἀμώστος, ἀρποδίαυτος, ἀπρόσιτος. Hactenus ille. Existimatus est autem aliquādo Hortensius Ciceronis emulus, eius tamē scripta intra famam fuerunt. Meminit uiri clarissimi Cicero in oratione pro P. Sylla, Et memoriam eius, quę maxima fuit in homine,

concelebrant Quintilianus & Seneca, neq; silentio præ-
 teriunt Cicero in quæstionibus Tusculanis, & maxime in
 Bruto ad finē, ubi multa de eo reperies. *Absumptus.*) Con-
 sumptus, defatigatus et uiribus destitutus. *Causis agendis.*)
 Causis tutandis & tractandis apud iudices. *Martialis:* De
 clamas belle, causas agis Attale belle. *Confectus.*) Fati-
 gatus, deficiens, & quasi suffocatus, interfectus q̄p. *Confice-*
 re enim proprie interficere est. *Vergilius:* Nunc uulnus
 acerbum Conficit. *Obtuit.*) Conticuit & obmutuit,
 propter læsionem quæ ex uehementi uociferatione, fau-
 cibus & uocis instrumentis infertur. *Ingens enim cla-*
 mor similem inflammationi circa membranā quæ fauci-
 bus & gutturi communis est, atq; gutturis musculos, pa-
 rit affectum, propter quem cum immobiles redduntur
 uel claudentes uel aperientes guttur musculi: qui sic affi-
 citur, obmutescet: cum uero uel difficulter mouentur,
 uel uibrant, uel tremunt, pro affectionis ipsius modo, uo-
 cis etiam fiet læsio. *Vox.*) Vox, inquit Aristoteles in hijs
 qui sunt de anima, est sonus aëris ab anima respirati, per-
 cussi ad uocalem arteriam, cum alicuius significationis
 imaginatione. Est q̄p solius animalis, tamen non omnis.
 Est etiam uox uocalium instrumentorum munus. Instru-
 menta uero uocis sunt guttur, & musculi ipsum mouen-
 tes, atq; nerui, qui à cerebro ipsis uim deferunt. Nec ea-
 dem res est uox & sermo siue loquela. Loquela enim, au-
 tore Galeno de locis affectis libr. 4. munus est instrumen-
 torum quæ sermoni deputata sunt, inter quæ lingua prin-
 cipatum obtinet, cui non parum conferunt, & nares, &
 labra, & dentes. *Domino.*) Hortensio. *Viuento.*) Ad uo-
 cis nanq; defectum, non statim etiam uita tollitur. Vocis
 etenim usus haud necessarius est ad uitam. *Nondum extin-*
 cti.) Adhuc uiuentis. Quemadmodum enim ad uocis,
 ita etiam & multo minus ad loquelæ defectum, non sta-
 tim uita tollitur: neq; etiam ad loquelæ defectū, uox ipsa
 aut aliarum expirationum aliqua tollitur, sed bene ad

expirationis alicuius aut uocis uitium, loquela quoq; deperditur. *Morretur.*) Propter nimiam uociferationem lassata langueret & à loquelæ munio deficeret. *Lingua.*) *Lingua.*
 Hæc enim loquelæ & sermonis instrumentum est præcipuum, articulatim uocem distinguens et loquendi usum præstans. *Diserti.*) Eloquentis & uiri clarissimi Hortensij. *Ergo.*) Propter mali periculum. *Inhibere.*) *Inhibere.*
 Compri mere & sedare. Differt autem à Prohibere, quoniam hoc *Prohibere.*
 commune est etiam ante rei inchoationem: illud uere de re iam inchoata dicitur.

Simplicibus lymphis confunditur aëreum mel,
 Additur excussus nŕuea similagine furfur,
 Decocta hæc clauso simul exercentur in ore.
 Præterea fauces extrinsecus ungere prodest
 Vrsino & tauri seuo cærisq; remissis.
 Omnia quæ geminis æquabis lancibus ante.

Simplicibus lymphis.) Aquæ puræ cui nihil alieni permixtū *Aqua simplex.*
 est, qualis est ea quæ in communi hominū usu est, & bibitur, quæ maxime probata haberi debet, uti Columella scribit, sine qua nemo nostrum uel prosperæ uel aduersæ ualitudinis uitam proroget. Subiungit autem nunc Sere-nus faucium malis medicamenta, quorum primum in-tus applicandum & gargarizandum, est liquor & cremor furfuris ex aqua & melle simul coctis. Cuius utilitas est mollire, lenire, detergere, discutere & dolorem mitigare.
Aëreum mel.) Quod ex aëre decedit, & cuius materia ros *Mel aerium.*
 est, & humor sublucanis temporibus in arborum solijs concretus roscidus & sapore melleus. Estq; duum generum. Vnum in aluearibus apium opera congestum & elaboratum, & de quo agunt rusticæ rei scriptores, Varro, Columella, & Vergilius, qui de eo dicturus quartū Geor-gicon librum sic inchoat: Protinus aerei mellis cælestia dona Exequar. Et de hoc naturalis historiæ libro 11. cap. 12 sic scribit Plinius, Venit hoc ex aere & maxime syderum

exortu, præcipueq; in ipso Syrio exsplendescente fit, nec omnino prius Vergiliarum exortu sublucanis temporibus. Itaq; cum prima aurora folia arborū melle roscida inueniuntur, & si qui matutino sub diuo fuere, unctas liquore uestes, capillumq; concretum sentiunt, siue ille est cæli sudor, siue quædam syderum salua, siue purgantis se aëris succus, siue aquæ est, & purus ac liquidus & suæ naturæ, qualis defluit primo. Nunc uero è tanta cadens altitudine, multumq; dū uenit sordescens, & obuiio terræ halitu infectus, præterea à fronde ac pabulis potus & in uterculos congestus apum, ore enim uomunt: adhæc succo florum corruptus, & alueis maceratus, rotiesq; mutatus, magnam tamen cælestis naturæ uoluptatem adfert. Hæcenus Plin. de melle aereo ab apibus congesto & elaborato: quod faucium uitijs, ut lib. 3. testatur Dioscorides, & tonsillis medetur & anginis: imò, ut libro 22. tradit Plin. omnibus oris desiderijs utilissimum est, in quem usum gargariffatur & eo colluunt os. Alterum roris uel aëris mel quod super plātas coagulatur est quod in uascula tale excipitur & colligitur quale ex aëre decidit: Idēq; etiā in duplici quasi differentia, Vnū duriusculum & saccharum ab antiquis appellatum: Alterum liquidius & mel roris aut aëris à Galeno uocatum, & de quo in tertio de alimentis libro sic scribit idem: Fit hoc in plantarum folijs, neq; tamen succus earum, neq; fructus, neq; pars est, sed eiusdem cum rore generis, nō ita tamen assiduo, nec copiose prouenit. Memini uero aliquando in æstate super arborum, fruticū, herbarumq; folia mellis quā plurimum repertum fuisse, ut ludentes rustici dicerent, Iuppiter melle pluit. Præcesserat aut nox, ut per æstatē, satis frigida: nam tum anni æstiuum tempus erat, pridieq; calida & sicca fuerat aëris constitutio. Quam ob rem peritis naturę interpretibus halitus è terra atq; aquis prodeuntes, solis calore exacte attenuati ac cocti à frigore secutæ noctis in unum coacti & densati uidebantur.

Sed

Mel roris uel
aëris duplex.

Sed apud nos raro id accidit, in mōte autē Libano quot annis persæpe, adeo ut expansis super terram uelleribus, mel à concussis arboribus decidens excipientes, ollas ac fīcūlia plena referant, uocantq; id roscidum mel, aut aëreum. Proinde liquet materiam ex qua mel generatur, rori congenerem esse. Videtur autem & ex plantis, in quarum folijs mel colligit, boni maliūe quidpiā posse acquirere. Ideoq; laudatissimum in locis thymo alijsq; herbis ac fruticibus sicci temperamenti prædente confitis inuenitur, quia tenuioribus partibus constet mel in huiusmodi plantis collectum. Quoniam autem tenuium partium est, necessario etiam acre sentitur, ideoq; aluum ad excretionem proritat. Hæc ille, Ex cuius uerbis liquido constat mel aëreum, de quo ait, esse id quod Arabes & illos sequuti nostri temporis medici mannam uocant, & à Mesue ita quoq; describitur: Manna est ros supra plantas & lapides cadens, cuius materia est uapor qui eleuatur, cui accedit digestio & maturatio in aëre, quando est æqualis & fecundus lætis aspectibus. Diuersificatur autē secundum diuersitates rerum super quas cadit. Cadens enim super lapides est sicut guttæ paruæ quæ congelantur & fiunt sicut semen. Et cadens super plantas suscipit de uirtute plantarū et est cū permixtione particularum foliorum & florum. Educt cholera cum facilitate, & ipsa quidem lenit guttur & pectus & uentrem, & est sedatiua fitis. Hucusq; Mesue, cuius uerbis Arabum mannā idem esse cum Galeni melle aëreo, manifesto patet. Dico autē Arabum mannam, apud Græcos enim longe aliud significat, utpote, thuris pollinem. Porro duriusculum illud quod saccharum ab antiquis appellatur, mellis speciem esse, uel Dioscoridis autoritate manifestum est, qui libro 2. cap. 73. post mellis tractationē sic ait, Vocatur & quoddam saccharum mellis genus existens in India Feliciq; Arabia concreti. Inuenitur id in harundinibus concretionem suā salī simile, & quod dentibus subiectum salis

Mel aëreū Galeni idem cum manna Arabū.

Manna Arabū aliud à manna Græcorum, ut quæ thuris pollin. Saccharum mellis species.

modo friatur. Cui & Galenus non diffona scribit libro de simplici medicina 7. inquit: Sed & sacchar, ut uocant, quod ex India atq; Felici Arabia conuehitur, in calamis, ut aiunt, concrefcit. Est uero & ipsum mellis species. Nec idem Plinius ignorauit, qui libro naturalis hiftoriae 12. ca. 8. de eo sic prodiit: Saccharon & Arabia fert, sed laudatius India. Est autem mel in harundinibus collectum, gummiu modo candidum, dentibus fragile. Ampliffimum nucis auellanae magnitudine ad medicinæ tantum usum. Et hoc est quod Archigenes mel harundineum & salem Indum uocat. Quo Indici salis nomine & à Paulo Aegineta libro 1. cap. 54. de asperitate linguæ uocatur cum ait: Et sal Indicus colore quidem & concretionem similis communi sali, gustu autem melleus. Et Aui cenna Canonis sui sen prima quarti tract. 1. capite 23. de eodem sic ait: Et teneant in ore suo salem qui asportatur de India, & est in colore salis, & dulcedine mellis. Et summat de eo, secundum quod dixit Archigenes, quantitatem fabæ unius. Sed hætenus de mellis speciebus & saccharo quod mellis species est, aliud tamè à nunc uocato zuccaro. Quod quale sit & de omnibus mellis speciebus ac manna ipsa, qui plura uolet, is legat quæ hac de re copiose satis scripserunt reconditæ eruditionis & exquisiti iudiciû uiri & medici celeberrimi Ioannes Manardus epistolarum medicinalium libro 1. & posthunc Leonhartus Fuchsius paradoxorum libro 1. Niuea similagine.) Simila candida & alba, quæ ex tritico fit laudatissima. Est autem simila siue similago, candor & delicia farinae triticeæ, ut Plinius scribit libro 19. Cuius laudes nec Martialis ipse tacuit hoc carmine: Nec dotes poteris similæ numerare, nec usus: Pistori toties cum fit & apta coquo. Furfur.) Triticeæ farinae purgamentum. Plinius libro 22. capite 25. Tritici furfures tonsillis, faucibusq; gargarisatione prosunt. Vrsino & tauri seu.) Hæc enim refrigeratas partes calfaciunt, aspredines leniunt, duricies molliunt

Mel harundi-
neum.
Sal Indicum.

Saccharū aliud
à zuccaro no-
stro.

Simila
Similago.

Furfur.

Adeps uersi
tauri.

liunt & humores discutunt. *Ceris.*) Ceræ usus ad mul- *Cera.*
 ta necessarius, nec usus eius quos mixta alijs præstat, enu-
 merare medicina possit. Estq; aliorum medicamentorum
 materia. Discutit autem atq; emollit: unde Celsus libro 5,
 inter discussoria medicamenta ipsam quoq; cõnumerat,
 inter mollientia uero tum ceram tum seuum & adipem.
 Sed quomodo fiat cera, docet Columella libro 9, cap. ult.
 Plinius libro 21, cap. 14. & Palladius libr. 7, cap. 7. *Remissis.*)
 Dissolutis & liquefactis, Vergilius: Nā frigore mella Co-
 git hyems, eademq; calor liquefacta remittit. *Geminis.*) Bi-
 nis, Libra enim binas habet lances, unde & bilances ali-
 quando dicuntur. *Aequabis.*) Aequo ponderemensura-
 bis & accipies. *Lancibus.*) Lances libræ sunt partes, qui- *Lances.*
 bus pondus & res ponderanda imponuntur. Persius Sa-
 tyra 4. Scis etenim iustum gemina suspendere lance Anci-
 pitis libræ, rectum discernis, ubi inter Curua subit, uel
 cum fallit pede regula uaro. Libra autem instrumentum *Libra.*
 est quo res cum lancibus ponderantur, & alio nomine bi- *Bilanz.*
 lancem uocant. Instrumentum uero quo res sine lanci- *Statera.*
 bus ponderantur, statera dicitur. At trutina proprie fora *Trutina.*
 men est in quo examē regitur. Persius: Examenq; impro-
 bum in illa castiges trutina. Examen uero dicitur proprie *Examen.*
 lingua qua trutina regitur. Vergilius: Iuppiter ipse duas
 æquato examine lances. Accipitur etiam lanx, quæ & lan- *Lanx.*
 gula à latitudine dicitur, pro uase escario. Iuuenalis: Aspi *Langula.*
 ce quàm magno distendat pectore lancem. Est deniq; uas
 diuinis aptum lanx. Ausonius: Thuribula & pateræ, quæ
 tertia uasa deûm? Lanx, *Ante.*) Scilicet priusquam fi-
 mul commisceas.

Disce etiam miram ex humili medicamine curam,
 Ac cyatho mellis iungas agreste papauer,
 Decoctumq; simul mandes, mansumq; uorabis.
 Crinitæ porri radices quinq; coquantur,

Hinc aqua non feruens uoluatur fauce sonora,
Nec tamen in stomachū descendat gutta patētem.

- Humili.)* Non precioso, sed quasi uili & plebeio, quod uel pauperrimo cuiq; ad manus sit citra expensas magnas.
- Cyathus.* *Cyatho.)* Hoc est uncis duabus & semis, quæ faciūt drachmas uiginti: licet Plinius naturalis historiæ libro 24. cap. ultimo, cyathum pondere in se cōtinere dicat drachmas decem, quū ait, Cyathus pendet per se drachmas decem. Sed si Aphricano credimus, cyathus non tantum decem sed plures etiam continet drachmas, easq; non una differentia, sed diuersis iuxta rerum diuersitatem. Nā cuiusq; materiæ mensurarum pondere plurimæ sunt differentiæ.
- Congius pro chus.* Vnde cum Congius siue chus sextariorum sex sit, pondere autem, ut Aphricanus tradit, uini quidem quatuor & decem librarum, olei uero nouem, mellis autem quinque & decem, Sextarius autem cyathos contineat duodecim. Nam quæadmodum uncia librę, ita cyathus sextarii pars est duodecima. Hinc est quod sextarius uini pondere facit libras duas & uncias quatuor: olei, libram unam & semis: mellis, libras duas & semis. Cyathus uero uini facit uncias duas, drachmas duas & scrupulos duos, hoc est drachmas decem & octo & scrupulos duos. Cyathus olei unciam unam & semis, quæ sunt drachmæ duodecim. Cyathus mellis uncias duas & semis, hoc est drachmas uiginti. Vncia siquidem drachmas continet octo, drachma uero scrupulos tres. *Agreste papauer.)* De papauerum generibus dictum est in superioribus. Agreste illorum, ut Plinius etiam testatur libro 16. in miro usu est melle decoctum ad faucium remedia. Et, ut idem libro 10. inquit, papauer syluestre decoquitur & bibitur contra uigilias, eademq; aqua fouet ora. Et hoc quoniam in fauces destillationes cōpescit. *Crinita porri radices.)* Vocat porri radices crinitas, quasi capillatas, quoniam multas paruas radículas tanquam crines et pillos ex se habent dependen
- tes

tes. Quod autem ad naturam eius attinet, Porrū, ut Dioscorides libr. 2. tradit, purgat fauces & animæ canalem in cibo sumptum. Verum stomacho nocet. Quare Serenus decoctum eius gargarisari tantū iubet, & ita quidem nequid de ipso in stomachum transmittatur propter nocuum mentum quod illi infert. *Non seruens.*) Sed egelida & tepida. *Stomachum patentem.*) Ventriculum apertum & am- *Stomachum.*
plum, hoc est, corporis cavitatem quæ cibum recipit & in qua prima concoctio perficitur. In quo significato stomachi uocabulo utuntur etiam nostri temporis medici: nec non Plinius quoq; & interdum Celsus, licet hic etiam pro gula accipiat.

Si uero adflictam languor deiecerit uuam,
Tunc horas aliquot pronus recubare memento,
Aut illam puluis tostus releuabit anethi,
Aut cinis ex cochlea, uel torrida brassica flammis.
Ast angina nitro mixtum sale poscit acetum,
Quod refert clauso uersatum agitare palato.

Si uero adflictam.) Docet nunc affectionibus & relaxationi uuæ medicari. Descendit enim aliquando cum inflammatione & dolore, tuncq; quoniam sine periculo præcidi non potest, terrori est: quod Celsus etiā testatur libr. 6. dicens: Vuæ uehemens inflammatio terrere quoq; debet. Aliquando uero omnem citra inflammationē est, tuncq; si ultra iustum modum deducitur, pituita causa est, hæc q; leuior est prima & curæ facilioris. *Pronus.*) In uentrem *Pronus cubitus.*
& faciem uersus, estq; pronus contrarius supino. Plinius *Supinus.*
libro 22. Supini cubitus oculis conducunt, at proni tussibus, nec modo tussibus sed & uulæ relaxatiōi, ut hic nos docet Serenus. *Puluis tostus anethi.*) Cinis anethi. Plinius *Cinis anethi.*
libro 20. Cinis anethi uuam in faucibus leuat. Imò suffumigatio, ut nona tertij scribit Auicenna, cū ramis anethi, est ex eis quæ constringunt uuam ualde. *Cinis ex cochlea.*) *Cinis cochlearum.*
Idem testatur Plinius lib. 22. Teste ostreorum cinis uuam *rum.*

Cinis brassicæ. sedat & tonsillas admixto melle. *Torrída brassica flammis.*) Hoc est, igne combusta & in cinerem redacta brassica, id est, cinis brassicæ. Plinius libro 10. cap. 9. Radicum cinis uuæ in faucibus tumentis tactu medetur. *Ast angina.*) Ponit nunc remedium cōtra anginam, quæ quid sit & quot eius genera, paulò altius repetendum ex Galeno, qui de locis affectis libro 4. cap. 5. sic scribit: Præterea in præfatio rum libro uidetur Hippocrates anginæ nomine appella re omnes affectus gutturi accidentes, quos spirandi diffi cultas comitatur. Inquit enim: Angina periculosissima est, celeriterq; enecat, si neq; in faucibus, neq; in ceruice quicquam apparet, si dolor uehemens est, si uix spiritus trahitur, etenim eodem die iugulat, licet interdum usque ad alterum aut tertium aut etiam quartum protrahatur. Quæ uero in reliquis, non minore quidem dolore afficit, in faucibus uero tumorem, ruboremq; excitat, superiori nō minus periculosa est, sed longius spatium habebit, præ cipue si uehemēs fuerit rubor. Sed tum præcipue malum prolongatur, cum non solum fauces, sed ceruicem quoq; rubor occupat. Maxime uero potest ab ea secunda ualetu do contingere, si rubor simul & ceruicem & pectus com prehendat, neq; ad interna reuertatur erysipelas. Igitur ex hijs uerbis haud dubia coniectura est, omnes affectus qui huic loco accidūt, si spirationem quoquo modo red dant deteriore, ab ipso cynanchas (id est, anginas) no minari. Nondum solitis medicis cynanchen per c. synan chen uero per s. nominare: tantum abest, ut uel paracy nanchen uel parasynanchen dicerent. Quippe tum pri mum homines res ipsas neglexerunt, cum nimio studio Nomina queri et res negligi. nomina quærere inciperent. Itaq; quatuor inuentis no minibus, quatuor affectus significari dicebant. Ac notas ipsorum tradere aggressi, genus illud quod supra tracta uimus, quum sermonem ex libro uulgariorum morbo rum secundo explicarem, omnino dereliquerunt. Atq; quatuor. 1 hæc sunt quatuor eorum genera. Primum ubi fauces in flam

flammantur. Fauces uoco internū oris locum, ubi simul ^{Fauces.}
 conueniūt & gulę & gutturis partes extremę. Alterū cum ²
 neq; fauces, neq; reliquę oris partes, neq; etiam externa-
 rum partium ulla inflammata uidetur, laborans tamen
 suffocationis periculum in gutture sentit. Tertium ubi ex ³
 trinsecus circa fauces inflammatio apparet. Quartū ubi ⁴
 gutturis partes, tum externę, tum interiores similiter af-
 fectę sunt. At superest adhuc alius ceruicis affectus, quem ⁵
 ipsi silentio præterierunt, ubi ad anteriores partes uerte-
 brę luxantur, & quidem solis interdum musculis, qui cū
 ipsis communicant, tumore præter naturam affectis, uel
 nato ibi tuberculo, interdum etiā faucibus pariter uitia-
 tis. Nonnunquam musculis quoq; quibus fauces guttu-
 ri iunguntur. Quinetiam proprijs aliquādo gutturis mu-
 sculis, qui ipsum aperiunt oblectis. Per omnes id genus af-
 fectus, spirandi quidem difficultas oboritur, sed citra suf-
 focationis periculum, laborantes difficulter deglutunt
 atq; dolore afficiuntur, idq; præcipue, cum potus eis per
 nares refilit. Hactenus Galenus. Nitro sale.) Quid sit sal ^{Sal nitrum.}
 nitrum, dictum est in superioribus. Est enim nihil aliud
 quàm nitrum quod sali easdem uires habet, quare etiam
 non minus quàm sal ipse ad anginas ualet. Vtiturq; nitro
 cum alijs tum suffumigando tum gargarissando Hippo-
 crates libro 2. de morbis. De sale sic tradit Plinius libr. 31.
 Sal quicunq; ad anginas ualet, amplius cum oleo & ace-
 to, eodem tempore extra fauces illitus cum pice liquida.
 Item Corn. Celsus libr. 4. Efficacissimusq; est hic quoq;
 ait, salis calidi succus. ^{Acetum.} Auicenna fen 9. tertij: Et
 scias quod inceptio gargarissando cum aceto cum incipit
 passio uux aut synanches est ex eis quę repellunt & pro-
 hibent attractionem humiditatis plurimę, & est cum eo
 prohibitio eius quod eueniet.

At si ceruices, durataq; colla rigebunt,
 Mira loquar, geminus mulcebitur unguine poples,

Hinc longum, pariter nervos medicina sequetur;
Anseris aut pingui torrentia colla fouebis.
Illinitur ualido multum lens cocta in aceto.
Aut caprae simus ex bulbo, aut ceruina medulla,
Hoc etiam immotos flectes medicamine nervos.

- Cervix.** *At si cervices,)* Docet nunc cervicis & colli affectionibus mederi. Est autem cervix colli pars altera, grauibus admodum morbis obnoxia, de quibus iam dictum est. *Rigere.* *gebunt.)* Rigere est frigere, & metaphorice indurari, contrahi & distendi. Nam quæ frigent, ea quoque horrent & indurescunt. *Mira.)* Rem admirandam, propter medicamenti uim & loci qui dolet & eius qui inungitur distantiam & conuenientiam. *Geminus.)* Vterque. *Mulcebitur Vnguen.* *unguine.)* Illiniatur, & inungetur. Vnguen dicitur omne illud quod succum habet, siue omnem succum, ex quo aliquid ungi potest. Plinius, Epiphoras bubulo seuo cum oleo cocto illinūt: ceruini cornus cinis scabrics eodem unguine sanat. Aliquando tamen pro axungia uel seuo accipitur. Palladius: Sumes tantundem unguinis, quod uocamus axungiam uel seuū. De axungia sic scribit Plin. lib. 22. cap. 9. Tantaque est uis anxungiae, ut genibus etiam adalligata redeat in os sapor, ea quæ expuere uideantur. Mollit autem, excalfacit ac discutit. Nec modo unguen hoc poplitibus inunctum cervicis dolores sanat, imò si ne unguine aliquo sola fricatio etiā poplitum idem agit, si Plinio credimus, eiusdem libri capite 6. dicenti, In cervicis dolore poplites fricare, aut ceruicem in poplitum dolore, prodest. *Poples.)* Poples dicitur genu ipsius posterior incuruatio: sic dicta, ut uolūt, quod post plicetur. Vnde & Plinius poplites alternis genibus imponi dicit. Dicuntur etiam poplites, nerui crurum posteriores, flexuraeque suffragium. *Hinc longum.)* Hoc est, magnum est interuallum & distantia longa à ceruice ad poplites, & e conuerso: quare nō immerito mirum cuiuspiam uideri potest

rest, quomodo medicamentū in uno membro quopiam inunctū, in alio tamen multum distante effectum suum producere possit et uim suam exercere, illudq̃ per sanare. *Pariter nervos med.*) Hoc est, similiter quemadmodū nerui à collo ad poplites descendūt, ita eadē uia per nervos medicina à poplitib⁹ ad collū ascendit, & ē conuerso. *Anseris pingui.*) Docet nūc qua re collum ipsum inungendum sit: *Anseris adipe.* & hoc cū adipe anserino; qui tenuium est partiū & ob id altius descendit. Calefacit aut, mollit & discutit, quemadmodum & alij adipēs omnes. Quod si quis anserinū adipem habere nō poterit, is Celsum sequat, qui uetere oleo: *Lib. 4. cap. 3.* si id non est, Syriaco: si ne id quidē est, adipe quā uetustissima ceruicē & scapulas & spinas perfricare iubet. Frictio enim cū omnibus in homine uertebis utilis sit, tum ijs præcipue quæ in collo sunt. Ergo die nocteq̃ intersitis tamen quibusdā temporibus hoc remedio utendum est. Dum id intermittitur, imponendū malagma aliquod ex calefacientibus. Cauendum uero præcipue frigus: similiter utilissimum esse tradit humido sale fouere ceruices. Porro ubi leuatus est dolor, moueri q̃ ceruix coepit, scire licet cedere remedijs morbum. *Torrentia.*) Rientia & indurata. *Fouebis.*) Inunges. *Valido.*) Acri & multum acido, & ut Plauti uerbo utar, acidissimo. *Lens.*) Lens, *Lens, tis.* tis, legumen est uile ac plebeium, pauperum ac tenuiū ciuib⁹. Lens in aceto decocta duricies discutit, autore Dioscor. *lib. 2. Capræ simus ex bulbo*) Idem testatur Plin. lib. 20. cap. 20. dicens: Dolorem inflexibilem, opisthoronō uocant, leuat urina capræ auribus infusa: aut simū cū bulbis illitū. *ex bulbo.* An autem sine menda opisthoronō hoc loco legi possit, iudicent alij: ego tetanō potius legendum censeo: in quo æqualiter & ante & retro fit tētio, & is maxime et proprie inflexibilis est. *Capræ.*) Capras à carpendo dictas autor est M. Varro lib. de re rust. 2. ca. 3. cū ait, Studiose enim de agrestibus fruticibus pascunt, atq; in locis cultis uirgulta carpūt: itaq; à carpendo capræ nominatæ. Ob hoc in le

ge locationis fundi excipi solet, ne colonus capra natum in fundo pascat. Harum enim dentes inimici sationis: quas etiam astrologi ita receperunt in cœlum, ut extra limbum duodecim signorum excluderint. Sunt duo hædi, & capra nō longe à tauro. *Cervina medulla.*) Plinius, Ad omnia eadē ualet medulla ceruina illita: calefacit enim, discutit & mollit. *Immotos flectes.*) Hoc est inflexibiles, rigentes & cōtractos induratosq; reddes mobiles et flexibiles.

Quos autem uocitant Tolles, attingere dextra

Debebis qua grillus erit pressante peremptus.

Tolles, tonsillæ

Glandule.

Amygdale.

Antiades.

Paristhmia.

μῦλα, mala.

Isthmi.

Tolles.) Ponit nunc remedium cōtra tonsillas quas ipse tolles uocat, Celsus glandulas, Auicenna & recentiores medici amygdalas, Græci autem antiades, & ab isthmo paristhmia. Sunt autem tonsillæ à lateribus hypoglottidis, quæ sub adhærent lingua est, prominentes carnes, quibus subiacent, rubedine quidem consimiles, uerum auctiores, orbiculatioresq; *μῦλα*, id est mala, uocata. Et nō solum partes has indicant, sed & malum quoq; ipsas infestans. Vnde Galenus in expositione aphorismi Hippocratis, cuius initium est, Cum uero iam magis adoleuerint, tonsillæ. Tonsillæ, ait, sunt locorum ad isthmum oportet intelligere partem illam quæ os et gulā interioret, quæ per metaphorā quandā ita nominat ab his qui proprie dicuntur Isthmi. Sunt autē angusti quidam terræ transitus inter duo maria sitæ. Hæc autem tonsillæ sunt nō nunquam solius tunicæ, uētri ac gulæ, & faucibus, toti q; ori cōmunis inflammationes, nōnunquam uero & subiecto rum ipsi musculorū. *Dextra.*) Manu. *Grillus.*) Grillo, ut Plin. in hist. naturalis lib. 29. circa finem tradit, magnam auctoritatem perhibet Nigidius, maiorem magi, quoniā retro ambulet, terramq; terebret, stridat noctibus. Is, ut idē Plin. capite tertio libri trigesimali prodit, faucium asperitatē et destillationes lenit extra infricatus. Aut si quis manibus quibus eū cōtriuerit, tonsillas attingat, sanabitur.

Tussi

TVSSI ET CHOLERAE

MEDENDIS.

CAPVT XVI.

NOXIA si penitus cholerae sauire uenena
 Perspicias, cocta lactuca fronde leuabis,
 Proderit & caules assumere saepe madentes.

TVSSI.) Tussis est motus naturæ expellere *Tussis.*
 conantis nociuum à pulmone & membris illi
 continuis atq; propinquis, è quorum nume-
 ro inter alia sunt guttur ac fauces, quarum as-
 peritate & exulceratione nonnunquam tussis accidit. Vn-
 de Celsus ait, Tussis serè propter faucium exulcerationem
 molesta est, quæ multis modis contrahitur. Itaq; illis resti-
 tutis, ipsa finitur. Solet tamen interdum per se quoq; ma-
 le habere, & uix cum uetus facta est, eliditur: ac modo ari-
 da est, modo pituitam citat. Estq; tussis pectori, ut Auicen-
 na dicit, sicut sternutatio cerebro: & completur cum dila-
 tatione pectoris & constrictione eius & motu uelaminis. *Decima tertij.*
 A tussi fit tussedo & pertussis, id est continens tussis & in- *Tussedo.*
 ueterata, quæ uix unquam curatione admittit, & qua plu- *Pertussis.*
 rimi intereunt. *Cholera.*) Cholera Galenus acutissi- *Cholera.*
 mum malum esse scribit, quod cum multa & immodica
 bilis deiectione & uomitu fit, & in quo suræ contrahan-
 tur, & membrorum algeant extrema, & uenarum pulsus
 fiat exigui & incerti. Fitq; ut Paulus Aegineta dicit, ex cõ-
 tinua ciborum cruditate in stomacho inherente ob ingur-
 gitationes nimias, aut prauos redundantes humores.
 Hoc malum Celsus libr. 4. longius describit hjs uerbis:
 Cholera commune stomachi atq; intestinorum uitium
 uideri potest. Nam simul & deiectio & uomitus est, præ-
 ter q; hæc inflatio est, intestina torquentur, bilis supra in
 fræq; erumpit, primū aquæ similis, deinde ut in ea recens

caro lota esse videtur, interdum alba, non nunquam nigra uel uaria. Ergo eo nomine morbi hūc cholera Græci nominarunt. Præter ea uero quæ supra comprehensa sunt, sæpe etiam crura manusq; contrahuntur, urget sitis, anima deficit; quibus concurrentibus non mirum est, si subito quis moritur, neq; tamen ulli morbo minori momento succurritur. De hac etiam copiosius Auicenna fenest. tertij, apud quem tamen corrupto uocabulo Colirica legitur pro cholera. Et æui nostri medici bilem quæ Græce χολή chole dicitur, perperam uocant cholera. Noxia penena.) Humores prauos & perniciosos cholera efficiunt. Penitus.) Omnino & uehementer. Coctas lactucæ fronde.) Folijs lactucæ coctis. Refrigerat enim lactuca & bilem efferuescentem compescit; aguntq; id tum folia ipsa tum caules eius, quare etiam subiungit, Proderit & caules assumere sæpe madentes, hoc est, thyrsos ac stipites lactucæ humentes & coctos. Et idem etiam testatur Plinius nat. hist. libro 20. cap. 7. dum inquit, Lactucas in cholera coctas patellis dederunt; ad quod utilissimè quàm maxime caule, sed amaræ. Quidam lacte infundunt: deferuefacti hii caules & stomacho utilissimi traduntur.

Interdum fauces tussi quatuntur atroci,
 Allia tum sumis decocta & melle peruncta,
 Semina uel raphani permixto dulcia melle,
 Aut si fraxinea semen de fronde reuellis,
 Integriora uora, uetitus contingere dente,
 Ouum melle teres domitum feruentibus undis,
 Marrubiūm ue potēs, hæc faucibus optima sumes,
 Frenabisq; grauem facili medicamine tussim.

Quatuntur.) Concutiuntur, & exasperantur. Atroci.) Graui, molesta & uehemente. Allia.) Allium, ut Hippocrates libro 4. de ratione uictus in acutis tradit, pectus calefacit. Porro quod hic Serenus de allijs ex melle, id Plinius de

χολή.

Lactuca.

Allium.

de iisdem cum adipe uetusto uel lacte decoctis & assumptis contra tussim testatur. Dioscorides uero, simpliciter fauces ad uocem clariores reddere, et ueterem tussim tum crudum tum coctum lenire tradit. Et Celsus, ubi sicca tussis est & uehementissime urget, prodesse dicit sorbere cum spica allij contriti duos uini cyathos, & aliquādo cibum acrem ut lac cum allio coctum. *Peruncta.*) Illita, intincta & immersa. *Semina raphani.*) Nam fortius quod est in ipso, *Semen raphani.* ut tradit Auicenna, est semen ipsius. Verum quod Sere-nus specialiter de semine, id alij simpliciter de radice referunt. Dioscorides, Estur elixus utiliter contra ueterē tussim, & quę crassa in pectore concrescunt. Plinius, Ad tussim etiam mane ieiunis raphanus prodest cum melle. *Fraxinea semen de fronde.*) Fraxini semen quod frondi ac folijs adnascitur. Nam, ut Plinius etiam tradit, semen folijs fraxini inest. *Integriora.*) Hoc est, integra & non fracta: quare subdit etiam, Vetus cōtingere dente. Nisi ut manu scriptus codex habet una sublata litera legere malueris Interiora, quo amoto cortice interior nucleus solum deuorandus esse intelligatur, & nihilo secius idem quoq; integer dēnbus non fractus aut commolitus. *Ouum melle.* *Oua.* *teres.*) Idem medicamentū docet Plinius libr. 29. cap. 3. dicēs: Dātur oua & tussientibus cocta & trita cū melle. Amplius, eodem autore, prodest tussientibus per se luteum deuoratum liquidum, ita ut dentibus non attingatur, thoracis destillationibus, faucium scabrie. Et Auicenna, Conferunt, inquit, oua sorbilia asperitati pectoris & pulmonis & gutturis & tussi & pleuresi & ethicis et rauedini uocis ex caliditate & stricturæ anhelitus & sputo sanguinis, proprie cum sorbetur uitellus eorū tepidus. Nam melius, quod est in eis, est uitellus qui ad caliditatem temperatam tendit. Sed hæc medicina potissimum ualet ubi febris abest, teste Celso qui ait, Si abest febris, & molle quoq; ouum dari potest potui. *Domitum feruentibus undis.*) *Marrubium.* Hoc est, coctum. *Marrubium.*) Demarrubio sic tradit *Marrubium.*

DIGESTIONI ET STOMACHO.

Dioscorides libro 3. Dantur cum melle tabidis, tussientibus, suspiriosisq; siccata marrubij folia & semen tum in aqua decocta, aut ex uiridibus expressus succus. Et Plinius libro 30. cap. 12. Marrubij folia, inquit, & semen contrita prosunt contra tussim ueterem. Et, Arida farina cum melle ad tussim siccam efficacissima est. Celsus item marrubij succum cōtra siccam tussim assumere iubet. Et Apuleius, Herbam marrubium, ait, decoque cum aqua, et dato bibere eis qui grauiter tussunt, sanabuntur mirifice.

DIGESTIONI ET STOMACHO.

CAPVT XVII.

QVI stomachum regem totius corporis esse
Contendunt, uera niti ratione uidentur.

Digestio triplex.

DIGESTIONI.) Quoniam nec alit, nec in corpus ita cibis, ni prius exuperati extranea q; qualitate omni sit exutus, ideo quàm maxime necessaria est eius digestio & concoctio, quæ triplex est. Vna & prima quæ in ore habet initium, fit autem in stomacho, & perficitur in intestinis, à qua superfluitas secernitur crassior & seculentior. Altera et secunda incipit in meseraicis: fit autem in hepate, & perficitur in uenis crassioribus, à qua sequestratur superfluitas aquosa in urinam. Tertia uero incipit in uenis minutis, & fit in capillaribus, completur autem in capillarium extremis, cuius superfluitas subtilior etiam per sudores se uocatur. Fit autem in prima digestionem ex cibo chylus: in secunda ex chylo chymus: in tertia ex chymorum globo humiditas prima & ἀνώμαλος, id est innominatus humor. De prima harum agit hoc loco Serenus, & per digestionem intelligit concoctionem, qua cibus à nativo calore in stomacho coquitur. Aliàs enim digestio Galeno est quàm

quam Græci ἀνάσσειν uocant, hoc est, concocti iam cibi *Concoctio.*
 distractio ac distributio quæ à natiuo calore in totum cor
 pus eiusq; partes, cum propria mutatione et confectione
 fiat. Cæterum nostra ætate hos diuersos naturæ motus
 miscemus, et digestionem pro cōcoctione, quoniam eam
 sequitur, quotidie & passim appellamus: quamuis, uti
 Galenus docet, diuersam in natura finem habeant con-
 coctio & digestio. *Stomacho.*) Dolori stomachi, qui in-
 ter grauissimos cōnumeratur à uetustioribus: quamuis,
 ut Plinius libro 25. ait, Qui grauissimi ex morbis sint dis- *Dolores grauif-
 simi qui.*
 cernere, stultitia prope uideri potest, cum suis cuique ad
 præsens quisq; atrocissimus uideatur. Et de hoc tamen
 iudicauere aui experimento asperrimos cruciatus esse cal-
 culorum à stillicidio uesicæ, proximū stomachi, tertium
 eorum qui in capite doleant. Intelligit autē Serenus per
 stomachum, non gulam aut os uentriculi, uti Galenus, *Stomachus.*
 Plinius & aliquando Celsus, sed uentriculum ipsum, ci-
 bi receptaculum, duabus maximis constantem partibus,
 quarum altera superior gulæ continua ex multis conte-
 xitur neruis sensificis, altera uero huic continua, ad inte-
 stinorum usque exortum extenditur, quod intestino- *Exortum intesti-
 norū primum.*
 rum primum est: sic dictum, quia ex pyloro primum
 exoriatur, aliàs quia ad longitudinem 12. digitorum ex- *Duodenum.*
 tenditur δωδεκάδωκτυλον, id est duodenum uocatum. Py *Δωδεκάδωκ-*
 lora autem, quod Auicenna portanarium uocat, ima *τυλον.*
 uentriculi pars est, cui ἐκφισις hoc est exortū intestinorum *ἐκφισις.*
 primum continuatur. Et in dicta iam significatione sto- *Pylorus,*
 machum nostra quoque ætate accipimus. *Portanarium.*
regem totius &c.) Haud perperā nec absurde, sed quā opti *Analogia sto-*
 me et cum ratione sentire illos qui stomachū uniuersi cor *machi.*
 poris regē adstruūt, uel ex analogia persuaderi nobis po-
 terit. Quemadmodū enī rex bene gubernatur?, quo uni-
 uersis & singulis æque consulere & providere possit sub-
 ditis, regiā in medio regni orbe collocat, & sedulus non
 segnīs optimas semper & suis commodissimas leges ex-

cogitat, minusq̃ utiles emendat, aut in uniuersum tollit, quo subditi circa munia sua obseruatiores & citra tumultū tranquille pacificeq̃ uiuere & in aduersis erigi possint. Qualis enim rex fuerit, qualesq̃ leges sanxerit, tales etiam subditi tum populares tum nobiliores euadunt, & omnia ad eius exemplū susq̃ deq̃ agunt. Nam mobile, ut Claudianus inquit, mutatur semper cū principe uulgus. Hunc etiam in modum res se habet stomachi ad reliquum corpus. Is enim in medio corpore situs, omnibus & singulis æque prouidet, suū cuiq̃ distribuens alimentum: quod quo melius acceperint, eo melius operationes suas perficiūt, citraq̃ offensam sana & incolumia permanent: sin malum, deterius operabuntur & ægre ferēt aduersis casibus & morbis semper obnoxia. Et quem admodum in regno periclitante rege aut incolumi perseuerante, subditi quoq̃ periclitantur aut salui permanent: ita etiam bene ualente stomacho, reliqua ualent & ad eius uigorem firmanur: cōtra uero, ipso male affecto, illa quoq̃ male afficiuntur, & ad casum eius proprijs uiribus destituuntur, non solum quæ inter ignobiliora cet̃ uulgus censentur, sed & principantia ipsa, maxime sensuum organum cerebrum & sensus ipsi, ni statim ab initio suppetiæ illi ferantur, unde perquàm bene à poëta dictum est, Principijs obsta, sero medicina paratur.

Huius enim ualidus firmat tenor omnia membra.

Et contra eiusdem franguntur cuncta dolore.

Quin etiam nisi cura iuuat uitare cerebrum

Fertur, & integros illinc auertere sensus,

Lactucæ semen nigrae quod lingnea pila

Triuerit admixto ieiunus sumito melle,

Sed cochlear trino gustu tibi sufficit unum.

Huius ualidus tenor.) Stomachi constitutio ualida & firma atq̃ ualetudo prospera. *Contra.*) E contrario, ex parte contraria. *Franguntur.*) Rumpuntur, male afficiuntur & læduntur

leduntur. *Quin etiam.*) Atq; etiam, insuper. *Cerebrum.*) Hoc enim stomacho facile compatitur. Nam, ut Auicenna tradit, membrorum cōmunicantium ipsi primum & dignius eorum est stomachus. *Integros sensus.*) Vim sensoriam, quæ in cerebro consistit, integram, incorruptam & incolumem. *Lactuca semen nigra.*) Lactucarū plura sunt genera, quæ aliq; aliter discernunt. Græci enim, ut Plin. tradit, tria fecerunt genera, unum lati caulis, alterum rotundi caulis siue crispum, tertium sessile. Alij à colore & satus tempore illas diuisere, esseq; nigras quarum semen mense Ianuario seratur, albas quarum Martio, rubentes quarum Aprili. Sunt item alijs quoq; distinctæ nominibus lactucæ, aliq; enī Cecilix, aliæ Cappadoces, aliæ Tarthesiacæ, aliæ Paphiæ siue Cypriæ appellantur. Sed de generibus earum Columella rei rusticæ suæ libro 10. sic scribit: Iamq; salutare properet lactuca sapore, Tristitia quæ releuat longi fastidia morbi. Altera crebra uiret, fusco nitet altera crine, Vtraq; Cecilij de nomine dicta Metelli. Tertia, quæ spisso, sed puro uertice pallet, Hæc sua Cappadocæ seruat cognomina gentis. Et mea, quam generant Tarthesi littore Gades. Candida uibrato discrimine, candida thyrsos est. Cypros item Paphio, quam pingui nutrit in aruo Punicea depexa coma; sed lactea crure est. Quot facies, totidem sunt tempora quanq; serendi. Cæciliā primo deponit aquarius anno, Cappadocamq; premit ferali mense Lupercus. Tuq; tuis Mauors Tarthesida pange calendis, Tuq; suis Paphien iterū iam pange calendis, Dum cupit, & cupidæ quærit se iungere matri, Et mater facili mollissima subiacet aruo. Hactenus Columella de generibus eius & satus tempore. Vis & natura

Lactucæ genera
nigra.

Lactucæ uis &
natura.

DIGESTIONI ET STOMACHO.

mirum, cum & concoctionem adiuuet, &, quod Paulus Aegineta testatur, boni succi sanguinem faciat. Est insuper soporifera, somnumq; concilians: quam ob causam & Galenus sero ea uescebatur, eratq; ipsi solum uigiliarum medicamentum sero commesta lactuca, uti ipsemet scribit libr. de alimentis secundo. Vbi addit etiam quod ipsa quatenus olus est, satis nutrit, neq; nocumento est ut alia olera: & quia stipticitatem non habet neq; salsedinē neq; acuitatem, ideo neq; uentrem stringit neq; laxat. Laudat autē hic ad medicinæ usum Serenus semen eius, ut quod minus humidū sit & ad siccitatem declinās, qua de causa etiam stomacho conuenientius. Solet enim aliquando humiditas ipsa nescio quid malignitatis annexū habere. Iubet uero illud ex melle assumere, sed oportet ut id sit coctum ac despumatum. Crudum enim omne & non despumatum, inflat aluum & tussim proritat, autore Dioscoride. Et quamuis lactuca per se calido uentri accommoda sit, medicina tamen hæc ex semine & melle frigido conuenit. Semen enim minus frigidū est, & frigida quæ in ipso est quantulacunq; qualitas, melle frangitur, operaturq; potius siccitate sua quàm frigiditate. Est & mel ipsum despumatum, ut tradit Galenus therapeutices lib. 7. frigido uentri utilissimum, calido uero inimicissimum. Atq; hæc ambo meminisse in primis oportet, utiq; à plerisque medicis ignota. Ac neq; aliquid frigido corpori melle potius expetere, neq; ad calidum magis respuere. Ergo mel optimum esto, sed quod prius super prunas ex quercu seu uite ad summū cādentes, fuerit decoctum & curiose despumatum. *Ligneæ*) Ligneam esse cōuenit pilam, ne mali quid contrahat medicamentum: quod facile fieret si metallica esset, quales ætate nostra cōmuniter habentur. Tales siquidem malignam quandā naturam relinquūt in rebus pisatis ac tritis, quæ obesse solet, quod ex ligneis non est ita timendum. *Pila*.) Pila dicitur res sphaerica, rotunda & globata. Et per diminutionē *pilula* dicitur

Mel crudum.

Mel despumatum

*Pila significat
iones.
Pilula.*

dicatur parua pila. Vnde et catapotia à rotunditate pilulæ dicuntur medicis. Aliquādo tamē pila pro columna accipitur qua ædificia sustentantur. Horatius: Nulla taberna meos habeat neque pila libellos. Et ad huius similitudinem pinsendi instrumentum in columnæ speciem longum effigiatum, quod alio nomine à pinendo pistillum dicunt, pila quoq; appellatur, ut hoc loco. Aliquando tamen uas ipsum concauum in quo medicamina pinsunt et mortarium uocant pigmentarij, pila etiam dicitur. Varro: Itaq; quidam thymum contundunt in pila. Demum pilæ, uti Sexstus Pompeius scribit, effigies quædam erant tum uiriles tum muliebres ex lana, quæ compitalibus suspendebantur in compitis, quod deorum inferorum, quos Lares uocant, esse putarent: quibus tot pilæ, quot capita liberorum, seruorum, mulierum circa compita habitabant, ponebantur: ut his pilis & simulachris contenti, uiuis parcerēt. Hiscē uero imaginibus, nullius omnino pretij uestes circumponebantur. Proinde Martialis pannosos & uestes laceras, pertritas atq; conscissas aliquando pilas uocare solet, ceu epigrammatum libr. 3. cum ait: At mea, quæ passa est furiosi cornua tauri Noluerit dici quàm pila prima suam. Et libr. 10. in Laurum: Sed qui primus erat lusor, dum floruit ætas, Nunc postquam desijt ludere, prima pila est. *Cochlear.*) Cochlear siue cochlearium, utrunq; enim dicitur, mensuræ genus est, & ut Aphricanus tradit, mystri dimidium, estq; mensurarum minima. Et pondere pendet uini drachmas duas & scrupulum unum, olei drachmam unā & semis, mellis drachmas duas & semis. Et hoc iuxta dimensum quo sextarius & cyathus supra capite 15. ex sententia Aphricani in sua pondera dimensi sunt. Porro sunt qui cochlearium mellis sex drachmarum esse dicant, medicinarum uero drachmarum duarum & semis: minimum autem cochlearij pondus esse drachmam dimidiam. Sed Aphricani doctrinam nos cæteris præferimus, ut quæ tum Hippocratis

Serm. lib. 1.
Sat. 4.

Pistillum.

Mortarium.
Dere rust. li. 2.

Cochlear.
Cochlearium.

DIGESTIONI ET STOMACHO.

rum Latinorum medicorum medelarum ponderibus & mensuris magis conueniat.

Aut tritum semen raphani, mulsūq; iuuabit,
Siue duæ partes absinthii ac tertia rutæ
Decoctis potantur aquis, Siliquæq; madentes.

Raphani semē. Semen raphani.) Fortius enim quod est in ipso, est semen ipsius, autore Auicenna. Et quamuis uomitorium quoq; sit, ut Dioscorides ait, uentositates tamen, ut scribit Auicenna, resoluit, & in ipso est subtiliatio fortis, & resoluit inflationem in uentre, & facit facilem egressionem cibi, et facit appetitum. Cæterum Plinius satiuorum semen totum quidem & commanducatum ad lagaroponon utile scribit lib. naturalis historię 20. *Mulsū.*) Hoc est, mel le confectum, conditum atq; permixtum. *Absinthii.*) Absinthium omnibus notum est. Probabilius tamen et quo præstantius nullum, imò omne aliud bonitate antecedit est quod in Ponto & Cappadocia monte Tauro nascitur, ut autor est Dioscorides, Plinius & Apuleius. Est autem absinthio calefaciendi uirtus: et ultra hanc aliq; duæ et quidem contrariæ, uidelicet detergens atq; adstringens, quemadmodum Galenus de sanitate tuenda libro 6. testatur, inquit: Absinthio uis est detergendi adstringendiq; ac talis quæ tunicarum uentris sordes detergeat, non si quid altius in eo imbitum est, foras extrahat & expellat. Et huiusmodi duplicem naturā in absinthio Mesue quoque fatetur, cum duplicem illi substantiam esse scribit, Vnam calidam amaram & nitrosam, opilationum aperitiuam & naturæ solutiuiam: alteram terreā stipticam, membrorum confortatiuiam, & laxarum partium aggregatiuiam, sed stipticitas plus est amaritudine sua. Et hoc uerum est si de Pontico intelligatur. Nam cum duplex in omni absinthio facultas & qualitas sit, uti Galenus therapeuticæ libro 11. scribit, utiq; in Pontico adstringendi facultas non parua est: in reliquis omnibus amara quidem quali-

qualitas est uehementissima. Astrictio uero, quam saltem gustu agnoscas, aut plane obscura, aut prorsus nulla sentitur. Proinde Ponticum ad iocinoris & uentris phlegmonas eligi præstat. Porro id est tum folio tum uero flore longe quam cætera absinthia minore. Odor quoq; huic non modo non insuauis, uerum etiam aromatum quid præferens, reliquis omnibus plane est scædus, quare hæc fugere conueniet, uti aut semper Pontico. Hec ille. Nunc ex hijs quæ Plinius naturalis historię lib. 27. cap. 7. de absinthio scribit nonnulla subiungam: Nam, ut inquit, de usu eius conuenit dicere, herbæ facillimæ atq; inter paucas utilissimæ. Stomachum corroborat, & ob hoc sapor eius in uina transfertur. Bibitur & decoctum aqua ac postea nocte & die refrigeratum sub diuo decoctis sex drachmis foliorum cum ramis suis in cælestis aquæ sextarijs tribus. Oportet & salē addi. Vetustissime in usu est. Bibitur & madefacti dilutum. Ita enim appellatur hoc genus. Diluti ratio, ut quisquis fuerit modus aquę, tegatur per triduum. Decoctum stomacho saluberrimum. Nāq; astringit stomachum, bilemq; detrahit. Aluum mollit & in dolore sanat. Concoctiones adiuuat. Cruditates detrahit cum ruta & pipere & sale. Habet & alias uirtutes quā plurimas, quas longum esset nunc recensere. Id solū nunc addatur, quod Dioscorides quoq; ait, ipsum calefacere & adstringere, concoctiones adiuuare, purgare quæ in stomacho & aluo biliosa hærent, quin etiam urinam ciere, & præsumptum crapulas arcere. Et alia quæ nunc omitrantur. *Ruta.*) Ruta omnibus nota. Estq; duum generum, Vna syluestris & montana: altera satiuæ & hortensis, feruentis naturæ utraq; & calefacientes ambæ, aluum sistunt siue in cibo siue in potu dentur, autore Dioscoride libro 3. cap. 49. Et, ut Plinius nat. hist. libro 20. cap. 13. ait, in præcipuis medicaminibus ruta est, cruditates discutit, mox inflationes, dolores stomachi ueteres. Ad crapulæ grauedines decoquuntur folia poturis. Et in cibo uel

DIGESTIONI ET STOMACHO.

Siliqua. cruda uel decocta, conditæue prodest. *siliqua.*) Siliqua
Siliqua dulcis, dicta est communi alijs siliquis nomine, sed ut ab alijs di-
Græca. stinguatur, nunc dulcis, nunc Græca siliqua cum adiun-
Ceration. cto appellatur. Græci Ceration uocant, à cornu facto no-
mine quo in frugibus & leguminibus aliquot longiores
Xylocerata. siliquas dicunt: inde quoque ex lignosa soliditate, cornu quoque
longitudine & flexura facto nomine Xylocerata appella-
uerunt, quæ dictio apud recentiores Latinos medicos ad-
huc in usu est, sed deprauata: non enim xylocerata, sed xy-
locerata perperam ab eis appellatur, & uulgo panis san-
cti Ioannis. Arabes Carnubium, aliqui Carobe uocant.
Panis sancti to Est autem siliqua fructus arboris, quam paulo deflexa uo-
annis. ce à ceratijs Ceratoniā uocat Paulus Aegineta. Estque il-
Carnubium. li digitorum hominis longitudo & interim falcata polli-
Carobe. cari latitudine, cuius & correx ipse manditur. Estque simi-
Ceratonia ar- lis Casia fistulæ. Nam utriusque corticis color idem, medulla
bor dulcis & similibus distincta seminibus, quod tum sensus
ipse, tum Serapionis autoritas manifesto comprobatur. Hic enim
capite de casia fistula inquit, Intra cannas casia, sunt lami-
næ ex carne nigra, & parietes diuidentes inter eas, et inter la-
minam et laminam sunt grana sicut grana xylocerata, et eius-
dem magnitudinis, quorum color est inter glaucedinem & ru-
borē. Hæc ille. Adhuc eadem est illis proprietas. Nam utriusque
medulla recens uentrem laxat, exiccata uero & arida, po-
tius contrahit, euaporata quidem humiditate, terrestri au-
tem remanente substantia. Porro siliquæ huius usum dam-
nauit in cibo Galenus: sed hoc maxime de recentibus in-
telligendum est. Nam, ut Dioscorides libro 1. tradit, sto-
macho inutiles in cibo recentes & aluum soluant, sistunt
contra siccata, stomacho tunc utiliores fiunt & ciendæ
urinæ accommodatæ. Eadem comprobatur & Dioscoridi
subscribit Plinius libro 23. cap. 9. sic inquit: Siliquæ re-
centes stomacho inutiles, aluum soluant: eadem siccata
sistunt, stomacho quoque utiliores fiunt, urinam ciunt. Syria-
cas in dolore stomachi ternis in aqua sextarijs decoquunt
qui-

quidam ad dimidium, cumq; succum bibunt. Et hoc est quod Serenus hic ait Madentes, hoc est, madefactæ & in aqua decoctæ, uti ex Plinio iam patuit.

Semina uel marathri foetæ cum lacte capellæ.

Pulegium quoq; decoctum curabit amice.

Et potu & fotu stomacho conducit anethum.

Semina marathri.) Marathron Græce, Latine fœniculum, *Marathron.*
Fœniculum. nota planta, de cuius semine sic ait Plinius libr. 20. cap. 17. Semen stomachum dissolutum astringit uel in febribus sumptum. Nauseam ex aqua tritum sedat. *Fœta.*) Hoc est, iam haud multo antea enixæ & partu liberatæ atq; lactantis. Nam, ut Auerrois ait, Lac melius est illud quod est prope partum, id est, post duos menses. Varro libro 1. in fine, A mulgendo atq; ortu optimum est lac, quod neque emunctum longe abest à mulso, neq; à partu continuo est sumptum. *Lacte capellæ.*) Lac caprinum inter alia stomacho conuenientius esse testantur alij quoq; autores. Vnde Plinius nat. hist. libr. 28. cap. 9. inquit, Stomacho accommodatissimum caprinum, quoniam fronde magis quàm herba uescuntur. Et Dioscorides libro 1. Aluum, inquit, minus tentat caprinum, propterea quod capræ multo adstringente pabulo utuntur, quercu, lētisco, olea & terebintho, quam ob causam stomacho etiam utile est. Et paulo post, Minore, ait, inflandi ui est quod semel decoctum fuerit lac. *Pulegium.*) Nota omnibus herba *Lac capræ*
fœta. *Pulegium.* Virtus illi calefaciens & extenuās: hæc stomachi ex aqua intercisiones sistit, autore Plinio lib. 10. cap. 14. Et concoctiones, ut Dioscorides libr. 3. tradit, adiuvat. Nauseas & erosiones stomachi potum cum posca lenit, nigram per inferna trahit bilem. Apuleius item, Pulegium, inquit, tritum uel in aqua maceratum cū aceto potui dabis, nauseam stomachi sedat. Amplius ad inflationem stomachi uel intestinorum, pulegium ex aqua calida tritum, uel ex uino, uel per se dato, rem miraberis illico.

DIGESTIONI ET STOMACHO.

Amice.) Blande, suauiter, iucunde & citra molestiam aliquam. *Anethum.*) Anethum ut, Plinius tradit, sumptum ex aqua sedat cruditates. Et, ut Dioscorides scribit, inflationes finit. Aluum, neq; ex alto surgentes uomitiones fistit, singultus lenit. Et quia cibi appetentiam facit, uocari etiam tradit à quibusdam Anicetum, cōmuni omnibus quæ cibi appetentiam faciunt appellatione. Sic etenim à Græcis ea uocantur. Verum in scripto codice legitur Acetum; de quo mox dicetur.

Seu cochleas undis calefactas ac prope uictas,
Suppositis torre prunis, uinoq; garoq;
Perfusas cape, sed prodest magis esse marinas.

Cochleæ.) Hunc cochlearum usum medicum Plin. quoq; attestatur libro naturalis historię 30. hīs uerbis: Medetur præcipue uero cochlearū cibis stomacho. In aqua eas subseruies fieri intacto corpore earum oportet, mox in pruna torreri nihil addito, atq; ita ē uino garoq; sumi, præcipue Africanas. Nuper hoc cōpertū plurimis prodesse. Id quoq; obseruant, ut numero impari sumant. Cæterū ultra medicum hunc usum delicatorem ganeam quoq; implebāt olim cochleæ, quod & nūc etiam faciunt. Quo modo aut uarie ad delicias illas instruebantur olim, satis copiose docet nos Apitius Culinariæ artis suæ lib. 7. qui Polyteles inscribitur: quare locum tātum signasse nobis satis sit. *Vino.*) Quod mediçætatis esto, & albū & tenue, purū item, et omnē citra alienæ rei cōmixtionē, & natura austerū. Tale enim, autore Dioscoride libr. 5. cōmuniter hæc præstat, calefacit, facillime digeritur, stomacho utile est, cibi appetentiam excitat, corpus alit, somnum conciliat, uires corroborat, & amabili colore cutis bonitatem commendat: facit & ad inflationes diutinas & stomachi resolutionem. Neq; ut Plinius lib. 14. cap. 5. scribit, uiribus corporis utilius aliud, neq; aliud uoluptatibus perniciosus, si modus absit. Sed quæ maior uino laus tribui potest

potest, quàm quod hominis cor lētificat: ut sacrę etiā attestantur literę. *Garō.*) Garū est liquamē ex pisce factū, hoc est, salitorum piscium liquor. De quo Plinius lib. 31. cap. 7. sic scribit: Aliud etiamnum liquoris exquisiti genus est, quod garū uocauere, intestinis piscium cæterisq; quę abijcenda essent, sale maceratis, ut sit illa putrescentiū sanies. Hoc olim conficebatur ex pisce, quem Græci garon uocabant. Nunc ē scombro pisce laudatissimum in finibus Carthaginis spartarie & cetarijs, sociorum apellatur. Vitium huius est Alex imperfecta nec colata sex. Cœpit tamen & priuatim ex inutili pisciculo minimoq; conficit: Apuam nostri, aphyen Græci uocant, quoniam is pisciculus ē pluuia nascitur. Foroiuliēses piscem ex quo faciunt lupum apellant. Transijt deinde in luxuriam, creueruntq; genera ad infinitum, sicut garum ad colorem mulsi ueteris, adeoq; dilutam suauitatē ut bibi possit. Aliud uero ad castimoniarum superstitionem, etiā sacris Iudæis dicatum, quod fit ē piscibus squama carentibus. Sic Alex peruenit ad ostreas, echinos, urticas, gammaros, mullorum iocinora. Innumerisq; generibus ad saporem gulę cœpit sal tabescere. Hęc obiter indicata sint desiderijs uitę, & ipsa tamen nonnulli usus in medendo: uti Serenus in præsentī quoq; testatur. Cæterū quem admodum Plinio, sic etiam Dioscoridi, Garum est, non ut alijs quod seculentum carnosumq; in eo subsedit, sed quod liquidum & aquę modo fluens supernatat. Et amplius Dioscoridi non in piscibus tantum, sed & in animalium carnibus garum quoq; dicitur, quod ex earum salisura exsudatum: siue, ut Columella ait, exsaniatum fluxerit. Inquit enī Dioscorides, Sistit omne ex salis piscibus, itemq; animalium carnibus garū quęcunque pascendo serpunt, si eos foucantur. *Cape.*) Accipe, assume & comedito. *Marinas.*) Non refutat autor terrestres, sed tamen ac commodatiores tradit marinas: quod Plinius etiam fateatur libro 30. cap. 3. his uerbis: Contra marinę stomacho

*Garum.**Alex.**Aphya piscis.**Apu piscis.**Libro 2.**Cochleaster**restris, marina*

DIGESTIONI ET STOMACHO.

utiliores, efficacissimæ tamen in dolore stomachi. Porro de utriusq; tum terrestris tum aquatilis, cochleæ in medicina usu sic scribit Diosc. Stomacho accommodata est terrestris cochlea, difficilime eadem corrumpitur. Marinæ etiam stomacho accommodatæ facillime excernuntur fluuiatiles uirus habent. Quæ uero syluestribus frutetis & sentibus hærentes inueniuntur, quas fefilos aliqui nominant, aluum & stomachum turbât, & ad uomitiones mouent. Item in iuuentibus cochleis exempta caro, Africanisq; præsertim, stomachi dolores hausta lenit.

At male digestis si crapula seuiet escis,
Ex pipere & calida florem de rore marino
Ebsbe. Seu salibus piper adde & tenue cuminum,
Quæ coctis tinges epulis, & rapta uorabis.

Mala digestio.

Male digestis.) Hucusq; stomachi doloribus ac cæteris prauis eius affectibus mederi docuit Serenus, consequenter uero uirtuti eius digestiux læsæ, nec non & cerebri consentientis passionibus subuenire docet. Consentit enim stomacho cerebrum aliquando, propter cõunitatem inter ea per neruos plurimos qui à cerebro ad stomachũ ueniunt, autore Auicenna, decimatertia tertij, tract. 1. ca. 16. Male autem digeritur cibus cum aut nullo modo aut ægre concoquitur, uocanturq; huiusmodi cibi in stomacho cõcoctiones à Græcis ἀπεψία & δυσπεψία, à Latinis uero uno nomine cruditates, quæ cõmuniter ex frigidityate aut superfluenti ingurgitatione proueniunt: hocq; uitium quotidianũ fere & populare est nostris temporibus, adeo intemperanter ubiq; uiuimus. Est & tertium digestionis uitium, maleq; digeritur cibus, cum scilicet uitiat & corrumpitur in stomacho: cuius corruptionis ciborum primas ac ueluti generalissimas differẽtias tres ponit Galenus lib. de locis affectis, qui aliàs de interioribus inscribitur, primo: Vnam quidem quæ per proprios uentriculi morbos fiat. Alteram ab humoribus uitiosis in

ἀπεψία.
δυσπεψία.
Cruditates.

Corruptionis
ciborum tres
differentiæ.

in ipso accumulatis. Tertiam ab alimentorum qualitate inductam, quæ cum ad huiusmodi dispositionem deducitur uel suapte natura, uel uaporosa, uel acida, uel aliàs corruptioni obnoxia, aut ex præparationis modo, certum est ea in uentriculo corrumpi, atq; hoc modo cruditatem fortasse fieri quis dixerit. *Crapula.*) Crapula quæ & κραπάλη à Græcis dicitur, omnem capitis noxam à uino factam apud eosdem significat, uocabuli ethymo ducto à Carenon, quod significat caput, & pallesthe, concuti: autor Galenus. Estq; crapula nihil aliud quàm capitis fluctuatio & agitatio, ab eo quod capitis dolorem & uertigines facit, sic dicta, uti Plinius libr. 23. cap. 1. tradit. *Pipere.*) Quamuis trium generum est piper, longum, album, & nigrum, omnibus tamen, Diosco. teste, cõmunis natura & uis est calefacere, concoctiones adiuuare, somno capitis dolores leuare, somnum & appetentiã cibi conciliare. Eligendum autem piper quod ponderosissimum sit, plenum, nigrum, nec adeo rugosum, recens præterea, nec surfurulosum. Nigrum quidem, ut quod maiore acrimonia sit quàm candidum, gratius in cibus, & quod tempestiue maturuerit, odoratus, condiendisq; obsonijs utilius. Candidum quod acerbum est ob immaturitatem suam alijs ignauius: uerum in medicinæ usu & præsertim uentre corroborando, autore Galeno, utilius hoc & efficacius. Libro etenim de sanitate tuenda quarto sic ait: Longum piper flatuosi spiritus crassitudinem soluit, & quæ in præcordijs pigra cessant, ad uentrem depellit, & concoquendis quæ sumptis subuenit, pro communi piperum ratione. Quod si huius copia nõ est, utiq; albo utendum, quippe quod supra duo reliqua genera uentrem roborat. Sin hoc non adest, optimum nigrum petendum est: id uero fuerit, quod pondere præcellit. Amplius eiusdem tractationis libro 6. idem sic scribit: Si pituitosus succus à capite in frigidum natura uentrem decurrat, facile his succurritur, si mane aliquid simplicis medicamenti sumptis

*Cr. pul.**Κραπάλη.**Carenon.**Pallesthe.**Piper triplex.*

Ros marinus,
Libanotis.

Canchrys.

Libanotis co-
ronaria.

rint, quod dia trion pipereon dicitur. Sed & piper solum
ad exactum contritum leuorem aque mixtum bibere his
licet, ad quem usum melius stomacho q̃ aptius album pi-
per est. *Florem de rore marino.*) Quem Latini rorem mari-
num, Græci libanotida dicunt, plures eius differentia.
Nam, ut Dioscorides tradit, duum generum libanotis est,
Vna fecunda & fructum ferens, quæ secunda diuisione
duo item genera facit, eam quæ Zea aut Campsanema uo-
catur, cuius fructus canchrys uocatur, similiaq̃ foenicu-
lo folia habet, crassiora tamen & latiora, rotæ modo in or-
bem circumagētia se, & per terram strata, odorataq̃, cau-
lem altitudine cubitali, & aliquando maiorem, alarum
concauitatibus multis, & in summo umbellā, in qua co-
piofum semen est, cādidum, uerticillo simile, circinatum,
angulosum, acre, resinofum, et quod comanducatum gu-
stum incendit, cui radix est candida, gracilis, odore thu-
ris. Altera deinde in cunctis huic similis, quæ semen fert
latum, nigrum, odoratum, uerticillo simile, sed gustum
non incendens. Radicem foris nigram, contusam uero al-
bam. Quæ autem ex prima diuisione sterilis & sine fructu
libanotis dicitur, antedictis tota similis nec caulem nec
florem nec semen ex se profert. Nascitur autem petrosis
& asperis locis. Est & quartum libanotidum genus, Co-
ronalis à Sorano, ut Apuleius tradit, appellata libanotis.
Quæ quatuor genera, Paulus quoque Aegineta in sexto
ponit. Nec quartum genus Dioscorides omisit. Sed quo-
niam frutex magis quàm herba, ramos habet, & à terra
erigitur, aliæ uero caulē, & quæ fructiferæ inter eas sunt,
umbellam etiam habent, & per terram folia spargūt, ideo
separatim proprio capite post dictas de coronaria libano-
tide egit hijs uerbis: Libanotida, Romani rosmarinum di-
cunt, quo coronarij utūtur, tenues uirgæ sunt, circa quas
folia item tenuia sunt, densa, oblōga & gracilia, inferiore
sui parte candida, superiore uirentia, cum grauitate odo-
rata. Calefaciendi uires habet, medetur ictericis si quis in
aqua

aqua decoxerit, decoctumq; id biberit. Suntq; huius flores maxime caput & cerebrum confortantes, eorumq; contra capitis affectiones ætate nostra quotidianus & efficax usus est, ad quem & saccharo condiuntur. *Salibus.* Salis differentiarum ex Plinio & Mesue satis dictarum iam essent in prioribus, nisi electio earum non nihil repetere cogeret. Vnde ne prolixius à diuersis ea eoaceruentur, contenti erimus ea tantum recensere quæ Dioscorides super hac re prodidit, cum ait: In toto salis genere efficacissimus fossilis est, communiterq; in hoc qui candidus, pellucidus, densus, concretionem suam æqualis nec lapidosus est. Prius tim uero genere hammoniacus, id est harenarius scissilis, uenis per longitudinem rectis. In marino probatus maxime densus, candidus & sine asperitate æqualis. Optimus hic in Cypro et Cypri Salamini. Fit in Sicilia etiam sal, fit Megaris & Libyæ. Inter prædictos autem palustris antefendus cunctis est. Validissimusq; in hoc genere Phrygius, quem tateum uocant. Multiplicem communiter prædicti sales uim omnes habent. Adstringunt, exterunt, repurgant, disijciunt, reprimunt, extenuant. Confert item sal, ut Auicenna testatur, doloribus stomachi frigidis. Nec obstat quod Plinius dicit, Sal stomacho tantum inutilis, præterquam ad excitandam auiditatem, cuius causa, ne insulsa uideantur obsonia, in quotidiano usu salem habet mensa: nec sibi tantum parant, sed & pecori suo eandem ob causam ad lambendum aliquando proponunt homines. Hactenus de sale. *Cyminum.* Cuminum notum est, stomacho ualde utile & capiti. Est autem duum generum, Vnum satium, de quo sic scribit Dioscorides, Origatum, suaueq; cyminum est, & in eo Aethiopicum magis, quod Hippocrates regium appellauit: secundæ bonitatis laudem habet Aegyptium, tum reliquum omne. Habet autem calefaciendi, siccandiq; uires. Et in hoc, ut Plinius libro 10. cap. 14. ait, magnus usus in stomachi præcipue remedijs, discutit pituitas & inflationes: imò &

DIGESTIONI ET STOMACHO.

contra capitis passiones utiliter estur, siue cum cibo siue per se ante aut post cibum assumatur. Alterum uero est syluestre prætenue, & ad omnia efficacius: sistitq; ut Plinius inquit, uomitionem & nauseas ex uino, quantum apprehenderint tres digiti. Estq; maiore in gustu acrimonia quàm satium, bibiturq; cum uino et contra humentem stomachum, ut Dioscorides tradit. *Tenue.*) Paruum, exiguum & gracile. Columella, Gracili melanthia grata cummino. *Tinges epulis.*) Hoc est, cibo insperges & cum couesceris.

Aut cubitum pergens cyathum cape tristis aceti.
Ventriculus mergi tactus sale, granaq; thuris,
Tosto pane super, piperis quoq; puluere multo
Miscentur, capies diuinum munus in istis,
Proderit hoc stomacho, uictas & concoquet escas.

Cubare. Cubitum pergens.) Dormitum uadens & dormiturus. Cubare & cubere ad ægrotos proprie pertinent, ut uolunt Grammatici. Horatius, Cubat hic in ualle Quirini. Hinc fiunt composita, recumbo, accumbo, decumbo. Recumbit autem quiescens & supinus. Accumbitur in cõuiuio. Et decumbit ægrotus lecto iacēs. **Cyathus.** Cyathum.) Hoc est, unciam unam semis pondere. **Cape.**) Accipe, ebibe. **Tristis aceti.**) Acerbi & tristifici. Acetum enim cæteros inter humores liquidissimum, tanto quoq; acerbius est, ut sit acore etiam tristificum. De quo aceto inter cætera libro 23. cap. 1. sic scribit Plinius, Cibos quidem & sapores non alius magis succus commēdat aut excitat. In quo usu mitigatur tosto pane aut uino, uel accenditur pipere ac lasere, utiq; sale compescitur. Et paulo ante, Acetum, inquit, per se haustum, fastidia discutit, singultus cohibet. **Ventriculus mergi.**) Quamuis difficilis coctionis sint omnium animalium uentriculi, non tamē obstat, quin & quorundam aliquando remedio esse possint, præsertim ubi humores

miores superfluunt membris : sicca enim est uentriculorum natura omnium, unde et humenti stomacho perutiles sunt, & præcipue mergi uentriculus sale tactus, id est conspersus & salitus. Est autem Mergus ex anatum genere *Mergus auis aquatica.* Verg. Geor. libro 1. Cum medio celeres reuolant ex æquore mergi. *Thm.*) Thus calefacit, siccatur & adstringit, stomachoq; perutile est. Nam, ut autor est Auicenna, stomachum calefacit & digestionem adiuuat. Sed alijs miscere id oportet medicamentis, & ægrotantibus, non sanis: neq; multum, sed parum de ipso exhibendum est, si conferre debeat, autore Dioscoride, qui sic tradit de ipso: Miscetur utiliter faucium remedijs & hijs quæ ad splanchna, id est interanea, cõficiuntur. Bibitur idem sanguinem expuentibus utiliter. Veruntamen in sanitate potum, maniam facit. Quin etiam si maiore copia cum uino bibatur, hominem perimit. *Tostopane.*) Non modo ad faciliorem medicamentum assumptionem facit panis, sed & contra morbos uim quoq; præstat, præsertim si ex tritico fuerit uetustus & siccus, igneq; torrefactus, talis enim fluores sistit & siccatur per se & alijs mixtus: torretur autem igne, ut euanescat si quæ illi insit humiditas, sicq; maiorem deficiendi uim præstet. *Vism.*) Transglutitas & in stomachum receptas.

Grana peregrini piperis diffindito quinq;.

Hibleo melli quæ mane inserta capesses.

Peregrini.) Hoc est eius quod ex Barbaris affertur. Cuius *Piper.* probatio est, longi quidem ut gustu piperis qualitates seruet, nec in humore maceratum resoluatur, sitq; non perforatum. Nam quod factitium est et adulteratum, si per integrum diem in humore maceretur, illico liquatur ac soluitur. Quod etiam duplex est, Vnum quod apud Alexandriam maxime conficitur: alterum quod herbarum cuiusdam germen est. Nigri uero probatio est, ut sit neq; exile neq; rugosum neq; corticis crassi, sed ponderosum, & id tum

FELLIS VOM. ET PHTHISI.

Mel Hybleum. Diffundio.) Frangito & cōrundito. *Hybleo.*) Optimo. Dicitur autē Hyblæū, ab insulæ Sicilię ciuitate Hybla, quod primę post hymetium bonitatis existit. Verum quoniam genera ista nō semper nec ubiq; haberi possunt, ex omni genere probatius accipi debet, hoc est, quod dulcius; adoratius, acre, colore citilo, non liquidum, sed ponderosum firmumq; est, & quod tractum digitos sequaci lentore sequitur. Oportet autem non crudo, quod inflat aluum & tussim proritat, sed cocto ac despumato mello uti: autor Dioscorides. *Mane.*) In aurora, dum adhuc uacuus à cibo est stomachus. *Inserta.*) Immixta. Inferor insertuset in situs facit. Et tradūt quidā In situs arborū et pomi esse: Insertus hominis uel alicuius rei: autor Diomedes. *Capesses.*) Sæpius atq; frequentius iteratoq; accipies. Est enim iteratium siue frequentatium uerbum, quorum qualitas assiduam in agendo uim habet, unde & appellationem subit, quoniam frequenter agendi iterat affectum: autor Diomedes.

In situs.
Insertus.
Verba iteratiua seu frequē
tina.

FELLIS VOMITUI ET

PHTHISI ARCENDIS.

CAPVT XVIII.

Fel.
Choledochus.
Bilis flaua.

FELLIS vomitui.) Fel pessimi sanguinis purgamentum est, inferiori iecoris parti assidens, cuius chystris siue folliculus à Græcis choledochus dicitur, qui flauum contineat humorem, pallefcentem quandoq; à Galeno uisum, uel coloris cyanei, aut isatidis herbæ. Et quamuis substantia flauæ bili idem sit fel, tamen ut simplex nec alijs humoribus commixtum & in proprio iecoris folliculo constitutum est: bilis uero in toto corpore & qualibet eius parte gignitur

gnitur & spargitur, idēq; alijs humoribus mixta, cum fel etiā si quando graui hominis periculo aut simplici saltem aurigine à sede sua suffunditur, ipsum quidem per se spargatur. Aristoteles de partibus animalium lib. 4. cap. 2. Vt bilis quæ qualibet alia corporis parte gignitur, excrementum quoddam liquamentumq; est: sic fel iecori adiunctum non rei cuiquam delegatum, sed excrementum esse uidetur, quomodo & alui intestinorūq; sedimē. Ceterū duplex est fellis utilitas, Vna ut excalfaciat, coctio nemq; foueat secundam, iecoris natuum sulciendo calorem. Altera quo bilem ad intestina transmittat, ut sua ex-
 titulatione, secum celerior fiat excretio. Nec est tertia quæ stomachi coctionem confortet ponenda utilitas, uti Mundinus & sequaces sui faciunt. Nihil enim ex felle ad stomachū transmittitur, neq; uia est quæ aliquid deferat. Quod autem natura non æque meatum & uiam fecit bilem importantem ad uentriculum pertingentem, sicuti ad exortum siue duodenum: hoc utiq; ceu Galenus de utilitate partium lib. 5. tradit, non est negligentia naturæ adscribendum, sed potius benignitati, quæ paruo comodo, quod ex tali meatu uentriculus erat assecuturus, aliud multo maius incommodum noluit corrogari, continuam scilicet ciborum euomitionem, quos flauæ bilis acritudine uentriculus irritatus non posset eo, quo concoqui debent, tēpore retinere. Et Auicenna decima quinta tertij, Non fuit, inquit, creata in pluribus fellibus uia ad stomachum, ut lauarentur humiditates cum cholera sicuti lauantur humiditates intestinorum, nisi quia stomachus læditur per eas, & patitur nauseam, & corrumpitur digestio in ipso, per illud quod miscetur cibo de humore illo. Et quamuis ita sit, nihilominus tamen effunditur aliquando ad uentriculum ipsum: quod cum sit, haud citra graue hominis periculum accidit. Est autem talis effusionis locuples testis non modo præsentī capite SERENVS, sed & Galenus quoq; libro technes secundo

*Fellis utilis
duplex.*

dum infir, Alterum uidi cuius totus habitus pituitā præ se ferebat, quotidie tamen bilē rufam euomebat. Censui igitur inspicienda alui excrementa, in quibus minimum bilis apparebat. Quare coniectura quadam cōprehendi eum meatum qui biliosum egurgiat humorem, non minimam eiusdem partē ad imum uentriculi locum, quem Græci pyloron, id est hostiariuni, uocant, effundere: ut in quibusdam apparet animalibus, ex quibus id constat, quod plurimum ad eorum quæ latent sensum, confert cognitionem, ea quæ ex sectionis inspectione habetur perititā, & operationum atq; utilitatum inuentio. Hæc Galenus. Porro huiusmodi felleæ & biliosæ ad uentriculum suffusionis causa est aliquando uentriculi dolor aut compressio uehemens, aliquando uero descensus cibi tarditas & uirtutis expultricis debilitas, nō nunquam ira seu tristitia, animalis uē passio materiam commouens & ad uentriculum effundēs. Cæterum non semper ex materiæ ad ipsum effusione fit uomitus biliosus, sed & in ipso nō nunquam generatur materia biliosa, cuius mordicationem ferre nō ualens, ipsam uomitu eiicit: cuius causa est uentriculi feruor cum cibum uelocis ad fumositatē conuersionis offendit. Huiusmodi autem fellei ac biliosi uomitus, ni præsens feratur auxilium, ad perniciem ducunt laborantē, autore Hippocrate, qui prælagiorum lib. 2. sic ait, Syncere pituitæ bilis uē uomitus periculosus est. Succurritur uero bifariā huiusmodi uomitibus, Primū per uentris subductionē: deinde per uomitū: quoniam, ut Auicenna testatur Canonis libro 3. sen 13. tract. 1. cap. 16. mordicatio eius non remouetur nisi uomitu, & tract. 5. ca. 22. Vomitus etiam multoties abscindit uomitū cum est à materia. Sanātur enim ex uomitu cū euomit illā materiam propter effusionem eius cum uomitu. Est autem uomitus rei noxiæ in uentriculo detentæ per os ad exteriora expulsio. *Phthisi.*) Phthisis est pulmonis exulceratio, cui leuior quædam sebricula, tussisq; frequentior accedit

Vomitus.
Phthisis.

accedit, cum extenuatione corporis, ac puris sanguinisq;
 excreatione: quibus in ignem proiectis, si foetor inde ex-
 halat, mortiferum est. Vnde Hippocra. aphorismorum
 libro 5. ait, Qui phthisi molestantur, si sputum quod ex-
 tussunt graue olet iniectum carbonibus, letale. Fit autem
 huiusmodi phthisis maxime quando à capite in pulmo-
 nem acris destillat fluctio, ipsum exulcerās. Porro phthi-
 sin Celsus tabem Latine nominat, quamuis & latius ad *Tabes.*
 atrophian & cachexian utatur ea libro 3. ubi post duas il-
 las species de tertia sic tradit: Tertia est, longeq; periculo-
 sissima species, quam Græci phthisin nominauerūt. Ori-
 tur ferè à capite, inde in pulmonem destillat, huic exulce-
 ratio accedit, ex hac febricula leuis fit, quæ etiam cū quie-
 uit tamen & repetit: frequens tussis est, pus excreatur, in-
 terdum cruentum aliquid: quicquid excreatum est, si in
 ignem impositum est, mali odoris est. Itaq; qui de morbo
 dubitant, hac nota utuntur. Cæterum Hippocrates lib. 7.
 aphorismorum ubi inquit, A sanguinis sputo, puris spu-
 tum: à puris sputo, phthisis. Phthisin nominat eam, ut
 Galenus docet, quam proprie Græci & præsertim Athe-
 nienſes nominant phthoen, id est, quæ pulmonis ulcera *Phthoe.*
 insanabilia consequitur, totius corporis, cum febre par-
 ua, extenuationem: quam purulenta sputa, quæ ἐμπύματα *ἐμπύματα.*
 τὰ dicunt, aliquando præcedunt. At communiter phthi-
 sis omnem corporis maciem & diminutionem signifi-
 cat, à uerbo φθίνεω quod est diminuere. Vnde & aliarum
 partium ceu in oculo pupillæ affectio aliquando phthisis
 dicitur. Et nonnunquam νεφριτική quoq; phthisis appel-
 latur: item & quæ prope sacrū os concipitur ἰχιακή phthi-
 sis quædam ab Hippocrate dicitur.

Lutea si crescunt & cunctis noxia fella,
 Allia parua nouem, piperis tot permole grana,
 Quæ cyatho diluta gari mandesq; bibesq;

FELLIS VOM. ET PHTHISI.

Hæc iterum septena capis, post deniq; quina,
Præterea caules si frondet parua fabucus
Decoctos sale permisces ac iungis olium,
Tum capis, ac tali auxilio fella horrida purgas.

Color luteus.
χολα.

Lutea fella.) Humor felleus, qui Græce χολα dicitur, coloris lutei, qualis est cum dilutis humore aliquo croci capilamentis lutescit, & ut Gellius inquit, Color luteus, rufus color est dilucidior. Vnde ei quoq; nomē esse factum uidetur. Crescunt.) Ultra modum augētur. Noxia.) Scilicet quando superabundāt. Allia.) Docet nunc Sere-nus fellis uomitui succurrere per medicamenta quædam composita, quæ superfluētem materiam per allium expellunt & purgāt: & primo per id quod constat ex alliorum nucleis numero nouem, totidemq; granis piperis, et gari cyatho uno: et hoc prima die, secunda uero diminuto numero, ut scilicet septem tantum accipiendo tum allia tum piperis grana, & tertia die quinq; tantum: semper tamen integro accepto gari cyatho. Sicq; hoc modo tribus diebus continuandum est medicamentum hoc: quod uel simplicium ratione huiusmodi effectum habere, satis liquet. Nam de allio sic scribit Dioscorides, Habet omne allium acrimoniā, calefacit in cibo, erodit, excernit. Et Hippocrates de ratione uictus lib. 2. Allium, inquit, calidum est, uentrem & lotium mouet, quod res est, quæ purgat: coctum infirmius est quàm crudum. De pipere uero & gario dictum est in superioribus. Parua.) Ut intelligatur de satiuo siue hortensi, quod in Aegypto concreto capite porri modo nasci, dulce, colore ad purpuram inclinato exiguumq; scribit Dioscorides. Nam reliquis locis grande allium multiceps & cādidum est. Ni malueris per parua intelligere spicas seu nucleos, sic enim diuisiones in eo quod grande est, uocant: ne tot integri accipiantur bulbi, qui forte iustam quantitatem excederent. Tot.) Scilicet nquem. Per mole.) Contere, & contunde. Diluta.) Tem-

Temperata & commixta. *Præterea.*) Docet nūc alterum *Sabucus.*
 contra fellis uomitum componere medicamētum, quod *Ebulus.*
 constat ex teneris sabuci uel ebuli caulibus & folijs de-
 coctis, sale & oleo: quorum omnium uis est idonea ad bi-
 lem deſciendam. Siquidem de sabuco ſiue ebulo ſic tra-
 dit Dioſcorides libro 4. Eadem ſabuco & ebulo uis eſt, ſic
 cant, adſtringunt, refrigerantꝑ, & aquam ex corpore pel-
 lunt. Item, purgant pituitam et bilem elixa olerum modo
 utriuſqꝫ folia. Quin etiam teneri adhuc caules in fiſtili eli-
 xi eadem præſtant. Et Plinius libro 24. cap. 8. Foliorū mol-
 liſſima, inquit, ex oleo & ſale edūtur ad pituitam bilemꝑ
 detrahendam: ad omnia efficacior quę minor. Sal item &
 oleum ambo calfaciunt & aluum molliunt, iſdem Pli-
 nio & Dioſcoride autoribus. *Caules.*) Stipites, ramulos
 et germinationes. Verum caules proprie in ſingulis plan-
 tis ceu in lactucis, betis & ſimilibus, ſunt ſingulares, &
 ante floris ac ſeminis ortum ſurgunt. Is enim in pluribus
 naturæ ordo eſt, ut antequam ſlos & ſemen prodeant, pri-
 us caulis proferatur, imò proferri oportet. Ramuli uero *Ramuli.*
 & frutices in frutiſoſo genere, quale eſt abſintium, ruta, *Frutices.*
 ſerpillus et ſimilia, ſunt conſerti et plures qui ab uno prin-
 cipio oriuntur & eadem ſerè altitudine inter ſe creſcunt.
Prondet.) Cum iam frondere incipit & folia naſcuntur &
 teneritatem adhuc habet. *Parua.*) Minor, quę ebulus eſt
 et ad omnia efficacior, autore Plinio. *Olium.*) Oleum oli-
 uarum. *Horrida.*) Aſpera & mordicantia, naturæꝑ ini-
 mica. *Purgas.*) Per aluum deſcis & expellis. Eſt aut pur-
 gatio proprie humorum qualitate ſua peccantium, ut tra-
 dit Galenus: quamuis etiam pro euacuatione, quæ om-
 niū eſt humorū quantitate peccantiū, aliquādo accipiat.

Proſunt & pelagi latīces, quos pondere iuſto,
 Dulcibus affocias lymphis melliꝑ liquenti.
 Et niueus prodeſt ex ubere ſuccus aſellæ
 Si tepido uinum infundas ac mella pīperꝑ.

- Thalassomel.** Profunt ~~ex~~ pel) Hoc tertium est contra fellis uomitum me-
dicamentum, quod Thalassomel uocant, de quo sic scri-
bit libr. s. Dioscorides: Creditur thalassomel hoc egregie
purgare. Conficitur mellis, cælestis aquæ, marisq; æquis
portionibus per columi traiectis & in picato uase per car-
nis æstum insolatis. Sunt qui decoctæ maris aquæ parti-
bus duabus unam mellis miscentes in dolia diffundunt.
- Aqua marina.** Estq; hoc ad purgandū marina aqua leni⁹ & mitius, hæc
enim quamuis bilem & pituitam trahat, acris tamen &
stomacho noxia est. Vnde Plinius etiam ait, Aqua maris
bibitur quoque, quamuis non sine iniuria stomachi, ad
purganda corpora. De thalassomelle uero sic pronun-
ciat: Prodest ad purgationes, maxime sine stomachi ue-
xatione & sapore grato & odore. Pelagilatices.) Aqua ma-
rina. Pelagus enim mare est, Latex uero aqua. Pondere iu-
sto.) Aequis portionib⁹. Dulcibus lym.) Aquæ dulci, sua-
ui & in potu amabili, maxime autem cælesti, de qua di-
ctum est supra. Liqueti.) Liquido, defecato, puro sine for-
dibus. Vergilius: Dulcia mella premes, nectantum dul-
cia, quantum Et liquida, et durum Bacchi domitura sapo-
rem. Et niueus ex ubere succus.) Lac quod succus est & li-
quor candidus ut nix ex ubere extractus. Docet autem
nunc quartum ac ultimum contra fellis uomitum per in-
ferna purgans medicamentum, quod ex lacte asinino,
melle, uino, pipereq; mixtis conficitur: quæ omnia uel
per se sumpta molliunt aluum: quod & autorum com-
probatur testimonijs. Et primo de lacte sic tradit Dioσκο-
rides: Habet communiter omne lac saporis & succi bo-
nitatem, idem egregie nutrit, aluū tamen molliat. Et Auer-
rois, Lac, inquit, dulce quod est boni saporis in quantum
est medicina, ualet cōtra discursum humorum acutorum
mordentium, quia lauando membra, & adhærendo eis
prohibet malorum humorum contagium. Et composi-
tum est ex substantijs diuersis, quarum propter aqueam,
ut omitamus acream & terrestrem, quæ ad subtilitatem ali-

aliquantulū declinat, abstergit naturam, & nō solum abstergit, uerum etiam laxat uentrem bona laxatione, quia mundificat lauando superfluitates putridas. Mel etiam, præsertim crudum, aluum prorit, ut scribit Dioscorides. Vinum item maxime album, mollit aluum. De pipe re dictum est capite priori. *Afelle.*) Afina: in lactis enim genere, ut Dioscorides tradit, inter cætera quæ aluum magis soluunt, est asinum quoq;.

Lac asinum.

At uomitum radix narcissi pota mouebit.

At uomitum.) Hucusq; Serenus sellis siue bilis uomitum per alui deiectionem medicari docuit, nunc uero eidem per uomitionem succurrere docet, id autē quoniam uentris os petit humor. Nam nisi id sit, uomitio, uti Galenus therapeutices libro 11. tradit, prouocanda non est. Et ideo quoq; ut naturæ feratur auxilium, iuxta Hippocratis consilium, qui aphorismorum lib. 1. sic ait, Quæ ducere oportet, quo maxime natura uergit per loca cōferentia, eo ducere. Quippe natura operans, medicus uero minister solum, qui in artis operibus illam recte operantem imitari debet, idoneum eius adiuuando motum, qualis est qui ad principantia membra non mouetur, quiq; confert & leuiter fertur: unde iterum Hippocrates inquit, In perturbationibus uentris, & uomitibus spontinis, si talia purgentur, qualia purgari oportet, confert, & leuiter ferunt. Sin minus, contra. Nam qui contrario modo se habet, non modo non utilis est, sed & maxime noxius, nec talis quidem iuuandus, sed prohibendus est & auertendus. *Radix.*) Hæc enim pars eius est quæ præcipuum in medicina usum præstat, ut testantur medici. Hinc Auicenna libro 2. Vomitus citat radix eius sicut est comesta aut succus eius epotus. Et Dioscorides libro 4. Radix, inquit, uomitiones cit elixatum in cibo sumpta aut pota. *Narcissi.*) Narcissus si non est lilium, certelilio tamen congener est aut saltem similis: quod uel hinc colligi potest, quod qui-

Vomitum quando prouocandum.

Narcissus.

dam lirion etiam uocant, ceu Theophrastus qui de plantarum historia lib. 4. sic ait: Narcissus autem aut lirion. Sunt enim qui hoc & qui illo nomine apellent. Liliū autē à Græcis lirion dici solitum testatur Dioscorides cum ait, Quidam etiam hunc nō minus quā liliū lirion uocāt. Et hinc etiam uideri potest ex Græcorum lirio suum fecit selilium Latinos, una mutata litera, utpote r. in l. Dictus autē est Græcis Narcissus, non à fabuloso puero ut poētę finxerunt, sed quoniam dolores & torpidas capitis grauitates faciat, à narce, qua uoce Græci torporem intelligunt. Et huius deductionis uocabuli testis est etiam Plin. libro 21. capite 19. Et Plutarchus symposij commentario 5. cap. 1. hijs uerbis: Et narcissum appellauerūt quasi neros hebetantem & torpidas facientem grauitates. Quapropter & Sophocles magnorum deorum, id est subterranearum coronamentum eum uocauit, quod scilicet defuncti & morte torpidi torpido flore merito coronarentur. Amplius uocatur à quibusdam bulbus uomitorius, nō quia idem sit bulbo uomitorio, de quo secundo libro agit Dioscorides, sed quia bulbosę radice est & uomitorius ut ille, quem usum præcipuum habet in medicina. Cæterum habet narcissus, ut Dioscorides tradit, folia porracea, multo tamen tenuiora minoraq; et angustiora, caulem concauum sine folijs altitudine supra dodrantem, in quo candidus flos est in medio croceus, in aliquibus autē purpurę aspectu. Radix illi intus candida, rotunda, bulbosaq;. Semen ceu in membrana clausum, nigrum & oblongum. Nascitur probatissimus montanis locis, grato odore. Reliquum genus porraceū & herbę halitum ex se mittit. Verū quæ Plinius & Theophrastus de hoc tradunt, & ut Dioscoridi respondeant, breui tatis causa nunc omittuntur, quæ tamen copiosius tractat in annotationibus suis super Dioscoridem Marcus Vergilius Florentinus.

Bulbus uomitorius.

Si uero phthisis annoso sedet improba morbo,
 Intritas uino cochleas hausisse iuuabit.
 Proderit atq; adipis ueteris pila sumpta suillt.
 Carne asinæ, seuoq; capræ medicina salubris.

Phthisis improba.) Ponit nunc autor ad phthisin remedia.
 Dicitur autem phthisis improba, quasi magna et pessima
 longeque periculosissima & quasi incurabilis, maxime
 cum inueterauerit: tunc enim, ut Celsus ait, non facile e-
 uincitur, quare inter initia protinus occurrere necessa-
 rium est. *Annoſo morbo.*) Hoc est, tabe & consumptione
 diuturna, quæq; longo tempore durauit. *Sedet.*) Hæret,
 habitat, fixa & consuetudinaria facta est. *Intritas.*) Inſer-
 tas & commixtas. *Vino.*) Propter faciliorem in uniuer-
 sum corpus penetrationem, quam uinum præstat, & etiã
 quia confortat. *Cochleas.*) Cochleæ quamuis difficiles
 sint coctu, stomacho tamen accommodatæ sunt, multiq;
 ac copiosi nutriti, propter quod tabidis ac phthificis
 utilissimæ, præsentique sunt remedio, præsertim exsudatus
 igne succus: hæcque medicina plurimum ætas nostra uti-
 tur. *Adipis suilli.*) Huius medicinæ sic meminit Plinius
 libro 28. cap. 9. Axungia uetus etiam phthisin in pilulis
 sumpta sanat, quæ sale inueterata est. Et eiusdem libri ca.
 10. hijs uerbis, Phthificis medetur macræ suis scæminæ
 herbis pastæ lardum. *Pila.*) Pilula, orbiculus ac globu-
 lus. *Carne asinæ.*) Sic Plinius lib. iam memorato, Phthi-
 ficis medentur carnes asininæ ex iure sumptæ. *Seuo capræ.*)
 Per seuum, esculentū adipis ius intelligit, de quo sic tra-
 dit Dioscorides: Utile præterea tabidis in sorbitione escu-
 lentū adipū ius est, loquitur aut de adipe caprino. Porro
 Plin. lib. paulo ante dicto, de hoc sic scribit: Capræ seuo
 in pulte halicacia & phthisin & tussim sanari tradunt.

Vinum.

Cochleæ.

Adeps suillus.

Caro asinæ.
Adeps ca-
prinus.

MAMMIS SANANDIS VEL STRINGENDIS.

CAPVT XIX.

VERA foecundo multum lactantia succo
Sæpe sibi noxa nimium manando fuerunt,
Fece igitur ualida durî reprimentur aceti.

*Mammarius
mala.*



MAMMIS.) Vberibus male affectis, cuius-
modi sunt quæ dolent, tument, indurantur,
exulcerantur, inflammantur, ultra modum
excreſcunt & propendulæ fiunt, aut nimis exi-
les ſunt, ſimiliter quæ lactis copia abundant & illud con-
tinere non ualentes ſuperflue manant, aut eius defectu
conſtringuntur & lactare non poſſunt. Cæterum à mam-
ma fit diminutiuum mamilla, & mammoſa ſiue mamme-
ata mulier dicitur quæ magna habet ubera. Plautus, Cu-
ius amicam mameatam uidimus: à mamilla uero fit ma-
millare, quod amicali genus eſt quo mulieres ubera te-
gunt ſiue mammæ. Vbi illud ſciendum, non ſemper
obſeruari proprietatē hanc quā Caper tradit, cum ait:
Mammæ eſſe hominis ſcito, at pecudis ubera: nec eam
Serenus hoc capite obſeruat. Sunt autē mamillæ mu-
lieribus datæ lactis cauſa, ut illo donec ad ſolidioris cibi
coctionem idoneus ſit infans enutriatur. Viris uero tum
decoris tum propter laxam earum carnem euaporatio-
nis cuiuſdam gratia conceſſæ ſunt. Verum mammarum
capitula ſiue apices papillæ uocantur, eo quod papula-
rum, quæ puſtulæ ſunt, ſimiles exiſtant: quamuis etiam
pro mammis iſtis aliquando accipiantur. *Sanandis.*) Cu-
randis, & per hoc ad mammarum paſſiones et morbos ſe-
reſert. *Stringendis.*) Conſtringendis, reprimendis, coar-
tandis & colligendis hijs quæ ſparſæ ſunt atq; diffuſæ: &
per hoc ſe reſert tū ad lactis exundantiā & fluorem, tum
&

*Mamilla.
Mammoſa.
Mammeata.
Mamillare.*

Vbera.

*Mammillarum
cauſa.*

Papillæ.

et potissimū ad m̃amas excreſcētes atq; propendētes, doloris interim nō obliuiscēdo, qui ad omniū quasi pręſentiā, uel ipse pręſto est: quāuis nonnunquā citra omnem dolorem aut aliam malam affectionem magnę et propendulę fiant. *Vbera fœc.*) Docet primo mederi mammis quę lactis sui sunt impatientes, hoc est, quę lactis copia abundant & idem propter superantiā à fluore continere non possunt, quibus tumor & inflammatio, dolor item & alia praua accidētia nonnunquā iungūtur. *Fœ:undo.*) Vberi & superfluente. *Lactantia.*) Lactē manantia. *Lactans.* Lactans enim dicitur quod lac reddit & prębet: *Lactens.* Lactens uero cui prębetur & quod lac sugit. *Succo.*) Lactē, quod naturaliter & suo tempore in hīs quę utero gerunt, generatur ex sanguine qui ad m̃amas fertur, & deinde ab adenibus qui inibi sunt in lac transmutatur. Quēadmodum enim in alijs animalis partibus, autore Galeno, uirtus est alteratiua per quam assimilant alimentū sibi ipsi: sic etiam in mammis sunt adenes qui uim habent id quod ad eos influit alterandi. Cum ergo natura sint exangues & albi, proprium efficiunt humorem, talem qualis est lac, quando plus alimenti defertur ad ipsos: quod fit communiter et proprie in hīs quę utero gerunt, nec quidem in primis in quibus naturaliter non generatur, sed octauo & nono mense conceptionis quando abundanter oppletę sunt uenę communes quę à mammis pertingunt ad uterum, quę etiam magis implentur quando minimum absumit fœtas propter imbecillitatem suam. Cum itaq; ad fœtus nutritionem ordinatum lac superabundat, mamas intumescere facit, & intus contineri non potest, sed omnino effluit & aliter uarie afficit, mammisq; noxium est. Cæterum colligitur aliquando lac in hīs quę utero non gerunt, nec unquam pepererunt, quando uidelicet ad similem peruenerint uenę repletionem ex menstruorum retentione, uti testatur Hippocrates libro 1. aphorismorum hīs uerbis, Si mulier quę neq; grauida est, neq;

An lac in uir-
ris generari
possit.

peperit; lac habet, huic menstrua defecerunt. Cōuertitur enim materia, ut inquit Auicenna duodecima textij. cap. tertio, quæ non inuenit uirtutem expellentem per matricem propter paruitatem ipsius, & peruenit in ubere & fit lac. Quod autem subiungit, Et quandoq; aggregatur lac in corporibus uirorum & proprie in puberibus, ita ut rotundentur mamillæ ipsorum. Hoc non intelligendum est, ut expositor eius dicit Gentilis, de lacte proprie sumpto & in nutritionem fœtus ordinato, sed de substantia quadam dealbata in mamillis, & hoc modo lac in uiris præsertim carnosus generari posse confirmat. Et adducit etiam aliud Auicennæ dictum, ex libro 3. de animalibus cap. 3. ut dicit, Et uiri emittūt ex mamillis suis lac, & si continue de suis mamillis exprimeretur lac, abundaret multum in eis. Et de quodam recitat masculo qui habuit lac, de quo factus est caseus. Et idem testatur scribere Aristotelem libro 3. de historijs animalium cap. 20. Quæ si uera sint alijs consideranda relinquo. Noxæ.) Nocumento et damno, hoc est noxam & perniciem adferentia. Quod autem lactis copia & fluor nimius incommodo sint & nocumento, id uel Auicennæ testimonio comprobatur, qui Canonis libro 3. sen 12. cap. 3. sic ait, Lac quando superfluit, nocet & apostemat & affert etiam ægritudines. Nimium.) Nimis & superflue. Nimium enim & excessum & superantiam significat, ab eo quod est nimis, quamuis nonnūquam amplitudinem rei quoq; significet & idem sit quod ualde, ut, O nimiū dilecte deo. Ecce aceti.) Quæ admodum uini sic & aceti sedimentum, sex dicitur, cuius in medicina usus est, homini aliās inutiles. Vis eius & natura, ut Dioscorides tradit libro 3. ualidissime adurere, exterere, ad cicatricem perducere, adstringere & ficcare. Utendum autem recente est & cruda: hæc enim est quæ per se tumores reprimat, & quæ contra lactis copiam, eiusq; impatientes mammas ex aceto inungitur, oportet autem ut sex sit aceti quæ acriore uis est & intensiore: quod Plinius

Noxæ.

Nimium.

Sex aceti.

nus

nus etiam comprobatur libro 11. cap. 1. his uerbis, Fex aceti
mammias lactis sui impatientes extinguit. Quod si aceti
fex non habetur, accipiat eam quæ uini est, & ex aceto, ut
Dioscorides docet, inungatur. Cæterum Auicenna Ca-
nonis lib. 1. contra papillarū ex sanguinis constrictione
inflammationem, utilem tradit, dum inquit: Fex nō adu-
sta extinguit inflammationem capitis mamillarum in
quo constrictus est sanguis. Non solum enim lac in ma-
millis aliquando abundat, sed & sanguis ex quo lac gene-
ratur, qui propter multitudinem suam aliquādo corrup-
pitur & ad lactis naturam non bene alteratur, sed mul-
tus existens obtinet uestigium sanguinis: propter quod
etiam Canonis lib. 1. sen 1. cap. 1. idem Auicenna inquit,
Et multitudo fortitudinis eius non elongatur, quin sit
ideo quod sanguis propter uehementiam multitudinis
sue inobedit operationi naturæ, quare non patitur ab ea
& accidit naturæ defectus in conuertendo illum propter
coartationem quam fecit ipsi. Aliquando uero colligitur
in mammis sanguis qui non solum non bene mutatur in
lac, sed omnino intransmutabilis manet: quod cum acci-
dit, malo est. Nam, ut Hippocrates tradit libro 7. aphori-
smorum, quibuscunq; mulieribus ad mammas sanguis
colligitur, furorem significat. Quod tamen accidisse, Ga-
lenus se nunquam uidisse testatur, & si quando eueniat,
ex his esse, quæ raro eueniunt.

Post partum tumidas iniuste assurgere mammas
Interdum aspicias, harum mala commemoratur
Murinus fimus ex pluuio sedare liquore.
Sin autem penitus clausas dolor angit acerbus,
Lumbricis terræ turgentes unge corymbos.

Post partum tumidas. Hoc est, post editum in has uirales au-
ras scetum, ob lactis copiam & redundantiam tumentes
& grauatas atq; obscuratas. Prius mammis lac intra se con-

MAMMIS SANAND. VEL STRIN.

tinere non ualentibus, citra tumoris et aliorum acciden-
tium partusq; mentionem mederi docuit, nūc uero hijs
quæ post partum tument, citra fluoris mētionem, quam
uis & hijs quoq; fluor iūctus esse possit, quemadmodum
& prioribus tumor & alia. Solent autem à partu nonnun-
quam ob maiorem lactis impetū, eius copiam ferre non

Mammæ *μαρ* ualentes mammæ tumere ac inflammari, quales *μαργω*
γώντες. τας Græci uocant, ceu quæ in grumos densato ac concre-
χονδριώντες. το lacte indurantur *χονδριώντες* ab eisdem appellantur,
(iniuste.) Plus iusto ac æquo & ultra modum conuenien-
tem. *Assurgere.*) In tumorem eleuari & intumescere.

Stercus muris. *Murinus finus.*) Idem medicamentum ponit Kirannus, nisi
quod non pluuiam sed simpliciter aquam accipit, sicin-
quiens, Stercus muris cum aqua dissolutum & inūctum,
dolorem, duriciem & tumorem uberum perfecte dissol-
uit. Siquidem omne finium calefacit, ficit & discutit.
Pluuio liq.) Aqua pluuiatili, quæ si haberi non potest, acci-
piatur aqua simplex. *Sin autem.*) Hoc est, sed si, uel, si ue-

Sin. ro. Et non significat, si non, quasi in sin includatur nega-
tio. Docet autem nunc medicari mammis quæ lactis
copiam non ferentes, idem intra se in grumos coagulār,
unde & meatuum papillarum obstructio accidit, nec red-
dere ualentes lac mammæ turgent, dolent atq; duriciæ af-
ficiuntur, quales paulo ante *χονδριώντες* à Græcis appel-
lari diximus. *Penitus.*) Omnino et totaliter. *Clausas.*) Ob-
structas mamillas & lac propter coagulationem & mea-
tuum obstructionem reddere non ualentes. *Angit.*) Ex-
cruciat & dolore afficit. *Lumbrici terre.*) Vermibus terre

Lumbrici.
Vermes ter-
reni. nis. Lumbrici à lubricitate dicti, terreni uero ad differen-
γῆς ἔντεσθ. tiam eorum qui aluum occupant & proprie lumbrici di-
cuntur. Græci *γῆς ἔντεσθ*, hoc est, terræ intestina nuncu-
pant, eo quod in terra generātur et in ea quasi immobiles
uiuunt, quiq; aliorum animalium modo non incedunt, sed
in seipsis & circa seipsos quodam modo mouentur. Quo-
rum teres & pedalis allquando longitudo: qui si digitis
pre

premanur, instar fimis terrestres ex animali progredientis, intestinorum imaginem faciunt. Et hæc nominum apud Græcos & Latinos quantum ad natales, formam, naturamq; causa. Verum quod ad medicinā attinet, profunt huiusmodi lumbrici terrestres mammarum dolori, duricie & obstructioni. Sunt enim inter frigus & calorem adurentem qualitatis temperatæ, solentq; affectis membris inuncti, dolores lenire ac mitigare, duricies mollire, & obstructiones meatuum adaperire. Oportet autem ipsos prius purgari ac coqui in oleo, modo qui dictus est supra cap. 4. aut tostorum cinerem oleo misceri, & deinde oleo illo membra inungi affecta. *Turgentes.*) Propter materię exuperantiam tumentes, affligentes & agitantes nec loco quiescere permittentes. Est autem transumptum uocabulum ab animalibus ad coitum concitatis quemadmodum enim illa loco stare non possunt, quodam modo titillantia, & impulsæ, concitataq; à passione, sic & materię copia atq; humores superfluentes plerūq; in motu uehementiore atq; transfluxu ab una parte ad aliam, in morbis hominem infestant mouentes & quiescere non permittentes, propter quod & medicamenta quæ noxia pelant ac morbum curent, adhibere cogunt. *Corymbos.*) *Corymbi.* Mammarum summitates, quæ & papillæ dicuntur. Possunt autem & omnia summa, corymba dici. Vnde & hedera racemus in orbem circumactus, corymbus dicitur.

Si castigatas studium est præstare mamillas
Ex hedere sertis ambas redimire memento
Protinus & raptas fumis mandare coronas.

Si castigatas.) Docet nunc emendare mammas iusto maiores et propendulas, quales etiam pannosas, pannuceasq; uocant, hoc est, rugosas & aranearum telis similes: tales enim corrigere & minores horridulasq; efficere conuenit, quo æquæ magnitudini restitutæ, ornatiores, magis

Castigatum. decoræ, & honestiores existant. Castigatum enim dicitur quod correctum & emendatum est, quasi probum castum & honestum. *Studium.*) Conatus, intentio & uoluntas. *Præstare.*) Reddere, efficere. *Hedera serpis.*) Dioscorides, Natura omnium hederarum in medicina acris est & astringens: & per hoc contrariarum uirtutum esse intelliguntur. Nani acrodo quæ gustu sentit, caliditatem adstrictio uero frigiditatem indicat, ut tradit Gal. Quibus uirtutibus calore scilicet desiccante & adstrictione coadunante, mamas magnas & propedulas flaccidasque colligit & minores horridulasque efficit circūdata hedera, stantes uero ne inclinent aut propendeant, seruat. Oportet autem ipsam quam primū deponitur cōcremare, uti docet Ser. Sed hoc superstitionē sapit. Quid enī refert siue cōcremetur siue nō postquā deposita est & effectum suū produxit Nisi quis cōcremationē illā cōreferre uoluerit (qd tamen ex litera nō colligitur) ut per illam post circūdationē suffumigarentur mamillæ: & hoc rationi magis consentaneum esset, quàm ut solum citra mamillarum suffumigationē quomodolibet cremaret. Porro meo iudicio maioris fuerit efficacitæ si contusa hedera cum succo suo mammis imponeretur, & alligaretur, donec uim suā exercuerit. *Serpis.*) Coronis à serpēdo sic dictis, hoc est, à contexendo & ordinando, quæ ab initio ex floribus & frondibus inuicē digestis, ordinatis & cōnexis fieri solebāt. *Red-mire.*) Ornare, coronare, circūdare & circūponere. *Raptas.*) Reuulsas, depositas. *Fumis mandare.*) Igni tradere & concremare.

Anseris aut seuum pariter cum lacte tepenti,
Aut ouū impositum tulerit quod garrula perdix,
Præterea pluuio decocta papauera rore
Hærebunt multis post dissoluenda diebus.

Adeps anserinus.

Anseris aut seuum.) Ponit nunc medicamen quod mammis prodest, quæ ob lactis exundantiam & coagulationem intumescunt, durantur & magnæ efficiuntur. Adeps enim dura

dura emolliendo, densa rarefaciēdo & attenuando & collecta discutiendo, lactis superantiam minuit, coagulatio-
nem dissoluit, quorū causa & tumor discedit & duricies
emollitur, unde tandem molles, rariores, inanes & pro-
pendulæ fierent mamillæ: quod tamen ne accidat, lac effi-
cit, quod ultra dictas iam uirtutes, exundantia absumit, Lac.
& diffusa, sparsaēq; coadunat & adstringit. Porro inter
adipes cōuenientior est anserinus, qui maiorem alijs te-
nuitatem habet & altius descendit. Lac uero medicatius Lac.
est bubulum, quod etiam coctum esse oportet, ut quod
tenuē & serosum est in eo absumatur. Coquitur autem
aut ignitos calculos in ipso extingūdo, aut lento igne &
continuo lactis motu, donec crassius & dulcius euaserit
quā anteā crudum fuerat, ubi id etiam summo opere ca-
uendum est ne uel exuratur seu caseus fiat & coaguletur,
Aut ouum imposit.) Oua temperatæ sunt qualitatis, humano
tamen temperamento nonnihil frigidiora. Siccant hu-
mecta, coadunant & colligunt sparsa, diffusa & laxa, col-
lecta uero & adunata ne se inclinent aut laxentur prohi-
bent & in sua consistentia cōseruant: unde māmīs emen-
dandis imposita sunt idonea, præsertim perdicum oua,
quæ singularē quandam præ cæteris proprietatem & uir-
tutē huic effectui producendo idoneā habent. Accipien-
dū aut luteū cum albumine & imponendum, aut putamē
ipsum quod arefaciēdo maioris efficaciz est siue crudum
siue ustum adplicetur. Verum quia aridum est, ideo molli
cuiuspiam rei, quo melius impositum adherere possit, com-
miscendū. Sic crudi puluere cū cera utitur Kirannus cum
ait, Testæ ouorū perdicis tritæ & cum cera citrina & cad-
mia ualde commixtæ & inunctæ, mamillas laxas & ca-
dentes erigunt. Plinius uero libro 30. cap. 4. usti cinerem
commendat his uerbis: Ouorum perdicis putaminum
cinis cadmię mixtus cerę stantes mammas seruat. Putant
& ter circumdatam ouo perdicis non inclinari. *Tulerit.*)
Protulerit, produxerit, ediderit. *Garrula perdix.* Docilem *Perdix garrula*

Oua perdicis

P. T

uidetur intelligere perdicem & quæ humano sermoni enun-
 cians sit apta: quemadmodum Papinius etiam syl-
 uarum libro 2. in Psittaco Melioris, eandem inter doctas
 connumerat aues, & quibus nobile fandi ius natura de-
 dit, cum ait: Quicquid refert iungēs iterata uocabula perdix.
 Hanc etiam loquendi docilitatē in perdice comprobant,
 ni fallor, Plutarchus in sympotiacis, & Athenæus in di-
 pnosophistis. Ceterum quæ sit nostra ætate auis, perdix,
 ambigunt aliqui. Nam Papinium olim enarrans præcep-
 tor meus omnigenæ doctrinæ eruditissimus Hierony-
 mus Aleander, dicebat, Quoniam loquacitatē in ea aue
 quam nunc perdicem dicimus, non est inuenire, per eam
 intelligere uidetur Papinus auem quam coturnicem ap-
 pellamus. Et Marcellus Virgilius super Dioscoridem, de
 perdice, inquit, Nō satis compertū nobis est quo nomine
 nostra ætate indicetur hæc auis, tam multiplex diuersis
 locis earum auium genus & seminium est. *Papauera.*) Dio-
 scorides, communis refrigerandi uis omnibus est papa-
 uerum generibus, ualentque contra inflammationes & de-
 stillationes tum folia tum uascula & semina, idque ui refri-
 gerante, crassescente, ficcante & adstringente. Vnde cum
 mamillæ ob calorem superantem lacte exundant & intum-
 mescent ac dolent, confert eis ex papauere & pluuiatili
 aqua impositum emplastrum. Calorem enim restinguit,
 lac deficcatur, tumorem comprimit & laxa adunat, dolo-
 remque arcet. Quod si quis dicat autoritate Auicennæ, pa-
 paueris semen lac augere & ideo non deficcare, huic re-
 spondetur quod hoc agit intus sumptum & per opera-
 tionem à materia, non autē extra applicatum nec à qua-
 litate manifesta. *Pluuiorore.*) Aqua pluuiatili quæ cæteris
 tenuioris est substantiæ. Ros proprie, ut inquit Apuleius
 in libro de mundo, nocturnus humor est quem serenitas
 tenuiter spargit. Porro cum adiuncto, humorem sig-
 nificat adiuncti. Fit autem à rore rorulentus & rosceus
 hoc est rore conspersus. *Hærebunt.*) Imposita mane-
 bunt

Papauer.

Ros.

Rorulentus.

Rosceus.

bunt. *Multis.*) Nō uno, sed plurib⁹, ut duobus aut tribus aut quatuor, donec effectū suū compleuerint. Si enim cito amouerentur, effectum intentum producere non quirent, quare lōgiore mora ad id opus est. *Dissoluenda.*) Deponenda, amouēda. *Post.*) Postea. Præpositiones enim postpositæ, aut metri causa etiam præpositæ, si casum mutant, significationem suam & uim nominis & legem propriam non habent sed Aduerbia fiunt. Autor Donatus, Seruius.

Præpositiones.

Vis & Phœbigenæ cælestia sumere dona
Vbera cum tetrīs laniata doloribus urgent,
Nauis ramentū, & quæ nomine prassion herba est,
Et quæ uulgari sermone Insana uocatur.
Græcus hyoscyamon propria scit dicere lingua,
Necnon & calami radix, lapathiq^{ue} legumen,
Mixa dabunt miras, experto crede, medelas.

Vis & Phœbigenæ.) Aesculapij Phœbogeniti et in deorum numerum relati. Sic supra, cap. 12. Vis & Phœbigenæ diuinam discere curam. Tradit autem nunc medicamentum ultimum mammis sanandis conueniens & utile, præsertim hīs quæ tument, inflammationem patiuntur & exulcerantur, quibus malis & dolor comes est nō minimus, maxime ubi serpentina & exedentia fuerint ulcera. Componitur autem varijs ex rebus, quarū prima est nauium derafa pix, quæ pus & saniem, omnemq^{ue} sordiciem in ulceribus siccāt, discuit & euanescere facit. Optima hæc, ut Plinius libr. 24. cap. 7. ait, à tyrocinio nauium: additur autem in malagmata ad discutiendas collectiones. Secunda est marrubium, quod, ut Apuleius tradit, contra duricias efficax est. Inquit enim sic, Ad omnem duriciā, herba marrubium tinsa cum axungia & imposita, mire sanat. Idem et præsertim folia eius tantum ex melle illita sordida purgant ulcera, cohibent et quæ serpendo pascunt, ut autor est Diosco. qui & de Apollinari siue hyoscyamo

Pix naualis.

Marrubium.

Hyoscyamus.

etiam tradit quod seaten eius inammis à patrũ tũmentibus tritum & ex uino emplastrũ modo impositum cõfert. Et paulo post, Recentia itidem folia emplastrũ modo imposita, omnium aliorum remedium efficacissime dolores omnes arcent. Calamus item & Lapathon purgandi atq; discutiendi uires habent. Ex hñs itaq; simul mixtis medicamentum efficitur quod mamillarum tumorem et inflammationem discutit et restinguit, serpentina cohibet, pus & saniem, sordesq; purgat atq; dolores sedat, sanitatemq; restituit, uti se expertum testatur Serenus, quare illi confidendum audentius. *Laniata.*) Lacerata, exasperata & exulcerata. *Vrgent.*) Molestant, & excruciant. *Naui ramentum.*) Hic corruptus fuit textus & pro naui male nã bis legebatur. Est autem naui ramentum, quã Zopissam uocant, hoc est, ut Dioscorides libro i. ait, derafa nauigñs cũ cera resina, & à plerisq; hypochyma appellatur, quod marino sale maduerit discutiendi uires habens. Plinius item Zopissa, inquit, eraditur nauibus cera marino sale macerata. Porrò ramentum à radendo dicitur, quasi rasa, & est id quod derafo ligno uel re alia decidit, hoc est, re cuiusq; rei particula derafa. *Nomine.*) Scilicet Græco, Latini enim marrubium dicũt. *Est.*) Id est, uocatur. *Prassion.*) Quã Græci πρᾶσιον uocant, Latini marrubiũ dicunt. *Vulgari sermone.*) Nomine communi, à uulgoq; trito & usitato scilicet Latino. *Insana.*) Ab effectu quo in saniam facit. Pota enim aut in cibo sumpta ebrietati similem amẽtiam facit, ut Dioscorides tradit, Apuleius & Paladius symphoniacam uocant. Macer autem Caniculatam, ubi mutatis literis paucis legendum potius cenfeo calicularem, quemadmodum etiam legitur apud Apuleium, qui Pilisam quoq; uocari scribit. Insignitur & alijs nominibus, quæ copiose satis refert Apuleius. Et quamuis herba sit uulgaris & omnibus nota, nihilominus tamen paucis describitur. Est autẽ frutex crassis coliculis, folijs latis, oblõgis, incisis, colore nigris & hirsutis, habetq; per

Calamus.
Lapathon.

Naui ramentum.
Zopissa.

Prassium.
Marrubium.
Herba insana.

Symphonica.

Calicularis.
Pilis.

per caules deinceps flores punice cytinorum figura cli-
peolis in medio obstrufos, femine ceu papaueris plenos.
Plura eius genera. Vnum flore purpureo, femine nigro.
Alterū flore luteo, femine subflauo: infantiā ambo gignen-
tia, infelicis in usu euentus. Tertium flore & femine albo,
utile, & ad medicinam placidiffimum. Nascitur in mariti-
mis hoc & inter ruinas & rudera. Quod si hoc uti non li-
cebit, utendum eo quod lutei feminis est. Nigrum quod
omnium pessimum ex omni usu abdicandum. Colligitur
ex tenero semine folijsq̃ & coliculis succus, in quē usum
tundūtur omnia, expressusq̃ in sole siccatur succus. Vfus
eius ad annum tantum, facile enim putrescit. Colligitur
priuatim etiam succus ex semine iam sicco, adfusa cū tun-
ditur calida aqua & expressus. Est aut sic expressus succus
priorē illo innocentior: autor Diosco. Cæterum semini
eius, ut Plinius tradit, natura uini, ideoq̃ mētem caputq̃
infestans. Vfus feminis & per se & succo expresso: expri-
mitur separatim, & caulibus folijsq̃ utuntur, & radice te-
meraria in totum (ut arbitror) medicinæ. Quippe etiā fo-
lijs constat mentem corrumpi, si plura quā quatuor bi-
bantur. Hæc Plin. *Hyoscyamus*). Id est, fabam porcinam,
vgenim suem, κνέουος uerō fabam significat. Sic dicta à ma-
leficio eius, eo quod pastu eius, ut autor est in historia sua
Helianus, cōuellantur sues præsentī mortis periculo, nisi
copiosa aqua statim se foris & intus proluerint. *Calami*.
Harundinis, Cuius uariæ sunt differentiæ. Quædā enim
nastos, id est, toto internodio concreta & plena uocatur,
ex qua sagittæ fiunt. Quædam contra semina appellatur,
ex qua tibis lingule conficiunt. Quædā itidem syringias
quasi fistularis dicta, cārnoſa, densis geniculis, scribendis
libris accommodata. Crassior quædam etiam & concaua
prope profluentes aquas nascens, quæ donax dicitur: ab
aliquibus autem cypria. Est & alia quā dallis sepibusq̃
utem phragmiten Græci, nos uallarem uel sepicularem
dicamus, gracilis, cādidaq̃, omnibus potissima, cuius ra-

*Hyoscyamus.**Calamus.**Harundo.*

Lapathon.
Rumex.

dix & folia tum aliarum partium tum mammarū inflammationibus medentur. Potestq; eadem quæ et Cypria dicitur, autore Dioscoride. *Lapathi.*) Lapathon, Romani rumicem dicunt. Plura eius genera, inter quæ oxy-lapathon quasi acuta rumex dicitur, palustribus locis nascens, duris & in cacumine acutis folijs. Est & hortensis huic omnino dissimilis. Est & tertia agrestis, brevis, plantagini similis, mollis & in terra iacens. Quarta postremo quam quidam ab aciditate saporis oxalida appellāt, sunt qui eandem etiam anaxyrida aut agrestem rumicem uocent, cuius folia tertio generi similia sunt. Eius caulis non adeo grandis est: semen acuminatū, colore rubro, sapore acri, quod in caule & adnatis nascitur. Est & quæ hippo-lapathos, id est, grādis rumex à Græcis dicitur. Nascitur in palustribus. Cunctarū uires eadem, autore Diosco. Di-
scutit aut lapathon omne, & a postemata mirifice aut spargit aut collectionē facit & aperit uulnus atq; per sanat impositum quasi malagma, uti testatur Apuleius, qui axungiam illi permiscet. *Legumen.*) Hoc est, semen seu euulsa cū semine et radicibus herba. A legendo appellata sunt legumina, quia ita legūtur, hoc est ē terra uellūtur, ceu faba, lens, cicer, linum: non autem subsecantur ceu triticū, far, ordeum & frumentorū reliqua. Cū enim duo prima frugū sint genera, frumenta & legumina, illa quidē subsecantur, hæc uero uelluntur: autor Plin. lib. 19, cap. 7. & 17.

Legumen.

REIECTIONIBVS CIBI

AUT SANGVINIS AB

stinendis.

CAPVT XX.

Si stomachus nondum concoctas expuit escas
Et magis atq; magis uitium reuomendo ualescit,
Allia cedemus, crebrumq; trahemus odorem.

Re

REIECTIONIBVS.) Reiectio, quæ & re Reiectio.
iectus dicitur, est rei per os expulsio: sic dicta à Reiectus.
uerbo reijcio, quod inter alias significationes Reijcio.
suas aliquando idem significat quod retro ia-
cio ac sursum & extra fero & expello. Vnde & quæ uomi-
tu eijciuntur reijci dicuntur. Plinius, Vini plusculum si à
ieiuno sumatur, deinde reijciatur. Idē, Et uernatio utilis
erit, si postquam sorpta fuerit, statim reiectio sequatur. Po-
test autem uariarum rerum esse huiusmodi reiectio & uo-
mitus, utpote, cibi, sanguinis, pituitæ, & aliorū corrupto-
rum exuperatiumq̃ humorum. Verum hoc capite Sere-
nus non omnibus horum mederi docet, sed illi tantum
quæ (ut ait) cibi est, non aliorum: nec tali semper, sed tan-
tum quæ superfluit & nocet. Accidit enim ut profit ali-
quando uomitus, magnoq̃ sit iuuamento, ubi rarus fue-
rit & moderatus. Vnde Auicenna Canonis libr. 3. fen. 13.
tract. 5. cap. 9. inquit: Et in administratione quidem uomi-
tus cum æqualitate est iuuamentum maximum. Celsus
item medicinæ lib. 1. Et reiectus cibi, ait, non erit inutilis,
si raro fiat. Et lib. 1. ca. 3. Solet etiam prodesse post uarium
cibum frequentesq̃ dilutas potiones uomitus. Fit aut̃ uo-
mitus cibi aut ob multitudinem & uarietatem suam, aut
satietatem nimiam, quæ ut Celsus lib. 1. cap. 3. ait, nunquā
utilis est, aut quia uis cōcoctrix est uitiata, aut stomachus
quomodolibet perperā affectus, ut alias interim causas
omittam. Cæterum dicuntur & ea quæ ex pectoralibus
efferūtur reijci, præsertim si sanguinis fuerit expulsio, de
quā in præsentia agitur capite: quod uel hinc (ne quis pro-
uomitione tantum accipi credat, quū sanguis etiā uomitu
aliquando eijciatur) patere potest, quod aperte Serenus
pectus nominat. Solet etenim à uarijs partibus per os ex-
pelli sanguis. Aliquando enim (ut inter medicos conue-
nit & autor est Gale. lib. de affect. locorum notitia 4. cap.
6.) è gula uentriculoq̃ uomitione expellitur, aliquādo ue-
ro ex spiritalibus partibus tussi, ex faucibus & gurguliōe

screatu, ex ore simplici expuitione. Vbi illud etiam diligenter animaduertendum est, quod quamuis ex spiritalibus instrumentis nihil sine tussi expui potest; quia tamē subito gutturi irruentia, tussim mouere possunt, ideo nō semper ex spiritalibus membris eiectionis sanguinis nota est tussis. Solet enim interdū à cerebro, ad gurgulionis partes internas quæ faucibus præpositæ sunt, affatim descendere et tussiedo educi sanguis. Sed huius certior nota est capitis uel dolor uel grauitas siue præsens siue præterita, aut capitis ictus percussusue. At de hoc nihil ad præsens, sed de eo tantum qui ex spiritalibus effertur: quod bifariam accidit, aut enim ex pulmone educitur, cuius indicium est quod cōfertim & plurimus, tum ruber tum feruens reijcitur, & maxime spumofus, quod efficacissimū signum est excretionis ex pulmone factæ: cuius testis etiā est aphorismorum lib. 5. Hippocrates inquit, Quicūq; spumofum sanguinē expuīt, hīs ē pulmoneeductio fit. Aut ex pectore & thoracis parte quapiam reijcitur: cuius nota est pectoris dolor & sanguis non confertim reiectus, nec multus, minusq; tum ruber tum calens, sed nigricās & grumosus. Suntq; uariæ huiusmodi reiectionum sanguinis species: de quibus Galenus therapeutices libro 5. & de locis affectis lib. 4. cap. 9. *Stomachus.*) Stomachum pro uentriculo accipit, in quo cibi recipiuntur & concoquuntur. *Esca nondum concoctas.*) Hoc est, nondū digestum, ut nunc loquimur, sed crudum adhuc cibum. *Vitium.*) Scilicet uomitio. *Reuomendo ualescit.*) Nō rarum sed frequentem uomitū indicat: qui non utilis ut rarus, sed noxius esse solet, teste Auicēna, qui decimatertia tertij, sic ait, Assiduatio eius maxime debilitat uirtutē stomachi, & facit ipsum lacunam superfluitatum. *Allia.*) Quamuis cibi reiectionibus allium comestum mederi possit, stomachum refrigeratum & humectum calfaciendo & desiccando, ac superflua excernendo: tamē quia ui quadam comprimente dotatum est, quam tussis ipsius efficacius ex-

hibet

Allium.

hibet odor: ideo creber olfatus eius, os stomachi, quo magis receptum cibum contineat, corroborat, ac cibi reiectiones compescit. *Cedemus.*) Cæsum enim fortio-
 rem ac magis adstringentem præbet odorē. Cædo cum diph- *Cædo.*
 thongo scriptum ut hic, excidere est, frangere & contun-
 dere. Sine diphthongo tamen & prima breui cum accen- *Cædō.*
 tu in ultima modo da, modo dic significat. Plautus in cap-
 tiuis: Cædō manum. Idem in cistellaria: Cædō quid tam
 abhorret hilaritudo te obsecro? *Trahemus odorem.*) Odo-
 rabimus, olfaciemus, ac per os etiam nedum per nares so-
 lum, trahemus halitum & inspirabimus.

Sin etiam rutilus referetur pectore sanguis,
 Sorbitium menthæ, raphanus uel cocta iuuabit,
 Sæpe lapis teritur specularis nomine dictus
 Et mixtis hauritur aquis, sistitq; cruorem.

Sin etiam rutilus.) Ruffus. Docet nūc mederi sputo sanguis
 qui expellitur ex partibus maxime pectoris. *Referetur.*)
 Retro & extra feretur, reijciatur & expelletur. *Sorbi-*
tium.) Succus & decoctionis eius liquor. *Mentha.*) Nota *Mentha.*
 omnibus herba est mentha, calefaciendi, adstringendi, de-
 siccandiq; vires obrinens: ideoq; sanguinem sistit, maxi-
 me ubi frigidus humor ad uenarum extensionē concur-
 rit. Plinius, Datur mentha sanguinē excreantibus in sor-
 bitionem. Et Auicenna, Mentha prohibet fluxum sang-
 uinis & sputum eius. Verum Dioscorides acetum succo
 miscet: & id forte propter penetrationem suam, cum air,
 Sanguinē sistit potus cum aceto succus eius. *Raphanus.*) *Raphanus.*
 Raphanus, quæ & radix, & radícula dicitur, qd sanguinē
 reijcientibus profit, hoc etiā ex Plinio colligitur, qui Me- *Lib. 20. cap. 4.*
 dium autorem id comprobantem citat iniquiens, Medi-
 cus & sanguinem excreantibus coctos dari iubet rapha-
 nos. Et hoc uirtute sua deficcante & tussim contra quā eli-
 xa estur, sedante, Solet enim nonnunquam tussis ipsa re

REIECTIONIB. CIBI AVT SANG.

iectionis sanguinis causa esse: qua sedata, sanguis quoque facilius sistitur. Habet adhuc comprimentem vim qua sanguinem sub se ac cibum quoque præassumptum comprimit. *Costa.*) Elix. Sic enim temperatior est, autore Auicēna, minusque inflans: vis enim inflatiua per decoctionem tollitur. *Lapis specularis.*) Humorē hunc terræ quidā autumant crysalli modo glaciari, & in lapidem concre-scere manifesto apparet, quod cum feræ decidere in puteos tales medullæ ex ossibus earum in eandem lapidis naturam post unam hyemem figurantur, uti libro 36. ca. 22. tradit Plinius. Sanguinem sistit vi sua refrigerante & adstringente.

Vritur interdum raptus de subere cortex

Et cinis è calido prodest epota lyeo.

Aut platani pilulas acri infundemus aceto:

Nullus erit sanguis quem non cibus iste moretur.

Suber.

Vritur.) Incineratur. *Subere cortex.*) Suber, inquit Plin. minima arbor, glans pessima, rara, cortex tantum in fructu præcrassus ac renascēs, atque etiam in denos pedes undique explanatus. Vfus eius anchoralibus maxime nauium, piscantiumque tragulis, & cadorum obturamentis. Præterea in hyberno foeminarum calciatu, quam ob rem non infacete Græci cortices arborū appellant. Sunt qui foeminam ilicem uocent, atque ubi non nascitur ilex pro ea subere utuntur. In carpentarijs præcipue fabricis ut circa Elin & Lacedæmonem: nec in Italia tota nascitur, aut in Gallia omnino. Cæterū uirtutis est adstringentis, qua sanguinis reiectionibus medetur: quod Plinius etiā lib. 24. ca. 4. attestatur his uerbis, Corticis suberis cinis ex uino calido sanguinem excreantibus magnopere laudatur.

*Cinis corticis
suberis.*

Platani pilule.

Platani pilulas.) Fructum qui in parua pilæ ac globuli modum nascitur. Idem medicamentū habes apud Plinium naturalis historiæ lib. 24. cap. 9. his uerbis, Platani pilulæ tulsæ cū aceto acri magisque Scyllitino, sanguinē omnem sistunt.

fistunt. Sunt enim uirtutis adstringentis multum participes. Aceto.) Et hoc maxime in principio ubi sanguinis congelatio suspecta est. Acetum enim, autore Auicenna, ^{Acetum,} sanguinem fluentem adstringere ui sistit: spiritalia membra à sanguine deterto purgat, ac congelationi resistit. Administrandum est autem cum adstringentibus & conglutinantibus, adstrictione etenim hic maxime opus est, cui si mundificatio accedit, præsentissimus sanitatis effectus consequetur. Sed animaduersio habenda est ad tussim: quæ si recens affuerit, ab aceto cauendum est, & eius loco adstringentibus comiscendum potius uinum aut aqua: non ita tamen in ueteri tussi, quam potum acetum lenit. Vnde Dioscorides de aceto sic scribit: Adstringit & refrigerat acetum: sanguinis eruptiones omnes potum compescit, contra sanguinis grumosas in stomacho concretiones, ui opis & auxiliij præcipua. Potum ueterem tussim lenit, recentem prorit. *Nullus.*) Quantumcunque multus uel acutus & impetuofus effrenisq̃. *Moritur.*) Tardet, detineat & sistat.

IECORIS ET LATERIS

VITIIS MEDENDIS.

CAPVT XXI.

SI molles iccoris fibras dolor hauriet acer,
Protinus ex mulsa potanda eleliphagos herba est.



IECORIS.) Hepatis: quod membrum est **IECVR.** principale, cuius operationes à seipso producuntur citra aliorum membrorum in ipsum influentiam, ut autor est Auenzoar theizir libro 1. Hinc Hippocrates uitæ bonitatem hilaritatemq̃ à perfecta hepatis sanitate prouenire tradit. Estq̃ naturalium uirtutum sons & principium, à quo ipse in uniuersum

Virtutes naturales quatuor. **Adtractrix.** **Alteratrix.** **Retentrix.** **Expultrix.** **Sanguinis organum iecur.** **Venarum principium iecur.** **Iecoris officium.** **Iecoris fibræ et additamenta.** **Morbus hepaticus,** **Iecorarius,** **Hepaticus.**

sum corpus propagantur & operationes suas exercent, Suntq̃ generatim in qualibet corporis nostri parte quatuor, autore Galeno de locis affectis libro 5. cap. 7. Prima quidem attractrix uocata, quæ peculiares parti succos, alendi ipsam gratia, & appetere et attrahere potest. Altera deinde est quæ alteratrix dicitur, qua succus attractus similis euadit parti quæ alitur. Huic alix duæ ministrât: Retentrix, quum pars attractum succum coquit, donec in suam ipsius naturam eam mutauerit: Et expultrix, quando à coctione, quod inutile est, excernit, idq̃ excrementum uocatur. Cæterum est etiamnum hepar præcipuum sanguinis organum & uenarum principium. Siquidem cibum in stomacho iam in succum transmutatum et chylum ab ipso per uenas meseraicas suscipiens, ipsum in sanguinem, sine quo uita consistere nequit, conuertit. Sanguinis etenim generatio hepatis munus est & facultas propria, ut tradit Galenus: & propriâ uocat propter alias tres quæ omnibus corporis nostri partibus communes sunt, ceu attractua, retentrix & expultrix. Nā quarta generatim quidē alteratrix, speciatim uero sanguifica uocatur. Sitū est autē hepar à dextra parte sub præcordijs ab ipso septo ortū, intrinsecus cauū, extrinsec⁹ gibbū, quod prominens leuiter uētriculo infidet, & in quatuor fibras diuiditur, quas Auicenna additamēta uocat. Porro morbum patitur quem hepaticum Græci, Latini iecorarium uocant, & à Plauto in Curculione hepaticus dicitur, dū in fit, Tum te igitur morbus agit hepaticus. Qui hunc patiuntur hepatici & iecinorosi uocantur: suntq̃ tales, quibus hepatis uires sunt imbecilles, nunc quidem ob solam intemperaturam citra tumorem præter naturam: aliquando uero ubi unâ cum intemperatura tumor quoq̃ infestat. Estq̃ modo longus, modo acutus morbus: doletq̃ hepar (non quidem de se, quum nullus per totum corpus eius dispersus sit neruus, sed ratione membranæ adiacentis & qua tegitur, per quam neruus dispergitur)

in longo quidem propter obstructionem à crassis & uiscosis humoribus in extremis uasorum partibus, quæ ex uenæ ipsius portis exoriuntur: uerum mediocriter et cum quodam ponderis sensu potius quàm uehementis doloris. In acuto autem dolor uehemens est, qui propter flatuosum spiritum, uel inflammationem, quæ scilicet maxima est aut suppurata, accidit. Cæterum hepatis patientis indicia sunt potissimum in dextra præcordiorum parte grauitas, tumor, præcipue grandis & duricies, quæ si in gibba parte fuerint, per facile solo tactu dignosci possunt. Dolor item non modo is qui in eo ortū habet, uerū et ille qui cōpatiendi ratione prouenit: hepatis enim dolor, si quispiam alius, uicina corpora ad consensum inducit. Nam & ad iugulum usq; porrigitur, & spirandi difficultatem creberrime affert, atq; interdum tussim quoq; neq; raro nothas costas infestat, item sitis, uomitus biliosus, linguæ color in primis quidem ruber deinde uero niger, ac corporis color malus. Hepate enim uitiato, & linguæ & uniuersi corporis color alteratur. *Lateris.*) Omne id *Latus.* quod in anteriore homine spatium est, & utrinq; à superiore parte qua brachium humero iungitur ad imas pertinet costas, cui ex interiore parte costæ subiacent: Latini *latus*, Græci nunc fœminino, nūc neutro genere *πλευρά* *πλευρά.* καὶ *πλευρόν* dicunt. Quæ pars morbis tentatur nunc gra- *πλευρόν.* uioribus, nunc leuioribus. Græci grauius malum *πλευρι* *Pleuritis.* τὴν, leuius *πλευρᾶς πόνον*, Latini uero, ueteres quidē utrun- *Laterum* que lateris & lateralem dolorem, nullo inter illa factō di- *dolor.* discrimine: recentiores autem pleuritē, hac tamen facta differentia ut grauius malum pleuritē ueram, & leuius non ueram appellarint. Porro uerā & exquisita pleuritis *Pleuritis uera* fit, autore Galeno de locis affectis libro 5. cap. 2. ubi ex *ex exquisita.* inflammatione cingēs ex interiore parte costas membra- na, aut muscoli illi continui primario affectu laborant: cuius accidentia inseparabilia sunt, febris uehemens & acuta, quia sedes affecta & parum distat à corde, & cum

panniculo ipsum inuolvente ac septo transuerso cognationem habet. Cæterum afficiatur ne magis cingēs membrana an musculi ipsam contingentes, à pulsu indicium petere oportet; nanq; musculi minus, cingens uero membrana magis & tendit & induratarteriam: dolor perinde ac si locus uel intendatur uel pungatur, qui modo ad iugulum superioribus eius partibus affectis, modo ad præcordia, ubi inferiores afficiuntur, peruenire uidetur. Spiratio frequens & exigua difficilisq;. Tussis magna ex parte cum sputis coloratis: nonnunquam uero sine hijs, & has incoctas pleuritides nominant, quæ uel celeriter hominem rapiunt uel longo temporis spatio finiuntur. Sunt præterea alij costarum cum febre dolores, per quos spirationem exiguam reddi necesse est, sed nullū redditur sputum, ut in ea re nihil à pleuritide sine sputo constante differre uideatur. Verum hñ facile ab illis discerni possunt. In hijs enim nulla omnino tussis est: illi uero qui sine sputo pleuritide laborāt, sicca tussi molestātur: deinde quod neq; tensionē, neq; duriciem ullam refert pulsus: postremo quod non æque acuta febris laborant, neq; adeo difficulter spirant. Adhæc pleuritim etiam uocant & illam ueram, ubi in septo transuerso fit inflammatio, cuius dolor acutissimus est, cito interimens: & hunc Serenus forte intelligit morbum quem in capitis sine TELVM appellari tradit. Demum pleuritim non ueram uocant lateris dolorem, quem Græci πλειραῖς πόνον dicunt, qui siue in membrana costas ex interiore parte cingente & musculis contingentibus, siue in exteriori pectus cooperiente & cum cute communicante fiat, sine febre sentitur: sicq;, ut Celsus ait, uel ex frigore uel ex ictu uel ex nimio cursu uel ex morbo, aliāue huiuscemodi causa. *Fibrim.*) Fibræ proprie præcordiorum et omnium rerum dicuntur extrema. Unde quæ in hepatis extremitate pinnulæ sunt à medicis uocatæ, fibræ dicuntur: Auicenna additamenta uocat. Aliquando uero fibræ dicuntur arborum uenæ, quæ in folijs

fila-

Pleuritis in-
cocta.

Telum morbus.
Pleuritis non
uera.
Lateralis
dolor.

Fibra.

filamentorū instar conspiciuntur. *Harriet.*) Exhaustiet,
 uiribus destituet & exinaniet. *Ex mulsā elelisphagos.*) Idem
 prodit Macer in libello de uiribus herbarum hīs uerbis:
 Salua cui nomen elelisphacos est apud Argos Cum mul *Elelisphacos.*
 sa iecoris prodest potata querelis. Est autem elelisphacos *Salua.*
 quam nos saluam appellamus. Plinius, Nostri qui nunc
 sunt herbarij elelisphacon Græce, Latine saluam uocāt.
 Notus apud omnes frutex, affecto hepati utilissimus.

Sumitur & semen quod fraxinus alta profudit.
 Vulturis atq; iecur: uel ius perdicis apricæ.
 Præterea simili drachma pix dura, piperq;
 Franguntur, sic in mollito puluere cuncta
 Egelidis miscentur aquis, recreantq; bibentem.
 Absinthi quoq; decocti potabitur humor.

Semen quod fraxinus.) Fraxini semen, quod folijs inest, ut Pli *Fraxinus.*
 nius tradit lib. 24. cap. 8. Est autem fraxini uirtus refrige-
 rans & extenuans. Vnde & iecoris inflammationibus, et
 tumoribus remedium est efficax, præsertim semen. Plin.
 cum semine folia etiam ex uino utilia tradit iniquens, Se-
 men folijs fraxini inest, quæ medentur iocinoris & lateris
 doloribus ex uino. *Alta.*) Celsa, & ut Vergilius ait, fra-
 xinus ingēs. *Profudit.*) Protulit, produxit & progeniuit.
Vulturis iecur.) Et hoc à singulari quadam proprietate sua *iecur vulturis.*
 & occulta, naturæq; tantum percognita. Multarū etenim
 rerum abditæ & occultæ sunt proprietates, quarū causa à
 medicis reddi nō potest. *Ius perdicis.*) Aqua decoctionis *Ius perdicis.*
 eius & succus, hepatis uim corroborādo. *Apricæ.*) Sole *Apricum.*
 gaudentis. Vergilius, Et apricis statio gratissima mergis.
 Dicitur & locus soli expositus apricum. *Simili.*) Aequalit
 tantum de uno quātum de alio. *Drachma.*) Scilicet una. *Drachma.*
 Est aut drachma, id est *δραχμή*, ponderis genus & octaua
 pars uncia: uncia uero est duodecima pars libræ. Conti-
 netq; drachma in se scrupulos tres, Scrupulus uero gra-
 nis triticeis siue ordeaceis constat uiginti: quorum sexa-

- Denarius.** ginta drachmanum cōstituunt, quæ alio nōmine etiam Denarius dicitur. Est etiam nummi genus drachma, & semper scribendum est drachma, non autem dragma, ut perperam uulgo nunc fieri solet. Estq; longe aliud dragma, utpote, manipulus siue fasciculus nūc dict^{us}, hoc est, quantum sinistra manu cōprehendit mētēs, autore Hesychio.
- Dragma.**
- Drama.** Inuenitur & drama, id est *δράμα*, idēq; etiā in alio significato. Sed de hīs fufius à nobis dictū est in enarratione herbarij de Vetonica Antonij Musæ: quare nunc nō plura.
- Pix dura.** Pix dura.) Spissa: quæ sit, ut Dioscorides docet, decocta liquida, et uocat à plerisq; palimpissa, quasi iterata uel iterum cocta pix. Et hæc durior est, & in puluerē redigi potest. Sunt enim duo picis genera, spissum ac liquidum: de quibus etiam Plinius libro naturalis historiæ 14. capite 7.
- Piper.** Piper.) Hoc hepati utile esse, Celsus etiā testatur, sed cum absinthio et melle id exhibendum docet cum ait: Neq; ali-
- Frigida iecori nocua.** enum est absinthium cōtritum ex melle & pipere, eiusq; catapotium quotidie deuorare. *Egelidis.*) Calidis. Nam, ut Celsus tradit, abstinentum utiq; est ab omnibus frigidis: neq; enim res ulla magis iecur lædit. *Recreant.*) Rescillant, corroborant, & pristino uigori restitunt infirmum. *Absinhi.*) Præsertim Pontici, quod Galeno therapeutices li. 11. autore, ad iecoris phlegmonas eligi præstat.

Si latus immeritum morbo tentatur acuto,
 Accensum tinges lapidem stridentibus undis,
 Hinc bibis: aut aceris radicem tundis, & unā
 Cum uino capis, hoc præfens medicamē habetur.

Si latus.) Postquam morbis iecoris auxiliari docuit, tradit nūc medicamenta quibus dolori lateris medicemur. *Immeritum.*) Citra ius & nō promeritum: nec dirum aut ab infesto numine immisum, uti scelorum suorum conscij cum huiusmodi malo afficiuntur, existimant, iuxta illud Iuuenalis Satyra 13. Præterea lateris uigili cum febre dolorem Si cœpere pati, missum ad sua corpora morbum

Infesto

Infecto credunt à numine. *Accensum lapidem.*) Maxime si *Lapis ignitus,*
 licem candentem & ignitum. *Tunges.*) Intinges, immit-
 tes & extinguēs: idē non semel, sed bis, ter, quater, aut sæ-
 pius iterando: quo maior ipsi aquæ uirtus acquiratur.
Stridentibus undis) Aqua stridente & sonante: dum enim ig-
 nitus lapis in ipsa extinguitur, stridorem & sonitum ex se
 reddit. Nī malit quispiam per stridentes undas intelligere
 eas quæ fluminum sunt lapidosorum: quæ cursu suo per
 lapides decurrentes, stridere etiam solent. *Aceris.*) Acer *Acer.*
 arbor est operū elegantia ac subtilitate cedro secundum.
 Plura eius genera, de quibus Plinius libro 16. capite 16. &
 17. Qui alibi etiam libro 24. capite 8. radicem eius contu-
 sam iocinoris doloribus utilissime imponi tradit. Ex quo
 facile colligi potest, quum iecori profit, nō minus utilem
 fore uel lateris doloribus. Sunt enī uicini morbi & mem-
 bra sæpius compatiētia: amborumq; eadem quasi dolo-
 ris regio, ut sæpius uno affecto, alterum tantum affici exi-
 stimetur. *Vnā*) Simul. *Capus.*) Accipis & bibis, seu loco
 dolenti imponis. *Præfens.*) Præfens siue præsentaneum *Præfens.*
 dicitur remediū, quod mox sine cunctatione & citra mo-
 ram auxiliatur: quemadmodum uenenum præsentane-
 um, quod rapidissimum est, & præsentem subitariamq;
 sine ulla tardatione mortem adfert.

Quid referam multis composita philonia rebus?
 Quid loquar antidotum uarijs? quis ista requirat?
 At nos pauperibus præcepta feramus amica,
 Nec non & secoris quæretur fibra lupini.
 Iungenturq; simul costum, foliumq; piperq;
 Quæ diluta mero dantur potanda lyco.

Quid referam.) Quoniam non diuites solum sed & pau-
 peres morbis aliquando tentantur, qui preciosa & quæ
 uel Deorum manus iuxta adagionem uocāt pharmaca,
 comparare nequeunt: ideo uiliora quædam se traditurū

IECORIS ET LATERIS.

præfatur, quæ sola (ut Plinius libro 24 scribit) naturæ placuerat esse remedia, parata uulgo, inuentu facilia, ac sine impendio. Non autem preciosa ex officinis illis, quas hominum fraudes & capturæ ingeniorum inuenere, in quibus sua cuique homini uenalis promittitur uita, & statim compositiones mixturæque inexplicabiles decantantur, quæ hominum ingenijs constant, ut alibi quoque scilicet libro 22, cap. 24. à Plinio scribitur: Nō enim fecit cerata, malagmata, emplastra, collyria, antidota, parens illa ac diuina rerum artifex. Officinarum, imò uerius auaritiæ commenta sunt. Naturæ quidem opera absoluta atque perfectæ gignuntur. Paucis ex causa non ex coniectura rebus absumptis, ut succo aliquo sicca temperantur ad meatus aut corpore alio humentia adnixa. *(Philonia composita.)* Hoc est, ex uarijs rebus coaceruatas & curiosas compositiones, cuiusmodi à Philone confici solebant. Fuit autem Philo medicus, cuius meminit Galenus & Celsus. *(Antidotum.)* Antidota quamuis etiam in laterum doloribus recte dentur, sunt tamen preciosa, maximeque contra uenena quocumque modo corporibus nostris illata, desideranda: non obstante quod alijs malis grauissimisque casibus interdum opitulantur & necessaria sunt, ut tradit Celsus. Dicitur autem antidotum & antidotus genere neutro ac sceminino. *(Varij.)* Diuersis ac multis inuicem congestis & comixtis rebus: in quibus coniecturam sæpe fallacem esse apparet: nulli satis custodita in mixturis concordia naturæ ac repugnantia, cum in simplicibus naturam esse appareat, imò etiā uere cōstet, ut Plin. ait. *(Quis.)* Quasi dicat, Nullus. *(Amica.)* Grata & sine impendio acquisibilia. *(Præcepta.)* Documenta, consilia & remedia. *(Nec non.)* Dux negationes, ut Logici tradunt, affirmationis sunt loco. *(Iecur lupi.)* *(Iecoris fibra lupini.)* Hepar lupi. Accipit autem partem pro toto: Quælibet enim iecoris pars utilis est, nedum fibræ solū, quæ extremitates eius tantum existunt. Et non solum lateris sed & iecoris doloribus cōfert omnibus, uti testatur Auicenna.

Antidota.

Lib. 7. cap. 22.

Lib. 22. cap. 25.

Iecur lupi.

Anicēna. Cōmuniterq; omnia quæ laterū doloribus pro
sunt, eadem & hepatis prodesse poterunt, ac ē diuerso. Co
stum.) Costum peregrina res est, utpote ex Arabia, India, *Costum.*
Syriacq; ad nos allata: cuius radix medicū usum nunc prę
stat. Est autem uirtutis calorificę atq; discutientis, ualetq;
contra lateris dolores, maxime eos qui ex humore fiunt
frigido ac uiscido aut spiritu flatuoso. *Folium.*) Quod & *Folium.*
malobathren dicitur, ē quo unguērum olim fiebat quod
foliatum & malobarrinum dicebatur. Multi Indicę nardi
folium esse opinati sunt: sed falso. Nā, ut Dioscorides tra
dit, propriū genus est in Indiæ lacustribus locis nascens,
nihil aliud quā folium in aquis lacustris lentis modo
fluitans & nullis radicibus hærens. Cuius loco in offici
nis nunc alio arboroso folio utimur, quod forte arboris
Syriacę, quam malobathron etiam uocat Plinius, folium
est, à uero folio uirtute parum & nihil differens. Prodest
autem folium inflationibus, iocinorosis & laterum dolo
ribus. *Piper.*) Quod, ut uere Macer inquit, notius ipsa co *Piper.*
quina, quā medicina facit, et cuius nemo potest omnes
describere uires. Nāq; piper ferme medicamina cuncta re
quirunt. Antidotisq; solet preciosis pluribus addi. Hinc
puto tam paucas laudes de simplice dictas Quodq; fit in
numeris hoc dignū laude medelis. *Diluta mero lyco.*) Tem
perata et mixta uino meraciore.

Est & uis morbi quod Telum commemoratur,
Cum subito dolor insanus furit incitus ictu,
Persicus huic poru ē nuce traditur interiore,
Quæ mihi cura satis casu monstrante probata est.

Est et uis.) Docet nunc alteri malo mederi, quod telum *Telum*
appellat, & in septo fit transuerso, et à recentioribus pleu *morb.*
ritis quoq; uera nuncupatur, morbus acutus ac cito inte
rimens. Sic dictus ab acutie teli, quod nūc gladium nunc
quicquid longe iaci potest, significat. Hic enim morbus
æ grotum affligit ac si telo aut gladio traiciatur & punga

SPLENI CVRANDO.

tur: nec minus distantia membra ceu caput & mentem affligit. Vt utraque locutione qualis est illa apud Sallustium, Est locus in carcere quod appellatur Tullianum. (Insanus.) Ad insaniam ducens: mentem enim sensumque perturbat, & continuum serè delirium inducit, adeò ut ueteres putauerint hac parte inflammatione affecta, homines phreneticos euadere, atque ob eandem suspicionem, phrenas (id est mentem) eam appellauerunt, tanquam sapienti parti acciderit quippiam, uti de locis affectus lib. 5. autor est Galenus. *Perficus.*) Hoc est, nucleus ossium perficorum. *Nuce interiore.*) Nucem uocat os mali perficci, quod soliditate sua nuci simile est & intra pomum ipsum continetur, & adhuc intra se nucleum habet qui edendo est & huic morbo medicatur.

SPLENI CVRANDO.

CAPVT XXII.

Q V A N D O lien tumido circumligat ilia uincto,
Et plenum splenis demonstrant membra rigorem,
Mollibus ex hedera tornantur pocula lignis,
Hinc trahit assuetos ager quoscunque liquores.

*Splen.
Lien.*



SPLENI.) Lien, hoc est, egritudinibus eius. Est autem splen siue lien membrum in sinistra parte aduersus iecur situm, natura molle & rarum, simile spongiæ, longitudinis & crassitudinis modice. Cuius officium est melancholicum sanguinem quo nutritur ex hepate ad sese attrahere. Afficiturque uarijs modis. Aliquando enim attrahendi uis & facultas imbecillior redditur, quare sanguinem ex iecore non attrahit: ob quod idem impurus in uniuersum corpus transmittitur & corporis colorem efficit nigriorem. Aliquando uero accidit illi meatuum obstructio. Interdum autem non

inflammatio, aut alius tumor & duricies, quæ facile tactu deprehenduntur. Et, ut Celsus scribit, Lienis ubi affectus est, intumescit, simulq; cum eo pars sinistra, eaq; dura est, & prementi renititur, venter intentus est, aliquis etiam cruribus tumor est, ulcera aut omnino non sanescunt, aut certe cicatricem uix recipiunt: in intenta ambulatione cursuq; dolor & quædam difficultas est. Et taliter affecti, maxime quibus, ut Galenus tradit, post inflammationem lien in antiquum non restituitur habitus, sed tumor permanet & duricies, splenetici & lienosi uocantur. Cæterum lienis cura proxima est curæ iocinoris: nisi quod lien ualidioribus & magis penetrabilibus indiget medicinis, quibus semper, ne uirtus eorū exhalet, uiscida quædam propria sunt admiscenda, siue intus assumantur siue extra applicentur. Est enim in profundo situm, minusq; nobile membrum, humor etiam crassior, magisq; resistens. Vnde Abinzoar theizir libr. 1. Et scire debes quod splen sustinere potest fortiores medicinas ualde ipso hepate. Sed res calidæ ualde (ut inquit Auicenna) non sunt multum conuenientes spleni, propterea quod indurant & exiccant & prohibent à resolutione. Nec tantum relaxantibus lienem, uti Galenus ait, curare oportet, cum hic quoq; ex iocinore, quicquid limosum et melancholicum est, expurget: propterea scilicet, quod ex eo humore nutritur. Idcirco quoties obstructio in eū incidit, aut phlegmone, potissimum quæ scirrosa sit: tū ea quæ obstructiones eximant, tum quæ dissecant uehementiora exigit. *Tumido uinclo.*) Tumore intēdente & uinciēte. Lien enim nonnunquam adeo intumescit ut uiscera quasi zona cingere uideatur. Hinc illud Plauti in Curculione, Quasi zona liene cinctus ambulo. *Ilia.*) Ilia dicuntur partes illæ quæ respiratione in lateribus concutiuntur, & quæ super umbilicum, ut Aristoteles scribit, constitutæ sunt. Inter quæ fumen & abdomen pubesq; intercluditur. Et quia chondro, sub ore uētris quod in condri meditullio

Therap. li. 13.

Splenetici.

Lienosi.

Ilia.

Hypochondria.
Ceneona.

dicatur, autore Galeno, in superficie exteriori subiiciuntur: hypochondria etiam quasi subcartilagia appellatur. Et ab inanitate Ceneona, hoc est partes inanes. Est enim in more, uti Galenus in prognosticorum expositione scribit, partes illas uocari inanes, quæcunq; inter extremam thoracis costam & femoris ossa habentur. Atqui inanis uidetur omnis talis sedes si eam cum supernis infernisq; partibus utrisq; offeas, cõferas. At uero omnis talis pars, quoties non fuerit aliquis paulò ante repletus esculentis poculentisq; flaccida habetur. Vnde & Lagona uocant Græci, & Homerus Lapara à flacciditate. Cæterum

Lagona.
Lapara.

ὁμωνύμως interna uiscera, quoniam sub chondris etiã notharum costarum existunt, hypochondria quoq; & Ilia uocantur: ueluti ieiunum & lactes & intestina tenuiorat item arteriæ quæ inter uesicam & aluum ad pubem tendunt, ut Plinius ait, Ilia appellatur. Celsus item ubi de interiorum membrorum situ loquitur, Ipsa autem ilia, inquit, inter coxas & pubem imo uentre posita sunt. Dicuntur item uiscera hæc in homine præcordia & exta, ut Plinius scribit. *Plenum rigorem.*) Duriciem intentam &

Præcordia.
Extâ.

Hederaceum
poculum.

tumidam. *Mollibus.*) Teneris. *Hedera.*) Frequentem ex hederaceo uase potum spleneticis mederi testatur etiam Plinius libro 24. cap. 10. inquit, Huius quoq; ligni uase spleneticos bibentes sanari inuenio. Et ab facultate hac qua lieni medetur, dicta est ab aliquibus asplenos. Apuleius item lieni utilem tradit, sed aliter hijs uerbis, Hedere nigræ grana primo, 3. secundo, 5. tertio, 7. quarto, 9. quinto, 11. sexto, 13. septimo, 15. octauo, 17. nono, 19. decimo, 21. in uino bibantur diurnis diebus: si habet febrem in aqua calida, maximo auxilio lienosis auxiliatur. *Tornantur.*) Celantur & fabricantur. *Pocula.*) Vasa è quibus bibitur. Poculum enim quoduis uas dicitur quo bibitur, à potando sic dictum, quemadmodum ποτήριον apud Græcos: cuius species est calix, Græce κύλιξ dictus. *Hinc.*) Ex poculo hederaceo. *Trahit.*) Haurit & bibit. *Assuetos quos*

Ποτήριον.
ποτήριον.
Calix, κύλιξ.

cunq; liq.) Hoc est humorem & potum, quem in consuetudine & usu bibendi continuo familiarem habet, siue aqua siue uinum id fuerit: lignum enim uim suam illi ad ministrat & miscet.

Aut uiridis oleris potabitur unda salubris.

Proderit exsucto fluuialis hirudo cruore.

Siue myrica recens, Seu ros cum pane marinus.

Aut hederæ succus potu apposituq; iuuabit.

Viridis oleris.) Per olus uiride uidetur betam intelligere, *Olus uiride.* quæ uiridi folio est, & duum generum. Nigra altera quæ aluum sistit: & candida altera quæ mollit, & nigre præfertur: quæ differētia in radice est, uti Columella docet, dum inquit, Sic & humo pingui ferratæ cuspidis ictu Deprimetur folio uiridis pede candida beta. Vbi per pedem intelligit radicem. Et olus hoc est quod Celsus quoq; ex aceto sumptum contra lienis affectus laudat. Ni malit quis per olus uiride intelligere brassicam, quæ etiam (ut Cato tradit) si bilis atra est, & si lienēs turgent, & si cor dolet, aut pulmones, aut præcordia, uno uerbo omnia sana faciet, quæ intro dolitabunt. *Vnda.*) Succus & aqua decoctionis eius. *Hirudo.*) Sanguisuga, cuius ad extrahendum sanguinem usus est. Sed uitium, ut Plinius attestatur libro 32. cap. 11. quod admissæ semel, desiderium faciunt circa eadem tempora anni semper eiusdem medicinæ. Verū postquam satietate & sanguinis pondere plenæ tument, quo facilius decidant, sale uel cinere aspergendæ sunt. Postq; casum earum locus sycia sugatur ad tollendam morsuræ malitiam, uti quarta primi capite 11. docet Auicenna. Et si sanguis fluxerit, administrētur res adstringentes ceu gallæ & similes. Solent etiā aliquādo capita adfixa relinquere: quæ causa, ut Plin. scribit, uulnera insanabilia facit & multos interimit: sicut Messalinum ē consularibus patitijs cum ad genua admisisset. Inuehunt uirus re

medio uerso, maximeq; ruffæ ita formidantur. Ergo su-
gentia ora forficibus præcidunt, ac ueluti Siphombus de
fluit sanguis, paulatimq; morientiu capita se contrahunt
nec reliquuntur. Hæc ille. *Fluuialis.*) Quæ in aqua degit
fluuiatili, & cæteris præstat. Sunt etiam aliæ bonæ hiru-
dinis proprietates, uidelicet, ut sit coloris hepatici, rotun-
da, minuta, capitis parui, similis locustis paruis & caudæ
muris, fila habens duo similia colori arsenici, cuius uen-
ter sit rubeus, dorsum uiride. Contra mala est & ueneno-
sa quæ in aquis degit cœnosis & limosis nigris & fœtidis
et in quibus ranæ abundāt malæ ceu ruffæ grossæ & diuer-
sorū colorū: nam quæ cum ranis uiridibus, quas come-
dunt, uersantur, non omnino inidoneæ aut malæ sunt.
Mala est item nigra, uiridis ac liuida, filum habens nigrū,
caputq; magnū: & lanuginosa: autor Auicēna. *Exudo cruo-*
re.) Extracto & euacuato sanguine. Et hæc sanguinis ex-
tractio ualidior est, magisq; ex profundo attrahit quàm
ea quæ cucurbitarū medicinaliū est, quas sycias uocāt &
uētosas: quamuis eadē utrarunq; sit ratio, scilicet, meatus
quos poros dicunt, laxare, & corpora sanguine alleuiare.
Myrica.) Id est, *μυρίκη* Græce, Latine tamarix, arbor est
quæ nascitur prope paludes & in stagnantibus aquis: fru-
ctum fert, quemadmodū & florem concretione sua mu-
scosum. Cuius folia in uino coquuntur, potumq; eorum
decoctum lienem minuit. Fiuntq; ex ligno eius calices à
quibusdam, quibus lienosi in bibendo utūtur utilissimo
eis, ut credunt, in hac materia potu, autore Dioscoride,
cui Auerrois & Auicenna subscribūt. Plinius item lib. 24.
capite 9. Myrice, inquit, quam & tamaricem uocat Lene-
us similem scopis amerinis, ad lienem præcipua est, si suc-
cus eius expressus in uino bibatur. Adeoq; mirabilē eius
antipathian contra solum hoc uiscerum faciunt, ut affir-
ment si ex ea alueis factis bibant sues, sine liene inueniri.
Et ideo homini splenetico cibum potumq; dant in uasis
ex ea factis. Et quod ad sues attinet, de eo sic tradit Colum-
mella

Sanguinis extra-
ctio per birudi-
nes ualentior ea
quæ per cucur-
bitas fit.

Cucurbitæ me-
dicales,

Syciæ uentose.

Myrica.

Tamarix.

mella rei rustice lib. 7. ca. 10. Solet etiam uitiosi splenis dolor eas infestare, quod accidit, cum siccitas magna prouenit, & ut Bucolicon loquitur poema, strata iacent passim sua quæq; sub arbore poma. Nam pecus insatiabile est. Sues enim dum dulcedinem pabuli confectantur, supra modum æstate splenis incremento laborant. Cui succurritur, si fabricentur canales ex tamaricibus, & rusco, repleanturq; aqua, & deinde sitientibus admoueantur. Quippe ligni succus medicabilis, epotus intestinum tumorem compescit. Hæc ille. *Ros cum pane marinus.*) Medicamen hoc impositum lienī medetur, & maxime quidem inflammationibus eius ob duriciem. Panis enim, ut Dioscorides inquit, loquituraū de triticeo, in aqua mulsa coctus, nec minus etiam crudus maxima molliendi refrigerandiq; ui quā habet, omnes inflammationes illitus lenit præsertimq; admixtis succis herbis uē aliquibus ad id facientibus. Cuiusmodi est ros marinus: qui, ut idem testatur, ueteres tumores discutiente ui præditus est. *Hedera succus.*) Prius ex hederaceo uase bibentes spleneticos sanari prodidit: nunc uero succo eius epoto aut imposito eundem effectum tribuit: quod & Dioscorides quoq; testatur cum ait, Medetur lienī hederæ tenera folia in uino decocta, aut cruda cum pane coacta. Plinius item, Lienī, inquit & pota & illita profunt folia. Et, Corymbi quoq; poti uel illiti lienem sanant.

*Ros marinus.**Panis triticeus.**Hedera.*

Nec non intactam ferro cum uideris alnum,
Hinc liber eripitur ferro sine, decoquiturq;
Donec uictarum pars tertia subsit aquarum,
Hinc medico potu pulsus dolor omnis abibit.
Nonnulli memorant consumi posse lienem
Quiq; serum semper ieiuno sumpserit ore.

Intactam ferro.) Ferrum non expertam & ab eo illęsam, nec *Alnum.*
abstusam et arentem, sed uiuam in terra adhuc hærentem

S P L E N I C V R A N D O .

Alnus. & crescentem, quæ succulenta est & ui efficacior. *Alnum.*) Quod hic cortici tribuit Serenus, id de folijs testatur Plinius lib. 24. cap. 10. inquit: Folia alni ex feruenti aqua certissimo remedio sunt tumori. *Liber.*) Cortex medianus ligno adherens qui proprie liber dicitur: hinc delibrare uerbū quod est corticē detrahere. *Sine ferro.*) Absq; ferri contactu & incisione. Et hoc superstitionē sapere uidetur. *Victarū.*) Coctarū. *Subsit.*) Desit. *Quiq;.*) Pro quicunq;. *Serum.*) Aquam lactis. Hęc enim, ut Musæ docet, splenis oppilationibus & grossitiei confert. Et hoc ratione transpositionis atq; euacuationis humorū crassorum ac melancholicorum lieni insertorum. Cuius causa Hippocrates in aphorismis dicebat, Lienosis difficultas intestino superueniens, bonum.

Arida ficus item feruente domatur aceto
Et trita illinitur; uel splen apponitur hædi.
Marrubium in uino potu prodesse putatur.
Præterea piper, ac nepetæ cum flore & anethum,
Capparitis atq; apium, bulgossaq; iungitur una,
Horum decoctos latices potare salubre est.

Ficus arida.

Carica,

Arida ficus.) Ficus siccata, quam caricam Latini uocant: quæ spleni extrinsecus imposita medetur, uti Celsus quoq; libro 4. cap. 9. testatur inquit: Fit & unguentum ex arida ficu. Et Plinius lib. 23. cap. 7. Siccæ fici semper utiles lienū uitij. Et hoc maxime ubi duriciem patitur lien. Nam, ut Dioscorides tradit, siccæ fici coctæ mox concisæ ad discutiendas duricies illinuntur. *Feruente domatur aceto.*) Hoc est, in acri aceto decoquitur. Acetum enim & præsertim acre, nec modo cum alijs mixtum, sed & per se haustum lieni utile est: nec acetum solum, sed & omnia acida maxime conueniunt, autore Celsi libro 4. De aceto item sic scribit Auicēna, decima quinta, tertij. tr. 2. c. 6. Scias quod acetum multum ingreditur in curis spleneticorum. Inest enim ei proprietas in resoluendo apostemata et duriciem eius.

Acetum.

eius. Item Abinzoar libro 1. tr. 15. cap. 5. Et non tradas hæc obliuioni, scilicet quando uis dare medicinas pro splene ut admisceas eis semper ea quæ habeant acetositatem, eo quod istud membrum proprie nutritur isto sapore, & propter hoc attrahit acetositatem & rapit eam uiolenter. Et hæc de causa miscenda sunt acetosa medicinis splenis, ut deferant uirtutes earum citissime ad ipsum. Et acetum habet dictas medicinas ipsi spl. ni ferre et deportare. *splen hædi.*
hædi.) Idem tradit Plinius libro 18. cap. 10. his uerbis: Prodest item hædorum lien impositus. *Marrubium.*) Quod *Marrubium,*
pleriq; inter primas herbas commendauere, ut scribit Plinius libr. 20. cap. 22. Cuius multus in medicina usus, præsertimq; in splene laxando & obstructions aperiendo. *Vinum.*
Vino.) Idq; etiam per se, nedum cum alijs. Celsus, Potest dari uinum tenue austerum, omniaq; in cibis & potionibus quæ urinæ mouendæ sunt. *Præterea piper ac.*) Docet *Piper.*
nunc composita quædam medicamēta & potiones, quorum simplicia per se quoq; sunt cōuenientia spleni & utilia. Inter quæ piper ex aceto tum bibitum tum illitū splenis apostematibus bonum est, autore Auicenna, idq; uirtute discurrente & imminuente. *Nepeta.*) Nepeta quæ & *Nepeta,*
calamintha seu montana menta dicitur, lienosis conuenit ut sua mictuali, qua humores deducit. Nam, ut Celsus tradit, quæ urinæ mouendæ sunt ceu apium, nepeta & alia, in cibis & potionibus dari possunt: hæc enim inde commodissime uidentur humore deducere. *Flore.*) Hic enim reliquis partibus tenerior est & subtilior. *Anethum.*) *Anethum.*
Et hoc humores crassos per urinam deducēdo, ceu de nepeta iam dictum est. *Capparis.*) Capparis quæ cynosbaton, id est sentem canis, aliqui appellant, spinosus frutex est in girum per terram stratus: hamatas habet rubi modo spinas: folia rotunda cotonei mali folijs similia: fructū oliuæ figura, qui dehiscens candidum profert florem: eoq; deflorescente superest ueluti oblonga glans, quæ dehiscens grana punicæ modo intra se ostendit exigua,
Nn

rubentiaq̃: habet radices multas lignofas & grādes, quarum ficcatus cortex, ut Dioscorides tradit, lienofis prodeft, & cum hordeacea farina hydrelæo fubafta emplaftri modo imponitur, duriciesq̃ difcutit: & femen eius lienem minuit quadraginta diebus pondere drachmarum duarum cum uino potum. Eftq̃, ut Celfus teftatur, multis modis capparipartum. Nam & ipfum cum cibo assumere, & muriam eius cum aceto forbere, cōmodum eft. Quin etiam extrinsecus radicem contritam uel corticem eius cum furfuribus aut ipfum capparipartum cum melle contritum imponere expedit. Plinius itē, Splenetici, inquit, prodeft in uino potus radicis cortex duabus drachmis dempto balneorum ufu. Feruntq̃ trigintaquinque diebus per urinam & aluum totum lienem emitti. Adhæc quale medicamentum iocinori eft abfinthium, tale eft lienicapparis cortex. Siquidem fimilia genere medicamenta, ambo uiscera poftulant. Cæterum tanto ualentiora lienis, quanto craffiore uritur alimento. *Apium.*) *Apium* splenetici conuenire, teftis eft Auicenna canonis libro 2. Et hoc ideo, quia craffos humores per urinam trahit ceu nepata & anethum. Eft autem *apium* herba, quam nunc petroselinon uocant, aliud ab eo quod nunc *apium* appellamus. *Bugloffa.*) *Bugloffam* Latini bouis feu bubulam linguam, à bouum linguæ fimilitudine, nuncupant. Et Plinius ab animi lætia quam facit Euphrofinon quoque uocari tradit. In uinum etenim deiefta, uoluptates animi & lætitiā, hilaritatemq̃ conuiuiis facere dicitur: autor Dioscorides, Galenus, Paulus Aegineta, Plinius, Apuleius. Et hæc quia craffis ac melancholicis, ex quibus triftitia gignitur & splenis uitia oriuntur, humoribus aduerfatur, accommodatiffima eft lienofis. *Latices.*) Sucos & aquam decoctionis illorum.

Pulegium, abrotonum, nitida cū maftiche coctum,
Ac thymbræ speciē, quā cōmemorant cephaloten,
Præ

Prædixit spleni Deus Idæ posse mederi.
 Dulcia Plautus ait grandi minus apta lienī,
 Splen tumidus nocet, et risum tamē addit ineptum.
 Ut mihi sardoīs uideatur proximus herbis,
 Irrita quæ miseris permiscēt gaudia fatīs.
 Dicitur exēctus faciles auferre cachinnos,
 Perpetuoq; æuo frontem præstare seueram.

Pulegium.) Pulegium lienosis accommodum esse, testis est Apuleius inquiring: Ad splenis dolorem, herbam puleii decoque ex aceto, & idem acetum calida permixtum potui dato. Nam, ut Dioscorides tradit, potum cum posca nigram per inferna trahit bilem. Et quia inflammationes & duricies discutit, eodem autore, cum sale impositum etiam lienosis confert. *Abrotonum.*) Abrotonum duum

Pulegium.

generum frutex est, Alterum enim scemina quod arboreoscit, albicantibus folijs, incisuris minimis seriphij absinthij modo circa ramulos diuisis, floribus plenum: comantibus in summo fulgore auri ueluti corymbis quibusdam. Nascitur ætate odoratum cum grauitate aliqua & in gustu amarum. Alterum uero mas uocatur, sarmentosum absinthij modo fruticosum. Cæterum abrotonum humores per urinam deducendo lienosis prodesse creditur, quemadmodum & apium & alia paulò ante dicta.

Abrotonum.

Nitida mastiche.) Dioscorides, Nascitur ex lentisco resina quæ ab arbore lentiscina, à quibusdam uero mastiche appellatur: quæ plurima & probatissima nascitur in Chio insula. Bonitate in ea antecedit quæ pellucet & thyrenæ ceræ candore suo similis est, crassa, friabilis, & odorata. Quæ contra uiridis, deterior. Adulteratur mastiche admixtis pinea resina aut thure. *Thymra speciem cephaloten.*) Videtur hic autor duo plantarum genera simul miscere, uidelicet, thymram & thymum, quod quidem Dioscorides Cephaloton, id est capitatum, à quibusdā appellari

Mastiche.

Thymra cephalotes,

tradit, non autem thymbra, quæ etiam cumila & sat-
 reia dicitur. Potuitq; hoc facile fieri ex uirium notarūq;
 earum similitudine. Nam, ut Dioscorides testatur, nasci-
 tur thymbra thymo similis, potestq; thymo eadem, simi-
 liter sumpta. Suntq; ambo pro condimento in sanitatis
 usu gratæ ac utiles. Nascunturq; ambo locis asperis & in-
 cultis. Valent item lienosis tum intus assumpta tum extra
 imposita. Intus quidem, quia humores crassos per infer-
 na ducunt & ciendæ urinæ uim habent: Extra uero, quia
 novos corporis tumores ex aceto emplastri modo impo-
 sita discutunt, & concretos sanguinis grumos dissol-
 uunt. (Deusida.) Aesculapius, qui apud Pergamum sub monte
 Ida numinis uice ac tanquam sanitatis autor & deus ha-
 bebatur ac colebatur. (Dulcia.) Tradit nunc à quibus ge-
 neratim abstinere debeant lienosi, & talia ait esse dulcia;
 unde Celsus ait, Dulcia omnia lienis sunt inimica, acida
 autem maxime coueniunt. Et Gale. Nouimus, inquit,
 dulcibus omnibus, tum iecur, tum lienem maxime intum-
 escere. (Noct.) Officit. Quo pacto aut noceat, ipse mox
 subiungit, estq; id quod risum efficit intemperantem, &
 quem uocare possis sardonium: quo qui afficiuntur, ad
 interitum usq; ridere solent: ceu contigit Zeusi pictori &
 Crysipso, qui immoderato risu obiere. (Risum ineptum.) Ri-
 sum petulantem, immodicum, insanum & dementem:
 qui non minus indecorus est uiro graui quàm muliebri
 more eiulatus. Risus autem sedes in splene collocatur, ad
 cuius magnitudinem, risus intemperantia sequitur, & ad
 paruitatem eius atq; ablationem, risus etiam minuitur &
 aufertur. (Addit.) Efficit. (Sardois herbls.) Hoc est, hijs qui
 herbam sardoniam gustati risu intereunt. Dicta est autem
 Sardoia siue sardoniam herba, quia plurimum in Sardinia
 nascitur. Estq; secunda batrachij siue ranunculi species.
 Quæ, ut Dioscorides tradit, in cibo potuue sumpta, men-
 tis alienationem & cum labiorum contractione eas con-
 uulsiones facit ut risus speciem præbeat. A quo euentu
 etiam

Deusida.

Dulcia.

Risus sedes.

Herba sardoia.

etiam Sardonius risus miserabili dictorio inter homines iactatur. Hanc multi apium risus uocant: Apuleius uero Sceleratam. Porro de risu sardonio plura Erasmus Roterodamus in adagiorū chiliadibus. *Dicitur excessus.*) Post enumerata magni lienis nocumenta & effectus, nūc eius dē exempti & ablati uitia tradit, quæ sunt risus ablatio & uitæ seueritas atq; tristitia. Hinc Plin. Et per uulnus etiā, inquit, exempto uiuere animalia tradūt. Sunt qui putent adimi risum simul homini, intemperantiam q̄p ioci constare lienis magnitudine. *Faciles cachinnos.*) Risus leues & ineptos. *Perpetuo auo.*) Vita uniuersa. *Frontem seueram.*) Vultum & faciem tetricam, tristitiæ q̄p plenam.

Splen excessus.

PRAECORDIIS SANANDIS.

CAPVT XXIII.

LANGUIDA si duro turgēt præcordia morbo,
Miscetur mulsæ farris sextarius unus,
Necnon & lini tunsum siliquæq̄ legumen,
Hæc decocta simul nondumq̄ repentiā necēs.



PRAECORDIIS.) Quamuis nonnunquam succingens mēbrana quæ diaphragma dicitur, quia cordi prætēditur, præcordiorum nomine censeatur, ut Plinius testatur libro 11. Hic tamen à Sereno præcordia appellantur exta in homine. Et sic etiam interpretatur Plinius libro 30. cap. 31. cum inquit, Præcordia uocamus uno nomine exta in homini. Græci quoniā sub chondro, id est cartilagine, sint, hypochondria quasi subcartilagia uocant. *Duro turgent morbo.*) Hoc est, tumore & abcessu apostemateq̄ duro afficiuntur. *Mulso.*) Scilicet aquæ: quæ & melicraton & hydromeli dicitur. Quamuis hydromeli à melicrato nō nunquam discrepet: non quidem substantia ipsa, sed æta

Præcordia.

Extæ.

Aqua mulsa.

Hydromeli.

Melicraton.

sis ratione tantū, uti colligitur ex Plinio & Dioscoride, Et quia molliendi uim habet, ideo duris præcordiorū abfcessibus perutilis est, illos emolliendo discutiēdoq̃, præsertim si cum alijs idoneis temperetur & imponatur. Far.

Far.

Sextarius

ris.) Far frumenti genus est, quod ad oreum ueteres appellarunt. Valet et hoc uel per se, nedū alijs mixtū, ad præcordiorū duriciā emolliendā & discutiendā illitū. Sextarius.) Sextarius mensuræ genus est, & sexta pars chus; diuiditurq̃ in duas lances, cotulāsue, quas heminas uocamus. Lanx uero in duo acetabula, oxybaphāue diuiditur. Acetabulum aut in tres cyathos. Cyathus uero mystra quatuor facit. Cochlearium uero mystri dimidium est. Sextarius ergo in cochlearia sex & nonaginta soluitur. Dictusq̃ est sextarius quod eū sexies capit cōgius, qui chus Latine dicitur: autor Aphricanus medicus. Lini.)

Linum.

Siliqua

Notum omnibus linum. Cuius semen omnes intus & foris inflammationes discutiendi & emolliendi uim habet, auctore Dioscoride. Siliqua.) Siliqua cōmuniter pro leguminum folliculo & theca qua claudūtur accipitur. Plinius, Siliquæ rotūdæ ciceri, cæterisq̃ leguminum longæ & ad figurā seminis latæ, pīso cylindraceæ. Aliquando uero arboris ceratiæ fructus Siliqua dicitur, de qua habitum est supra capite 17. Nōnunquam uero proprium leguminis genus est quod Siliciam uocat Plinius, & scēnū Græcum quoq̃ appellatur teste Varrone & Columella. Et in hoc significato hic accipit Seren. Cuius siliquæ farina, ut auctor est Dioscorides, molliendi discutiendiq̃ uires habet, & ad collectiones facit, quæ intus forisq̃ colligūtur, cum

Legumen.

decocta aqua mīsa subacta. Legumen.) Semen, quod si liquis hoc est thecis & folliculis includitur. Sic dictum à legendo, quod terra uellitur, non subsecatur. Nondum tepentia.) Hoc est, calore suo nondum destituta nec algida, sed adhuc calentia & feruida. Nestes.) Annectes & impones.

Aut quæ poma Cydon Creteis misit ab oris

Cocta

Cocta lines, durum ut possis mollire tumorem,
 Ocyma præterea bulbiue linuntur amari.
 Proderit & lymphis corpus mersare marinis.
 Quin etiam catulum lactentē apponere membrīs
 Conuenit, omne malū transcurrere fertur in illum,
 Cui tamen extincto munus debetur humandi,
 Humanos quia contactus mala tanta sequuntur,
 Et iunctus uitium ducit de coniuge coniunx.
 Quod superest tritæ iunges ramenta carinæ,
 Quodq; decē ex rebus* confit simul atq; uocatur,
 Masticis addentur cum puluere mollia farra,
 Talibus auxilijs præcordia tutā resistent.

*decaorithon
maritæ

Poma Cydon.) Describit mala quæ uocamus cotonea, &
 Græci Cydonia ex Creta insula aduecta: quorum plura
 sunt genera, de quibus Dioscorides, Plinius & ceteri. Cy
 don autem amplissima illustrissimaq; Cretæ insule ciui-
 tas est, de qua plura Strabo libro 10. à qua ciuitate & mala
 Cydonia nomē adepta sunt. *Creteis ab oris.*) A regione et
 insula Creta, centum urbibus clara fama: de cuius situ &
 claritate plura Strabo libro 10. & Plinius libro 4. *Ocyma.*)
 Ocimum, quod & basilicon dicitur, uim habet maturan-
 tem & discutientem: quare & contra præcordiorum du-
 riciam mammis illinitur, ut Plinius tradit libro 20. cap. 12.
Bulbi amari.) Maxime qui edendo sunt & saporis inter hos
 amarioris. Et hunc effectū eorum Plinius etiam testatur
 lib. 20. ca. 9. hjs uerbis: In uino cocti, illiti uentri, duriciā
 præcordiorum emolliunt. Quamuis etiam alijs qui eden-
 do nō sunt, & medicamini tantū nascuntur, ad hunc affe-
 ctum uti quis posset, inter quos nobilissima est etiā Scyl-
 la. *Lymphis corp. mers. mar.*) Maris enim aqua per sese di-
 scutiendis tumoribus efficax est. Vnde, ut Plinius etiam
 libro 31. ca. 3. testatum reliquit, Præcordia maris piscinæ
 corrigunt. *Catulum lactentem.*) Idē tradit Plinius hjs uer-

Mala Cydonia.

Cydon.
Creta.

Ocymum.

Bulbi amari.

Aquamarina.

Catulus lactens.

bis: Præcordia uocamus uno nomine extra in homine, quorum in dolore cuiuscunque partis si catulus lactens ad moueatur, adprimaturque ijs partibus, transire in eum morbus dicitur. Idque exeterato, perfusoque uino deprehendi uitiato uiscere illo quod doluerit hominis et obrui, alijs religio est. *Cui extincto &c.*) Est enim morbus letalis & contagiosus, qui quem corripit, ni statim succurratur, actutum interimit. *Humanos quia.*) Reddit nunc causam propter quam humani iussit catulum mortuum. Et est hæc, quia morbus quo infectus obiit, est contagiosus, quem unus ab alio facile contrahit et per contagionem inficitur. Si enim Catulus per contactum inficitur, quanto magis homo infici potest, qui cutis & substantiæ est tenerioris. *Quod superest.*) Ponit nunc ultimum medicamentum quod constat ex pice nauali, mastiche, farre, & medicamento ex decem rebus, ut ait, composito. *Ram: nta carina.*) Intelligit picem naualem quam zopissam uocant, de qua supra etiam habitum est, & quæ additur in malagmata ad discutiendas collectiones, autore Plinio libro 24. cap. 7. qui & optimam esse ait quæ sit à tyrocinio nauium. Porro ramentum à rado dicitur, tenuis cuiusque rei particula, quasi rasura. Carina uero infima pars est naui, & pro tota naue aliquando accipitur. *Quodque decem.*) Videtur intelligere compositionem illam thenacæ & compositionem medicaminis Antiochi, quam refert Plinius naturalis historię libr. 30. circa finem huius uerbis: Sed ante discessum ab hortensibus unam compositionem ex ijs clarissimam subteximus aduersus uenenata animalia, incisam lapide uersibus in limine ædis Aesculapij. Serpilli duum denariorum pondus. Opopanacis & milij tantundem singulorum. Trifolij pondus denarij. Anethi & sceniculi feminis, & anisi & mei, & apij denariorum senum ex singulis generibus eruij farinæ duodecim. Hæc tusa cribrataque uino quantum possit excellenti digeruntur in pastillos, uictoriati pondere. Et huius singuli dantur ex uini mixti cyathis ternis.

Hac

Ramenta carina
Zopiss.
Pix naualis.
Ramentum.

Carina.
Medicamentum
s. . . rerum.

Hactheriaca magnus rex Antiochus aduersus omnia uenena usus traditur. Hactenus Plinius. Verum loco horum uerborum, Confit simul atq; aliqui codices sic scriptum habent, decathorthoma rite. Vbi per decathorthoma intelligendum est medicamentum ex decem rebus recte confectum, à *δέκα* quod est decem, & *ὀρθός*, id est rectus.

LUMBIS ET RENIBVS

S A N A N D I S.

CAPVT XXIIII.

C V M sœuit penitus hærens iniuria lumbis,
 Igne lapsi candens datur exultantibus undis,
 Hoc poteris potu tristem superare dolorem.
 Aut pice cum dura, mel, nitrum, sulphur, acetum,
 Succida lana rapit contacta calentibus iisdem,
 Proderit hanc ægris crebro perducere membris.



V M B I S.) Lumbi dicuntur pars illa ab cintura usq; ad nates, ubi & renes situati sunt: sic dicti, ut quidam uolunt, à lubidine, hoc est, libidine: antiquitus enim & lubido dicebatur et libido, sicut lubet & libet. Porro lumborum uitium & debilitas lumbago appellatur: quamuis etiam renum dolor, qui nephritis dicitur, ad lumbos referatur, & de utroq; mixtim præsentī capite agit Serenus, potissimum tamen de eo qui affectis renibus accidit. *Renibus.*) Dolori renum affectorum: qui duo sunt in animali, & ut Celsus ait, diuersi, qui lumbis sub imis coxis inherēt à parte earum resimi, ab altera rotundi, qui & uenosi sunt, & uentriculos habent, & tunicis supercōteguntur. Quorum munus & officium est ut, concocto in iecore & ab humore aquoso superfluo sequestrato & in corpus penetraturo

Lumbi.

Lumbago.

Nephritis.

Renes.

sanguine, eius serosum, ne corruptioni locum præbeat, ab iocinore adtrahant. Suntq̃, ut uolunt, dicti renes ἀπὸ τοῦ πῆμ, hoc est à defluxu humoris obseceni, id est sedimentorum urinq̃. Penitus herens.) Omnino & multū infixus, unde et longo tempore affligit. Nam, ut Celsus ait, Renes ubi affecti sunt, diu male habēt. Iniuria.) Malum & morbus. Candens.) Ignitus. Quamuis enim candens proprie candidum dicitur, quia tamen ea quæ ignescunt, candidiora fiunt, ideo aliquādo pro ignito accipitur. Sic etiam ferrum candens & carbo candēs dicitur. Datur.) Immittitur & extinguitur. Exultantibus undis.) Aquæ bullienti. Cum enim ebullit aqua, effertur & exilit quasi saltare uideatur. Aut picē cum dura.) Docet nūc conficere malagma quod extra lumbis iniiciendū est, & frigido dolori conuenit. Estq̃ medicamenti huius uis & natura calefacere, discutere & extrahere, quibus hic opus est: unde Celsus ait, At super quoq; recte quēdam malagmata iniiciantur, maximeq̃ ea quę humori extrahendo sunt. Per picem uero duram, intelligit Serenus picem siccam. Duplex enim est picis genus, liquidum & siccū siue spissum. Fit autem pix sicca, decocta liquida, & à multis palimpissa uocatur, quasi iterum cocta pix. Cui uis est calefaciens, molliens et discutiēs. Mel autem aperit & humores in summum proritat. Nitrum uero uires ex alto in summū etiam euocandi habet. Sulphur calfacit & discutit. Acetum autem reliquis ad interiora penetrandi uim addit: & quamuis frigidum sit, habet tamē admixtam sibi aliquam caliditatem, autore Galeno therapeutica libro 10. Succida lana.) Lana succida quid & qualis & unde sic dicta sit, docet nos Varro rei rustica libro 1. hijs uerbis: Tonsuræ tempus inter æquinoctium uernum & solstitium: cum sudare inceperint oues, à quo sudore recens lana tonsa succida est appellata. Quæ, ut Dioscor. tradit, probatissima est, mollis & ex collo femoribusq̃ pecoris detōsa: præbetq̃ duplicem utilitatem, Vnam, quod natura suā & sordium suarum

Candens.
Aqua lapi-
deata,

Pix dura.
Palimpissa.

Mel.
Nitrum.
Sulphur.
Acetum.

Lana succida,

pinguedine, quæ celsypus est, egregie mollit & ad omniū partium dolores facit imposita. Alteram, quod res liquidas cito dilabentes suscipit & combibit, ut diutius adhæreant.

Aut caput asparagi cum uino sume uetusto:

Seu mauis appone; modus conducit uterq̃.

Aut adipe mixtum lumbis inducito sulphur.

Sæpe chelidoniā cum succo Palladis addes,

Farrāq̃ quæ tremulis profunt sudantia flammis.

Fertur amygdalæ succus nucis esse bibendus:

Pinsitur hæc tepidisq̃ absorbitur addita lymphis.

Aut tres ex uino cochleas feruescere coges

Cumq̃ suis domibus franges, piperis quoq̃ grana

Ter quinq̃ adijcies, potuq̃ iuuaberis illo.

Caput asparagi.) Radicem asparagi caput uocat, eo quod ex *Asparagu.*

ea tãquam capite & fonte initioq̃ frutici uniuerso uis sua

influit. Hæc decocta cum uino & bibita lumborū ac re-

num dolores sedat: quod & Apuleius testatur inquiring,

Ad renum dolorem: Herbe asparagi radix trita cum uino

& potata proficit. Nec modo hausta, sed & extra lumbis

imposita eiusdē uirtutis habetur: cuius rei testes sunt etiā

tum Plinius tum Dioscorides. Id autem agit uirtute qua

urinam cit et per eam renes purgat. *Adipe sulphur.*) Ponit

idem Plinius libro 35. cap. 25. hñs uerbis: Rhenibus quoq̃

et lumbis in dolore cum adipe mire prodest impositū sul-

phur. *Succo Palladis.*) Succo oliuę, hoc est oleo oliuarum,

cuius inuentrix Pallas perhibetur, quæ & disciplinarum

dea est habita, unde & oliua illi consecrata fuit tum pro-

pter olei inuentionem, tum quia lucubrationibus & lu-

cernarum oleo discipline perdiscuntur. Quod & Marcia

nus Capella in hymno testatur cum ait, Hinc nam uerni

comę frondent tibi munera oliuę Ars & cura uigil per te

quo discat oliuo. Item de oliua Mineruę sacra Ouidius

Succus Pallas

dis.

Oleum oliua

ram.

Pallas.

etiam libro metamorphoseon sexto. Columella in hortulo palladium baccam uocat dicens, Rutaq; palladię bacę uictura saporem. Tremulis.) Propter radios ignis scintillantes & motu trementes. Amygdalę nucis.) Presertim amarę. Vnde Plinius libro 23. cap. 8. Amygdalę amarę sanant renum dolores ex aqua potę. Et hoc maxime obstructionem renum aperiendo, autore Auicenna, & urinam mouendo. Opus enim est, autore Celso, quę maxime inde urinam mouere consueuerunt. Et inter nephretica medicamenta eandem amygdalam sed alio utpote nucis Gręcę nomine, connumerat. Pinfitur.) Contunditur. Docet autem modum extrahendi succum. Hunc nostro quo propter coloris candorē & albedinem, lac amygdalarum uocamus. Tres ex uino cochleas.) Hoc idem medicamentum comprobatur Plinius libro 30. cap. 3. dum inquit Cochleę tres contritę cum testis suis atq; in uino decoctę cum piperis granis 15. lumborum dolori bibuntur. Feruescere coges.) Decoques. Domibus.) Testis, quibus pro domo utuntur. Vnde & domiportam uocauit cochleam Cicero, more Gręcorum qui *φερειομορ* ipsam appellant. Piperis.) Hoc libro 4. cap. 10. Celsus etiam in renum morbis modo cibo modo potioni adijcere iubet.

Furfur item parca fuerit cum feruidus unda,
Post oleo madidus succis immittitur aptis,
Quę uix passuris urentes addito membris,
Prodest ceruinę uehemens natura medullę.
Nec nocuit ciceris cocti potasse liquorem.
Aut mixtam teneris maluam contundito porris,
Contritumq; simul, cum mastiche, cōfer anethum,
Quodq; decem rebus cōponi ex nomine clarū est,
His contingit locū, Deus hęc mihi certa probauit.

Furfur.

Furfur.) Malagma ex fursure, aqua & oleo non modo renum, ut hic docet autor, sed omnium etiam dolorum mitigatorium est impositū. Parca.) Modica. Feruidus.) Coctus

Æus. Ceruina medulle.) Inter medullas probatissima est *Medulla ceruina.*
ceruina, autore Dioscoride: molliunt autem omnes, ra-
 refaciunt & calfaciunt. *Vehemens natura.*) Virtus fortis et
 efficax. *Nec nouit.*) Imò prodest & iuuat: modo renum
 & uesicæ ulcerationem non patiatur: tunc enim læderet
 potius quàm prodesset, autore Dioscoride. *Ciceris liquo-*
rem.) Hoc est, ius ciceris: aperit enim renum obstructio- *Ciceris liquor.*
 nes, et eos per urinam purgat. *Aut mixtam teneris.*) Hoc ul-
 timum est lumborum & renum affectorum medicamen-
 tum ex uarijs rebus compositum: quod autor diuino mu-
 nere probatum testatur. Cuius uires ex simplicium quæ
 compositionem eius ingrediuntur, natura haberi potest.
Malua etenim molliet & lenit. Porrum urinam cit: quod *Malua.*
 & mastiche facit cum discussione. Anetum molliet, lenit & *Porrum.*
 urinam mouet, quod & alterum ex decem rebus medica *Mastiche.*
 mentum facit, de quo dictum est capite præcedenti. *Anetum.*
tinge.) Inunge & impone. *Deus.*) Aesculapius. *Medicamentum*
decem rerum.

VENTRIS DOLORIMI- TIGANDO.

CAPVT XXV.

SI dolor insanus tota defæuit in aluo,
 Heminis tribus in lympa ualidam coque rutam,
 Aut apiun, donec pars duplex desit aquarum,
 Potus erit medicus non detrectante palato.



VENTRIS.) Venter multifariam accipitur. *Venter et eius*
 Primo pro eo quod à pectore ad pubem appa- *accepciones.*
 ret, id est, quod inter abdominis membranam
 interiorem et cutem exteriorem interiacet: hoc
 est, pro abdomine seu sumine, quod Græce epigastrium
 dicitur: & sic accipitur cū dicimus uentris musculos esse
 octo, de quibus Galenus libro de locis affectis quinto: sic

etiā accipit Cel. lib. 4. ca. 16. cū ait, Sub hoc uēter indurefcit, dolorq; eius eft. Secundo accipitur uenter pro ijs quæ in fra abdominis membranā interiorē continentur, hoc eft, pro uentriculo, intestinis & cauitate infra abdomē in profundo exiftēte, ut apud Hippocratem prognosticorū lib. 2. cum ait, Si talis excernitur, inferior uenter bene ualet. Vbi dictionem INFERIOR solius thoracis causa adiecit, qui aliquando superior uenter ab eodē appellatur, quod & Galenus in huius loci expositione testatur inquires, At uero bene ualere uentrē dixit inferiorem, conferens cum cum thorace ut inteligamus uētriculum ipsum, & item ie iunū simul cum intestino omni, per uentrem inferiorem. Tertio per uētre intellligimus partes iam dictas utraq; & interiores & exteriores simul. Et sic accipit etiam Hippocrates aphorismorum libro 6. cum ait, Dolores uentris sublimes, leuiore: qui uero non sublimes, fortiores. Pro cuius clariore notitia Galeni hunc locum exponētis uerba subiiciam. Inquit autem, Sublimes nunc audiendi sunt, nō secundum longitudinem corporis, sed profunditatem. Interstinguuntur autē hī in locis ad uentrem attinētibus membrana interiorē abdominis: adeo quod quicunq; supra hoc fiunt, sublimes uocantur: qui uero infra, hoc est, in ipsis intestinis, atq; uentriculo, & in profundo, non sublimes dicuntur. Et in hīs duabus significationibus accipit etiam uentrem hic Serenus. Quarto accipitur uenter pro ut comprehendit uentrem inferiorem & superiorem, & sic accipit Hippocrates in libro de ulceribus cum ait, Purgatio per aluum plerisq; ulcerum prodest: præterea uulneribus quæ in capite sunt accepta, item quæ in uentre & articulis. Sed ne quis de significato hoc dubitet, testatur id Galenus lib. therapeutices quarto hīs uerbis: Ventrem autem hoc loco non solum inferiorem intelligendum esse, sed etiam superiorem, patere cuius arbitror. Diuiso namq; quod inter collum & crura est trunco, in duas capacities maximas, prior sub thorace, secunda

tunda sub membrana quæ abdomini subtenditur, peritoneon Græci uocant, continetur. Quinto accipitur uenter pro eo quæ cibi receptaculum est, ut apud Pliniū cum ait præcordijs subesse uentrem in quo conficiuntur cibi, & hinc in aluum delabuntur. Sexto pro tota cavitae quæ est infra thoracem. Sic Hippocrates aphorismorum libr. 7. accipit cum ait, Quibus hepar aqua plenum in omentum eruperit, his uenter aqua repletur & moriuntur. Secundum quod significatum, uentrosi nominantur. Septimo uenter pro omni cavitae accipitur, ceu apud Hippocratem aphorismorum libro 6. Si in uentrem sanguis præter naturam effunditur, necesse est suppurari. Et ultimo uenter accipitur pro utero, quemadmodum et aluus. Vnde mulieres dicuntur gestare uentrem, id est, uterum. *Dolor insanus.*) Magnus, acutus, & quasi ad insaniam ducens præ uehementi afflictione. *Defecit.*) Fuit, & magno cruciatu torquet & infestat. *Aluo tota.*) Vniuerso uentre. Alui nomine Plinius lib. 11. portionem illam intelligit in quam medio adnexam umbilico cibi iam in uentre coacti delabuntur. Serenus alui & uentris nomine idem intelligit. Dicitur item & qua sordes effluunt & eluuntur aluus. *Hemina.*) Hemina duplex est. Vna ponderis, quæ & libra dicitur, uncijs constans duodecim, præsertim Italica. Altera est hemina mensurarum frugum & liquidorum, quæ & Cotyla dicitur, Sextarii dimidium. Continet autem acetabula bina, cyathos uero sex. *Validam rutam.*) Rutam efficacem, qualis maxime est siccata, & id quidem modice. Vt enim si plusculum siccetur, acris amaraque redditur, & supra quam par est calida: sic si prorsus non siccetur, excrementitium quædam humorem retinet, nondum ex toto concoctum, cuius uitio flatum discutere minus potest: autor Galenus de sanitate tuenda libr. 4. Plin. libro 20. capite 13. Ruta, inquit, cruditates discutit, mox inflationes, dolores stomachi ueteres. *Apium.*) Vt quod inflationes discutiat. Est autem apium herba quæ nunc uulgo petroselinum uocatur: quod uel ex Plin. colligitur,

VENTRIS DOLORI.

qui ait, apium gratum esse iuribus. *Pars duplex.*) Scilicet respectu eius quod remanet: ita ut tertia pars aquę solum remaneat, & duę per decoctionē absumentur. Erit enim sic uirtute magis efficax. *Medicus.*) Medicinalis & salubris. *Non detrectante.*) Non abhorrente, nec fastidiente palato: in quo etiam saporum intellectus quidam est, auctore Plinio.

Præterea niuei sterilis testa uritur oui,
Quæ postquam in tetram fuerit conuersa farinam
Ex calidis potatur aquis & pota medetur.
Nec non iungenda est utero noua uirga myricæ,
Illæsa hæc ferro terraq; intacta geratur.
Aut medio uentris prodest aspergere terram,
Quam signauerunt uestigia pressa rotarum.
Proderit & puluis facili sub cardine raptus.
Quin etiam ex lymphis tritum potare cuminum
Cōueniet, quod iam nobis documenta probarunt.
Mēta quoq; hoc pacto medicos dabit hausta sapes

Testa oui.

Sterilis testa oui.) Hoc est, putamen oui inane & uacuum, & maxime à quo pulli exierūt, & sine membrana interiore. *Tetram farinam.*) Id est, pollinem & puluerem mollissimum nigrum. Per uersionem nanq; candidus color in nigrum

Vterus.

Myrica.

mutatur. *Iungenda utero.*) Id est, uentri imponenda. *Vterum enim pro uentre accipit.* *Noua uirga myricæ.*) Recens decerptum uirgultum myricæ, quæ & tamarix dicitur: de qua dictum est supra. Porro medicinx huius Plinius quoq; meminit libro 14. capite 9. his uerbis: Grauis autem autor in medicina uirgam ex eadem fractam, ut neq; terram neq; ferrum attingeret, sedare uentris dolores asseuerauit impositam, ita ut tunica cinclūq; corpori apprimeretur. *Geratur.*) Ventri circūcincta portetur. *Medio uentris.*) Circa umbilicum. *Terram quam signauerunt. &c.*)

Terra orbite.

Hoc est, terram ex rotarum orbita desumptam, quæ exci-

cando

eando & discutiendo est. Puluis sub cardine.) Hoc est, scobes & puluis uel terra quæ circa portas & ianuas à calceis cadens colligitur. Cuminum.) Inflationes enim discutit & pituitas, autore Plinio lib. 10. cap. 14. Menthæ.) Dioscorides, In uniuersum uentri accommodata est mentha. Medicos sapores.) Liquores & potus salubres.

Terra ianuarum

Cuminum.

Menthæ.

Coeliacos autem recreabis pane salubri,
Quem madido farre efficies ac mollibus ouis,
Quorum testa prius sparso euanesceat aceto.
Refert & teretes bulbos mollire terendo,
Cumq; his lenei durum potare fluentum.

Coeliacos.) Κοιλία Græcis uenter est, hinc coeliaci qui morbum patiuntur quem Græci coeliacum etiam uocant, uentriculo & intestinis simul affectis eueniens, teste Galeno, qui de locis affectis libro 6. sic ait, Sunt alia quoq; accidentia, quæ quidem haud absurde & intestinis & uentriculo simul affectis euenire creduntur, ut quas lyenterias & coelias nominant, cum uidelicet materiæ nequaquam sunt mordaces. Nam ut mordaces, ob mordendi uim, omnia intestina ad excretionem excitant: ita non mordaces, in testinorum imbecillitatem sequi consueuerunt, quia recti nere contenta, ne exiguo quidem tempore possunt. Si quidem illico excernunt ea, perinde ac si graue aliquod onus deponerent. Recreabis.) Refocillabis & confortabis. Pane salubri.) Idem medicamentum & panem conficere & coeliacis prodesse docet etiam Plinius lib. 29. cap. 3. his uerbis: Quorum maceratorum in aceto molliri diximus putamen. Talibus cum farina in pane subactis, coeliaci recreantur. Madido farre.) Farina tritici aqua madefacta ut subigi possit. Panis uero tritici, teste Dioscoride, fluentem aluum sistit: quemadmodum & acetum, quod etiam, eodem autore, adstringit & cibarijs concoctum alui fluxionibus utile est. Refert.) Commodum, utile et salubre est. Bulbos.) Qui scilicet edendo sunt: tales enim,

Κοιλία.

Coeliacum.

Panis coeliacorum.

Panis tritici.

Acetum.

Bulbi.

HYDROPSI CVRANDAE.

Vinum austerum,
acerbum.

Λινόμ.
ὑπολίνιον.
Lencus Bac-
shus.

autore Dioscoride, stomacho in cibo utiles sunt, & dolores eius sedant, concoctionesq; adiuuant. *Fluentiam dixerunt Lenci.*) Id est laticem & liquorem vini, hoc est vinum ipsum austerum siue acerbū. Vtrunq; enim utile stomacho resolutō, vires firmans, & in aluum, intestinaq; destillationes compescēs, ut autor est Dioscorides. Lenon, id est λινόμ, & hypolenion, id est ὑπολίνιον Græcis lacuna dicitur & torcular atq; vas in quod uuarum liquor & vinum excipitur. Vnde Bacchus poësis Leneus dicitur, & transumptiue pro uino ipso accipitur. Verg. Geor. libr. 3. Profuit inserto latices infundere cornu Leneos.

HYDROPSI CVRANDAE.

CAPVT XXVI.

CORRUPTI iecoris uitio, uel splenis acerbis
Crescit hydrops, aut cum siccata febre medullæ,
Atq; auidæ fauces gelidum traxere liquorem:
Tum lymphæ interius uitio gliscente tumescit,
Secernens miseram proprio de uiscere pellem.

Hydropisis.

Ascites.

Tympanites.

Hydropisis
siccæ.

Aphor. lib. 4.



HYDROPSI.) Hydrops siue hydropisis Græce, Latine aqua intercutē dicitur. Cuius tres sunt species, Vna quæ ab utris similitudine ascites uocatur, in qua plus humoris continetur, spiritus autem minus. Altera tympanites, eo quod summus uenter percussus sonitum edit qualem tympana: & in hac plus spiritus est, humoris uero minus. Et hæc ab Hippocrate sicca nominatur hydropisis, teste Galeno. Hoc enim genus non humidum est sicut ascites, in quo materia collecta non est flatuosus aër, sed humor aquosus. Videtur autem à maiori frigiditate generari aquosus hydrops quem asciten uocant, quoniam ueluti in utre quodam

quodam in membrana abdominis interiore humor continetur: à minore autem tympanias. Neque enim humida substantia in flatuosum aërem sine calore aliquo potest transmutari. Et in hīs duobus generibus cibus in aquam conuertitur, & in locum iam dictum diffunditur: nec in alio differunt quàm in spiritus & aquæ maiore aut minore quantitate. Tertia species est quæ hypofarcidios, hypofarca & anasarca dicitur, quæ solidis partibus in aquæ naturam resolutis per totum fit corpus. Et hanc quidam leucophlegmatian etiam, hoc est, albam pituitam uocant, quasi uidelicet, uti Galenus scribit, sit etiā pituita liuida, uel tanquam sui quidem ratione sit semper alba, sed propter mixtionem quorundam aliorum humorum uerum mutet colorem. Quamuis etiam simpliciter absq; distinctione albi potest esse facta adiectio. Cæterum Hippocrates libro de uictu acutorum 4. duo tantum aquæ intercutem genera facit, Vnum nunc dictum hypofarcidios, quod etiam incurabile tradit, Alterum quod ex flatibus constat, quod multa, eaq; bona fortuna indiget. Et sub hoc duo priora genera, asciten & tympanian, quia eiusdem naturæ sint, comprehendit: non enim differunt, nisi (ut iam dictum est) spiritus & aquæ maioris minorisue ratione. Porro omnium, uti Celsus lib. 1. cap. 11. ait, communis est humoris nimia abundātia. Estq; cuiusuis aque intercutem communis genitura, autore Galeno, ubi san- guificationis officium intercidat. Demum omnis hydro- pisis initium traditur esse malus corporis habitus, quem Græci καχεξία uocant. Causæ uero sunt uariæ, quarum & si non omnes, potiores tamen & magis communes, fre- quentiusq; contingentes autor ponit in textu. (Corruptiæ cause, coris uitio.) Inter hydropiseos causas præcipua est iocino 1. iecur, ris uitium, siue per sese & suapte ui, siue per aliarum partium consensum afficiatur iecur: nisi enim hoc alijs consenserit, aliorum nullū hydropifim efficere poterit. Nam cuiusuis hydropiseos communis genitura est, ubi sangui-

2. Splen.

Sine iecoris uisio
hydropifis
nunquam fiet.

3. Febris, quo
modo hydropi
fis causa.

Medulla.

ficationis officium intercidit & sanguinis generatio frustratur: quod iecoris uitio accidit, nativo eius calore uicūq; extincto. *Splenis.*) Altera hydropifis causa est lien, sed consentiente iecinore: nisi enim ad hoc transmittatur malū, hydropifis subsequi potest minime. Vnde per longos morbos indurato seu obstructo, aut ex tumore uel aliter refrigerato splene, ad consensum agit iecur, per quā tale medium uniuerso corpori aquam intercutē & hydropifim concinnat. *Acerbus.*) Molestas & dirus. Horatius in Odis: Crescit indulgens sibi dirus hydrops, Nec sitim pellit, nisi causa morbi Fugerit uenis, & aquosus albo Corpore languor. *Crescit.*) Generatur. *Siccata febre medulle.*) Febrem hydropifis causam esse bisariam intelligere possumus. Primo cum febrilis calor corporis humiditates consumit: quod maxime in longis & diuturnis accidit febribus, potissimumq; in quartana, cum iecur, membra & uniuersum corpus extraneo calore excalescit & deficcatur, nativusq; calor extinguitur & resoluitur. Vnde iecur nativo calore destitutū et refrigeratum, extraneo uero accēsum et ficcātū arefcens, uis eius cōcoctrix afficitur; suoq; munere destituitur, quare cibus in sanguinē transmutari nequit, sed aquosus efficitur humor, sanguisq; pituitosus, qui et aquam intercutem hydropifimq; concinnat. Secundo hydropiseos causa est febris, cum iecur in febribus calida & sicca intemperatura tam grauiter afficitur, ut consumpto corporis humido & arefcētibus membris, sitim inducat non minimam, quam infirmus sufferre non ualens, & refrigerium refocillationemq; querens ad frigida aqua potū recurrit, qua intempestiue pota & hepate affatim refrigerato, statim aqua intercutem inducitur. Et sic febris mediante frigida aqua potu, hydropifis causa dici poterit. *Medulla.*) Medulla pingue id est quod in ossium medio reconditur: hic autem pro omni corporis succulentia sumitur indifferenter. *Auida.*) Sirculosae propter humorū desiccationē & frigidi humidicq; deside-

desiderium & appetitum. Sitis enim frigidi & humidi ap-
 petitus dicitur. *Fauces.*) Fauces enim ex membris sunt
 quæ per colligantiam siti afficiuntur. *Gelidum liquorem.*)
 Aquam frigidam & eius potum. Ex intempestiua etenim
 aquæ frigide potatione iecur affatim refrigeratum, statim
 aquam intercutem concinnat, autore Galeno de locis af-
 fectis libro 5. cap. 6. & alibi. Et hæc est quarta hydropisis
 causa à Sereno proposita. Sunt & aliæ, quas tamen ceu
 minus occurrentes, ipse obmittit, & ad curationem pro-
 greditur. *Tum.*) Post causas iam relatas. *Lympha.*) Hu-
 mor aquosus. *Interius.*) In uentre & membris subcuta-
 neis. *Gliscere.*) Crescente & pinguescente, incremen-
 tum quæ accipiente. Gliscere enim crescere est, & aliquando
 idem quod pinguescere. Columella libr. 8. cap. 7. Gallina
 quæ prima luna saginari cœpta est, uigesima pergliscit.
Tumescit.) Tumescit & in tumorem attollitur. *Secernens.*)
 Diuidens, diuellens & separans. *Miseram pellem.*) Cutem
 infelicem & inualidam, infirmam quæ. *Viscere.*) Ventre et
 carne cui adnectitur cutis ipsa.

Sitis.

Fauces quomodo
siti afficiantur.4. Aqua frigi-
da hydropis
causa.

Gliscere.

Conueniet teneræ radix decocta sabuci

In geminis calidi cyathis potanda lyæi.

Fraxineum semen cum Bacchi rore bibendum est.

Necnon appposito curantur dropace membra.

Conueniet.) Vtilis erit & cōmoda. Enumeratis causis qui-
 busdam, ponit nunc autor morbi curam per medicamen-
 ta, tū quæ intus assumuntur & hydragoga dicuntur, hoc
 est, quæ aquositates purgant & aquam intercutem pro-
 liciant atque educunt, tū per cataplasmata & alia quæ extra
 adhibentur & aquositates siccant & discutiunt. *Radix sa-
 buci.*) Idem hoc medicamentum ponit Plinius lib. 24. his
 uerbis: Radicis sabuci in uino decocti duo cyathi poti, hy-
 dropicos exinaniunt. Dioscor. potus quantitate omissa,
 eundem sabuci effectū testatur cum ait: Radix in uino de-
 cocta, hydropisi auxiliatur. Aquas enī ex corpore pellit.

Hydragoga
medicamenta.
Radix sabuci,

Semen fraxini. Praxineum semen.) Plinius, Semen folijs eius inest, quæ a-
quam, quæ subit cutem, extrahunt. Bacchirore.) Id est,
uino. Apposito dropace.) Exterius imposito & illito unguen-
to illo. Est aut̃ Δρωπάξ, hoc est dropax, unguenti genus &
medicamentū raptorium desiccatoriumq̃, quale sinapis
mus. Oportet enim, autore Celso, ubi inflatio & ex ea do-
lor creber est, somētis ficcis calidisq̃ uti, & crebri⁹ in uen-
trē imponere sinapi, donec cutē erodat, & seruare ulcera
diutius. Vtiliter etiā scylla cocta delinit cutis, si ualens est
qui id accipit. Hęc ille. *Membra.*) Tumentia et hydropica,

Aut calido filicis radicem mollis Iaccho,
Vngvine quo frangis uires languoris aquosi.
Nec non in tepidis conuoluere corpus harenis.
Appositu lenes nepetæ, gustuq̃ iuuabunt.
Sapeq̃ scyllino pelluntur noxia Baccho.

Iacchum.

Calido Iaccho.) Per calidum intelligit, quod coqui debeat
ut mollescat, similiter quod calidum actu imponi debet.
Per Iacchum uero Bacchum & uinum. Dictus est autem
Iacchus à uerbo *ιαχῶ* quod est clamo et uocifero, quoniā
Baccho sacrificantes clamare ac uociferare soleant. Et fi-
cut per Bacchum ita etiam per Iacchum uinum intelli-
gitur. *Filicis radicem.*) Dioscorides libro 4. Filix, inquit, fo-

Radix filicis.

lia sunt sine caule, sine flore, sine semine, ex uno pediculo
cubitali magnitudine: incisuris diuisa, & alarum auium
modo explicita, in quibus odoris grauitas aliqua est. Ra-
dicem habet filix in summa terra nigram oblongam: ex
qua plures ueluti adnatæ progrediuntur aliæ quadante-
nus in gustu adstringentes. Nascitur montanis & saxosis
locis, imò ut Plinius tradit, ubiq̃, sed maxime frigido so-
lo. Effodi debent Vergilijs occidentibus. Vsus radicis in
trimatu tantum, neq̃ ante neq̃ postea. Desiccatoriū uero
est ceu dropax si extra imponit: si uero intus assumitur,
aluum soluit, primo bilem trahens, mox aquam. Cæte-
rum quia sine semine est, ut probati testantur autores o-

Lib. 17. cap. 9.

m nes

mnes, falsum esse conuincitur, quod superstitiosius à quibusdā iactatur cōmentum, scilicet, una solstitiali, seu ut aliqui, natali diui loānis Baptistæ nocte, florere filicem, eademq̃ hora cum defloruit maturum in terram semen cadere, ideoq̃ nisi aliquis tunc adfuerit, nec uideri florem, nec colligi semē posse. *Mollis.*) Decoquendo & dein contundendo in uino mollem reddis & cataplasma inde conficis & tumentibus membris imponis. *Vnguinē.*) Vnguento, cataplasmate. Vnguen proprie omnē succum significat ex quo aliquid ungi potest. *Frangis.*) Destruis et tollis. *Vires lang. aquosi.*) Vim noxiam & morbum ipsum aquosum hydropisis. *Harenis.*) Scilicet littorum maris. Plinius libro 31. cap. 6. Nec non harena littorum maris præcipue tenuis & solibus candens in medicina est sicca dis corporibus coopertis hydropicorum. Et Dioscorides lib. 5. capite 100. Exiccat corporis aquas littoralis harena sole feruens obrutis usq̃ ad capita in ea hydropicorum corporibus. *Nepetæ.*) Nepeta est herba, quæ & chamamethe dicitur. Hæc & pota & emplastri modo posita hydropicis subuenit, idēq̃ eadē ratione qua & reliqua proxime iam dicta. *Scyllino Baccho.*) Vino scyllite siue scyllitico. Cuius concinnandi modos uarios quia per longū & molestum esset recensere, ideo loca ubi hos, qui uolet, requirere poterit, signasse tantum, contentus ero. Docet autem id Columella rei rusticæ libro 12. capite 33. Palladius libro 8. mense Iulio, Titulo. 6. Dioscorides medicinalis syluæ libro 5. capite 18. Qui etiam id cutem subeuntibus aquis & hydropisi utile esse, & uetustate bonitatem acquirere tradit. Et lib. 2. ca. de scylla, Additur, inquit, scylla potionibus medicamentisq̃ quæ rarefaciēdo sint. Daturq̃ his in quibus urinā ciere uolumus. Facit ad cutem subeuntē aquas. Cæterū Apuleius scyllæ medicinā contra hydropisim sic instruit. Bulbus scyllitides torretur, deinde circumpurgatur, & medium eius in aqua decoquitur, cū bene decoctū fuerit eximitur, et ex eo tres obolidatur.

Vnguen.

Harena littorum maris.

Nepeta.

Vinum scylliticum.

HYDROPSI CURANDAE.

potui cum melle & aceto hydropico, & euacuatur per uerinam. Et si folium aliquatulum sub lingua quis habuerit, sitim compescit hydropicorum, eodem autore.

Elleboro bene purgatur lymphaticus error,
Aut huius uice quod fert semen lenta genista,
Miscetur mulsis & cautis ducitur undis.
Est qui præualidum nitro, sale, miscet acetum,
Atq; olei succo refricant albertia membra.

Elleborus.
Veratrum.
Lib. 15. cap. 5.
Libro. 4.
Aphor. lib. 4.

Elleboro.) Ellebori, quod ueratrum Latini uocant, duo genera faciunt Plinius & Dioscorides. Vnum candidum, alterum nigrum. Quorū coloris discrimen in radice ipsa intelligitur. Vterq; sanas carnes habentibus periculosus, autore Hippocrate. Porro albus per superna uomitionibus purgat, morborumq; causas, humores diuersos & multiplices extrahens: sed ut Mesue scribit, corporibus nostri temporis est sicut uenenum proprie præfocans. Nigri uero usq; ad tempora nostra uirtus tolerabilis est, licet adhuc difficilis. Purgat autem per inferna, medeturq; hydropicis. Hoc multi melampodion & polyrhyzon et melanorhizon uocant. Nascitur autem probatissimum in Anticyra. Lymphaticus error.) Hoc est, uitium & morbus aquosus, id est, hydropisis & aqua inter cutem. Lymph enim aqua dicitur, hinc lymphaticus, id est, aquosus, & uinum lymphaticus, autore Perotto, quod plus satis habet aquæ. Quod contra Beroaldum est, qui non uult dicendum esse uinū lymphatum pro aqua diluto. Et lymphatos solum dici autumat laruos & insaniētes, de quibus dictū est in superioribus, quibus etiam num succurrit elleborus: ob quod & in prouerbiū abiit una cū insula in qua nascitur, de quibus Erasmus Roterodamus in adagiorum chiliadibus. Huius uice.) Loco ellebori. Lenta genista.) Id est spartum tenax & infragile. Virg. Georg. lib. 2. Molle siler, lentæq; genistæ. Quid autem sit Genista & quæ uirtus eius quantum hic nobis satis est docet Dioscorides

Lymphatici.
Lympha.
Vinum lymphaticum.
Lymphaticus.
Lib. Tusculan. 3.

Genista.
Spartum.

rides medicinalis syluæ libro 4. inquit, Sparton, sunt qui lobon id est filiquam, qui lygon id est uimē, Romani spartum uel genistam, dicant. Frutex est, breues, duras & sine folijs uirgas habens, easdemq; natiuo lentore infragiles, quibus uites ligāt. Siliquas phaselorum modo fert, in quibus semen ceu lentis est. Florem luteū qualem uiolę habent, quas leucoia appellant. Bibuntur flores, semenq; eius in mulsa aqua pondere obolorum quinque: purgantq; per superna egregie ueratri modo sine periculo. Solum semen itidem per inferna purgat. Hęc ille. Est autem aliud à sparto quod in Hispania nascitur & à Plinio lib. 19. cap. 2. describitur. *Mulsis undis.*) Aquę mulsę, *Cautis.*) Hoc est, cum cautela summaq; cura & diligentia preparatis, præsertim si elleborus exhibendus est, cuius portio, ut Hippocrates docet, est drachma uel eius dimidium cum aceto mulso: tertiam autem huius partem cum helleboro misceto, & minus præfocat, strangulatue. Quibus autem & quo modo, tempore & pondere dandus sit aut non dāus elleborus, docet idem Hippocrates cum alibi sparsim, tum in libro de elleborismo ad Democritum collectim. *Ducitur.*) Hauritur & bibitur. *Est qui preual. etc.*) Tale medicamentum tradit etiam Corn. Celsus, nisi quod aquam & non acetum accipit, quo tamen uel per se calenteo uaporari docet hydropicos Dioscorides, qui etiam horum tumores salea oleo inungi testatur. Verum cui speciei maxime conueniat & quomodo administrādum sit hoc medicamentum, docet etiam Celsus cum ait, At si id uitium est cui leucophlegmatias nomen est, eas partes quę tument subiicere soli oportet, sed non nimium, ne febricula incidat. Si is uehementior est, caput uelandum est, utendumq; frictione, madefactis tamē manibus aqua cui sal & nitrum & olei paulum sit adiectū, sic ut aut pueriles aut muliebres manus adhibeantur, quo mollior earum tactus sit: idq; si uires patiuntur ante meridiem tota hora, post meridiem semihora fieri oportet. *Albentia*

membra.) Per hoc intelligit speciem illā quæ leucophlegmatias, hoc est alba pituita, dicitur & hypofarca.

VENTRI MOLLIEDO.

CAPVT XXVII.

SAEP E cibi specie, uitio uel corporis ipso,
Potibus aut duris restricta morabitur aluus:
Vincetur talis mora gramine Mercuriali,
Cuius aquam coctam minimo cum melle bibemus.
Prunaq; conueniunt quæ mittit clara Damascus.

*Causæ uentris
adstricti.*



VENTRI molliendo.) Leniendæ uentris duriciæ, aluo duræ atq; adstrictæ, quæ fecales reddere nequit superfluitates, imò fecibus ipsis induratis & remoratis: cuius adstrictionis uariæ solent esse causæ, quarum nonnullas autor à capitis initio ponit. *Cibi specie.*) Qualitate cibi, præsertim duri & constipantis, qualēs sunt castaneæ, sorba, mala cydonia, pira acerba, & id genus alia. Cum enim talis estur cibus, communiter uenter induratur, potissimum si ante alium cibum assumitur: nam post comestus comprimendo soluit potius uentrem adstrictum. Et hæc est una adstricti uen-

1. *Cibus adstringens.*

2. *Iecur calēs
arensq;.*

tris causa. Vitio corporis.) Malitia membrorum, præsertim iecoris & intestinorum. Iecoris quidem, cum nimio calore exiccatur ab intestinis & aluo humidum illud in ipsis & fecibus contentum fugit & extrahit, unde feces exiccatae et induratae exitum habere nequeunt. Intestinorum uero rationealui excrementa retinentur, cum affectis ipsis naturales actiones & uis expultrix laxantur. Et hæc est

*Intestinorum
imbecillitas.*

3. *Potus adstringens.*

altera duræ alui causa. *Potibus duris.*) Tertia causa propter quam uenter & aluus adstringitur, est potus exiccans & adstringens, *Morabitur.*) Cunctabitur, detinebitur & ni

hi

hil reddet nec egeret. Vincetur.) Superabitur & emollietur. Talis mora.) Fecum & alui cunctatio & adstrictio. *Gramine Mercuriali.*) Herba Mercuriali, quam alijs nomini *Mercurialis.* bus linozostin & parthenion uocant Græci, & Hermu poan, id est Mercurij herbam, Latini Mercurialem appellant, ab inuentore Mercurio, ut autor est Plinius libr. 35. cap. 5. & Dioscorides libro 4. Folia habet omnino similia, ramulos geminatis geniculis & alarū cauis multis. Eius duo genera, Masculus, quam masculatam id est testicula tam uocat Apuleius, minor est atq; rotunda & ueluti testiculis binis paruis circa exordium ornata. Semen fert, auctore Dioscoride, iuxta folium exiguum, rotundū, binum testiculorum specie pendens. Fœmina uero quæ maior est, racemosum & multum. Totus frutex dodrantalis, & aliquando maior est. Soluit aluum utraq; olerum modo in cibo sumpta. In aqua itidem elixa si ea bibatur aqua, bilem & aquosa trahit. Porro quo pacto ad aluum soluendam coquenda sit herba Mercurialis, apertius docet Plinius, qui sal etiam addit, inquit: Aluo quidem soluendæ decoquitur quantum manus capiat in duobus sextarijs aquæ ad dimidias, bibitur sale & melle admixto. Apuleius tum folijs tum semini uim hanc extrahendi & purgandi tribuit, sed ex passo dandum præcipit. Nostro æuo hac herba communiter utimur in enematibus quæ molliendi uentris causa adhibemus. *Pruna.*) Pruna aluum *Pruna Damascena.* molliunt, sed copiosius recentia, minus siccata. Quod & Galenus testatur de simplici medicina libro 7. Vbi et Dioscoridem siccata aluum cohibere tradentem, demiratur, idq; non immerito, cum manifestum sit uel hæc mollire aluum, licet minus quàm alia, idq; quottidiano usu uel expertissimum habemus. *Que clara Damascus.*) Hoc est, *Damascus.* Damascena, & ut Plin. lib. 13. cap. 5. ait, in Damasco monte nata. De quibus idem etiam libr. 15. cap. 23. sic scribit: In peregrinis arboribus dicta sunt Damascena, à Syriæ Damasco cognominata, iam pridem in Italia nascentia, gran

diore quanquam ligno & exiliore carne. Damascus autem Syriæ urbs est insignis, omnium ferè nobilissima quæ in ea sunt regione, Persiæ uicina, ut autor est Strabo geographiæ libro 16.

Multos præterea medici componere succos
 Assuerunt, preciosa tamen cum ueneris emptum,
 Fallêris, frustra quæ immersa nomismata fundes:
 Quin age & in tenui certam cognosce salutem.
 Aut igitur tectum lana supponis alumen.
 Aut edis in patinis teneræ decocta sabuci.
 Vel cum lacte capræ falsum mulsimum quæ capeffis,
 Crede tamen potum meliorem lactis equini,
 Dicitur hic ualidos asinæ præuincere succos.

Contra impositos quosdā. Multos succos.) Hoc est, uariarum rerum mixturas & compositiones uarias. Inuehitur autem nunc contra attor-
 Libr. 29. cap. 1. nitas quorundam, ut Plinij uerbis utar, persuasiones,

qui prodesse nisi preciosa non putant. Cum sola natura placuerit esse remedia, ut idem inquit Plinius, parata uulgo, inuentu facilia ac sine impendio, ex quibus uiuimus. Verum postquam fraudes hominum & ingeniorum capturæ officinas inuenere istas, in quibus sua cuique homini uenalis promittitur uita, statim compositiones & mixturæ inexplicabiles decantantur. Arabia atque India in medio æstimauntur. Vlceri quæ paruo medicina à rubro mari importatur, cum remedia uera quotidie pauperrimus quisque cœnet. *Frustra quæ, &c.*) Hoc est, pecuniarum dispendium facies, nullo inde consecuto emolumento aut commodo. *Quin age.*) Imò potius agito & rem tuam commodum quæ & utilitatem curato. *Tenui.*) In re parua & nullius quasi impedij. *Cognosce.*) Intellige & inquire. *Igitur.*) Propter causam iam dictā, ne pecuniariæ rei dispendium facias. *Tectum lana.*) Linteolo inuolutum, quod in balani uel parue pilulæ modum sit

sit effigiatum & concinnatum: oportet autem, ut in uolui
 possit, ipsum prius contere & in puluerem redigere, &
 quo facilius intromitti possit, oportet ipsum prius pa-
 rum per in oleo intingi. Nostra ætate utimur eo integro
 in balani formam disposito & in oleo intincto. *Supponis.*)
 In anum submittis. Hinc nostri æui medici suppositoria *Suppositaria.*
 appellant, quos eruditiores balanos & glandes uocant, *Balani, glâdes.*
Alumen.) Aluminis plura sunt genera, sed in medicina *Alumen.*
 usum habent, autore Dioscoride, scissile, rotundum &
 liquidum. Omnia calfaciunt, adstringunt atq; repurgât.
 Sed dicet quispiam: Si adstringunt, quo pacto igitur uen-
 trem subducunt & molliunt? Aio id fieri non ui sua
 subducere, quam non habet, sed membrorum hoc est in
 testinorum uim expultricem læsam & officio suo fungi
 non ualentem corroborante & ad expulsionem irritan-
 te: & hoc quotidiano usu nobis satis compertum est. Quis
 enim ex uulgo ferè non est qui non eo in balani formam
 effigiat in astricta aluo utatur? quamuis non omnes eo
 iuuentur, præsertim ubi ob nimiam secum duriciem ci-
 tra intestinorum læsionem astrictio contigerit: feces enim
 mollire non poterit, quod uel hinc manifestum est quod
 ubi læsa intestina ipso corroborata feces reddunt, eadem
 non mollitæ sed duræ eijciuntur, id quod experimento
 quotidie fieri uidemus. *Patinis.*) Patina uasis genus est *Patina.*
 quo dapes elixæ & iurulentæ in mensam feruntur, Teuto-
 nice *Ein schiessel.* Nunc communiter pro uase accipimus in
 quo coquimus, et Teutonice uocatur *Ein psann.* *Tenera faba* *Sabucus.*
buci.) Hoc est, fabuci minoris. Idem testatur Plinius lib.
 24. cap. 8. inquit, Caules teneri minoris fabuci in pati-
 nis cocti aluum soluunt. *Lacte capræ.*) Ex lactis commo- *Lac caprinum.*
 dis, autore Galeno, est uentris moderata deiectio. Quod *Equinum.*
 aut uentrem soluat, præsertim caprinum, asininum & equi- *Asininum.*
 num, licet minus caprinum, reliqua uero magis, testis est e-
 tiam Diosco. & Hippocrates de uictus ratione lib. 2. *SAL*
SVM MVLSVM QVE.) Hoc est, lactis potum salis adie-

Etione falsum, mellis uero mulsu effectū. Additur aut sal
ut citius subducatur, mel uero ne in uētriculo cogatur. Et
quāto recentius mulsū bibitur, eo utilius, magisq̃ profi-
cium erit. Vnde Galenus therapeutices libro 5. ait, Hoc
de lactis usu pro maximo praecepto habendum est, ut hi
quibus eo est opus, omnino id adstante animali statim mul-
sū bibant, etiā melle iniecto, si cui cogi in uentriculo
solet: quod si ipsum descendere ad aluū citius cupis, etiā
sale. *Meliorem equini.*) Equinum simul & asinum lac ca-
prino magis esse uentris subductiuum, hoc ideo est, quo-
niam caprae multo adstringente pabulo utuntur, quare
etiam minus tenue est. Equinum uero tenuius, & asini-
num tenuissimum & minime coagulatur: uti tradit Gale-
nus therapeutices libro 7. Et lib. de sanitate tuenda. 5. asini-
num caprino comparans, Asinae, inquit, lac tenue sero-
sumq̃ est, caprae mediocris substantiae est. Itaq; hoc nu-
triet magis, ubi uidelicet nutritione opus est. Illud omni-
no tutius est. Nam & si quādo solum cum pane sumitur,
tum citius subducitur, tum minime est flatulentum, sed
nec in uentre cogitur, potissimum si prius salis aliquid, &
mellis immiseris. Hæc ille. *Hic.*) Potus lactis equini. *Va-
lidos.*) In molliendo uentre potentes & efficaces. Cum e-
nim ceteris omnibus sit tenuius lac asinum, ideo etiam
merito magis alui suductiuum. *Asina succos.*) Lac asini-
num. *Præuincere.*) Maioris esse uirtutis & efficacis in mol-
lienda & subducenda aluo.

Syluestris fici lachrymam prodesse loquuntur.
Quodq̃ satis melius uerbis dicemus Horati,
Mytilus & uiles pellent obstantia conchæ,
Sed cochleas prius est urtica aut furfure pasci,
Purior hinc gustus noxa sine mouerit aluum.
Sæpe thalassomeli adiecto cumulabimus imbrī,
Hæc purgant parili fuerint si pondere mixta.

Picus sativa. Syluestris fici.) Duplex ficus est, Satiua & Syluestris, quæ ca-
prifcus

prificus etiam dicitur, utraq; aluū molliat. Plinius, Aluū
 soluit caprificus. Dioscorides, Syluestris & satiuæ fici lac *Syluestris.*
 animalū coaguli modolac coagulat: idem coagulatum
 aceti modo soluit, aluum subducit. *Lachrymam.*) Succum
 quem à coloris lacteo candore lac nominare solent. Ho- *Lac fici.*
 rat.) Q. Horatius Flaccus poëta nobilis diui Augusti im- *Horatius.*
 peratoris tēpore floruit, multaq; præclara scripsit opera,
 præsertim Artem poëtica, libros Odarum, Epistolarum
 ac deniq; Sermonum, in quorū secundo, satyra quarta,
 Epicureorum præcepta recēfens, hoc quoq; ponit, Si du-
 ra morabitur aluus, Mytilus & uiles pellent obstātia con-
 chæ. Quem uersum huc transferens Serenus, ne furto su-
 stulisse coargui possit, autorem à quo profectus est, indi-
 cat. *Mytilus.*) Mytili sunt, autore Plin. quas Græci mya- *Mytilus.*
 cas dicūt, & hunc sequit^r Diosco. interpres Florentinus, *Myaces.*
 Myacas mytilos traduxit, quanquā de myacis quod al-
 uum molliat apud Diosco. nulla fit mētio, licet Plin. id as-
 serat, inquit, Purgant & myaces: quorum natura tota
 in hoc loco dicitur. Aceruantur muricū modo, uiuuntq;
 in algosis, gratissimi Autumno, & ubi multa dulcis aqua
 miscetur mari, ob id in Aegypto laudatissimi: procedēte
 hyeme, amaritudinem trahunt, coloremq; rubrum. Ho-
 rum ius traditur aluū & uescas exinanire. Et paulo post,
 Degenerāt, inquit, in duas species, in mitulos qui salem
 uirusq; recipiunt, myiscasq;: quæ rotūditate differunt, *Myiscæ.*
 minores al quanto atq; hirtæ tenuioribus testis, carne du-
 riores. Porro aluum molliendi uim Dioscorides Tellinis *Tellina.*
 attribuit cum ait, Bonam faciunt aluum recentes præser-
 timq; coctarum ius esculentum. Eridem testatur Paulus
 Aegineta, tum sub tellinarū titulo, tum ubi de omni escu-
 lento agit iure. Et has esse quos mitulos uocent Romani,
 autor est Athenæus. Ceterum mitulis ad aluum deicien-
 dam inter alia utitur etiam M. Cato libri de re rustica ca- *Concha.*
 pite 158. Quibus etiam herbam Mercurialem & cochleas *Cochleæ.*
 iungit. *Conche uiles.*) Hoc est, conchæ minus preciosæ, *Conchæ oēs.*
 Sunt enim preciosiores quædā quæ siccant potius quàm

Ex tali præparatione. *Noxa.*) *Nocumēto.* *Thalassomeli.*) *Thalassomeli.*
 Quid sit thalassomeli, & quæ eius confectio ac uirtus, docet Dioscorides libro 5. hñs uerbis: Creditur thalassomel hoc egregie purgare. Conficitur autem mellis, cælestis aquæ, marisq̃ æquis portionibus per colum traiectis, & in picato uase per canis æstum insolat. Sunt qui decoctę maris aquæ partibus duabus unam mellis miscentes in dolia diffundunt. Estq̃ hoc ad purgandum maris aqua lenius & mitius. Hęc ille. Cui non dissona prodit Plinius naturalis historię libro 31. cap. 6. inquit: Inueteratur quod uocatur thalassomeli æquis portionibus maris, mellis, imbris. Ex alto & ad hũc usum aduehunt, fictiliq̃ uase & picato condunt. Prodest ad purgationes maxime sine stomachi uexatiõẽ, & sapore grato & odore. *Imbri.*) Aqua cælesti & pluuiatili. *Cumulabimus.*) Augebimus, diluemus & temperabimus, quo scilicet lenius & mitius sit in purgãdo uentre. *Parili pondere.*) Aequis portionibus.

SOLUTIONI VENTRIS ET DYSENTERIAE COMPE- scendæ.

CAPVT XXVIII.

T A M uarij casus mortalia sæcla fatigant,
 Vt sint diuersis obnoxia corpora morbis:
 Sæpe etenim nimio cursu fluit impetus alui.



SOLUTIONI uētris.) Alui et intestinorum fluori, qui duorum est generum. Vnum cum defluxio liquida & longa infestat, quæ fit cum nutrimentum, cibus uē solus putrefactus subterfluit, autore Hippocrate libro de uictu salubri 3. & hæc diarrhœa dicitur: putrefactum autem uocat, teste Galeno

Diarrhœa.
Ventris fluor.

Lyenteria.
Intestinorum
leuitas.
 Lib. Aph. 3. 6.

aphorismorum lib. 6. quod nos coctum, seu, ut nunc loquimur, digestum dicimus. Et tales copiosi sunt alui sine inflammatione exulcerationeque fluores. Alterum uero profluuiorum uentris genus est quod Græci lyenteriam, hoc est intestinorum leuitatem appellāt, intestinis & uentriculo simul affectis eueniens: quæ, ut Galenus tradit, est cibi & potus sine aliqua transmutatione uelox excretio, hoc est, earum quæ comeduntur & bibuntur uelox exitus, quæ talia deiiciuntur qualia fuere deuorata. Idque ob coctionis carentiam, cum neque secundum consistentiam, neque secundum colorem uel odorem, uel ullam omnino qualitatem in uentriculo facta fuerit eorum mutatio. Porro huiusmodi excretionum uelocium causæ sunt, aut ex ulceratio in superficie uentriculi aut intestinorum, uel uirtutis retentricis imbecillitas: quorum primum ex mordacibus & substantiam tenuem habentibus fit humoribus: secundum uero ex magna corporum uentriculi atque intestinorum intemperatura, seu propter humorem aliquem in uentriculo atque intestinis contentum prouenit, ex quibus humoribus unus est pituita: unde hæ partes cibi tanquam graui onere quodam grauatae, ipsos confestim excernunt atque deiiciunt, etiam doloris citra sensum. In ea uero quæ ob humorum fit mordacitatem & exulcerationem, quamuis uis ipsa contentiua non multum patiatur, tamē permeantibus cibis, partes exulceratae dolorem sentiunt, atque ideo illos propellunt atque à seipsis citissime emittunt, quo in omnibus partibus facto, uelocitas exitus subsequetur, & nullum fiet coctionis initium: uerum tali intestinorum leuitati cuiusdam morsus inerit sensus. Et talis etiam, cessante humorum malignitate statim sanatur, cibis ac potibus quæ uim habent densandi. Quod si longiori tempore perseveret, in alteram passionem quæ dysenteria nominatur, transmutatur: quamuis etiam ex dysenteria nonnunquam intestinorum leuitas oriatur, teste Celso, cum ait: Ex torminibus (sic dysenteriam uocat)

cat) interdum intestinorum leuitas oritur, quæ continere nihil possunt, & quidquid assumptum est, imperfectum protinus reddunt. Id interdum ægros trahit, interdum præcipitat. *Dysenteria.*) Intestinorum difficultati, quæ duum est generum. Vna quæ proprie ita dicitur: altera uero quam cum adiuncto cruentam siue sanguineam & hepaticam uocant: quæ, autore Galeno aphorismorum libro 6. sanguinis est euacuatio per intestinum absq; exulceratione, sic ob excrementorum speciem dicta. Nam interdum syncerus plurimusq; sanguis, interdum ueluti limus ipsius & fecis non parua quantitas excernitur. Ea uero per quam syncerus plurimusq; sanguis excernitur, uniuersum corpus plerunq; euacuat, haud secus quam hæmorrhoides aut muliebre profluuium. Quæ uero proprie dicta est dysenteria, nominata est ita ab *ἐντερον* quod est intestinum, & à particula *δυσ*, quæ alijs humani corporis mala designantibus dictionibus addita, semper ferè grauitatem, difficultatem, laborem, dolorè & tormētum indicat. Et hanc à tormento Celsus libro 4. intestinorum tormina uocat. In huiusmodi etenim fluore aluus & intestina maximo afficiuntur & torquentur dolore, imò & uenter ipse cōpatiēdo torquetur & ad concoquendum offenditur, quæ quidem tormenta non ita fiunt in alijs fluxibus. Fit autem ab humoribus acerbis, qui primum summa occupantes, intestina abradunt: postea uero temporis progressu profundiora etiam petentes, exedunt, adeo quod exulcerentur, & tunc primum dysenteria uocatur. Nam, uti Galenus libro 6. de locis affectis tradit, Dysenteria proprie ex appellatione ipsa intestinorum ulcus significat. Neq; enim affatim fit huiusmodi affectus ceu qui hepatis uitio accidit & proprias habet notas. Etenim protinus ab ipsius initio, bilis mordax secer-nitur, quam deinde interaneorum abrasiones sequuntur, postea paulum cruoris simul excerni uidetur, quando uidelicet affectus ipse iam dysenteria debet appellari. Quum

Dysenteria duplex.

1. *Sanguinea uel hepatica.*

2. *Proprie dicta.*

Tormina.

itaq; huiusmodi abrafiones solæ excernuntur, considerandum est, num pingue quippiam simul cum ipsis deijciatur, ita enim in crassis intestinis ulcus consistere credendum est. Vbi uero cruorem quoq; excerni uideris, in tueri oportet, utrum is reliquis excrementis ita sit admixtus, ut uniuersus misceatur uniuersis, an pars eius aliqua reliquis supernatet: etenim si admixtus est, in superioribus, si uero supernatat, in humilioribus intestinis ulcus esse portendit. Ac idem quoq; in abrafis excrementis uidere est. Verum non ita manifeste ut in cruore. Similis etiam dera-
 mentis ratio est: nam & ipsa, quod intestinum fuerit oblaesum, declarant, tum ab essentia propria, tum ex modo, quo uel commisceri reliquis excrementis, uel uni eorum parti supernatare uidentur. Cæterum non mediocriter conducit ad curationem, nosse in qua intestinorum parte consistat ulcus. Nam si in superioribus intestinis est, ab epotis medicamentis præsidium petendum est: si uero in humilioribus, clysterem subijcere magis conuenit. At huiusmodi dysenteria, ab his quæ ab hepate profluunt, ita discernuntur. Nam ab initio tenuis sanies sanguinis ab hepate deijcitur: deinde aucto malo, crassus humor, fecibus uini haud absimilis. Præterea quod in hepaticis excretionibus nihil abrasum expellitur, atq; interdum duorum, aut trium dierum interuallo, supprimitur euacuatio: deinde rursus redit malum, atq; excernuntur excrementa prioribus multo peiora, id uero per intestinorum ulcera haudquaquam apparet, quippe in his neq; affatim, neq; ex longis temporum interuallis, laborantes deijcere consueuerunt. Hactenus Galenus. *Casus.*) Passiones et morbi. *Fatigant.*) Molestant & turbant atque cruciant. *Obnoxia.*) Subiecta. *Nimio cursu.*) Fluxu immodico & superfluo. Nam qui moderatus est, non statim constringi debet. Quia, Celso autore, uno die fluere aluum, sæpe pro ualitudine est: atq; etiam pluribus, dum febris absit, & intra septimum diem id conquiescat: purgatur enim corpus,

Dysenteria hepatica.

Lib. 4. cap. 9.

&

& quod intus læsurum erat, utiliter effunditur. Verum spacium periculosum est: interdum enim tormina ac febriculas excitat, viresq̃ consumit. *Impetum.*) Immoderata deiection.

Frenat commixto cum feruet brassica uino.

Aut cerasi uictum longo iam tempore pomum.

Succus Amineæ uitis cum pane medetur.

Frenat.) Compescit, constringit & sistit. *Feruet brassica.*)

Caulis coquitur, coctio enim mediāte feruore & igne feruescente completur. Data aut̃ sic nobis intelligere quod non simplici coctura opus est brassicā coquendo, sed pluribus potius, ita ut per iteratam decoctionē uis eius molli-
Brassica bis cocta.

tiua magis euanescat & alia adstringens illi acquiratur. Vnde & Celsus medicinæ lib. 2. inter ea quæ aluū adstrin-
Cap. 29.

gunt brassicam bis decoctam etiam connumerat. Dioscorides item aluum sistere tradit coctā, multoq̃ magis bis.

Quibus & Plinius ex Græcorum autoritate subscribit.

Vino.) Maxime austero & adstringente. *Cerasi pomum.*) *Cerasiatrium*

Hoc est, Cerasia quæ in triplici sunt differētia. Dulcia quæ *generam.*

recentia stomacho inutilia, aluū molliunt citoq̃ dilabun-
Dulcia.

tur: siccata uero, ut hic Serenus asserit, & idem Plin. cum *Austera.*

Dioscoride testatur, aluum sistunt. Alia sunt austera, sto-
Acida.

macho utiliora. Sunt & acida quæ ob incidendi uim, au-

tore Paulo Aegineta, pituitosis & excrementosis stom-

achis profunt. Et hæc duo genera stomachū corroborant,

uentrēq̃ adstringunt, præsertim sole siccata: sitim deniq̃

sedāt ac cibi appetentiā prouocāt. Vulgo marena & ama-

rella uocantur. *Victum.*) Sole aut aliās siccatum. *Succus*

Amineæ uitis.) Vinū Amineum quod & Falernum. Sic di-

ctum à regione Aminea, quæ fuit ubi nunc Falernum est,

teste Macrobio. Falernus autem ager, ut Plin. lib. 14. ca. 6.

scribit, à ponte Campano leua petentibus urbanam colo-

niam Syllanam nuper Capuæ contributam incipit. Sum-

mis collibus Gauranum gignitur, medijs Faustianum,

Brassica bis cocta.

Cap. 29.

Cerasiatrium generam. Dulcia.

Austera. Acida.

Marena.

Amarella.

Vinū amineum

Ager Falernus

Vinum Gauranum.

Faustianum.

Falernum.

imis Falernum, cui inter generosa uina Italiæ secunda nobilitas erat, imò quod in Italia, uti Dioscorides tradit, primam bonitatis æstimationem habet. Et hoc aluum sistit præsertim si cum pane sumatur: quod Celsus etiam testatur, inquit, Via est ubi uelis suppressere, panis circa sili-
bram ex uino Amineo mero sumere, imò ut idem docet, Tritici hemina in uino Amineo austero decoquitur, id quod triticum ieiuno ac fitienti datur, super quod id, uinum id sorbetur, quod iure ualentissimis medicamentis annumerari potest. *Pane.*) Scilicet triticeo, siue qui ex tritico fit siligineo, similaceo. Celsus lib. 2. cap. 29. Adstringit, panis ex siligine uel ex simila, magis si sine fermento est, magis etiam si uustus est, intenditur quod uis eius etiam si bis coquitur.

*Panis triceus.
Siligineus.*

Vel bene permixtum calida potatur acetum,
Vile quidem, facili facto tamen utile opinor.
Sila dent modicum tum purgatoria dextra,
Adiecto piperis medicatur puluere calda.
Sin autem longo decurrent intima fluxu,
Atque immane malum multo iam tempore gliscit,
Torridus ex uino cortex potabitur ouis.

*Acetum cum
calida.*

Permixtū calida acetum.) Hunc aceti & aquæ potum aluos fistere, uel ex simplicium natura manifestum est. De aceto siquidem testatur id Hippocrates de ratione uictus libro 2. cum ait, Acetum frigefacit: & quia humidum corporis consumit, sistit potius quam moueat. Et id testatur etiam Plinius & Dioscorides. De aqua uero Corn. Celsus lib. 2. capite 29. dicens, Aqua, uel tepida, uel præfrigida dura, id est, ea quæ tarde putrescit, ideoque pluuiæ potissimum aluum adstringit. *Vile.*) Plebeium & non preciosum. *Facili facto.*) Facite ad faciendum, compositionis levis & non operosæ. *Sila dent.*) Solet nonnunquam ex pharmaci purgatorii substantia stomacho & intestinis non nihil adherere, cuius ratione uenter ultra modum soluitur, si non resistatur: nec sistitur donec id ablutum & extra corpus expulsum

expulsum fuerit: cui fluori sistendo & rei adhærenti expellendo, nunc medicamenta accommodata tradit autor. *Modicum.*) Parum. Nam si multum leserint, adeo ut tormina maximosq; dolores & febres ac ulcera excitarint, viresq; consumpserint, periculosum est, & timendum ne incurabilis morbus, hominē tollat. Sunt qui non modicum sed medicatum, hoc est medicina purgatum, legant, nec etiā contemnenda est lectio: unicuiq; in hoc suū fit iudicium, nobis indicasse hoc, satis erit. *Tum.*) Tum inter alia significata sua nonnunquam etiam, ut hic, significat Aliquando. *Purgatoria.*) Medicamenta ventris subductiua, qualia sunt Scamonium, agaricus, cucumer sylvestris, elaterium, esula, elleborus, & id genus alia. Dicuntur uero purgatoria à purgando, hoc est corpus mundando. Purgare enim mundare est, & Purgatio, mundatio ac prauorum humorum euacuatio, & proprie humorū qualitate sua peccantiūeductio, autore Galeno. *Dextra.*) Dextrum aliquando ualidum significat & efficax, ut hic, purgatoria dextra, id est medicinæ purgantes, ualide, fortes & efficaces. *Piperis.*) Piperi enim, ut autor est Dioscorides, uis est extrahendi & uentrem roborandi: unde medicinæ malignæ substantiam stomacho & intestinis adhærentē & læsionem inferentem, secum extra corpus extrahit & expellit, idq; potissimum si ex calida sumatur. Hæc enim est de qua Mesue in canonibus uniuersalibus autoritate Galeni sic scribit: Et dixit Galenus, uerificatur aquam calidam lauatiua atq; mundificatiua uirtutem habere, atq; solutiua & omnem adhærentiam remouere: qua remota, remouetur etiam effectus quem inducebat. Remota enim causa, remouetur & effectus. Et ita medicari oportet, et in omnibus hoc unum præceptum obseruare, autore Galeno technes libro, ut unamquamq; prius quæ efficit causam rescindamus, deinde ita ad illam quæ ab eadem causa facta est, ægritudinem accedamus. *Sin autem longq.*) Ponit nunc medicinas dysentericæ, non quidē factæ & con-

*Tum.**Purgatoria.**Purgare.**Purgatio.**Dextrum.**Piper.**Aqua calida.**Dysenteria**plex.*

Fieri.

Facta,

firmata, quæ curam non recipit, sed ei quæ adhuc in fieri est & curam admittit. Vbi illud etiam adnotatu non indignum erit, quod Galenus aphorismorum libr. 4. scribit in commento aphorismi Hippocratis, qui talis est: A difficultate intestinorum habito, si ueluti carunculæ exeant, letale est. Quem aphorismum exponens Galenus sic ait: In difficultatibus intestinorum, cum adhuc constituuntur, quædā corpora pingua excernuntur, post hæc autem, nisi finiri anticipauerint quædā ramenta ipsorum intestinorum abiecta horum superficie interiore, quæ membranosa existit, & densa, illi quæ cutem exterius contingit membranulæ proportionalis. Post hanc aut & aliquid ex ipsa abraditur substantia intestinorū, in quo tempore non adhuc fieri difficultatem intestinorum, sed iam factam, atq; constructam dicimus esse. Quando igitur partes adeo magnæ intestinorū excernuntur in difficultate intestinorum, ut possimus eas carnes nominare, letalem ait esse morbum, cum neq; caro concrefcere, neque cicatrix obduci in tali possit exulceratione. Hactenus ille. *Decurrent.*) Defluent & expellentur. *Intima.*) Hoc est interiora, ceu corpora pingua et intestinorum ramenta: non quidem quæ ex substantia ipsorum, sed ex superficie solum interiore membranosa abijciuntur. *Gliscit.*) Crescit & augetur. Talis enim naturæ est huiusmodi fluxus, ut nisi ab initio resistatur, indies crescēdo in deterius uergat, ac demum in tantum firmetur, ut nullis amplius sit medicabilis herbis aut medicinis. *Torridus cortex oui.*) Hoc est, cinis corticum oui. Plinius medicamen hoc generalius facit, & omni sanguinis eruptioni mederi tradit libr. 29. ca. 3. inquit: Medetur putaminis cinis in uino potus sanguinis eruptionibus.

Cinis corticum

oui

Ramentum niuei credunt prodesse Elephantis.

Arbore piramea cortex direpta coquetur

Axe sub æthereo, sic nigro mixta lyco,

Immensum poterit potu retinere fluorem.

Ramen -

Ramentum.) Puluerem quem Plin. scobē appellat: quam- *Scobes.*
 uis scobes sit priuatim quæ lima aut ferra detrita cadunt. *Ramentum.*
 Ramentum uero magis se extēdit & generalioris est signi-
 ficationis. Nam quidquid radendo, secando, incidēdo uē
 ex materia aliqua decedit, ramentum dicitur. *Niuell ele- Ebur.*
 phantis.) Eboris quod albi coloris existit. Ebur autem os
 est dentium Elephantis, cui ut Dioscorides testatur, ad-
 stringendi natura & uis est. *Arbore piramea.)* Hoc est, mo *Arbor piræ-*
 ro. Sub qua Piramus adulescens Memphiticus Thisbes *mea.*
 amore ardens seipsum interemit, ut fabulosa, ad quam au-
 tor alludit, narrat historia, & ab Ouidio Metamorpho-
 seōn libro 4. descripta est. Porro quod ad morum attinet,
 arbor est nota: poma ferens quibus succus in carne uino
 sus: trini colores, candidus primo, mox rubens, maturis
 niger: quamuis & albo colore non nunquā maturescere
 quidam tradant, ut Ouidius: & præsertim si albæ populo
 inseratur morus: quemadmodum & Cerasa albicantia
 uidimus aliquando matura. Mora item in nouissimis flo-
 rent, sed inter prima maturescunt. De uiribus eorum &
 medicinis plura Dioscorides atq; Galenus. *Cortex.)* Nō *Cortex mori.*
 quidem radicis, quam soluere aluum dicunt, sed arboris
 & trunci ipsius: & hanc etiam non recentem & uiridem,
 sed sole siccata: sic enim humido absumpso & arefacta
 uim acquirit adstringentem magis. *Coquetur.)* Torrebi-
 tur & exiccabitur. *Axe sub æthereo.)* Hoc est, sub cœlo, dio *Axis.*
 & in sole. Axis enim pro cœlo accipitur: quanquam pro-
 prie sit linea quæ mundum dimetitur, sic dictus quod
 quod circa ipsum agatur & moueatur cælum. Cuius li- *Poli, cardines,*
 neæ, puncta & termini, poli, cardines & uertices dicun- *uertices.*
 tur, quoniam circa ipsos cælum uertatur. Quorum duo
 sunt, borealis siue arcticus quem nos aspicimus, & austra-
 lis siue antarcticus nostro hemisphærio prorsus abscon-
 ditus, licet Lusitanis nautis Indiam nauigantibus in usu
 esse dicatur. Aristoteles in lib. de mūdo ad Alexandrum
 Signa uocat circa quæ totus mundus mouetur. De hijs

SOLV. VENTRIS ET DYS.

Vergilius sic scribit: Hic uertex nobis semper sublimis, ac illū Sub pedibus styx atra uidet manes q̄q̄ profundū. Sunt tamen qui polum & axem idem esse existimēt sed de hoc *Aethereum*, aliorum esto iudicium. Cæterum æthereum nunc pro puro, nunc pro igneo, interdum pro alto et sublimi, non nunquam pro sydereo, cælesti & lucido accipitur. Diciturq̄ ab æthere, qui aliquando pro aëre sumitur. Vergilius, Resonatq̄ fragorib⁹ æther. Et Cicero de natura deorum libro 1. Locus quidem, ait, hijs etiam naturis quę sine animis sunt, suus est cuiq̄ proprius, ut terra infimum teneat, hanc inundet aqua, supremum æther, ignibus altissima ora reddatur. Aliquando uero pro igne accipitur, sicq̄ dicitur quasi ardens uel urens. Item dicitur aliquando æther quasi semper currens: & sic quod perpetuo moueatur cælum dicitur æther. Ouidius, Altoq̄ sub æthere fixis incurfant stellis. Idem, Sic habites terras & te desidet æther.

Numinis aut iussu cedrum cum mastiche mīscēs,
Mollitamq̄ picem & rasum de nauibus unguen,
Languida quo fidens medicamine mēbra fouebis.

Numinis iussu.) Præcepto & traditione diuina Aesculapij, qui medicus fuit insignis & post obitum in deorum numerum relatus. *Cedrum.*) Cedrus, autore Dioscoride, grandis proceraq̄ arbor est, ex qua cedrinus liquor colligitur: probaturq̄ qui crassus pellucet, & intenso firmoq̄ odore est, quiq̄ diffusus concretis stillicidijs seipsum continet, nec distluit. Natura & uis illi est uiuentia corpora corrumpere, defuncta incorrupta seruare: quam ob causam cadauerum uitam pleriq̄ eum dixerūt. Siccat autem & adstringit. *Mastiche.*) Mastiche lentisci arboris resina est, quę & lentiscina dicitur resina, adstringendi ui participās. Nam, ut Dioscorides testatur, tota arbor et omnes eius partes, fructus, folia, ramorumq̄ et radicum cortex, & quicquid ex eo est, æquali sunt potestate, aluumq̄, ut

Plinius

Plinius libro 4. cap. 7. tradit, sistunt. *Mollitam picem.*) *Pi-* *Pix liquida.*
 cem liquidam, quæ ex pinguiſſima tedæ & piceæ materia
 colligitur. Probaturn splendore, leuore & puritate: facit
 contra letalia medicamenta: qualia sunt medicinæ quæ
 soluendo sunt & ultra quàm oportet soluunt & intestina
 excoſiant & erodunt, quas eroſiones lenit & glutinat,
 uiriumq; infirmitatem corroborat, & ſerpentia ulce-
 ra coerct. *Raſum de nauibus unguen.*) Hoc eſt, Zopiſſam, *Pix naualis.*
 quæ deſaſa nauighs cum cera refina eſt: eadem cum iam
 dictis ui præſtans. *Pidens.*) Cum fiducia, & ſine dubio
 ſubſequentē effectū ſalubri.

Proderit & pueris quos dentis origo fatigat

Caſtaneas coxiſſe nuceſ & ſorba uetuiſta

Atq; apium cauleſq; rubuſ quos fundit acuta

Potio quæ fluidam conſumpta morabitur aluum.

Proderit & pueris &c.) Ponit nunc medicamentum quod
 dam leue quod pueris dentientibus exhiberi poſſit dum
 fluida aluo tenentur. Solent enim communiter infantes
 eo tempore quo dentes oriuntur, uētris fluxu uexari, quī
 buſ facile cibis ac potionibus adſtringentibus ſuccurri
 poterit, præſertim potione quam Serenus præſcribit, quæ
 & grata eſt & nō inſuauiſ. Quod obſeruandū nobis pro
 ponit Celfuſ lib. 4. cap. de leuitate inteſtinorū, inquiens:
 Quodæque ad omneſ ſimileſ affectuſ pertinet, in hoc *Canon.*
 maxime ſeruandū eſt: ut cū pleraq; utilia inſuauiſ ſint,
 qualis eſt plātago & rubi & quicquid malicorio mixtum
 eſt, ea poſſimum in hiſ dentur quæ maxie æger uolet.
 Deinde ſi omnia iſta ſaſtidiet, ad excitandā cibi cupidī-
 tatem, interponatur aliquid minus utile, ſed magis gra-
 tum. *Caſtaneas nuceſ.*) Caſtaneas Latini nuce� cognomi- *Caſtanea.*
 nant. Plinius lib. 15. cap. 21. Nuce� uocamuſ & caſtaneas, *Nuceſ caſ-*
 quanquam accommodatiores glandium generi. Arma- *ſtanea.*
 tum hiſ echinato calice uallum, quod inchoatum glandi-
 buſ: mirumq; uiliſſima eſſe quæ tāta occultauerit cura

Balani Sar-
diani. Glandes
Sardianæ.

Nuces Heracle-
otice.
Sorba.

Apium.

Rubus.
Rubus idem.

naturæ. Trini quibusdam partus ex uno calice, cortexq;
lentus. Proxima uero corpori membrana, & in his & in
nucibus saporem, ni detrahatur, infestat. Torrere has in
cibis gratius modulantum laturas præstanti ieiunio for-
minarum quandam imaginem panis. Sardibus hæ pro-
uenere primū: ideo apud Græcos Sardianos balanos ap-
pellant, hoc est, glandes Sardianas. Et Dioscorides inter
glandes de hijs agit libro 1. capite de quercu, ubi de casta-
neis sic scribit, Sardianæ uero glandes, quas aliqui lopima
castanaue aut mota aut Iouis glandes appellant, & ipsæ
adstringentes eadem possunt, præsertimq; quæ inter co-
rium et carnem earum membrana subiecta est. Et Plinius
libro 13. cap. 8. Castanæ, inquit, uehementer sistunt sto-
machi & uentris fluxiones. Has etiam Heracleoticas nu-
ces appellant. Coxiffæ.) Crudæ enim acerbæ sunt &
in cibo minus suaves coctis. Sorba uetusta.) Sorba ficca,
magisq; autore Celso, quæ torminalia uocantur. Cum
enim in quadruplici sint differentia, ut Plin. tradit, quar-
tum genus quod torminale appellant, remedio tantum
probabile. At de horum ui & natura sic scribit Dioscori-
des: Sorba cum luteo colore adhuc sunt necdum matu-
ruerunt, secta & in sole siccata, aluum in cibo cohibent.
Mola eadem teruntur, sumiturq; pro polenta in eundem
usum eorum farina. Potest idem & decoctum eorū. Nec
uires eorum in sistenda aluo tacuit Martialis inquit,
Sorba sumus molles nimium durantia uentres Apium.)
De apio & generibus eius plura Theophrastus libro de
plantarum historia s. Plinius libro 19. cap. 7. et Columella
libro 12. Quod ad medicinam attinet, apium compefcit
aluum, autore Dioscoride. Rubus.) Rubus quem Græci
baton uocant, trium est generum. Vnus à loco in quo na-
scitur, Idæus uocatus, quoniam multus, ut Dioscorides
tradit, in Ida monte nascitur, spinas habens breues & ali-
quando nullas. Alter quem Latini modo rubū, ut Plin.
modo sentem, ut Columella, nuncupant: et qui à Theo-
phraſto

phraſto chamębatoſ, id eſt humilis et terreſtris rubus uo *Chamebatoſ.*
 catur. Hic, autore Dioſcoride libro 4. ſiccatur & adſtringit,
 bibiturq; ad ſiſtendam aluum ramorum eiſ decoctum.
 Quin etiam ſuccuſ ex ſoliſ caulibuſq; expreſſuſ, mox in
 ſole denſatuſ, iſſdę efficaciuſ medetur. Fructuſ prætereain
 media maturitate in cibo ſumptuſ, et floſ eiſ in uino po
 tuſ ſiſtit aluum. Huiuſ rubi, quę uulgo omneſ nouerūt, *Mora Vaticana.*
 mora, quę Vaticana, à loco ubi auguſtiora naſcunt, appel
 lant, extrema eſtate matureſcentia, beſtiſ uel hominibuſ
 cibos dedit natura. Eſt & tertiuſ rubuſ, quem Gręci cy
 noſbatoſ, Latini rubum caninum ſeu canis ſentęappel
 lant. Frutex eſt rubo longe maior: arboreſcit enim autore *Cynoſbatoſ.*
 Dioſco. libro 1. Foliaq; habet lōge quāmyrtuſ latiora. *Rubuſ caninuſ.*
 Spinaſ in uirgiſ duriffimaſ, florem candiduſ, fructuſ
 oblonguſ, oliuę nucleo ſimilem cum matureſcit ruben
 tem, intra quem lanis ſimilia ſunt: qui ſiccatuſ & in uino
 coctuſ & pot⁹, ſic tamēut ſine interioribuſ lanis illiſ, quę
 faucibuſ et arteriæ nocēt, ſumatur, aluū ſiſtit. Eſtq; rubuſ
 hic, ut Theophr. tradit, inter frutiç & arborēmediuſ,
 puniç ſimiliſ, folio uiticiſ, fructū ſerēſ rubentem, puni
 cę cytino ſimilem. Cæterū ſiccantē & adſtringentē rubo
 rum uim teſtātur etiā Plin. atq; Ceuſ. *Acuta.*) Spinofa
 propter ſpinaſ quāſ habet. *Cōſumpta.*) Exinanita, exhau
 ſta & ebibita. *Morabitur aluū.*) Ventre ſiſtet & adſtringet.

LUMBRICIS ET TINEIS

ASPURGANDIS.

CAPVT. XXIX.

QVID non aduerſum miſeriſ mortalibuſ addit
 Natura? interno quum uiſcere tinea ſerpens,
 Et lumbricuſ edax uiuant inimica creanti,
 Quod genus aſſiduo laniat præcordia morſu,
 Sæpe etiam ſcandens oppletis faucibuſ hæret,
 Obſeſſaſq; uiāſ uitæ concludit anhelæ.

LUMBRICIS ET TINEIS.

Vermes.



Ascarides.

*Lumbrici
rotundi.*

*Lumbrici lati
& longi.*

Ciræ

Tenæ.

Tinæ.

V M B R I C I S & t i n e i s .) Animalibus & uer-
mibus uentris. Quorum hic Serenus quem-
admodum et Celsus duo tantum genera facit,
cum tamen tria faciat Galenus. Vnum eorum
qui tenues et minores in parte maxime inferiore intestini
crassi & longanone generantur, & plurimi apparēt in iu-
mentis male cibū coquentibus, et tales uocātur ascarides.
Alterum uero eorum qui teretes ac rotundi & palmares
aut etiā maiores in superioribus & gracilibus magis inte-
stinis cōsistunt, & aliquando ad uentriculum ascendunt
& per fauces ac os exeunt: tales ēp̄ pueros maxime exercēt
& infestant, multo ēp̄ plures in eis generantur quā asca-
rides. Tertium genus est eorū qui rarius generantur, sed
peiiores sunt, lati et longissimi, qui sēpe per tota extendun-
tur intestina, & totius intestini longitudinem æquant: dī-
cti Ciræ, eo quod assimilentur κυρίαις, hoc est fasciis, in-
stitis & zonis, qua ratione etiam ταινίαι teniæ uocantur,
ut facile suspicari quis poterit, muntans literis, quod fa-
ctu facile fuit, pro ταινίς dici cōceptum esse tinea. Porro
hoc genus Paulus Aegineta haud aliud esse ait quā mu-
tationē adnatæ in interiore intestino membranæ in mate-
riā animalis modo mobilē, quæ sæpenumero tota red-
datur longitudine incredibili, aliquando autē pars eius ali-
qua. Tales tricenū pedū & plurium longitudine aliqua-
do uisas tradit Plinius libro 11. Et nos itidem admirandæ
longitudinis tales uidimus non semel, ceu relatum est à
nobis in commentarijs Apuleianis copiosius. Verū quo
pacto creentur animalia uentris & uermes, docet Hippo-
crates libro 4. de morbis: Est ēp̄ omnium causa, materia
cruda, crassa & pituitosa, qualis in pueris colligitur, & in
prouectionibus qui immoderate uiuunt. Sunt ēp̄ omnes
& ascarides & elminthes siue ex teretes sint siue etiā latæ
ex genere eorum quæ tota substantia præter naturā sunt.
Quocirca & prorsus eas expelli ē corpore conueniet. Ex-
pelles autem, ut inquit Galenus therapeutices libro ulti-
mo,

mo, si prius enecaueris. Necantur autem amaris medica-
 mentis. Viuentes nanq̃ obſiſtunt in teſtiniſ adhærentes:
 At mortuæ expelluntur unâ cum ſtercore. Expelluntur
 cum hoc etiam uiuæ: ſed ſtupefactæ, & ut ita quis dixerit
 ſemimortuæ factæ. At teretes quidem abſinthium peri-
 mēre poteſt, latæ uehementiora medicamenta deſiderāt.
 Pari modo quæ Aſcaris dicitur. Hęc ille. *Quid nō?*) Quafi
 dicat, Nihil. *Aduerſum.*) Contrariū, inimicū & noxium.
Miferis mort.) Hominibus calamitoſis & infelicibus. Por-
 rō de miſeria humana plura Plinius naturalis hiſt. libr. 7.
Addit.) Adducit, inſert. *Interno uſcere.*) In teſtiniſ. So-
 let enim & ſub cute nonnunquam naſci uermiculorum
 genus quoddam *phſiſis* dicti, de quibus habitum eſt ſu-
 pra cap. 5. de phihiriſi. *Tinea ſerpens.*) Vermis repens et *Serpere.*
 perambulans. *Serpere* & *reperere* proprie ſunt animalium *Reperere.*
 humi gradientium & pedibus carentium, qualia ſunt ſer-
 pentes, lumbrici & reliqua genera uermium. *Lumbricus*
edax.) Vermis à lubricate ſic dictus, uorax, corrodens,
 mordicans & conſumens. *Creanti*) Homini ē cuius hu- *Vermium pro-*
 moribus ſuperefluentibus procreantur. Generant enim *creatio.*
 ex materia pituitosa, quæ dum non eſt apta conuerti in
 ſubſtantiam aliti, nec etiam tantæ putredinis ut ex toto
 putreſcat, natura quæ ſemper ad optima nititur, mediāte
 calore illam diſponit ut uitæ ſpiritum accipiat, & ſic pro-
 creati uermes uiuunt, mouentur, nutriuntur & creſcunt.
Laniat.) Mordet & rodit. *Scandens.*) Ad ſuperiora aſcen-
 dens. Solēt enim uermes uel ad uētriculum & fauces uſq̃
 aliquando aſcendere, & inde ſordius ore nonnunquam
 reddi. *Vis uitæ.*) Guttur & gulā. Hęc enim uitæ noſtræ, *Vis uitæ.*
 hoc eſt rerum corpus noſtrum intrantiū per quas alimur
 & uiuimus, uiz ſunt. Gula etenim cibi ac potus quibus
 nutrimur & alimur uia eſt. Guttur uero aëris, quo ad pe-
 ctoralium membrorum cordis ac pulmonis refrigerium
 & ſpiritus nutrimentum maxime & neceſſario opus ha-
 bemus. Sine aëris enī inſpiratione & expiratione, homo

LIMBRICIS ET TINEIS.

Vermes in pectoralibus gigni. uiuere non potest. Quod autem in pectoralibus ceu pulmone & in canna uocata pulmonis aliquando generentur uermes, testantur Abinzoar theizir libro 1. tract. 3. & Azaraius cap. de tussi. Qui uermes, ut aiunt, parui sunt & assimilantur muscis.

Ergo cinis cornu ceruini proderit haustus.
Vel nepetæ tritum ex uino uel lacte capellæ.
Nec non & succus medici potatur aceti.
Prodest præterea cum Baccho persica frondis.

Democritus memorat menthæ conducere potum.

Cinis cornu ceruini.

Cinis cornu ceruini.) Idem medicamentum ponit Plinius dicens, Tinearum genera pellit ceruini cornus cinis potus. Cornus huius comburendi & cremandi in cinerem modus & ratio, ut Dioscorides tradit, hæc est: Secatur in frustra cornu, sectumq; in fictile crudum primo, mox luto circumlito operculo in fornacem conijcitur: uriturq; usque dum albescat. *Nepetæ.*) Calaminthes, maxime fluuiialis & quæ aquosis nascitur locis. Dioscorides loco uini & lactis, sal & mel illi admiscet, & uim hanc uermium interfectiuam illi tum elixæ tum crudæ tritæ & potæ tribuit.

Nepetæ.

Vinum.

Vermes dulcibus gaudent.

Vino.) Maxime rubro seu nigro & dulci: tale enim ob maiorem siccitatem magis uermium naturæ aduersatur: propter dulcedinē uero uermes id libentius accipiunt. Dulcibus enim gaudēt, et ad pharmaca quæ amara sunt illectantur, nō secus ac pisces per uermiculos & lumbricos terræ

Laccaprinum.

ad hamū, *Lactæ capræ.*) Quamuis omne lac sit dulcedinis particeps, caprinū tamē minus est humectans sed magis siccans reliquis, propter cibū quo uescūtur, & ideo quoq;

Succus medici aceti.

accommodatius. *Succus medici aceti.*) Per succum aceti medici intellige succum mali medici qui semiacidus est. Medicum aut malum est, quod Dioscorides Persicum etiam & Plinius Assyrium patriæ nomine uocari dicit. Latini citromalum & citrium uocant. Cuius uaria habentur genera, magnitudine potius quàm genere differentia, & quorum

quorum eadem quasi uis est, omnia odoratissima, & uenenis medentia, præcipue quod priuatim Citrum uocatur: de quo & Vergilius intellexit cū ait, *Fœlicis mali quo non præstantius ullum Pocula si quando sæuæ infecere noueræ Miscueruntq̃ herbas & non innoxia uerba*. Huius odor, ceu libro 12. scribit Plinius, transit in uestes unā conditus, arcetq̃ animalium noxia. Arbor ipsa omnibus horis pomifera est, alijs cadētib, alijs maturescentibus, alijs uero subnascentibus. Contra uenenum, ut idē lib. 23. tradit, in uino bibuntur, uel ipsa, uel semen. Faciunt toris suauitatem decocto eorū colluto, aut succo expresso. Horum semen edendum præcipiunt in malacia prægnantibus: ipsa uero contra infirmitatē stomachi. Diosco. item libr. 1. Arborem, inquit, habent toto anno fœcundam & superfœtantem. Pomum oblongum est, rugosum, colore ad aurum inclinato, cum grauitate odoratum. Semen habet pyrorum seminibus simile, quod in uino potum uenenis aduersetur & aluum deiiciat. Decocto, succoq̃ eorum commendandi halitus gratia colluūtur. Comeduntur & in pregnantium fastidijs: quod malū Græci *κίσαρ* dicunt. Creduntur eadem in armarijs & scrinijs composta erosionum noxas à uestibus arcere. Suntq̃ huius pomi partes non unius nec eiusdem uirtutis. Cortices enim calidi sunt: qui intus est succus, semiacidus: semē item calidum. Quæ omnia ferē de medicis etiam & citreis, quæ uulgo Narantia uocantur, quorumq̃ duplex sapor est, acris & dulcis, dici possunt. Sunt & citrigenum species, quos limones uocant. De quibus omnibus eleganter satis & copiose scribit poeta celeberrimus Iouianus Pontanus in libris de hortis Hesperidum, in quorum secundo de horum pomorum utilitate sic etiam tradit: Omnibus his usus suus est: seu forte uoluptas Quærat, seu certa salus, studiumq̃ medendi Præcipue pueris, semen lege, coniice lectum In cyatho, & latices ad summum infunde liquēreis, Sub loue quos tacite cōtingant frigora noctis.

Mane autem puero instilla, bibet acre uenenum Lumbricis: stomacho, mirum, medicabitur ægro. Quin & arundineis mala ipsa liquoribus, ante Arte quidem medicata coquunt, ac lenibus inde Intingunt succis, & uase madentia seruant Auxilium latura, et opem languentibus ægris, Regalesq; epulas uario affectura sapore. Qui quod & in calidis fornacibus igne tepenti Sæpe liquant lectos flores, & in horrea condunt Vitrea, odoratos latices, suffimina nota. Sæpe & fistilibus in lancibus imbre recenti Dimensis spacijs, macerato cortice, melle Contingunt, Siculoûe premunt concocta liquore, Atque hos, atque alios conuertunt citria in usus. Hactenus de malis medicis & succo eorum, quem Serenus intelligit per succum medici aceti. Nisi quis per eum intelligere maluerit liquorem aceti & acetum ipsum medicum, hoc est, laserpitiatum, quod è lasere & laserpiti seu filphij succo fiebat, multi quondam in oxyporis & oxygaris quibus miscebatur, usus. Meminit medici succi Strabo geographię libro ii. inquit, Hæc regio, loquitur autem de Media, silphium fert, à quo medicus succus appellatur. *Perfica frondis.*) Hoc est, arboris Perficæ folia, quæ uel Galeno teste, trita & umbilico imposita, lumbricos necant. Arbor nota & quæ poma fert lanata, hoc est, lanugine obducta: innocua & expetita ægris, stomachoq; accommoda, quorum palma duracinis. Nec aliud fugacius pomum: longissima namq; decerpto bidui mora est. Perfica uero appellata sunt à regione Perfide, unde ad nos aduecta. Non quidē uenenata in Persia, translata deinde in Aegyptum mutata natura innocua, ut quidam ferunt, & meminit Columella hijs uersibus, Stipantur calathi & pomis quæ barbara Persis Miserat (ut fama est) patrijs armata uenenis. At nunc expositi paruo discrimine læti Ambrosios præbent succos, oblita nocendi. Quin etiam eiusdem gentis de nomine dicta Exiguo properant mitescere Perfica malo. Non inquam Perficæ arboris in Aegyptum translata

Acetum laserpitiatum.

Folia Perficæ.

latæ fructus is est, qui in Persia letalis, deinde in Aegyptū
 transplantatus factus est esculētus, sed Perseæ potius quæ *Persica differt*
 à Persica arbore diuersa est. Quod uel ea testantur quæ *à Persæ.*
 scribit Dioscorides libro 1. cap. 155. de Persea, ubi ait: Retu-
 lerunt quidam letalē in Perside hanc arborem esse: trans-
 latam deinde in Aegyptum mutata natura salubrem &
 edendo factam fuisse. Et Galenus libro 1. de alimentis ait,
 Vidimus & hanc plantam in Alexandria, magnis & ipsa
 arboribus annumeranda. Tradunt huius apud Persas
 fructum tantę perniciēci esse, ut edētes interimat. In Aegy-
 ptum uero translatus, in esculentum miscere, & pyro-
 rum malorumq; modo, cū quibus & magnitudine con-
 uenit, esitari. Quin & Plinius ipse naturalis historiæ libr.
 17. cap. 13. Idem testatur dicēs: Persicæ arbores sero & cum
 difficultate transiere, ut quæ in Rhodo nihil ferant: quod
 primum ab Aegypto earū fuerat hospitium. Falsum est
 uenenata cū cruciatu in Persis gigni, & pœnarum causa
 à regibus translata in Aegyptū & terra mitigata. Id enim
 de Persea diligentiores tradunt, quæ in totum alia est, my-
 xis rubescentibus similis, nec extra orientem nasci uo-
 luit. Eā quoq; eruditiores negauerunt ex Perside propter
 supplicia translata, sed à Perseo Memphi satā. Et ob id
 Alexandrum illa coronari uictores ibi instituisse in hono-
 rem atui sui. Semper aut folia habet et poma, subnascen-
 tibus alijs. Hactenus Plinius. *Frondis.*) Frons, estq; nomi-
 nandi siue recto casu dictum frondis, sic supra capite 12.
 Delphica frondis. *Democritus.*) Democritus Abderita- *Democritus.*
 nus philosophus sapientissimus & medicæ rei peritissi-
 mus fuit: scripsit inter alia libellum etiam de infania. De
 hoc plura in epistolis Hippocratis. *Menthæ.*) Menthæ *Menthæ.*
 uim contra uermes testatur etiam Celsus, præsertim ubi
 teretes sunt & pueros exercēt. Dioscorides succū eius cū
 aceto id facere tradit in quiēs, Menthæ succus potus cum
 aceto, rotundos lumbricos necat. Plinius aliorum refe-
 rens sententiam, Aspersa, inquit, in potionem mentha,

uentris animalia expellere dicitur. Est autem ex medicinis leuioribus ad hoc.

Sumitur abrotonum nec non & uile melanthum, Allia per sese sanant, & ius coriandri.

Quin et marrubium decoctum haustumq; iuuabit, Pulegium uero potens & agreste iugatur anethum; Synthesis hæc prodest unda mollita calenti.

- Abrotonum.** *Abrotonum.*) Abrotonum quod uermes amaritudine sua interficiat, testantur etiam Galenus, Paulus Aegineta, Serapio, Auerrois & alij. *Melanthum.*) Quod Græcis melanthum, id Latinis est nigella. Vtriusq; à seminis colore sic dicta herba. Plinius Gith uocat & optimum esse ait quod quàm excitatissimi odoris & quàm nigerrimū existat. Huius semen nō modo potum, sed & extra umbilico & uentri illitum, uermes & reliqua interaneorum animalia interimere & pellere testes sunt etiam Dioscorides, Galenus, Serapio & Auicenna. *Allia.*) Allia per se sola sine alterius rei permixtione in cibo sumpta contra uermes prodesse, testantur etiam Celsus & Auicenna, nec refert siue cruda siue cocta edantur. Vtraq; enim autore Hippocrate libro de morbis mulierum, profunt. Noua tamen & recentia, teste Rufo, sunt meliora. Porrò Plinius & Ma cer illis in aceto mulso coctis & exhibitis uim illam attribunt. *Ius coriandri.*) Succus coriandri. Quod uulgò notum est. Huius semen lumbricos & interaneorum animalia pellerè cum mali punici succo & oleo potum Plinius asserit. Dioscorides uero cum passo sumptum : & paulum quidem. Copiosiorē enim continuumq; eius usum cauere oportet. Quoniam maiore copia sumptum, mentem non leui periculo tentat: haustum etenim ebrietati similem cum turpi loquacitate furorem facit. Porrò Apuleius foliorum usum per inferiora administrandum docet, dum inquit: Ad lumbricos, Herba coriandrum coquatur ad tertias in oleo, & in anum mittatur. Cæterū cuius qua-

qualitatis sit particeps coriandrum, frigidum ne sit an ca-
lidum, autores inter se discrepant. Hippocrates enim lib.
2. de ratione uictus & libro de morbis qui extra, & Gale-
nus libro 7. de simplicibus, Serapio tr. 2. de medicinis ca-
lidis, et Auerrois colliget libro 5. ipsum calidum ponunt.
Dioscorides uero libro 3. & Auicenna undecima tertij, tr.
1. cap. 7. Rasis Almanforis libr. 3. cap. 19. & Hali abbas fri-
gidum asserunt. Sed uerius Isaac in dietis particularibus
capite proprio, diuersæ uirtutis esse tradit, testante id sa-
poris sui uarietate. Cui & Gentilis Auicennæ expositor
non postremus subscribit, omnesq; certis signis motos
ait. Primi enim qui calidum asserunt, argumentum ad id
sumunt ab amaritudine & aromaticitate quas in eo sen-
tiunt, quæ & partiū tenuitatem illi faciunt. Alij uero qui
refrigerandi uires ei tribuunt, id à frigiditate in ipso per-
cepta colligunt, quæ & partium crassitiem causatur. Ve-
rum quæ pars præualeat, difficile esset ponderare. Nostri
tamen æui medici frigiditatem præcipue illi tribuunt præ-
sertim intus assumptò. Exterius enim admotum nunc qui
dem calefacit nunc uero refrigerat, id tamen in diuersis
morborum generibus, uti clare demonstrat Gentilis Ca-
nonis Auicennæ libro 5. sen. 11. tractatu 1. cap. 7. de me-
dicinis cordialibus. *Marrubium.*) Marrubij uim contra
uermes prodit etiam Apuleius, sed iungit illi absinthij &
lupinorum pondera paria: iubetq; in aqua mulsa coque-
re et uino & bibere aut super umbilicum imponere.
Pulegium.) Idem testatur Auicenna: potestq; id coctum, po-
tūm, & illitum. *Agreste anethum.*) Et si apud ueteres medi-
cos unicam tantum anethi speciem repperio, simpliciter
anethum dictum: uerum tamen est quod Plinius & Dio-
scorides herbam quandam tradunt quam hic meon, ille
meu uocat, quæ caule & folijs anetho sit similis: quamuis
utroq; tum apud Plinium tum apud Dioscoridem, non
anetho sed aniso perperam & falso legat Dioscoridis in-
terpres ille Florentinus, Et hanc herbam meon intelligit

COLO SEDANDO.

Decimasexta
tertij tract. s.

Synthesis.

nunc Serenus per agreste anethum. Et sic etiam meo interpretantur medici recentiores, dicentes id esse agreste anethum. Hoc quod ui sua feruente uermium interfectiuum est, ut hic tradit autor: nec id mirum, si enim aliud domesticum tale est, autore Auicenna, multo magis agreste tale erit: cum syluestria domesticis communiter sint efficacia. *Synthesis.*) Synthesis compositio dicitur, à σύν quod est con, & θέσις positio.

COLO SEDANDO.

CAPVT XXX.

QUVM colus inuisum morbi genus intima carpit,
Mande galeritam uolucrem quam nomine dicunt.

De intestinorum
ordine.

Pylorus portanarius.



OLO.) Dolori colico, qui fit in intestino crassiori colo: quamuis plurimi uehementissimos quosque dolores in quacunque parte intestinum euenerint, ad colum referant. Sunt autem in duplici differentia intestina ordine quodam sese consequentia. Nam horum quaedam superiora quae gracilia uocantur, alia inferiora quae crassa dicuntur. Ante omnia uero in inferiori ipsius uentriculi parte foramen est & meatus qui πύλωρος & portanarius dicitur. Sic quidem nominatus, uti Galenus ait, quod ueluti ianitor iustus nihil permittat exire, quod non fuerit prius in chylum conuersum atque concoctum. Talem autem chyli bene concocti substantiam certum est per pylorum ad inferiora intestina deduci, non ut excernatur, sed potius ut intra corpus retineatur, ut hepatis in sanguinem transmutanda, ex quo omnia membra debent nutriri. Vnde libro de utilitate partium quinto, aperte pronunciat, Intestina non esse superfluitatum excretionis, sed alimentorum potius instrumenta. Quamuis

ais Celsus pyloron primū faciens intestinū sic nominatū
 dicat, qđ portæ modo in inferiores partes, quæ excreturi
 sumus, emittat. Pylorum meatum sequitur intestinū pri- ^{ἐκφροίς,}
 mū, quod ^{ἐκφροίς} hoc est propago siue exortū appellatur: ^{exortū.}
 sic dictum quia ex pyloro primū exoriatur: aut ^{δωδεκάδακτυλον} δωδεκάδακ-
 τυλον, id est, duodenum, à duodecim digitorum men- ^{κτυλον.}
 sura. Quod quia non sit implicitum, uoluerunt quidam ^{Duodenum.}
 intestinum non esse appellandum, & primum faciunt ie- ^{ieiunum.}
 iunum. Vnde Macrobius ait: Ieiunum omnium intesti-
 norum principium habere exaratū est. Nisi quis sub eo &
 ieiunū & duodenū comprehendi censeat. Sic etiam Gale-
 nus de locis affectis lib. 6. primum facit ieiunum, dicens:
 Omnia intestina à uentriculo ordine quodam descēdunt
 atq; omnium supremum ieiunum est, deinde quod tenue ^{Tenue.}
 uocatur. Suscipiunt autem ambo inuolutiones, ieiunum
 tamen, autore Celso, minus implicitum est: ac ita dictum,
 quia nunquam quod accipit, continet, sed protinus in in-
 feriores partes trāsmittit: tenuius uero in sinus uehemen-
 ter implicitum est. Differunt etiam autore Galeno, nam
 tenue non inuenitur uacuum, & quia non habet idem
 tenue tantum uenarum multitudinem. Imperitiores hoc
 ilion uocant, & morbum illius iliacum, quum tamen ile- ^{ileos, ileosi.}
 os, id est uoluulus, ab eruditioribus appelletur, et qui hoc
 affecti sunt ileosi. Nam iliaci iliosiue dicuntur qui ligo- ^{iliaci, iliosi.}
 pono, id est ilium dolore, uexantur. Plinius hæc graci- ^{Lagoponos.}
 lia intestina per quæ flexuosissimis orbibus cibi delabun-
 tur, in homine & oue lactes uocari tradit, in cæteris illæ ^{Lactes.}
 plurali numero. Quamuis lactes etiam à nonnullis pro
 pinguibus intestinis accipiantur, unde Persius lactes un-
 ctos uocat: aliquando uero pro membranis quibus inter
 se intestina coherescunt. Sunt etiam qui lactes uocant lo-
 ca sub umbilico puberæ usque delicata, adeo ut plagam ferre
 nequeant. Ultra hæc quoq; significata, adhuc pro mesen-
 tertio accipit Theodorus, uir utriusq; linguæ doctus, ca-

forte ratione ductus, quod Macrobius quoq; mesentero
 pro intestino accipit: ubi intestina principalia facit tria,
 unum dissipium quod uentrē à reliquis secernit, alterum
 medium quod Græci *μωσέντερον* dicunt, tertium quod
 ueteres hiram uocant: aut forte quia contentum pro
 cōtinente accepit. Est enim mesenteron non intestinum,
 sed potius in medio intestinorum collocatum, unde &
 illi apud Græcos nomen, sicuti & alterum apud eosdem
 nomen est à propria substantia sortitum, quo mesarcon
 appellatur: quoniā omnes, quæ ad ipsum exiecore uenas
 feruntur, unā cum adiacentibus arterijs circumquaque
 ambit atq; cōplectitur: huic lactes inuoluuntur, ut à duro
 spinæ contactu munitiores magisq; septos reddat. Sed
 hæc missa faciēs ad intestinorum ordinem reuertar. Post
 gracilia itaq; & tenue intestinum est id quod cæcum uo-
 catur, quod usq; ad infernas partes extenditur. Deinde
 colon quod ad superiores reuertitur partes, donec sæpe
 numero & lienem & iecur attingat, in quo dolorum ma-
 xima causa est, qui & colici dicuntur, & inde colicon di-
 ctum medicamentum quod colico dolori medetur, quale
 est id quod à Scribonio Largo compositione medicinali
 119, & à Cornelio Celso lib. medicinæ 4. & 5. ad Cassium
 medicum refertur, licet apud eos nō nulla sit compositio-
 num discrepantia. Hoc intestinum colon Plinius Ile sin-
 gulari numero uocat. In hoc dolor fit qui Colicus dici-
 tur et Chordapfos ac Choridos: quamuis Diocles Cary-
 stius commutatis nomenclaturis, tenuioris intestini do-
 lorē chordapson, crassioris uero Ileon nominauerit. Post
 colon est intestinum rectum, quod & aluum & longano-
 nem uocant. Contegit uero uniuersa hæc omentum ex
 interiore parte leue & strictum, ex superiore mollius: cui
 adeps quoq; innascitur, qui sensu sicut cerebrum quoq;
 & medulla caret. Omento uero quod uenis etiam quibus-
 dam uel maioribus illigatum est, autore Celso: iungitur
 abdominis membrana interior, quæ quoniam interiori-
 bus

bus omnibus extensa adiacet & intestina cum om̃to con- *Peritoneon.*
 tinet, peritoneon à Græcis dicit & à Barbaris mirach. Cæ *Mirach.*
 terum quod ad colicum dolorem attinet, fit is à frigido *Causa doloris*
 crassoq̃ aut uiscoso humore seu spiritu flatuoso egressum *colici.*
 non habente. Estq̃ uehemens & longus: uehemens qui-
 dem ob intemperantiam & corporum quibus contine-
 tur tentionem: longus uero et perseverans, quia difficul-
 ter uacuatur, ob corporum ambientium crassitudinē ac
 spissitudinem quibus ipsum continent et arcant, quod te-
 nuiora intestina ob tunicarum rarā tenuemq̃ essentiam
 facere non possunt. *Colus.*) Dolor colicus. *Inuisum.*) In *Inuisum.*
 uisum dicitur quod inuidia & odio habetur, cuiq̃ inui-
 detur. *Intima caput.*) Interiora uentris & intestina corri-
 pit, molestat & torquet. *Mande.*) Mandere proprie est *Mandere.*
 dentibus cōterere et comedere. *Galeritam.*) Galerita avis *Galerita.*
 est quæ nunc alauda dicitur, Græce corydalus, à galez fi-
 militudine, eo quod in summo uertice habeat apicem &
 plumulas elatas in modum galez. Plinius libro 11. cap. 37.
 ait: In capite paucis animalium nisi uolucris apices: di-
 uersi quidem generis, Phœnici plumarum serie medio eo
 exunte alio, Pauonibus crinitis arbusculis, Stymphalidæ
 cirro, Phasianæ corniculis. Præterea pauo, atque ab illo
 galerita appellata quondā, postea Gallico uocabulo etiā
 legionis nomen dederat alluda. Huius cōtra colon uarius
 usus est. Nā Diosco. tostā in cibo sumi iubet. Paulus Aegi-
 neta, Auerrois et Serapio simpliciter coctā & comestam
 diu. Plin. lib. 35. ca. 3. assā, siue in nouo uase cū plumis exu-
 stam contritamq̃ in cinerē, bibiq̃ ex aqua coctū cochlea-
 ribus ternis per quadriduū, item cor eius adalligatum scē-
 mini, amplius recentem tepentemq̃ adhuc deuorari.

Aut pauidi leporis madefacta coagula pota,
 Siue apio nepetam tereti cum mastiche iunges,
 Necnon & species ambas redolentis anethi
 Quorum decoctos patiens haurito liquores.

- Pauidi.**) Inter animalia enim maxime pavidus est lepus.
Coagulam leporis. *Leporis coagula.*) Inter coagula intestinorū doloribus maxime medetur leporinum ex uino trium obolorum pondere potum, autore Dioscoride. Coagulum autem ea uiscerum pars est, qua ad densandum lac utimur. Estq; substantia & mucillago quædam superflua lacti coagulato quodammodo similis in uentribus & certis animalium uescis genita & appensa. Sic quidem dictum à cogendo, hoc est, à colligendo aut stringendo. Vnde etiam aliquando pro omni eo quod densat & coniungit, accipitur.
- Madefacta.**) Humecta & resoluta, idq; præcipue in uino.
- Apium.** *Apio.*) Scilicet satiuo et hortulano, quod non modo coli sed & aliorum quoq; doloribus medetur qui ex flatuoso spiritu egressum non habente generantur. Vnde Dioscorides ad nullum determinatum morbi genus id applicat, sed omnibus indifferenter inflationibus utile pronūtiat, simpliciter dicens, Soluit inflationes. Quamuis saxatilis apij quod petroselinon dicitur uires cōtra colon proprie ualidas tradat inquiens, Petroselinon stomachi & coli inflationibus torminibusq; medetur.
- Nepeta.** *Nepetam.*) Quemadmodum apium simpliciter inflationibus ubicunq; existant prodesse dicit Dioscorides: sic etiam nepetam simpliciter strophis & torminibus, hoc est doloribus uehementissimis, siue in colo siue alia quacūq; parte existant, utilem scribit.
- Mastiche.** *Tereti.*) Rotundo. *Mastiche.*) Et hoc uentrem ac intestina confortando. *Species ambas.*) Genus utrunq; domesticū & agreste. *Redolentis anethi.*) Vtrunq; enim odoratum est. De agresti quod meon appellatur, agit Dioscorides libr. primo inter aromata et odoramenta, aitq; radicibus esse odoratis, quæ in aqua decoctæ & sine coctura tritæ utiles sint inflationibus & torminibus. sed dolores capitis facere potum ultra quā deceat meon. Domestici uero redolentiam testatur Columella dicens, Et bene odorati flores sparguntur anethi: cuius siccati comæ & seminis decoctum, ut Dioscorides prodit, tormi-

na & inflationes finit. Estq̃ nunc communis in omnibus uentris & intestinorum doloribus mitigandis anethini olei usus.

VESICAE ET CALCULO

PURGANDO ET VRINAE

prouocandæ.

CAPVT XXXI.

SI cui uesicæ tardus cunctabitur humor,
Hæc mora rumpetur uino peruisa uetusto.



VESICAE.) Vesica, quam *κύστις* Græci dicunt, infra aluum à priore parte est, tota neruosa. Cuius officium unicū est, ut uidelicet comprehendat, estq̃ humidi excrementi conceptaculum. Vnde Aristoteles libr. de historia animalium primo cap. 2. Humidi, inquit, excrementi cōceptaculum uesicam: sicci, aluum nominamus. Nec à renibus trahit urinam uesica, sed renes per ureteras, quæ uenæ sunt à renibus ad uesicam protensæ, excernendo in uesicam mittūt. *Vene ureteræ.* Accidentia quæ uesicæ superueniūt, partim cæteris communia sunt, ceu omnes ipsius præter naturam tumores, dolores & quæ hos facere possunt affectiones, partim ipsi soli propria, ut Ischuria, Stranguria, ac per alium quoq̃ modum immoderata urinæ excretio, & quæ Dysuria dicitur. Verum huiusmodi affectus uesica tanquam meatu utuntur, ipsa haudquaquā affecta. E quibus Ischuria est integra urinæ detentio, propter meatus ipsius & fistulæ *Vretra, fistula* quam Vrethram uocant, constrictionem: quæ uarijs sit *urine,* modis, uidelicet, aut propter corporis ipsius tumore præter naturam, aut cum aliquid ei præter naturam innascitur, aut cum à re quapiam obstruitur. De quibus latius Galenus libro de locis affectis primo, Aliam demū sup-

pressæ urinæ & ischuriæ causam ponit item Celsus, qui urinam aliquando non reddi ait quia senectute iter eius collapsum sit. Stranguria, quam Cato lotij substillum uocat, est quâdo stillatim, parum & frequenter quis mingit: fit aut ob uirtutis retentiæ imbecillitatem in uesicâ, aut ob urinæ acritudinem. Imbecillitas autem ob immodicam intemperaturam præsertim frigidam, siue tumorem aliquem præter naturam in ea. Acritudo uero urinæ aut ob renum passionem, aut aliarum partium uitium aliquod, cuius ratione humorum suorum uitia ad uesicam transmittunt & cum urina permiscunt: nonnunquam etiam ab intemperaturis quibusdam, maxime à caliditate, deinde à caliditate & humiditate, & demum ab humiditate. Dysuria est mingendi difficultas, de qua Galenus sic scribit: Dysuria potest & quæ cum dolore sit mictio dici: potest autem & quæ cū difficultate aliqua, adeo quod uix uesica operetur. Eam uero quæ cum dolore est, facit inflammatio & abscessus & ulceratio & inæqualis intemperatura & spiritus flatuosus. Si uero motus difficilis aliquis, uel potentiæ imbecillitas, uel tumor cōtra naturam, ex omnibus hîsc dispositionibus. Hęc ille. *Calculo.*) Lapidum, qui hominum quibusdam diro cruciatu in uesica generatur: maxime autem, ut in aphorismis libro 3. Hippocrates prodit, pueris, qui inter illos qui iam dentes ediderunt, & qui pubertati sunt proximi, mediam, quæ usque duodecimum & tertiumdecimum annum progreditur, habent ætatem. Et horum, uti Galenus scribit, lapis propria est passio: hîj enim ob edacitatem nō paucos crudos humores coaceruant, ex quibus pars crassior unâ cū urinis ad uesicam perueniens, fit lapidum generationis materia. Accedit altera causa, uehementia caliditatis, Aceruant enim et senes humorem crudum non paucum, non propter edacitatem, ut pueri, sed propter potentiæ concoquentis imbecillitatem, non tamen calorem sortem habent qui ex materia crassa uaporem resoluens lapidem generet.

Aph. li. 3. & 5.
Stranguria.
Lotij subst. liij.

Dysuria.
Aphor. lib. 7.

Calculi uesicæ.
Aphor. 26.

Hipp. lib. 4.
de morbis.

generet. *Vrina.*) Lotio suppressio & præter naturam retento, Est autem urina sanguinis & aliorum humorum colamentum et aquositas. Sic dicta, ut quidam putat, quod in exeundo urat. Vel ut alij volunt à uerbo Græco *ὀυρῶν* *ὀυρῶν*. quod est mingo, unde etiam *ὀυρῶν* Græci urinam dicunt. *ὀυρῶν* *Vesicæ humor.*) Lotium & urina. *Tardus.*) Segnis, exire non potens, sed præter naturam detentus & remoratus. *Cunctabitur.*) Remorabitur & detinebit. *Hæ mora.*) *Vrinæ detentio.* *Rumpetur.*) Frangetur & ad exitum prouocabitur cieturque urina. *Vinouetusto.*) Vinum præsertim *Vinum uetus* uetustum & tenue, diureticum esse & urinam mouere testatur etiam Dioscorides libro 1. dicens, *Vrinam* *diureticum.* Vrinam pellunt quæ uetustissima tenuiaque & alba uina sunt. Et hoc maxime ubi aut grumius aut pus aut crassus lentusque humor retentionis causa fuerit.

Prodest ex paruis acinos potare sabucis,
Aut hederæ succum, ut lachrymosi trita sinapis,
Nec non resinas Oricia therebinto
In speciem heruiliæ paruos glomerabis in orbes,
Quos ternos tepida mixtos hauisse medela est.

Acinos ex sabucis.) Idem testatur Plinius libro 24. cap. 8. in *Acini sabuci.* quiens, Acini sabuci urinam mouent. *Hederæ succum.*) *Hederæ* *succum.* Hederæ in medicina acris est natura, autore Dioscoride. Unde & urinam mouet, teste Plinio. *Lachrymosi sinapi.*) *Acinomia* *Sinapis.* & feruore suo lachrymas cientis & prouocantis. *Columella,* Scilicet lacessenti sterum factura sinapis. Quod autem urinam ciat & moueat sinapi, testantur etiam Celsus & Plinius. *Trita.*) Contrita scilicet semina. *Resinae* *Resina therebintina.* *therebinto.*) Quamuis omnis resina moueat urinam, ut *Terebintus* *Oricia.* *Oricia.* *Oricos.* autor est Dioscorides, potior tamen inter omnes est therebintina, quæ omnes alias antecedit. *Oricia.*) Hoc est, circa Oricon ciuitatem nascenti. Est enim Oricos ciuitas Epiri, secus quàm plurima nascitur therebintus, nigrum lignum habens, soliditatem in buxi specie. Verg. Eneid.

Herulia.

libr. 10. Inclusum buxo aut Oricia terebintho. Et Proper-
tius libro 3. Sed thia thalamo aut oricia terebintho. (*in*
speciem heruliae.) Hoc est formam parvam & rotundam, cu-
iusmodi est herulia, quæ leguminis genus est, & Græce
dolichus uocatur, ut sentit lo. Manardus in Epistolis me-
dicinalibus. Orbes.) Orbiculos, globulos & pilulas par-
uas. Glomerabis.) Formabis & in glomeris formam con-
ficies. Ternos.) Numero tres, & hæc quantitas una uice
sumenda est sufficiens. Tepida.) Aqua moderate calida.
Sic enim nõ adhærent. Cum enim tenax & uiscosa res sit
per se deglutiri nõ posset. *Hauisse.*) Deuorasse, deglutisse,

Quondam etiam nimium præceps urina fluendo
Irrigat exuuias, obscænoq; insicit imbri,
Ergo cinis cornu ceruini proderit haustus,
Vel nepetæ ex uino tritum uel lacte capellæ,
Tum leporis cerebrum ex uino potare decebit.

Exuuiæ
Induuiæ.

Quondam etiam.) Aliquando. Postquam retentâ urinam
ciere docuit: nunc nimium fluentem & incontinentiam
eius sistere & cohibere docet. *Nimium præceps.*) Nimis ue-
lox & plus iusto præterq; naturam fluens. Irrigat.) Hu-
mectat. Exuuias.) Vestes ab exuendo sic dictas, quemad-
modum ab induendo induuiæ & indumenta sunt dicta.
Dicuntur autem exuuiæ non solum de hominum uesti-
mentis, sed & de aliorum animalium spolijs: unde & ser-
pentum pelles exuuiæ dicuntur. Obscæno imbri.) Humo-
re olente & lotio foetente. *Insicit.*) Contaminat & scædat.

Cornu cer-
uini cinis.

Cinis cornu ceruini.) Cerui cornu uim habet omnes humo-
res exiccandi: quare & omnem fluxum tum uentris tum
uteri tum uesicæ cohibet & sistit, doloremq; sedat, præser-
tim in cinerem redactum, drachmæq; unius pondere in

Nepetæ.

potu datum. *Nepetæ tritum.*) Nepetæ puluis uel cinis con-
tritrus seu succus per cōtritionem extractus. Solet autem
Nepeta urinæ incontinentiâ cohibere, maxime ubi uir-
tutis retentiæ ob frigidam intemperaturam imbecillitas

aut

aut spiritus flatuosus causa est. Frigus enim feruore suo reprimendo, uirtutem corroborat & flatuosos spiritus dissoluit, humoresq; desiccatur. Alias enī & ab alijs causis accidentē urinæ fluxum potius auget. Nam, ut omnes testantur, urinam cit nepeta: nisi & hoc modo humores expurgando fluxus fluxum tollat. *Vino.*) Maxime acerbō & stiptico. *Lacte.*) Præsertim ubi exulceratio adest. *Lac caprinum.* Nam, ut Dioscorides lib. 2. tradit, Interaneorum exulcerationibus cōmuniter lac medetur, præcipueq; gutturis, pulmonum, intestinorum, renū & uesicæ. *Capella.*) Capræ: propter cibum adstringentem quo plurimum uescuntur. *Tum.*) Deinde ultra dicta iā medicamenta. *Le Cerebrum poris cerebrum.*) Idem testatur Plinius lib. 29. cap. 10. dicens: *leporis.* Cerebrum leporis in uino urinæ incontinentiā cohibet.

Sed dolor internam uesicæ si capit aluum,
Subueniet radix frondosæ epota cupressi,
Pulegiumue potens domitum feruentibus undis.

Sed dolor int.) Solet nonnunquam urinæ incontinentiam dolor subsequi, præsertim ubi exulceratio aut acris quispia humor ipsi occasione præbuerit: quemadmodū et in dysuria uocata accidit. Huic itaq; affectui nunc idonea adhiberi docet medicamenta. *Internam uesicæ aluum.*) Hoc est, causam internam uesicæ & uesicam ipsam. *Capit.*) Afficit & molestat. *Radix cupressi.*) Adstringit cupressus, sic *Cupressus.* cat & refrigerat. Vnde & folia eius contra destillationes in uesicam & dysuriam cum passo & exigua myrrha utiliter bibuntur, ut autor est lib. 2. Dioscorides. Plin. uero libro 24. ca. 5. Radix, inquit, cum folijs trita potatq; uesicæ & stranguriæ medetur. Quæ mala quoniam dolor sequi solet, tollitur idem, iisdem malis sublati: quod, ut hic Serenus testatur, cupressi radix efficit pota. *Frondosæ.*) Foliosæ & multorum foliorum: quæ eandem quoq; cum radice uim habent adstringentem. *Pulegium.*) Vesicæ do *Pulegium.* lores, præsertim qui ex urinae angustijs & calculo originē

VESICAE, CALC. VRINAE,

habent, pulegij potu mitigari, uel Plinij testimonio certum est: libro etenim 20, cap. 14. inquit, Vrinam pellit ex uino, & si Amineum sit, & calculos & interiores omnes dolores. Domitum ser. undis.) Hoc est, in aqua decoctum,

Si uero in lapides densus conuertitur humor,
Qui retinet cursus, gemitumq; dolore frequentat,
Saxifragam seu sphongiten succurrere credunt,
Præterea semen myrthi syluestris laccho
Atq; oleo mixtum bibitur nec desit acetum,
Vinaq; sumantur fricto condita cumino,
Siue palumborum capitur fimus acre ferorum
Dulcacidis sparsum succis tritumq; solutum,
Nec non obscœnus capræ potabitur humor,
Obruit hic morbum, labefactaq; saxa remittit,

si uero in lapides.) Calculi remedia traditurus autor, docet prius ex qua re idẽ generetur, & quæ inde causentur accidentia. Dicitur est autem prius à capitis initio, quod calculi materia est crudi in corpore coaceruati humoris pars crassior, cum urina ad uesicam perueniens, quam partem densum humorem uocat, generatus uero calculus urinæ cursum & fluxum retinet, & inde affectos diro cruciatu & dolore sæpius & frequenter molestat & afficit, gemitumq; & suspiria inducit. Gemitum.) Suspiria. Gemere proprie pectoris est, cum præ angustia in sonum prorumpit. Saxifragam.) Saxifragam ab aliquibus Empetron uocari, autor est Dioscorides medicinalis syluæ libr. 4. cap. 17. quamuis eodem libro capite 170. aliam herbam faciat empetron, aliterq; illam describat & alias tribuat uires. Verum quia Plinius lib. 27. cap. 9. unam eandemq; saxifragæ ac empetri nomine facit herbam, uiresq; illi tribuit, quas Dioscorides sub iisdem nominibus, diuersis herbis, & nostro etiam æuo saxifragæ nomine herba sit uiribus eisdem quibus Dioscoridis saxifraga, & siliquas ferat lentis

Gemere.
Saxifraga.
Empetron.
Phacoides.

tis similitudinem referentes, ceu de Empetro scribit idem
 Dioscorides, unde & phacoides, ut ait, appelletur: hinc
 facile persuasum habeo, male olim ab ignariis diuisa fuisse
 utri nunc etiam sunt apud Dioscoridem, quæ simul iungi
 cõuenisset, et ut ex uno capite duo separata, et una herba
 diuersæ factæ sint, quæ unū & idē esse debuissent. Quare
 etiam non male egisset, meo iudicio, si Dioscoridis inter
 pres ille Florentinus Plinium sequutus diuersa illa capita
 in unum coalescere permisisset, quod & ego factu opus es
 se censeo. Sed de hoc satis. Quod uires eius concernit, Sa
 xifraga, inquit Plinius, recens, quamuis nos radice non
 recenti etiam communiter utamur, urinas cit decocta in
 aqua, uel trita calculos frangit. Qui fidem promisso huic
 quærun, affirmant lapillos qui sufferuēfiant unā rumpi.
 Dioscorides uero, Bibitur, inquit, in uino decocta utili
 ter stillicidio uesicæ & singultientibus: calculos uesicæ
 frangit, urinam cit. Cæterum dicta est saxifraga, aut quia
 in petris nascens eas dum nascitur rumpat, ut aliqui uo
 lunt: seu ut alij, quia lapillos in uesica frangat atq; commi
 nuat. Nascitur autē plurima in Rhetia prima, locis aspe
 ris & petris. Sunt & aliæ sub saxifragæ nomine nūc in usu
 herbe, sed de quibus nihil ad præsens. *Spongites.*) *Spon* *Spongites*
gites lapis est qui in spongijs reperitur, unde & nomen *lapis.*
 indeptus est. Hinc Plinius libro 37. cap. 10. *Spongites*, in
 quit, spongiæ nomen repræsentat. Et lib. 36. cap. 19. *Spon*
giæ lapides inueniuntur in spongijs, & sunt natiui. Qui
 dam eos cysteolithos uocāt, quoniam uesicæ medentur
 calculos rumpunt in uino poti. Et Dioscorides libro 5. In
 ueniuntur, inquit, & in spongijs lapides: hñ cum uino
 poti calculos uesicæ frangunt. Et hñ etiam ex medicamen
 tis illis sunt quæ reliquis in frangendo lapidem longe for
 tiora sunt, autore Auicenna. *Semen myrthi syl.*) *Myrthus* *Myrthus sylue*
syluestris Latine *Ruscus* dicitur, myrtho simile foliū ha
 bet, minus tamen: lanceæ figura, in summo acuminata *Ruscus, oxy-*
 cuspide: fructum fert in medio folio herētem, rotundum, *myrsine.*

VESICÆ, CALC. VRINAE,

Libr. 23. cap.
ultimo.

Vinum.

Oleum.

Acetum.

Cuminum.

Fimus palumborum.

cum maturuit rubētem, ossēa intus duricie. Ramulos ut
tilium modo lentes, numerosos, ab ipsa radice statim, in-
fragiles, cubitali longitudine, folijs plenos. Radicem gra-
mini similem, sapore acerbo, amarescenteq̃, uti libr. 4.
Dioscorides autor est, qui etiam cū Plinio oxymyrfinen,
id est, acuminatam myrtum, & chamæmyrfinen, id est
humilem & terrestrem myrtum, appellari tradit. Cuius
semen Plinius etiam cum uino aut oleo aut aceto potum
calculos frangeret testatur: nec refert quod liquores non
coniunctim, uti Serenus, accipiendos præcipit. Nec mo-
do semen, sed & radix, quam in honore esse dicit Plinius,
& folia itidē in uino decocta & pota uesicæ calculos fran-
gunt & pellunt, si Dioscoridi credimus. Tacito.) Vino,
præsertim antiquo & tenui, quod fracto calculo uiam ad-
exitum præbet & urinam ciendo etiam expellit. Oleo.)
Hoc enim utile est excoriationi quæ ex calculo accidit, le-
niendæ & dolori mitigando. Acetum.) Ut quod alijs pe-
netrandi uim administret & inflammationes arceat, cal-
culosq̃ frangat: quā uim illi esse uel ex historijs satis ma-
nifestum esse poterit, præsertim ea qua Hannibal alpes fre-
gisse & ita transcendisse fertur. Cuminum.) Maxime sylue-
stri, & eo quidem quod satiuo simile est, quod ex singulis
floribus corniculatas filiquas sublimes profert, in qui-
bus nigellæ simile semen est: quod potum uesicæ stillici-
dio, calculis, & sanguinis concretos grumos cum urina
reddentibus succurrit, autor Dioscorides libr. 3. Prælo.)
Parum asso, ut si quæ inest superflua humiditas consu-
matur. Fimus palumborum.) Columbarum agrestium alui
excrementum & sterces, quod reliquis longe acrius est,
magisq̃ calefacit & urit. Et quam hic Serenus Palumbo-
rum, illam Auicenna decima octaua tertij, columbarum
fimo uim extrahendi lapides tribuit, quod tamen idem
est. Plinius libro 30. cap. 3. Fimuin quoq; palumbium, in-
quit, in faba sumi contra calculos & alias difficultates ue-
sicæ: similiter plumarum cinerem palumbium serorum

ex aceto mulso iubent. *Ferorum.*) Agrestium & syluaticorum, qui domi non nutriuntur, sed procul à uillis uitam agunt semper. *Dulcacidis succis.*) Aceto mulso, quod & *Acetum mulsum.*
Obscenus capræ humor.) Vrina capræ foetida. Quam hic *Oxymel.*
 renus uesicæ calculos frangendi & expellendi uim, *Vrina caprinæ,*
 urina caprarum, eam Dioscorides aprinæ, Auicenna *aprina,*
 cinæ tribuit. Plinius libro 28. cap. 10. apri etiam urinam et *porcina.*
 ipsam uesicam pro cibo sumptam, uesicæ calculorumque *Fimus capræ.*
 cruciatibus auxiliari testatur. Et id efficacius quidem, si *Vesica capræ.*
 prius fumo maceratur utrunque. Imò, ut idem prodidit, si
 mum caprarum in mulso calculos pellit, efficaciusque syl-
 uestrium. *Obruit.*) Sepelit, abscondit & tollit. *Hic.*) Hu-
 mor obscenus & urina capræ. *Morbum.*) Calculorum
 dolorem & cruciatum. *Labefacta saxa.*) Lapillos & calcu-
 los comminutos & attritos. *Remittit.*) Relaxat, et educit.

CONCEPTIONI ET PARTI.

CAPVT XXXII.

IRRITA coniugij sterilis si munera languent
 Et sobolis spes est multos iam uana per annos,
 Fœmineo fiat uitio res nec ne silebo,
 Hoc poterit quartus magni monstrare Lucreti:
 Sed natura tamen medicamine uicta potenti
 Sæpe dedit foetus studio curante paratos.



CONCEPTIONI.) Hoc est, conceptionis
 impedimento amoliendo, & uterum infœcun-
 dum ad facile concipiendū præparando. Nam
 quæ per se facilis est nec impedita conceptio,
 nullo medicaminis eget auxilio. Præpedita uero, adeo ut
 difficulter aut nunquam concipiat mulier, nec tamen in
 uniuersum denegata sit, medicamentis recuperari & pro-

moueri poterit. Præpeditur autem non modo mulieris, sed & uiri aliquando ob affectum & intemperaturâ. Nam bonam habentes temperaturâ, semper generabunt etiam cum malam habentibus coeuntes: malam uero habentes solum cum contrariam habentibus coeuntes, gignent. Est autem conceptio, spermatis, hoc est seminis genitalis, utriusq; & uiri & mulieris in utero susceptio & apprehensio. Sperma uero siue genitale semen dicitur id ex quo tale quid produci natum est, quale est illud à quo ipsum genitum est. Quod autem utriq; & mari & foemellæ genitale semen inest, & ab utroq; decifum ad foetus generationem concurrat, testis est Hippocrates non uno loco. Nam libro de natura seminis genitalis sic in fit, Et in uiro et i foemina semen & marinum & foemineum inest. Libro uero de natura pueri & foetus sic ait, Siquidem semē ab utrisq; manauerit in mulieris uterum, primum quidē simul miscetur. At libro de morbis quarto, Semē genitale, inquit, de membris omnibus uiri & mulieris ad hominis generationem ueniens, & in mulieris locellos decidens cogitur, temporeq; adueniente ex eo humana natura procreatur: quoniam quatuor has humiditates, humoris uē species uir & mulier in corpore habet, quæ sūt hæc, sanguis, bilis, pituita, aqua: quæ non minimam nec debilissimam partem semini porrigunt. Hæc ille. Ab utroq; itaq; semen decidi & in inchoandi hominis domicilio utero suscipi, uel Hippocratis, qui unus pro pluribus sit, testimonio satis manifestum est. Vterus uero quem & utriculum et locos & uuluam & matricem uocant aliqui, est inchoandi hominis domicilium: seu, uti Galenus describit, ἀγγεῖον κυντήριον, hoc est, uas foetum conseruans. Nam postquam genitale semen apprehendit, adeo contrahitur ut nulla omnino uacua pars relinquatur, & in tantum os clauditur ut ne acus quidem acies ingredi possit, teste Galeno, cuius de locis affectis libr. 6. hæc sunt uerba: Quid autem in rerum natura potest esse admirabilius? nouē perpetuis mensi-

Conceptio.

Sperma.

Semē genitale.

A uiro & à

muliere decidi

sperma.

Vterus, Utricu-

us, Locis, Vul-

ua, Matrix.

mēſibus clauditur os uteri, adeo exacte, ut ne ſpecilli qui-
 dem acumen admittat: perfectio autem ſœtu, uſq; adeo di-
 ſtenditur, ut totum animal per ipſum egredi poſſit. Hanc
 uteri clauiſionem teſtatur etiã Hippocrates libr. aphoriſ-
 morum quinto hijs uerbis, Quæ utero gerunt, hijs uteri
 os cõprimitur. Sed quia uaria uteri uocabula relata ſunt,
 non nihil de iſſdē adhuc dicendū. De aliquibus Plin. lib.
 .ii. ſic profert, Fœminis eadem omnia præterquam ueſicæ
 iunctus utriculus, unde dictus uterus, quod alio nomine
 locos appellant, hoc in reliquis animalibus uuluam. Cel-
 ſus tamen uuluam in homine etiam uocat. Noſtro tem-
 pore uulguſ imperitum muliebrem naturam & pudēda
 perperam uuluam nuncupat. Per matricem Columella *Vuluæ.*
 ſcœminam intelligit quæ ſœtus gratia tenetur ac parit ſœ-
 tum & generat, cum ait, Sint ergo matricæ probi colo-
 ris, robuſti corporis &c. item, ociēs anno pullos educat
 ſi bona eſt matrix. Communis tamen medicorum ſchola *Matrix.*
 matricem nunc uocat uterum. Græci item uterum non
 uno nomine nominant. Dicitur enim ab illis aliquando
 μήτρα, hoc eſt matrix, non obſtante quod Ariſtoteles lib. *Μήτρα.*
 de hiſtoria animalium tertio capite primo, hoc nomine
 uteri os & cœuicem uocari tradat. Inquit enim, Pars uul-
 uæ interior, loci & uterus appellatur. Vnde fratres uteri
 nos cognominamus. Oſtium autem & cœuix, matrix di-
 citur. Appellatur itē Δελφύς id eſt uterus, unde ἀδελφούς *Δελφύς.*
 uocant fratres uterinos: item ὑστέρα id eſt loci: quāuis non *ἀδελφοί.*
 nunquam etiam pro pellicula accipiatur exteriore, (nam *ὑστέρα.*
 & interior eſt tum tenuior tum mollior,) quæ embryon *Secunda.*
 ambit & ſecunda dicitur & χώριον, eo quod ſit χώρημα, id *χώριον.*
 eſt infantis alueus, ſeu quia χωρυγῆ, id eſt cibū, ei ſuppe-
 ditat. Et hæcenus de utero, poſt quē os eius eſt quod uteri *Vteri os.*
 os uocatur, uidelicet illud quod intus eſt oſtiolum ubi lo- *Vteri collam.*
 ci deſinunt & uterus, collum uero incipit, quod Galeno *Vteri cœuix.*
 teſte, magis proprie os uteri diceretur. Nam altera colli
 extremitas, quæ mulieris pudendis coniungitur, non

Canalis.

Trachea.

Colli uteri os.

Porus primus.

Cletoris,

Nympha,

Eugion, hymē.

Muliebris natura, os genitale.

Partus.

Coniugium unde dictum.

uteri, sed ipsius colli os haud sine ratione diceretur. Post os uteri est ceruix carnosae, cartilagineae, modiceque obdura, quae ab uterino inchoat ac recto tramite ad muliebrem usque naturam fertur, per quam & menses egrediuntur, & foramini fistulae uesicae contermina est. Hanc etiam collum uocant uel tracheum, Celsus canalem. Huius os porus primus uocatur, & ex partibus interioribus penitioribusque intra cletorem, primum occurrit. Cletoris uero quam & Nympham & Eugion & Hymen nominant, est in parte extrema ac omnium prima, hoc est, in muliebris pudendi medio neruosa exilitas & tunica, integritatis ac uirginitatis argumentum: quam membrulam primus dirimit coitus, quae rupta et cruor emanat ob colligationes uenulasque tenues, quibus ex adiacentibus partibus exortis contextitur. Tandem pars illa muliebris pudenda occurrit, cui carnis tuberculum hiulcum bifidumque prominet. hanc etiam muliebrem uocant naturam ac genitale muliebre & os genitale. Sed de hijs nunc satis superque. Partui.) Partus est completi & perfecti iam in utero foetus in has uitales auras exitus. Qui naturaliter fit nono mense aut decimo initio. Et hoc iustum nascendi tempus est. Qui antea nascuntur, raro superstites permanet. Quomodo autem in utero afformetur & nutriatur infans & denum in lucem exeat, copiose docet Hippocrates libro de pueri foetusque natura: quae breuitatis causa hic nunc omitto. Irrua.) Vana, cassa, frustranea & ad effectum non peruenientia. Coniugij.) Matrimonij, extra quod omnis coitus illicitus est et prohibitus. Dictum est autem coniugium, à iugo, quasi duorum ad unum iugum coniunctio, ut pares operis uices sustineant, quemadmodum & coitus ex aequo negotium habent, itidem ut in iugo. Sterilis.) Infœcundi & fructum non ferentis, hoc est, ex quo soboles non suscipitur. Munera.) Coniugij munus & officium est, ex coitus negotio proles susceptio & generatio. Languent.) Marcent & fructum non ferunt. Foemineo.) Cuius uitio, uiri ne an mulieris conceptio

ptio præpediatur, silentio se præteriturum ait Serenus: *Conceptionis*
 remittit tamen nihilominus nos ad quartum librum Lu *impedimenta et*
 cretij ubi id habetur. Impeditur aut ex parte uiri quidem *sterilitatis*
 ob seminis intemperaturā frigidā uel humidā, ob quam *causa.*
 semen non bene concoquitur & ad conceptionem reddi
 tur ineptū. Quod si intemperatura frigida sit mediocris,
 indiget utero calido sufficienter: si uero immodica, o-
 minino sterilis est. Sic etiam si intemperatura humida sit
 modica, utero indiget calidiore & sicciore: si immodica,
 sterilis est. Eodem modo & propter excellentē calorem, se-
 men fit tosto simile. Similiter ob siccitatem, ubi primū ex-
 cidit, neq; extendi potest, cū extensio necessaria sit ad con-
 ceptionem. Nam, ut in libro de semine scribitur, Mulier
 non concipit, nisi per uteri cavitatem parte plurima se-
 men extendatur. In mulieribus autem male temperati
 uteri si parum à bonitate recedant, difficulter concipiunt:
 si uero nimium, mulieres steriles fiunt. Non concipiunt
 autem quęcunq; frigidos uteros habent, propter substan-
 tię ipsorum spissitudinem et densitatem ualde frigidos u-
 teros ex necessitate comitantē. Similiter quęcūq; præ hu-
 midos habēt uteros, ut in quibus genitura extinguitur.
 Item quęcunq; siccis, magis & adurentes: nam ex defe-
 ctu alimenti semen in hijs corrumpitur. Porro quęcunq;
 ex utrisq; mediocrem habent temperaturā, hæc fecundę
 sunt; autor Hippocrates, Gal. Sunt & alia conceptionis
 impedimenta, quę breuitatis causa omitto. Res.) Con-
 ceptionis impedimentum. Hoc.) Scilicet cuius uitio con-
 cingat. Natura.) Vis concipiendi impedita tanquam na-
 turalis reputata, hoc est, infœcunditas & uteri dispositio
 citra omnē aduersam ualeitudinem ad cōcipiendū inido-
 nea. Vita.) Superata & conceptioni præparata. Studio
 curante.) Diligenti cum medicinæ auxilio adhibita cura.

Aut igitur leporis consumit fœmina uuluam:

Aut ouis in stabulis fractas cum ruminat herbas.

CONCEPTIONI ET PARTVI.

Pendentem spumam molli deducit ab ore
Atq; illam meminit mixto potare Falerno,
Mercurialis item capitur communiter herba
Sic cubitum noctu coniunx festinat uterq;.

- Leporis uulua.** *Leporis uulua. an.*) Prætestato quod medicamentis cōceptio-
nis impedimentum tolli poterit, & uterus ad concipien-
dum idoneus fieris ponit nunc conceptionem promo-
uentia remedia. In primisq; magnus inter talia est leporis
usus mulieribus, nec modo uulua ipsius fœcunditatem
ipsis adfert, sed & conceptus leporis & testiculi & coagu-
lum, ut refert Plinius, cuius lib. 28. capite 10. hæc sunt uer-
ba: Si uulux leporum in cibis sumantur, mares concipi
putant: hoc est testiculis eorum & coagulo profici. Con-
ceptum leporis utero exemptum hijs quæ parere desie-
rint, restibilem fœcunditatem adferre. Ex quibus uerbis
etiam non solum hijs remedijs fœcundas reddi mulieres
colligitur, sed & masculos etiam concipere solere. *Con-
sumit.*) Edendo absomit & cōmedit. *Fœmina.*) Mulier in
fœcunda & concipere desiderans. *Ovis spuma.*) Huius
medicamenti uim & naturam conceptionem promouen-
tem apud alios autores legisse me non memini, quare pe-
nes hunc ipsum fides maneat. Talem autē effectū occulta
Stabulum. ui quadam producit, si modo id agit. *Stabulis.*) Stabulum
proprie hominū diuersorium siue hospitium significat,
uti Perottus tradit. Petronius, Cum errarem per totā ci-
uitatem, nec inuenirem quo loco stabulum reliquissem.
Hinc etiam stabula, loca in quibus armēta & greges con-
sistunt in agris et sub diuo ueluti stationes illorum. Verg.
Montano flumine torrens cū stabulis armenta tulit. Ac-
cipitur etiam stabulum pro statione & habitatione qua-
cunq; & loco ubi quis stare consuevit. Varro, Equinū pe-
cus pascēdum in pratis potissimum herba, in stabulis ac
præsepibus arido fœno. *Fractus.*) Frangendo & decer-
Ruminare. pendo comestas. *Ruminat.*) Ruminare est cibum per os as-
sumptū

sumptū & in uentriculo iam contentū, in primis quidem ad os subleuando reducere, deinde multo tempore mandendo terere, postremo rursus ipsum deuorare, idēq; non in eundem, sed in alium uentriculum. Galenus de locis affectis lib. 6. cap. 6. *Meminit potare.*) Id est, potat & bibit. *Falerno.*) Vino optimo, quale est Falernū, de quo dictum est supra cap. 20. *Mercurialis.*) Qualis herba sit *Mercurialis*. *Mercurialis.* & quæ species eius, dictum est supra capite 17. Natura illi conceptum adiuuare: et, ut Dioscorides tradit, creduntur fœminæ *Mercurialis* herbæ folia trita, tum pota, aut post purgationes fœminarū genitalibus apposita, ut fœminæ concipiantur facere: masculæ uero contra, mares. Oportet autem ipsam altero à purgatione die dare mulieribus per triduum, & quarto die à balneo coire eas, ceu Plinius uarios etiam exhibendi modos referens docet, et ut de leporis uulua etiam dictum est. Hęc herba quoniam *Mercurij* inuentum est, à Latinis *Mercurialis*, à Græcis *Ἡμεροῦ πρῶα*, id est *Mercurij* herba, dicta est. *Capitur.*) Accipitur & assumitur. *Cubitus.*) Ad concubitum, rem ueneream & coitum peragendum. *Noctu.*) Pudor enim nos docet interdum rem ueneream non esse exercendam sed tempore solum nocturno, & in tenebris, nō sub luce. *Coniux.*) Citra enim coniugium, haud licitum est homini coitu uti, diuina etenim lege id nobis prohibitum est: uerum qui abstinere non poterit, is nubat in domino & intra legitimi thori limites & præscriptum se contineat. Melius enim est nubere quàm uri & scortari, de illo quo Paulo teste. *Vterq;.*) Mas & fœmina.

Atq; ubi iam certum spondet prægnatio fœtum
 Vt facili uigeat seruata puerpera partu
 Dictamnū bibitur, cochleæ manduntur edules.
 Vt menses olim minus octo moratus in aluo
 Irrumpat thalamos & nexus soluat inertes,
 Pulegio admixto uenit embryo necius aceto,

CONCEPTIONI ET PARTVI.

Cuius opem ueram casus mihi sæpe probarunt.
 Quin etiam sterces supponunt uultu is atri
 Sentiat ut minimum partus quā proximus urget.
 Qua etiam rutæ ac fragili miscentur anetho,
 Quæ diluta simul uino atq; exhausta medentur.

Alq; ubi iam.) Docet nunc quæ partum accelerant medicamenta, quibus aliquādo opus est uti propter pariendi difficultatem, quæ nonnunquam mulieribus haud parum periculi & mortem ipsam adferre solet; ad quod cauendum & prægnantem saluandam, medicinis opem ferre necessum est. *Spondet.*) Promittit, & certo scētū in utero esse conceptum indicat. *Prægnatio.*) Imprægnatio, & fœtus in utero conceptio. *Vigeat.*) Viribus constet et saluetur. *Seruata.*) Per medicaminum uim incolumis custodita. *Puerpera.*) Puerpera dicitur quæ iam peperit & ædito fœtu facta est mater. *Dictamnus.*) Non potu tantum, uti Serenus tradit, sed & illitu & suffitu sine puerperæ uexatione & periculo partum ex utero pellit dictamnus: nec modo uiuos partus accelerat, sed & emortuos uel transuersos, & secundas quoq; eicit ex uino ubi febris absit, si uero febricitet, ex aqua porum, autor Celsus. *Cochleæ.* Plinius, Apuleius, Dioscorides. *Cochleæ.*) Cochleas item in cibo sumptas partum accelerare testatur etiam Plinius libro 30. cap. 4. *Edules.*) Edulls, ab edo quod manducari potest, dicitur. *Vt menses minus octo.*) Relatis quæ uiuum partum accelerant remedijs, ponit nūc ea quæ mortuum expellunt. Solet enim interdū infans ante octauum mensem in utero emori, quem mortuum prægnans debilis expellere nequies, in parturiendo laborat, periculoq; imò & morti ipsi subiicitur: quod tamen ne accidat sed salua seruetur, maxime enitendum erit, et auxilium illi ferendum medicamentis ad partum eiciendum idoneis, qualia Serenus nobis nunc proponit. *Aluo.*) Aluū hic pro utero accipit. *Irrumpat thalamos.*) In cubiculū et hunc mun

mundum ex utero emergat & expellatur. *Nexus inertes.*) Hoc est, quibus utero alligatur foetus ligamenta debilia, quæ Græci cotyledones, Latini acetabula uocant, quibus *Cotyledones.* embryo & partus per umbilici radices utero ualentissime continuatur. Quamuis etiam cotyledones aliquando pro uasorum oris accipiantur, quæ ad uterum ueniunt, ex quibus secundæ pendent: non, sicuti quidam putant, pro adnatis ipsis carnibus adenosæ, uti tradit Galenus. Praxagoras item in libro de naturalibus, Cotyledones, inquit, sunt ora uenarum & arteriarum quæ ferunt ad uterum. *Soluat.*) Abrumpat, *Pulegio.*) De pulegio quæ *Pulegium.* tum ad hunc locum attinet, Dioscorides simpliciter sic pronunciat, Pulegium porum menses, secundas, & foetus trahit. Plinius uero libro 20. cap. 14. Ex melle & aceto, ait, citat menstrua & secundas, uuluas cõuersas corrigit, defunctos partus eijcit. Apuleius demum, Si infans, inquit, in utero mulieris mortuus fuerit, pulegij codas tres recentes quæ adolent suauiter, tritas in uino uetere optimo, sextarii quartario da bibat, liberabitur. *Venit.*) Egreditur & eijcitur. *Embryo.*) Hefychius in lexico, ἐμβρυον, inquit, νεογνὸς βρέφος. τὸ ἐμ γαστρὶ γυναικὸς ὅμ δὲ ἀπὸ λαομαῖ ὀλίγον, hoc est, Embryo est nuper genitus infans. Est & in uentre seu utero mulieris adhuc existens figmentum & conceptus uel minutus & imperfectus. *Nectus.*) Enectus, mortuus. *Cuius opem.*) Pulegij auxilium in educendo foetum mortuū. *Casus.*) Experimenta. *Quin etiam.*) In super. *Stercus uulturis.*) Quod hic circa foetus eiectionē de uulturini fimi suffitu testatur Sere. & cū eo Diosco. id de penna uulturina pedibus subiecta asserūt Plin. & Sextus Plat. *Supponunt.*) Subijciūt, & suffiūt. *Sentiat ut minimum.*) Hoc est, ut sine labore et dolore partū ædat. *Partus quā proximis urget.*) Hoc est, quæ iā parturit et partu laborat. *Oua etiā ruta &c.*) Idē medicamentum ponit etiam Plin. lib. 20. cap. 3. nisi quod cyminū addit, inquiens: Tota oua adiuuant partum cum ruta & anetho & cymino ex uino.

PROFLVIO CVIVSCVN

QVE SANGVINIS ET MATRICI.

CAPVT XXXIII.

SI modicus pleno manat de corpore sanguis,
Subuenit. At nimius cum uita funditur ipsa,
Quapropter multo naris completa cruore
Cum fluit, attritus cimex conducit odore.
Lana oleo madefit sed nondum lauta rosarum,
Hæc datur in nares, uel claudet densius aures.



PROFLVIO cuiuscunq.) Sanguis à varijs
partibus fluere solet, utpote à naribus, utero,
uesica, & alijs, quorum omnium fluxui hoc ca
pite mederi docet Serenus. *Matrici.*) Vtero,
hoc est, accidētibus uterum concernentibus, qualia sunt
sanguinis mēstrui fluxus nimius, aut eius præter naturā
retentio, siue post partum siue aliās id fiat: item fœtus
mortuus & secundæ retentio. *Si modicus pleno.*) Ex medi
corum decretis est, Plethorico & sanguine pleno existen
te corpore, nullum sanguinis fluxum moderatum fisci
debere. Omnis enim talis & comodo est et à multis gra
uibus affectibus & morbis hominem tum præseruat tum
liberat, præsertim qui creticus fuerit. Nimius uero unde
cunq; etiam fluxerit, non modo nō commodus aut non
utilis est, sed maxime nocet ac uitam sæpius cum morte
ipsa permutat. Et talis utiq; neutiquam negligendus est,
sed summo studio restringēdus: id quod & Serenus nūc
docet. *Cimex.*) Cimex uermiculus est fœtens, & ex li
gno, chartis & paleis nascens. Cuius atriti fœdo odore
sanguinem ē naribus fluentem fisci, autor nunc est Sere
nus. *Lana oleo mad.*) Plinius huic medicamento parum
alliij addit, dum sic scribit, libro 29. cap. 1. Lana succida
sanguinem

Canon.

Cimex.

Lana succida.

sanguinem in naribus sistit cum oleo rosaceo & allio indita modico auribus obturatis spissius. Oleum enim rosarum sanguinis feruorem refrigerando acuitatem ipsius obtundit, glutinat etiam & adstringit. Lana uero ne nimium refrigeret, facit. Oportet enim huiusmodi medicamenta non esse nimis refrigerantia, ne frigus nocumento sit. Oportet etiam quum naribus imposita sunt, ut nasus bene stringatur donec uim suam bene imprefferint. *Non dum lauta.* Id est, succida & à sordium suarum pinguedine, quæ cælypus est, nondum abluta aut purgata. *Lana succida.*

Contritis prodest cochleis conducere frontem.

Aut galli cerebro, uel sanguine tinge columbæ,

Quod nisi supprimitur, sanguis potādus & ipse est.

Cochleis. Idem tradit Plinius hīs uerbis: E naribus fluentem sanguinem sistunt cochleæ contritæ frōti illitæ, idēq, ut Dioscorides ait, ex aceto. *Conducere.* Inducere, imponere, & illinire. *Galli cerebro.* Non modo cerebello, sed & sanguine gallinacci profluua à cerebro sisti prodit Plinius libr. 30. cap. 3. Cum autem à cerebro dicit, oportet illud intelligere non à substantia cerebri, quæ exanguis est, sed de membranis cerebrum continentibus, ut aperte docet Dioscorides libr. 2. dicens: Cerebrum gallinaceorum comescit ex cerebri membranis erumpentē sanguinem. Membranæ enim sunt, quæ uenas habent sanguinē continentes. Porro hī administrandi modum non docent. Serenus illini iubet. Serapio, Auicenna & Mesue, comestionem laudant, idēq, de gallinarum cerebro affirmant: sed nihil refert, eiusdem enim naturæ sunt. Est autē huiusmodi cerebrum ex medicinis quæ à proprietate quadam singulari talē sanguinis fluxū cōpescunt, uti tradit Mesue. Sed oportet ut frequēs sit eius comestio. Vnde Auicenna quinta tertij, tract. 1. cap. 9. inquit, Congregatio experientium existimat, quod cerebella gallinarum sunt ex melioribus cibus, imò ex melioribus medicinis ei qui habet

Cochlea.

Cerebrū galli.

Sanguis colūbe fluxum sanguinis narium ex casu aut percussione, uerum oportet ut ex eis plurimumumat aut fiat ei cibus continuus. *Sanguine columbae.*) Duos sanguinis columbini administrandi modos proponit, unum per illinitionē, quo non proficiente, alterum subiungit per potum. Plinius, E naribus, inquit, fluētem sanguinem sistit columbinus sanguis seruatus, concretusq; & eum quidem, autore Auicenna, qui ex cerebri membranis fluit: quod Dioscorides quoq; testatur inquiring, Sanguis columbæ priuatim sanguinis ex cerebri membranis eruptiones compescit, *Tinge.*) Fronti illine. *Supprimitur.*) Sistitur.

Præterea pharijs caput hic metire papyris,
Detrahe quod super est alio genitalia nocte;
Fœmineas prodest illinc uincire mamillas.

Sanguinem sistendi è naribus duomodi. Præterea pharijs.) Docet nunc duobus modis diuersis sanguinis profluuiò è naribus mederi, & id quidē ex eadem planta sed diuersis eius partibus sumpto remedio. Primus uero modus est, uias & ductus unde sanguis fluit coartare, & hoc cum altera plantæ parte quæ interior est, & uirtutis est conglutinantis ac stipticæ, ipsam fronti & temporibus imponendo: non quidē simpliciter solam qualis est, sed aut infusam aut in cinerem cōuersam. Nam, uti Serapio autoritate Galeni capite Burdi scribit, hæc planta non administratur in medicina sola sicut est, sed postquā infunditur & comburitur: Et hæc quando infunditur cū aceto et aqua aut in uino solo incarnat uulnera recētia, maxime quando apponitur circa uulnus ipsum, nisi quia secundum hunc modum est sicut materia unius medicinarum quæ sanant, & quando comburitur, conuertitur ad medicinam deficcatiuam. Verum tamen efficacior in hoc est facta ex ea crematæ chartæ cinis, autore Dioscoride. Secundus modus est, sanguinem auertere & ad alia membra conuerrere, tum ad uicina deriuando, tum ad cōtraria reuellendo, quod & natura ipsa facere solet. *Mulier*

lieri enim, inquit Hippocrates, sanguinem uomenti, mentes superuenientes remedio sunt. Ad uicina deriuationē Græci parocheteusini: ad contraria reuulsionem antispasmi uocant. Et hanc hic nos docet Serenus. Et hæc in ijs quæ supra sunt omnibus, deorsum semper agitur: sursum in ijs quæ sunt infra, uti docet Galenus therapeuticæ lib. 5. Curabimus itaq; sanguinis fluxum à naribus, sanguinem deorsum reuellendo: & id quidem non per uenæ sectionem aut cucurbitarum appositionē, quod etiam aliquando fieri solet, sed per ligaturas & compressiones dolorosas factas: ut in testiculis, si mas fuerit: aut, si mulier sit, in mamillis, uti Mesue quoq; docet, nedum hic Serenus, qui ad hoc sumere iubet papyri librum & corticem ex quo funiculi fiunt. Sed quia papyro ista nos caremus, nihil intererit, si alterius generis funiculus accipiatur. Nā dolor qui ex ligatura prouenit, potior causa est quæ sanguinem reuellit, quo reuulso, fluor etiam sistitur. *Pharisi.*) Aegyptijs. Pharos Aegypti olim insula fuit contra Nili ostia, à continenti noctis dieiq; uelifico nauigij cursu distans, ut Homerus prodidit: nunc continenti adiacet & Alexandriæ ponte iungitur, à Cæsare dictatore deducta colonia. Cuius promontorium est petra quædam mari circumluta, quæ turrim habet ingentem & multis tabulatis excelsam & albo lapide mirifice structā eodem nomine quo insula. E qua nocturnis ignibus & accensis facib; nocturna dirigitur nauigatio: autor Strabo, Mela, Plin. Solinus, Aegeshippus & alij. *Hic.*) Scilicet in fronte. Prius enim frontem etiam illinire iussit. *Metire.*) Hoc est, ad frontis circumscriptionē & magnitudinem commensurando & adæquando eidem imponito. Quæ enim loco alicui toto imponuntur, illa eundem æquare, metiri, & mensurare dicuntur. *Papyrus.*) Papyrus est quæ charta fit, & à Græcis *βύβλος* etiam dicitur, palustris planta est, & ut Strabo scribit, nuda uirga, lanuginem quandam in summo habens, quæ nascitur in Aegypti lacubus.

Parocheteusis.

Antispasie.

Pharos.

Οἶκος.

Libro. 17.

Libro. 2.

Libro. 5. ca. 30.

Cap. 41.

Lib. 4. ca. 27.

Papyrus.

Byblus.

ac paludibus: & quidem in inferioribus ipsius delta partibus permulta: in alijs uero locis, quia non colitur, non multa. Et alia quoq; deterior, alia uero melior, hieratica appellata. Nonnulli prouentum augeri cupientes, Iudaeam industriam huc transtulere, quam illi in palma & maxime in Cariotica, atq; balsamo adinuenerunt. Non enim permittunt eam multis in locis nasci: quo fit ut pecuniae precium imponentes, prouentum quidem augent: communem uero usum atq; commoditatem uident. Hæc ille. Plinius uero, Papyrus, inquit, nascitur in palustribus Aegypti, aut quiescentibus Nili aquis: ubi euagatae stagnant, duo cubita non excedente altitudine gurgitum. Brachiali radice obliquæ crassitudine, triangularis lateribus decem non amplius cubitorum longitudine in gracilitatem fastigiatum thyrsi modo cacumen includens. Semine nullo aut usu eius alio quàm floris ad deos coronandos. Radicibus incolæ pro ligno utuntur: nec ignis tantum gratia, sed ad alia quoq; utensilia uasorum. Ex ipso quidem papyro nauigia texunt: & è libro uela tegetes, nec non & uestem, atq; stragula ac funes. Præparantur ex eo chartæ diuisæ acu in prætenues sed quâ latissimas phylluras. *Quod super est.*) Id est, partem superiorem. *ALIO.*) Hoc est, libro & cortice interiore, ex quo funes & alia texuntur & fiunt. *Genitalia.*) Hoc est, testiculos, si quidem mas fuerit cui sanguis à naribus fluit: nam in foemina id fieri nequit. *Necte.*) Forti & dolorifica ligatura cōstringe ac comprime. *Foemineas mamillas.*) Quemadmodum in uiris ob genitalium ligaturam & cōpressionem fortem sanguis à naribus fluens auellitur & fluor sistitur: ita etiam in mulieribus per mamillarum constrictionem eadem ratione fit idem. *Uinc.*) A parte tum naribus tum genitalibus apposita.

Menstruus immenso si profluat impete sanguis
Succida lana malos remoratur subdita cursus:
Mortua quin etiam producit corpora partu.

Sed

Sed quacumq; fluít uis immoderata cruoris,
Subereus cortex calidis potatur in undis
Ante minutatim studio uincente terendus.

Menstruus immenso.) Menstruorum fluxus, moderatus qui- *Cause fluxus*
dem, bono est, & incolume seruat corpus, nam eo ab ex- *menstruorum.*
crementis perpurgatur: quæ ut idem ægrotet, causa sunt.
Vnde talis fluxus moderatus sisti non debet. Immodicus
autem, similiter & præpeditus, morbos conficiunt: quod
& Hippocrates aphorismorum lib. 5. testatur inquiring,
Si menstrua plura fiant, accidunt morbi: et si non fiant, ex
utero morbi contingunt. Causa autem ob quam plura
fiunt quàm opus sit, est orificiorum uasorum ad uterum
uenientium ultra modum apertio, aut si sanguis calidior
tenuiorue fiat, aut multitudine abundet: aut ubi totum
corpus propter malum habitum aliquè aggrauatur san-
guine, etsi modum naturæ conuenientem sua multitudi-
ne non excedat. Verum quæcumq; causa fuerit, si immo-
dicus sit fluo, ne morbi accendant, sistendus est. Quod &
Serenus præfenti loco nos docet. Cæterum dicitur san- *Sanguis men-*
guis menstruus siue purgatio mēstrua, quia singulis mēsi *struus cur*
bus fluere solet. *Impete.)* Pro impetu, per antithesin, quæ *dictus.*
literæ commutatio est. *Succida lana.)* Eosdem lanæ succi- *Lana succida.*
dæ effectus testatur etiam Plinius libro 29. cap. 2. dicens,
Succida lana imposita subditaq; mortuos partus euocat,
sistit etiam profluvia earum. *Malos cursus.)* Fluxum men-
struorum immodicum qui malo esse solet, ac morborum
causa. *Mortua corpora.)* Foetum in utero mortuum. *Pro-*
ducit.) Educit, euocat & extrahit. *Partu.)* Per partum &
uia partus. *Sed quacumq;.)* Scilicet parte corporis. *Subereus* *Suberis cortex.*
cortex.) Plinius libro 24. cap. 4. Suberis cortex tritus ex
aqua calida & potus, sanguinem fluētem ex utralibet par-
te sistit. *Minutatim.)* In minimas & subtiles partes & pul-
uerem minutum. *Studio uincente.)* Id est cura & diligētia
superante & opera laboreq; diligenti.

Sed si forte cruor clausa cunctabitur aluo,
Pulegij calido purgatur scœmina potu,
Aut molles nepetæ, aut rutæ quæcunq; bibentur.

Sed si forte cruor.) Docet nunc menstruorum retentioni mederi, idēq; merito. Siquidem mensruis deficientibus morbos fieri, iam uel ex Hippocratis autoritate patuit. Cum itaq; retinentur, ne morbi accendant, præcauendum est: idēq; ipsa prouocando forasq; prolificiundo: quod fiet, res causæ aduersantes administrando. Cum autem causa sit, aut uenarum per quas ad uterum ferūtur compressio uel obstructio, adeo ut quod influit, non admittant: aut quia sanguis est iusto frigidior aut crassior, ideo medicinas exhiberi oportebit quæ obstructiones adaperiant, & quæ refrigeratum sanguinem excalfaciant, crassumq; extenuent & fluorem cieant: quales autor in textu nobis proponit. *Clausæ aluo.*) Vtero & matrice obstructa. *Cunctabitur.*) Remorabitur, & retinebitur. *Pulegij.*) Pulegiū menses trahere potum simpliciter, etiam testatur Dioscorides. Plinius uero ex melle & aceto potum id facere pro dicit. *Macer, Mēstrua,* inquit, deducit cum uino sumpta tepenti. *Purgatur.*) A mensruis emundatur & alleuiatur. *Nepetæ.*) Nepetæ folia, ut Dioscorides ait, feruido sapore & acri gustu sunt: eadem concisa & apposita menses ducunt. Plinius in aqua ad tertias decocta mulierum mensruis prodesse simpliciter pronūciat. *Macer uero, Appositu,* inquit, potuq; suo cito mēstrua purgat. *Rutæ.*) Et syluestris & hortensis, Vtræq; enim uuluas aperiendo mēstruum sanguinem prolificiunt & educunt, uel Dioscoride testante. *Quæcunq;.*) Hoc est, siue hortensis siue syluestris, aut utraq; simul.

At si puniceos fundit uestica liquores,
Marrubium ē sparsis tritum perfunditur undis,
Hij poterunt haustus rutilum purgare cruorem:
Reliquias partus eadē tibi detrahet herba,

At si puniceos.) Tradit nunc auctor remedium aduersus urinam sanguineam, docens illam, non ut alios sanguinis fluxus sistere, sed purgare potius et foras propellere, ne in uesica aliquando pars crassior subfidens in grumos aut calculos tandem coalescat & induretur, sicq; maius malum efficiat. Agit autem non de omni cruenta urina, sed de ea tantum quæ aut uirtutis sequestrationis uitio accidit, cum scilicet in sequestrando sanguinem ab aquositate in nutritione renum patitur defectum, aut ubi aliunde sanguis in uesicam delabitur et cum urina foras egreditur: et id quidem citra uesicæ aut renum uitium. Puniceos.) Color puniceus, est qui et phoeniceus & spadix & rutilus dicitur. Estq; ruffi coloris species, de quibus copiose A. Gelius Atticarum noctium libro 1, cap. 26. Vocat itaq; Serenus puniceos liquores, ipsum sanguinem qui rutilo colore est. Marrubium.) Marrubio uis est purgans atq; detergens, urinamq; prouocans. Vnde triti & aqua aspersi extractus succus epotus uesicam à turbidis & immundis in ea humoribus purgat et emundat. Cauendum tamen exulceratæ uesicæ & renum uitij, uti Plinius præcipit, hjs enim nocuum est, teste Dioscoride. Hjs haustus.) Scilicet succi marrubij. Reliquias partus.) Hoc est, menses & secundas quæ edito partu detinentur. Eadem herba.) Scilicet marrubium. Datur autem ad bibendū uel siccorum foliorum & seminis ex aqua decoctum, uel uiridium foliorum expressus succus. Quod autem mulieribus quæ non purgantur menses ducat & purget, secundasq; pellat, testantur etiam ultra Serenum Dioscorides, Plin. Ma cer, Auicēna & Alj. Detrahet, Deducet, eijciet & expellet.

Urina cruenta
causa.

Color pu
niceus.
Rutilus.

Marrubium.

Reliquie
partus.

Quod si foemineî properabit sanguinis imber,
Est qui frustra molæ percussu decutit uno
Quorum aliquid lanis tectum ad præcordia necit.
Hæc simul incantans, sisti debere cruorem,
Vt lapis ille uisæ solitos iam destitit orbes.

Sanguis fœmi- Quod si fœminici.) Fœmineum sanguinem uocat mulieris
nus. menstrua, quorum nimio fluori nunc denuo & quidem
 aliorum traditione docet mederi. *Properabit.)* Accelera-
 bit & profluat. *Imber.)* Impetus & fluxus instar imbris
 multum profluēs. *Est qui.)* Per hoc intellegere dat nobis,
 non se, sed alios medicamenti huius superstitiosi autores
 esse & adsertores. Sed quia uulgo id receptū erat tanquā
 uerum & efficax remedium & cuius effectus sæpius pro-
 batus fuerit, non displicuit illi idem alijs quoq; subnecte-
 re: nō quod suo id adprobaret iudicio, sed aliorum solum
 referret opinionem. Quid uero de hoc & alijs similibus
 superstitiosis à gentilibus profectis remedijs, quorum ef-
 fectus aliquādo fieri cernimus, sentiendū sit nobis Chri-

Mola.

Lapis molaris.

Lapidis molaris, scilicet ex quo molas quibus molimus
 faciunt & qui molæ usum iam præstitit, Græce μύλαξ &
 mylites dicitur. Verum quia ex duplici lapide constitui-
 tur mola, uno inferiore qui ὄνος uocat & immobilis sem-
 per iacet: altero uero superiore qui μύλος καὶ μύλη appel-
 latur, & circūuoluitur & dum molitur in continuo cur-
 su est, de hoc superiore ad medicum hunc effectum frustra
 decutienda sunt & adfigenda adaligandaq;: quod uel ex
 sequentibus uerbis intelligitur, quæ sunt, Vt lapis ille uig
 solitos iam destitit orbes. Et ex hijs facile ueræ lectiōni re-
 stitui poterit Hesychij in lexico locus, ubi superior molæ
 lapis ὄνος uocari legitur, inferior uero μύλη, cum oppositū
 cōstet. Scribitur aut in dictione μύλη post alia sic, οὕτω λέ-
 γεται καὶ ὁ κάτω τῆς μύλης λίθος, τὸ δ' ἂν ὄνος, hoc est, Sic
 dicitur & lapis molæ inferior, superior autem onos. Vbi
 si transponuntur hæc duæ dictiones κάτω & ἂν, uera re-
 sultat lectio sic, οὕτω λέγεται καὶ ὁ ἂν τῆς μύλης λίθος, τὸ δ' ἂν
 κάτω ὄνος id est, Sic dicitur & lapis molæ superior, inferior

Mola unde dicta
et quot signi-
ficat.

autem onos. Dicta est autem mola, quod ea quasi mola
 quadam frumentum & cæteræ res minutatim teruntur:
 seu à Græca uoce μύλος, ut aliqui uolunt. Aliquādo tamē
 mola

mola dicitur far tostum & sale conspersum, quo in sacrificijs olim utebatur. Plinius, Mola tantum falsa litant, qui non habent iura. Est item & in muliebri utero mala affectio dicta mola, ubi scilicet caro informis & inanima præter naturam in utero generatur, à Græcis *μυλόσαρξ* dicitur. Hesychius, *μυλόσαρξ*, ἢ καὶ κιοφορὸν αὐτὴ ἐμὲ γίνεσθαι φέρουσι. Vno.) Vnico, non pluribus. Et in hoc iam superstitio se manifestat. Hæc.) Sequentia incantamenta & carmina. Simul.) Scilicet cum appensione & dum appenditur in lana inuolutum. *Incantans.*) Incantare, est uerbis solis uel etiam rebus quibusdā adiunctis, supra naturam aliquid moliri, ut serpentes contrectare, hostia sine clauibus aperire, amorem sibi conciliare, morbos curare, & alia id genus deliramentorū contra naturā facere. Quod stultitiæ genus mirum est profecto ita hominum mentes occupasse, ut uir etiam insignes & uulgi ipsum, etiam in religione Christiana, nedum gentiles, id uerum esse & talia efficere posse sibi persuaferint. An autem homini in medendo aliqua uis sit uerborum: & an id agere bonum sit aut malum, aliorum iudicio discutiendum relinquo, paucis tantum Plinij libro 28. capite 2. uerbis relatis, quæ sunt hæc: Ex homine remediorum primū maximæ quæstionis & semper incertæ est: Valeant ne aliquid uerba & incantamenta carminum. Quod si uerum est, homini acceptum fieri oportere conueniet. Sed uirum sapientissimi cuiusq; respuit fides. In uniuersum uero omnib⁹ hominis hominis credit uita, nec sentit. Et post multa deliramentorū exempla sic finit: Sed in prodendo obstat ingens uerecūdia in tanta animorū uarietate. Quapropter de hijs ut libitū cuiq; fuerit opinetur. Hæc Plinius. Ab incanto dicitur incantatio & incantamentum, pro quibus etiam carmina aliquando usurpantur. Vergilius, Ducite ab urbe domum mea carmina, ducite Daphnin. Et Plin. Carmina quædam exstant contra grandines, contraq; morborum genera. Cæterum uerbo incantare contrarium est

Incantare.

Incantatio.

Incantamentū.

Carmina.

Excantare.

Recantare.

INTERNEC. QVAE. OC.

excantare, quod est, rem incantatam alio carmine libera
re, quod & recantare aliquando dicitur. Plinius, Quin
etiam & legum ipsarum in 12. tabulis uerba sunt, Qui fru
ges excantasset. Et alibi, Qui malum carmen incantasset.
Idem, Non pauci & serpentes ipsos recantari putant,
(Cruorem.) Sanguinem menstruum. *Vie.*) Qua rotaba
tur & uoluebatur. *Orbes.*) Gyros, circumactus & reuo
lutionum cursus. *Desistit.*) Dereliquit, cessauit.

INTERNECANDIS QVAE OCVLOS IMPEDIUNT.

CAPVT XXXIIII.

MOBILIS hirsutas horret lasciuiâ setas
Et gaudet raptò nudari flore pilorum:
Sed bona nonnunquam uellendî causa uidetur,
Corpora cum releuat ratio manifesta salutis,
Nanq; oculos infesta pilorum tela laceßunt,
Quodq; illis dederat uallum natura tuendis,
Inde inimica seges proprios defæuit in orbes.

*Duplex causa
pilorum palpe
brarum oculos
irritantium.*

INTERNECANDIS.) Interimendis, in
tercipiendis & euellendis, nec nō euulsis ne re
nascatur cohibēdis. *Que oculos impediunt.*) Hoc
est, palpebrarum pilis oculos uel prolixa acutię
sua uel incuruatiōe infestantibus & laceßentibus, quos ob
salutis commodū euellere, et ne renascantur efficere, præ
senti docemur capite. Solent autem duabus de causis ocu
los irritare qui in palpebris sunt pili. Aliquando enim pi
li naturales ad oculos conuertuntur, et hoc ubi palpebrę
superioris summa cutis relaxata procidit, non simul re
mittente se cartilagine. Aliquando uero sub ordine natu
rali pilorum alius ordo præter naturam succrescit, qui
pro-

protinus intus ad oculum tendens pungit: cuiusmodi af-
fectio *dystrichiasis* appellatur, de qua nūc agit Sere. prio-
rem curare docet Celsus lib. 7. *Mobilis.*) Quia continuo
mouētur. *Hirsutas setas.*) Pilos hirsutos, præduros & acu-
tos instar setarū. Setæ enim pili sunt crassiores, rigidi atq;
erecti, quales suum. Pilus uero generale nomen est. At ca-
pillus proprie capitis crinis est, quamuis etiam ad alios
corporis pilos transferatur. *Horret.*) Abhorret, propte-
rea quod oculos pungunt & laceſſunt. *Lasciuia.*) Petu-
lantia, & luxuries ob ſecunditatem eorū. *Gaudet.*) Ob
salutis commodum quod inde ſequitur. *Nudari.*) Priua-
ri & euelli. *Rapto flore pilorum.*) Pilis radicitus euulſis. Vo-
cat autem pilorum florem, eorum radicem & originem,
quæ albi quid oſtentat & floris rationem obtinet, à quo
pilus tanquam fructus progreditur & excreſcit. *Corpora*
releuat.) Oculos ab infeſtatione & punſione liberat. In-
feſtata.) Inimicæ pilorum acuties oculos infeſtantes &
pungentes. *illis uallum.*) Id eſt, munimentum. Pilorum
munus poſſiſimum à natura datum eſt, ut oculos ab ex-
trinſecus occuſantibus rebus præualide tucantur & de-
ſendant, à quo cum degenerant & nocumento ſunt, pro-
tinus euelli et ne renaſcantur præpediri debeāt. *Inde.*) Ex
eo loco ſcilicet palpebrarum. *Inimica ſeges.*) Pilorum in-
ſtar ſegetis ſuccretio multa & aduerſa noxia. *Proprios or-
bes.*) Hoc eſt, oculos rotundos & orbiculatos, ad quo-
rum tuitionē à natura ordinati erāt. In alio codice ſcripto
legitur, ualidos, id eſt ſanos.

*Dystrichiasis.**Setæ.**Pili.**Capilli.**Flos pilorum.**Pilorum palpe-
brarum munus.*

Ergo locum crinis uulſi contingit cruore
Quem data uis tremulis ſimulat quæ pellibus alas.
Præterea quæſcunq; uoles auertere ſetas
Atq; in perpetuum rediuiua obcludere tela,
Corporibus uulſis ſaniem perfundito ranæ,
Sed quæ parua ſitu eſt & rauco garrula queſtu.
Necnon quæ ſtagnis ceſſantibus hæſit hixudo

Sumitur, & uiuens Samia torretur in olla,
Hæc acidis ungit permixta liquoribus artus,
Auulsamq̃ uerat rursus procrefcere sylvam.

Pfilotra.

Ergo.) Propter nocumentū auferendum & salutem pro-
mouendam. Ponit autem nunc pfilotra, hoc est depilato-
ria medicamenta, & quæ pilos renasci non sinant. *Crinū*
uulsi.) In omni enim pfilotra uellendi prius sunt pili, ut
libro 11. cap. 6. præcipit Plin. *Continge.*) Illine, inunge.

Vespertilio.

Cruore auis trem.) Hoc est, sanguine uespertilionis, quæ
nocturna auis est, sine pulmis tamen: sic dicta, quod ue-
spertino uolatu se proferat. Ouidius Metamorphoseon
libro 4. Testa q̃, non syluas celebrant: lucemq̃ perosa,

*Sanguis uesper-
tilionis.*

Nocte uolant: seroq̃ tenent à uespere nomē. Harum san-
guis inunctus pilos euulsos renasci non finit. Vnde Ab-
inzoar libro 1. Theizir ait, Et semper post extirpationē
unge locū cum sanguine uespertilionis. Et mox post: Ex-
tirpare pilos & radicitus ipsos euellere, & desuper san-
guinem uespertilionis, sicut diximus, ponere: cura lau-
dabilis ualde existit. Quamuis Auicenna Canonis lib. 2.
dicat hoc non esse uerum. *Tremulus pellibus.*) Mobilibus
& trementibus membranis. Nam plumis caret, quapro-
pter potius biforme uolucres animal dicendū esset quàm
auis, cum auiū sit habere plumas & pennas. *simulat alas.*)

Hoc est, alas imitatur & repræsentat, alarum enim formā
habent, sed plumis caret quæ ad alarum constitutionem
pertinent. *Setæ.*) Pilos palpebrarum. *Rediuiuatels.*) Pi-
los renascituros. *Ocludere.*) Obstruere & ne renascan-
tur præpedire. *Corporibus uulsi.*) Id est loco unde euulsi sūt
pili. *Saniem.*) Per saniem autor hic non pus intelligit,

Sanies.

sed succum & humorē cruentum siue sanguineum, imò
sanguinē ipsum siue purus siue alijs humoribus mixtus
is fuerit, quiq̃ à Græcis ἵχνη dicitur, sic ipsis appellanti-
bus in cæde & uulnere primam sanguinis à sua natura &
integritate declinationem. Plinius saniem etiā uocat. Cel-
sus uero sanguinem. *Persundio.*) Fundendo inungito

ἵχνη.

&

& illinito. *Rane que parua.*) Quam hic Serenus certis notis paruitate & coaxatione deligendam nobis proponit ranam, eam coloris uiriditate designat & cōmendat Dioscorides medicinalis syluæ libro 2. cap. de ranis inquit, Prohibet renasci euulsos palpebrarum pilios uiridiū ranarum instillatus sanguis. Et capite de sanguine, Creduntur, ait, depilari oculorum palpebræ uiridium ranarum sanguine inunctæ. Et ad hoc maxime idoneæ sunt aquatiles & coaxatrices, ut quæ minus noxiæ sint: quamuis Plinius effectum hunc terrestrium quibusdam & mutis etiam, idēq; tum per se tum alijs rebus adiunctis tribuat. Libro enim naturalis historiæ 32. cap. 4. sic scriptum reliquit: Ranæ quas diphthitas & calamitas uocant, sanguis earum cum lachryma uitis, si euulso pilo palpebris illinatur, euulsos pilos cohibet. Et paulo post: Est parua rana in harundinetis et herbis maxie uiuēs, muta ac sine uoce, uiridis, si forte hauriatur, uentres bouum distendēs. Et paucis interiectis, Ranas 15. ait, coniectas in fictili uo iuncis configunt quidam, succum earum qui ita effluerit admiscunt lachrymæ quæ ex alba uite emanat, atq; ita palpebras emendant inutilibus pilis exemptis acu instillantes hunc succum in uestigia euulforum. Meges psilotrum palpebrarum faciebat in aceto enecans putrescentes, & hoc utebatur in multis uarijsq; per aquationes auctumni nascentibus. Et postea ad caput hoc se referens capite 6. Ranæ parua, inquit, quam in oculorum curatione descripsimus, sanies efficacissime psilotrū est, si recens illinatur. Et ipsa arefacta ac tusa, mox decocta tribus heminis ad tertias: uel in oleo decocta ꝑreis uasis. Eadē mensura alij ex 15. ranis conficiunt psilotrum, sicut in oculis diximus. Hæc Plin. Ex dictis manifesto patet non unum esse ranarum genus. Aliæ enim aquatiles sunt: quarum quædam marinæ, quædam uero fluuiatiles sunt, & nonnullæ palustres aquas incolētes. Alię uero terrestres sunt: quarum quædam in uepribus tantum uiuunt, ob idēq; ru

Ranarum sanguis.

Ranarum genera.

beta dicta à rubis, Græci phrinos uocant, grandissima
 omnium, geminis ueluti cornibus, plena ueneficio-
 rum. Quædam inter harundines ac frutices uiuunt, ob
 quod calamita à calamis uocantur, minima omnium ac
 uiridissima: muta item & sine uoce, à quibusdam diph-
 thita appellata. Et ultra iam dictas sunt alia parua arbo-
 res scandentes. *Situ.*) Positu, mole & corpore. *Rauco ga-
 rula quæstu.*) Coaxatrix & uoce querulante rauca. Ouidius
 Metamorphoseon libro 6. ubi Lyciorum rusticorum in
 ranas transformationem fabulatur: Turpes litibus exer-
 cent linguas, pulsoq; pudore, Quamuis sint sub aqua,
 sub aqua maledicere tentant. Vox quoq; iam rauca est, in
 flataq; colla tumescunt: Ipsaq; dilatant parulos conuitia
 rictus. *Necnon.*) Item, insuper. *Stagnis cessantibus.*) A-
 quis palustribus stantibus & quiescentibus, in quibus hi
 rudines communiter uiuunt. Stagnum est aqua stans, sic
 dicta à stando. *Hæsit.*) In hæsit & latuit. *Hirudo.*) Hiru-
 do uermis est, qui & sanguisuga uocatur. Cuius in fictili
 uase et nouo quidē tostæ cinis ex aceto illitus pilorum
 est & euulsos pilos renasci non finit, autore etiam Plinio
 libro 32. cap. 4. & 6. *Samia olla.*) Vase fictili è Samia terra
 ficto: quamuis nihil referet si è quocunq; luto confictum
 fuerit in quo torrebitur: unde Plinius simpliciter no-
 num fictile uas accipit. Dicitur autem Samia olla, quod
 è Samia terra, à Samo insula sic dicta, sit constructa: de
 qua Dioscorides libro 5. & Plinius libro 35. cap. 26. *Tor-
 retur.*) Comburitur & incineratur. *Acidis liq.*) Hoc est,
 aceto. *Vngit artus.*) Membris & palpebris unde euulsi
 sunt pili illinitur. *Syluam.*) Pilorum copiam præter na-
 turam succrescentem, quam prius segetem dixit.

Stagnum.
Hirudo.
Sanguisuga.

OMNIBVS OBSCOENIS

MEDENDIS.

CAPVT XXXV.

DI-

Dicendū & quæ sit membrīs medicina pudendis.
 Languidus antiquo purgatur penis Iaccho,
 Ac super illinitur fœcundæ felle capellæ.
 Mane nouo myrti frondes quoq; mandere prodest
 Cui dolet atq; illas in uulnus despuat ipsum.
 Fece etiam uinī genitalia lauta leuantur,
 Et tumidos testes Nereia lymphæ coercet,
 Vel bulbi ex mulso, uel cera immixta cupresso,
 Aut faba cum tepidis Bacchi decocta fluentis.



D B S C O E N I S .) Partes corporis obscenas *Partes corpo-*
 uocat, quas alio nomine genitalia appellamus *ris obscene.*
 siue pudenda & naturalia, uerendaq; ceu sunt *Genitalia, pu-*
 in muliere natura muliebris siue cunnus: in ui *denda, natura-*
 ris uero penis & testes: at in utrisq; inguina & pubes pars *lia, uerenda.*
 ea qua pili inhorrescunt. *Languidus.*) Infirmus & ulcere *Natura mulie-*
 infectus. *Antiquo Iaccho.*) Vino uetusto, quod ulceribus *bris, cunnus.*
 & malignis quidem, si eo foueantur et eluantur, mederi, *Penis, testes.*
 testis est etiam Dioscorides & Celsus: à pure enim & in- *Inguina, pubes.*
 fluentibus humoribus illa purgat & emundat, præsertim *Vinū antiquū,*
 si humida sunt & leuis humor est, qui ulceri influit. Gale
 nus item therapeutica libro 3. Vinum omnis ulceris qua
 ulcus est, optimum esse medicamentum testatur. *Penis.*) *Penis, coles,*
 Penis uirile membrum est, quod alio nomine coles dici- *mentula, muto,*
 tur & mentula, muto, fascinum, uerpa, natura, et aliquan *fascinū, uerpa,*
 do simpliciter membrum. Cuius pars summa quæ pelle *natura, mem-*
 tegitur, ob similitudinem glans dicitur, Græci balan *brum.*
 uocant: tegumētum uero & pellis qua glans tegitur, præ *Glans, balanō.*
 putium appellatur. *Felle capelle.*) Hoc enim inter alia me *Præputium.*
 diæ est efficacix: qua solum ab alijs differt, misceturq; ut *Fel caprinum.*
 alia uulnerarijs emplastris: ulceribus purgandis et curan
 dis accommodum, *Mane nouo.*) Tempore matutino, no
 uo exoriente sole, uentriculo ieiuno atq; à cibo uacuo: sa
 liua enim hominis ieiuni masticatis folijs nonnullam de

- Myrtus.** tergendī ac sanandī uim addit. *Myrti frondes.*) Folia myrti præsertim satiuæ nigræ, quæ medicinæ utilior est, & cuius folia, humētia purgant ulcera, tumoresq̃ reprimūt, autore Plinio & Dioscoride. Dico autē humētia, ut quæ non sint sordida: nam ubi sordes ulceribus adessent, tunc illas adstringens medicamentum potius arctius affigeret quàm ut facile posset absolui, autore Galeno therapeuticæ lib. 3. *Mandere.*) Mandere proprie est dentibus commolire & masticare. *Fece uini.*) Et hoc maxime ubi tumores sunt, hos enim cruda fex tum per se tum cum myrto reprimat ac discutit, destillationesq̃ imposita compescit, autore Dioscoride. Et Plinius libro 23, cap. 2. Medetur, inquit, illita & testibus & genitalibus. *Lota & abluta.* *Tumidos testes.*) Hoc est, testiū tumores & abscessus.
- Testes, testiculi, colei, dydimi** Sunt autem testes pudendorum pars à cole dependens, unde & colei uocantur, & forma diminutiuæ testiculi. Galenus didimos uocat: quamuis aliqui seminaria uasa eò nomine intelligant: quidam uero panniculum qui duplici sinu testiculos continet, seperans eos ab inuicem, ne uno læso alteri quoq; communicetur nocumentum. At testiculos interiaccens portio & in sedem dactylion designens perineon appellatur. Sed de testiculis & ipsius loci natura, quæ Celsus medicinæ libro 7. tradit, haud abs re fuerit subiungere. Inquit autem: Testiculi simile quiddam medullis habent. Nam sanguinem non emittunt, & omni sensu carent. Dolent autem in ictibus & inflammationibus tunicæ, quibus hi continentur: dependent uero ab inguinibus per singulos neruos, quos cremasteras Græci nominant: cum quorum utroq; binæ descendunt & uenæ & arteriæ. Hæc autem tunica conteguntur tenui, neruosa, sine sanguine, alba: quæ erytroides à Græcis nominatur, super eam ualentior tunica est quæ interiori uehementer ima parte inheret: dactyon Græci uocāt. Multæ deinde membranulæ uenas et arterias, eosq̃ neruos comprehendunt, atque inter duas quoque tunicas
- supe

superioribus partibus leues paruulæq; sunt. Hæcenus
 propria utriq; testiculo & uelamenta & auxilia sunt. Hæc
 Cellus. *Nereia lymphæ.*) Hoc est, aqua marina, sic dicta *Nereia lym-*
 aut à maris deo Nereo, aut à filiabus eius & maris nym- *pha.*
 phis Nereidibus. Quæ aqua marina, quantum ad uires *Aqua marina.*
 eius attinet, discussoriam uim habet, ceu Dioscorides te-
 statur inquit, Vtilis est emplastris & malagmatis quæ di-
 scutiendo sunt. Sed quod Sereni sententiam magis con-
 firmat Plinius medicorum autoritate libr. 31. cap. 6. inquit
 Aquam maris per sese efficaciorē discutiendis tumori-
 bus putant medici. Et paulo post hæc ait: Testium tumo-
 ri fouendo non aliud præferunt. *Coercet.*) Comprimat,
 scilicet discutiendo. *Bulbi ex mulso.*) Bulbi ficcant & discu- *Bulbi.*
 tiunt, quæadmodum et aqua marina iam dicta. Mulsu-
 m uero ultra hæc lenit & dolorem mitigat. Sed quod ad me-
 dicamenti huius confirmationem attinet, sic refert Pli-
 nius in historia naturæ libro 30. cap. 9. Bulbi uulneribus
 mire prosunt per se, aut, ut Damion, ex mulso, si quinto
 die soluantur: ipsæ & testium pituitas curat. *Cera mi-*
 xta cupresso.) Plinius libr. 34. cap. 5. Cupressi folia testium *Cupressi.*
 tumori cum cerato illinuntur. Et paulo post: Tumores
 discutit. Celsus libro 6. Cupresso tritici farinam ex mul-
 sa coctam iungit. Cupressus, autore Dioscoride, refrige-
 rat, ficcatur & adstringit, quapropter humorum influxio-
 nes & inflammationes ardoreq; compescit. Adhuc inest
 ei, Serapione ex Galeni autoritate referente, acuitas quoq;
 ad profundum penetrare faciens, sine tamen calefactio-
 ne, propter quam etiam ficcatur & discutit. Cera uero cale- *Cera.*
 faciendi uim habens mediocriter mollit & cupressi fri-
 gus contemperat: estq; ad excipienda retinendaq; me-
 dicamenta ceratorum materia. *Faba.*) Quam au- *Faba.*
 tor ex uino, eam Celsus libro sexto, ex mulso coctam
 cum cumino trito ex melle cocto imponi iubet fabam. Cu-
 ius uirtus secundum medicinam, uti Serapio autoritate
 Galeni scribit, in frigidat temperate, & desiccatur desiccatione

ne sine nocumēto, & uirtus secunda abstergit. Vnde Auerrois ait, Faba parum declinat ad calorem, & propterea uim habet dissoluendi apostemata propter suam abster-
sionem, præsertim si ex uino decocta imponatur; & qui-
dem hijs etiam quæ in testiculis & pudendis oriuntur,
nedum alijs. Vnde Dioscorides libro 2. ait, Faba sanat In
uino cocta testium inflānationes. Et Plinius libr. 22. cap.
25. In uino decocta ad testium tumores & genitalium im-
ponitur. Quod & Auicenna comprobat dicens, Fit ex ea
emplastrum cum uino super apostemata testiculi. Et eius
sorbatio confert apostemati testiculorū proprie decoctæ
cum uino. *Bacchi fluentis.*) Hoc est, humore uini & uino
ipso. *Fluentū* parū flumen dicitur proprie; & quia humi-
dum est ut aqueum, hinc pro humore accipitur; & illius
quidem cui iungitur rei.

Fluentum.

Ramicis immensum fertur cohibere tumorem
Far madidum lymphis ferali à fronde cupressi,
Vnde etiam potu frons hæc memoratur amica.

Ramex.
Hernia.
Κήλη.

Ramicis.) Ramex scroti & oschei affectio est, quemadmo-
dum & hernia, quam Græci κήλη uocant. Sunt aut uarię
scroti affectiones, quas Græci singulas proprijs nomini-
bus appellant. Latini ueteres alias quidem hernias, alias
uero ramices: recentiores autem omnes herniæ nomine
designant, singulis tamen discretionis causa discernicu-
lum addentes, ceu Græci suo κήλη: hanc intestinalem, il-
lam zirbalem, aliam carnosam, & alijs nominibus appel-
lantes herniam. Porro quę de scroto et affectionibus eius
scribit libr. 7. capite 18. Celsus, subiungam: Inquit autem,
Oscheon.
Scrotum. Cōmunis utriq; testiculorum omnibusq; interioribus
sinus est, qui iam conspicitur à nobis, Oscheon Græci,
scrotum nostri uocant: isq; ab ima parte medijs tunicis le-
uiter innexus est, à superiore tantum circūdatus est. Sub
hoc igitur plura uitia esse consueuerunt: quæ modo ru-
ptis tunicis quæ ab inguinibus incipiunt: modo hijs in-
tegris

Oscheon.
Scrotum.

tegris fiunt. Siquidem si pondere rupta fuerit tunica, quæ *Hernia.*
 diducere ab inferioribus partibus intestina debuit, tum *Enterocoele.*
 eò deuoluitur aut omentū, aut intestinū, Græci enterocelē *Epiplocele.*
 & epiplocelen uocāt, apud nos indecorum, sed cōmune
 hīs herniæ nomē est. Integris uero mēbranis interdum *Hernia.*
 eam partē humor distringit: atq; eius quoq; species duæ
 sunt, Nā uel inter tunicas is increfcit, uel in membranis
 quæ ibi circa uenas & arterias sunt, ubi hæc grauatæ occa
 luerūt. Græci cōmuni nomine quicquid est hydrocelen *Hydrocele.*
 appellāt: nostri, ut scilicet nullis discriminibus satis cogni
 tis, hæc quoq; sub eodē nomine quo priora habēt. Præter
 hæc æque integris tunicis ramexinnascitur, Cirfocelen *Ramex.*
 Græci appellāt, uenæ intumescunt: hæc quoq; intortæ & *Cirfocela.*
 conglomeratæ ad superiorem partem, uel ipsum scrotū
 implent, uel mediam tunicam, uel imam: interdum etiam
 sub ima tunica circa ipsum testiculum neruūq; eius in
 crescunt. Raro sed aliquādo caro quoq; inter tunicas in
 crescit, sarcocelen Græci uocant. Interdū etiam ex inflam
 matione tumet ipse testiculus, ac febres quoq; adfert, &
 dolor ad inguina atq; ilia peruenit, partesq; hæc intume
 scunt: neruus ex quo testiculus dependet, plenior fit, si
 mulq; indurefcit. Super hæc, inguē quoq; nonnunquā
 uarices implēt, bubonocelen appellant. Hactenus ex Cel
 so. Quibus id tantū addere placet, quod à ramice dicun
 tur ramicosi, quemadmodum ab hernia herniosi: qui *Bubonocela.*
 Græce κλητται uocantur. Hernia uero dicitur à duricie *Ramicosi.*
 pellis quæ fit post intestinorū descensum. Hernium enim *Herniosi.*
 durum dicitur & asperum. Vergilius, Hernia saxa. *κλητται.*
Far à fronde cupressi.) Farina & puluis foliorum cupressi. Plini-
us etiam cupressi tum folia trita & imposita & bibita tum
pilulas eius, ramici prodesse tradit. Madidū lymphis.) Hoc *Cupressi sera*
 est, aqua solutum & temperatum. *Ferali.) Dira, atra, lris & Diti*
 funesta, & ut Horatius eam uocat, inuisa. Diti enim sa- *sacra.*
 cra est, ut Plin. tradit, cupressus: & ideo ne quisquam per
 ignorātiā ingrederetur atq; pollueretur, funebri signo

ad domos ponebatur. Hinc Ouidius Metamorphoseon libro 10. ubi Cyparissum Thelephi filium in hanc arbo- rem conuersum fabulatur, Lugebisq; alios, aderisq; do- lentibus, inquit.

Sin autem existit durum tibi glandibus inguen,
Proderit induci cochleas cum melle minutas.
Obscœnos si pone locos noua uelnera carpent,
Horrentum mansa curantur fronde ruborum.

Choerades. Durum glandibus inguen.) Intelligit duricies & induratos cir-
Bubones. ca inguina tumores, quales sunt quos Græci choeradas
Strumæ. uocant & bubona, Latini strumas & glandulas, quæ &
Glandule. glandia dicuntur, & à Græcis etiam adenes uocantur. Sunt
Glandia. autem, autore Galeno, cōuolutæ in seipsam carnis, duræ
Adenes. concretiones. Quæ eodem modo quo reliqui corporis
Inguen. duricies discutuntur atq; sanantur. *Inguen.*) Inguen pu-
dendorum pars est circa femora supra serotum & infra
Cochleæ ex peritoneon sita. *Induci.*) Imponi & illini. *Cochleas cum mel-*
melle. le.) Idem tradit Plinius dicens, Inguinum tumorem co-
chleæ minutæ cum melle illitæ, leniunt. Et hoc ui sua de-
siccante atq; discutiente. *Pone.*) Id est, prope, iuxta & cir-
ca loca ipsa obscœna. *Noua uulnera.*) Recens orta ulcera &
Rubi. non sordida. *Carpent.*) Arripient & illicoriantur. *Hor-*
rentum ruborum.) Asperorum & acutorum. Spinæ enim
habent & aculeos. Plura illorum genera, de quibus dictū
est supra. Omnes siccandi uim habent & adstringendi,
suntq; genitalium ulceribus accommodatissimi, præfer-
tim ubi sordida non fuerint ulcera: sed, ut inquit, noua,
per quod & sordes excludit: quas ubi adessent, adstrin-
gens medicamentū potius arctius affigeret quàm ut fa-
cile posset absolui, autore Galeno. *Mansa fronde.*) Folijs
masticatis & sic impositis, ceu dictum est de folijs myrti.

At si iam ueteri succedit fistula morbo,
Mustelæ cinere immisso sanabitur ulcus,
Sanguine uel ricini quem bos gestauerit ante.

Herba

Herba chelidoniæ fertur cum melle mederi.
Herbaꝑ cum seuo folijs de mille uocata.

At si iam uet. succ. fist. morbo.) Hoc est, ubi ulcera iam inuete- *Fistula.*
rata sunt & in fistulam abierunt. Solet enim tum ex ab-
scissibus tum ex ulceribus nonnunquã oriri fistula, quæ
nil aliud est quàm ulcus altum, angustũ et callosum. Sunt
autem fistularum plura genera, de quibus copiose Cel-
sus medicinæ libro 5. *Mustelæ cinere.*) Quod Serenus de *Mustelæ cinis.*
totius mustelæ cinere hic prodit, uidelicet, quod fistulas
purgando & excrementa duriciasq; erodendo sanat: id
de fimi tantum animalis illius cinere scribit Plinius nat.
hist. libro 30. cap. 3. quasi ad finem. *Sang. ricini.*) Ricinus *Ricinus & san-*
animal est & insectum scdissimum, Græci κρότωνες uocāt: *guis eum.*
quod animalibus tum alijs tũ bubus & canibus sine mo-
tu inhæret cum semel infederit, illa acrius infestans & ex-
crucians. Cui uni, ut Plinius nat. historiæ lib. 30. cap. 3. re-
fert: nullus est exitus saginæ, nec finis aliq; quàm morte,
diutius in fame uiuenti. Septenis ita diebus durasse tra-
dunt. At in satietate paucioribus dehiscere. Est autem nul-
lis discretis membris, in globum continue crescens, do-
nec suctu plenum post aliquot dies sua sponte decidat. Et
hoc est animal & insectum illud de quo Plinius libro 11.
cap. 34. sic quoq; scribit: Est animal eiusdem temporis in
fixo semper sanguini capite uiuens, atq; ita intumescens:
unum animalium cui cibi non sit exitus, cum nimia de-
hiscit satietate alimento ipso moriens. Nunquam in iu-
mentis gignitur, in bubus frequens, in canibus aliquan-
do, in quibus omnia. In ouibus & in capris hoc solum.
Chelidonia.) Sordes enim exerit, præsertim si cum melle *Chelidonia.*
imponitur. Mel etenim, autore Dioscoride, exerit & hu- *Mel.*
mores in summum proritat: quare & sordidis ulceribus
et sinibus utiliter infunditur, solutasq; cõtinuitates con-
glutinat & sanat. Chelidonia quoq; ut Plinius libro 26.
cap. 15. tradit, siccantur ulcera, adeo, ut etiam pro spodio

ISCHIAE ET ART. MORBO.

Millefolium.

utantur: eadem iam desperatis cum axungia imponitur. *Herba folijs de mille uoc.*) Hoc est, millefolium herba, quæ & Veneris superciliū appellatur, Græci myriophyllon uocant, à foliorum multitudine sic dicta. Singularis, ut Dioscorides libro 4. testatur, coliculus est, tener, singulari radice: circa quem cum leuore numerosa folia sunt, sceniculo similia, à quibus nomē inuenit. Habet caulis ruborem aliquem. Per totum dēsus est & ueluti arte expolitus. Nasquitur in palustribus, magnifici, uti Plinius libro 24. cap. 16. ait, ad uulnera usus. Nam, ut Apuleius tradit, millefolium cum axungia pisata & imposita uulnera purgat et sanat. *Seuo.*) Adipe, præsertim suillo falso & inueterato, exq̃ uino loto. Talis enim, uti ex Dioscoride libro 2. & Plinio libro 18. colligitur, utilior est, contraq̃ tumores, inflammationes, & fistulas prodest: purgat etenim ac discutit & sanat.

Adeps suillus.

ISCHIAE ET ARTICVLARI MORBO.

CAPVT XXXVI.

SAEPIVS occultus uicta coxendice morbus
Perfurit, & gressus diro languore moratur,
Populus alba dabit medicos de cortice potus,
Nec non & teneræ gracili cum fronde genistæ.
Arreptos caules acidoq̃ liquore madentes
Sumere conueniet, rubiam quoq̃ ducere potus,
Aut ex Bithyno cochleas haurire lyco.

Ischias.



ISCHIAE.) Ischias coxendicum morbus & dolor est longus atq̃ diuturnus, qui non facile soluitur, & per interualla temporis repetit, à coxendice ad femora, poplites, suras & imos talos
ali

aliquando pertingens, uti Galenus scribit, & idem Paulus Aegineta confirmat, eundem à natibus et inguinibus usq; ad genua & in pluribus usq; ad extremos pedes pertinere dicens. Neq; ab articulari dolore differt nisi quod humor ipse in sola eius ossis uersura & articulo gignitur. Vocaturq; morbus & ischiacus & ischiadicus, coxendicusq;. Vulgus corrupto uocabulo sciaticam uocat. *Articulari morbo.*) Morbus articularis est quem Græci ἀρθρίτις uocant, ἀρθρα enim articuli sunt. Est autem, uti Galenus describit, inflammatio quæ circa articulos coit permanens: maleq; affectis neruis uehementissimos afferens dolores. Huius species sunt, ischias, podagra, chiragra & similes, qui locis tantum distinguuntur, causis uero idem sunt morbi, ut qui ex crasso pituitosoq; humore cui aliquanta bilis permixta sit, gignuntur, neruosq; afficiunt quibus nectuntur motumq; habent articuli: semperq; aut omnes aut plurimos infestat articulos arthritis. Vnde Serenus etiam ait, Si uero articulos tabes inimica per omnes hæserit. *Occultus.*) Absconditus & in imò hærens propter carniū illic altitudinem. *Coxendice.*) Coxēdix coxarum uertebrium dicitur, Græci ischion uocant: quam uis idem neruus etiam quo colligatio fit atq; commissura ischion dicatur: et, ut Pollux tradit, partes carnosæ post lumbos utrinq; eminentes ischia appellantur. Coxendicem Nonius coxam exponit, cum hæc tota ad genu pertendat. Accipitur etiam aliquando pro dolore ipso coxendix. Os uero concauum cui uertebrium inuoluitur Græce cotyle, Latine acetabulū uocatur. Plinius, Ossa ex acetabulis, qua coxendices uertuntur. *Gressus moratur.*) Ambulationem præpedit et ingredi non finit propter languorem & dolorem cruciatumq; uehementem. *Populus alba.*) Duplex est populus: alba et nigra. De alba idem Sereno testatur Plinius libr. 24. cap. 3. dicens: Populi albæ cortex potus ischiadicis prodest: idq; ut Dioscorides tradit, unciq; unius pondere. *Medicos.*) Id est, salubres & auxilium

Morbus ischia-
cus, ischiadi-
cus, coxendi-
cus.

Morbus articularis.

ἀρθρίτις

Coxendix.
Ischion.

Coxa.

Cotyle.
Acetabulum.

Populi albæ
cortex.

Genista.

preſtātes, dolorēq̃ mitigātes. *Geniſta.*) Quid ſit geniſta, dictum eſt ſupra. Hęc pituitā tū per ſuperna tū per inferna egregie purgat, unde & iſchiadicis confert cyathi unius pondere à ieiuno potus ſuccus. *Plin. lib. 24. cap. 5.* Ramis, inquit, ſimiliter fronde in aceto maceratis pluribus diebus & tuſis ſuccum dant iſchiadicis utilem cyathi unius potu. Quidam marina aqua macerare malunt & infunde re clyſtere. Perunguntur eodem ſucco iſchiadici addito oleo. *Dioſcorides libro 4. ex aqua marina maceratis uirgis ſuccum exhibet ieiunis. Caulis.*) Virgas & ramulos cum folijs. *Acidoliquore.*) Aceto, hoc enim inflammatio nes compoſcit & aliarum medicinarum uim ad ima penetrare facit, qua re maxime opus eſt in hoc morbo, in profundo enim ſitus eſt. *Rubiam.*) Rubia quę Gręce erithrodanus et ereuthedanus uocatur, herba eſt cuius radix tingendo eſt, unde & nomen tum apud Latinos tum apud Gręcos à rubore quo lanę tinguntur pellesq̃ perficiuntur, inuenit. Vrinam cit, ob quam cauſam, ut *Dioſcorides libro 3. prodiſt*, iſtericis cum mulſa aqua utiliter bibitur, iſchiadicisq̃. Sed bibentes lauari oportet quotidie in balneo. Hinc libro 24. cap. 11. *Plinius ait*, Rubia iſchiadicos ſanatiſſima ut bibentes lauentur quotidie. *Ducere potu.*) Id eſt haurire & bibere. *Bithino lyeo.*) Vino ſic dicto à regione Thraciæ, quæ Aſiæ pars eſt, de qua *Strabo libro 12. Scriptus codex habet in Amineo*, de quo diximus ſupra capite 28. *Cochleas.*) Hijs aliqui piper addunt, ut *Plin. lib. 30. cap. 3. ſcribit dicens*, Iſchiadicis cochleas crudas tritas cum uino Amineo & pipere potu prodeſſe dicunt.

Acetum.

Rubia.

Erithro-
danus.Vinum Bi-
thinum.

Cochleæ.

Si uero articulos tabes inimica per omnes
Heſerit, ex ficu betas ac melle ligabis,
Vel pelagi latīces ſimul & Baccheia dona
Sumere curabis, Nimio ſed par cito uino.
Ennius ipſe pater dum pocula ſiccāt iniqua,
Hoc uitio tales fertur meruiſſe dolores.

Tabes.) Lues, consumptio & morbus ipse articularis corpus consumens & lancinans. *Omnes.*) Omnium enim aut saltem plurimum articularum simul morbus est arthritidis & morbus articularis. *Hæserit.*) In hæserit, permanens enim passio est et diuturna. *Fico.*) Ficus uim habet emollientem discutientemq; & adtrahentem, præsertim syluestris & sativa nondum matura. *Beta.*) Beta, inquit Plinius, hortensiorum leuissima. Quæ quoniam insipida est, fatua uocatur à Martiali hoc uersu, Vt sapiant fatuæ fabrorum prandia betæ. Duo eius genera, candidum & nigrum. Vis illis etiam discussoria, & præsertim albæ. *Melle.*) Hoc alijs uim addit & efficaciam. Natura enim illi est extêrere, aperire & humorem in summum proritare: aliorum uero eosdem discutere, quibus discussis & dolor abigitur. *Pelagilatices & Baccheia dona.*) Intelligit autor uinum marina aqua concinnatum, quod salsum uocat Celsus & alium mouere tradit. Nec modo alium deiicit, sed & uomitum prouocat: quorum utroq; articularium morborum causas purgamus & euacuamus. Nam marina aqua, ut Plinius tradit & Dioscorides, pituitam & bilem purgat bibita, idq; alterutra parte tum per superna uomitione tum per interna deiectione. Verum quo facilius ac citius id perficiat, uinum illi admiscetur. Sic enim uelocius uim suam exercet & destinatum effectum consequitur. Porro falsi uini confectiones discere qui uolet, is legat Plinium naturalis historiæ libro 14. cap. 8. Columellam rei rusticæ libro 12. cap. 25. & Dioscoridem libro 5. *Ni Vini immoderate hausti nocumenta.*) Abundantius enim haustum, uti Dioscorides testatur, neruos infestat, Noxiaq; omnis ebrietas præsertimq; continuata. Cedunt enim nerui quotidiana ueluti obfusione laborâtes. Ingeneratq; copiosus quotidie uini potus acutorum morborum principia. Estq; articularium dolorum causa præcipua. At modico uino, ut Plin. ait, nerui iuuantur, stomachus recreatur, appetentia ciborum inuitatur, tristitiæ cura hebetatur, somnus conciliatur. Imò, ut sacræ

FVRVNCVLO MEDENDO.

Ennius articu-
lari morbo in-
scrijst.

testanturliterę, uinum lætificat cor hominis, si moderate
sumitur. Ennius.) Quod qui nimio uini potu utitur, arti-
culari morbo obnoxij sunt, cōprobat id nūc exemplo En-
nij poētę, qui ob nimium uini usum & ingurgitationem
uinofus tali morbo interiisse dicitur. At uini potorē suis-
se testatur Horatius inquit, Ennius ipse pater nunquā
nisi potus ad arma Profluit dicenda. Vinum enim inge-
niosos facit poētas, ut Græcum Nicerati testatur carmen,
Οἶνός τοι χαρίεντι μέγας πέλαι' ἵππος ἀοιδῆς, ὕδωρ δὲ πίνωμ, κα-
λὸν οὐ τέκοις ἔπος. Et Propertius de Baccho ait, Sine te no-
strum non ualet ingenium.

FVRVNCVLO MEDENDO.

CAPVT XXXVII.

C V M sanguis nimium fuerit combustus, & ater
Aestuat, & papulas alte sustollit acutas,
Resinam misces & saxis hordea fracta,
Consperfa hæc tepidis apponere conuenit undis.
Vis & hyoscyami semen seuumq; iugatum
Nectere: non minus hæc poterit medicina iuuare.
Prætereaq; simum ex gallo quod legeris albo
Imbribus ex acidis tundens appone dolenti.
Auribus aut pecudum molles expromito sordes
Vnguine quo fotis dabitur medicina papillis.

Furunculus.



FVRVNCVLO.) Quid sit Furunculus,
docet tum autor in textu, tum Celsus medicus
libro 5. hjs uerbis: Furunculus est tuberculum
acutum, cum inflammatione & dolore, maxi-
meq; ubi iam in pus uertitur: qui ubi ad apertus est et exit
super, apparet pars carnis in pus uersa, pars corrupta,
subalbida, subrubra, quę uentriculum quidam furnun-
culi nominant. In eo nullum periculum est, etiam si nulla
curatio

euratio adhibeatur. Maturescit enim per se atq; erumpit. Sed dolor efficit, ut potior medicina sit quæ maturius liberet. Nascitur autem passim, ut libro 26. capite 23. tradit Plinius, & in quacunq; parte, ac maximo incommodos mortiferum aliquando malū confectis corporibus. Cum sanguis nimium.) Descriptio est furunculi. Est enim cum tumore abscessus ex sanguine & humoribus crassis & adustis generatus. Ater aestuat.) Propter adustionem nigricans feruet & feruore agitatur. Nam cum inflammatione tuberculum est, ut Celsus prodit. Papulas atque sustollit. Tuberculum in altum & sublime acutumq; eleuat & erigit. Resina.) Vtitur eadem Celsus, sed ubi alia desunt. Nam si cætera desunt, ut inquit, imponi debet primum non pingue emplastrum, ut id reprimat; deinde si non repressum sit, quodlibet puri mouendo accommodatum. Si ne id quidem est, uel resina, uel uermentū. Expressio pure nulla ultra curatio necessaria est. Resina itaq; eorum medicamentorum est quæ & collectiones dissipant atq; discutunt, maturant item atq; repurgant; quare & emplastris miscetur & malagmatis & acopis, ut libro 1. tradit Dioscorides. Saxis.) Mola quæ ex saxis & lapidibus constituitur. Hordea fracta.) Farinam ordeaceam, quæ autore Plinio libro 22. capite 24. cruda decocta collectiones impetumq; discutit, lenit & cōcoquit. Et, ut Dioscorides tradit, expressus cum aqua succus eius, moxq; cum pice & oleo coctus suppurationes adiuuat. Tumores enim & collectiones omnes maturat, discutit, molliat, & calores præter naturā refrigerat. Hyoscyami semen.) Hyoscyamus herba est, quam Latini apollinarem uocāt. Plura eius genera, de quibus dictum est supra. Vfus seminis & per se & succo expresso. Vtilis autem est contra inflammationes & tumores omnes qui à calidis humoribus fiunt. Illos enim lenit & dissipat, doloresq; sedat & mitigat. Seminum.) Adipem suillum, qui etiam, ut Dioscorides testatur, contra tumores & inflammationes prodest, iugatum.)

Resina.

Farina ordeacea.

Hyoscyami semen.

Adeps suillum.

CARBONI TOLLENDO.

*Fimum galli
naccum.*

*Sordes aurium
pecudum.*

lunctum & simul mixtum. *Nectere.*) Anneſtere & impo-
nere furunculo. *Fimum gallo albo.*) Plinius lib. 30. ca. 3. colo-
ris etiam meminit, non tamen galli, ſed ſimi: nec albi, ſed
ruſi, ſic: Furunculis mederi dicit ex gallinaceo ſimo quod
eſt ruſum maxime recens illitum ex aceto: diſcurit autem
& erumpit. *Imbribus acidis.*) Ideſt, liquore acido & aceto
ipſo. *Auribus pecudum ſordes.*) Idem medicamentum poni-
tur à Plinio hijs uerbis, Furunculis mederi dicitur ſordes
ex pecudum auriculis. *Fotis papillis.*) Furunculorum tu-
berculis & tumoribus illitis & inunctis.

CARBONI TOLLENDO.

CAPVT XXXVIII.

H O R rēduſ magiſ eſt perimit qui corpora Carbo.
Vrit hic incluſuſ, uitalia rumpit acerbuſ:
Hunc ueteres quondam uarijs pepulere medeliſ.

*Carbo.
Carbunculuſ.
Anthrax.*



CARBONI.) Carbo, quem Celfuſ & Plini-
uſ Carbunculuſ, Græci anthraca uocant, eſt
ulcuſ hijs quæ uſta ſunt ſimile, cui aliquando
febris & horror & bubones ſuperaccedūt. Ge-
neratur autem ex humore craſſo & ſanguine in atræ bi-
liſ naturam cōuerſo cum inferbuerit & in aliquod mem-
bruſ incubuerit. Incipitq̃ plerunq̃ à puſtula ambuſtiſ
igne ſimili: aliquando uero & ſine ea. Sed ab initio ſca-
bunt membrum omnino, mox aliquando una aliquan-
do pluſ oriuntur puſtulæ exileſ & ueluti milij ſemina
crebræ: quib⁹ perruptiſ, cruſtoſuſ ulcuſ gignitur & pro-
uenit, modo cinereuſ, modo nigrum præ ſe ferente co-
lorem: à quo & nomē tum apud Latinoſ tum apud Græ-
coſ indeptuſ eſt. Omnibuſ præterea hiſ circumpoſita
caro in ſummam peruenit inflammationem, non tamen
colore aſpicitur eryſipelatiſ: imò qui adhuc phlegmoneſ
colore

colore sit nigrior, ueluti si plusculo rubro, minus misceas nigri: autor Galenus therapeuticae libro 14. cui & Paulus Aegineta libro 4. & Rasis continentis libro 13. subscribunt. Nascurturq; sæpe, ut Plinius libr. 26. scribit, in occultissimis corporum partibus, sine alio quàm somni indicio, quo grauatos in triduo aufert: rarius feriens stomachum faucesq;, cum inuaserit ocyslime exanimans. Est enim eorum quæ uiterius corrupta aliqua corporum parte nascuntur, Celso testante libro 5. non aliud carbunculo peius. Et si circa stomachū faucesq; incidit, subito spiritum sæpe elidit. *Horrendus.*) Timendus propter præsens periculum. *Magis.*) Scilicet quàm furunculus. *Perimit.*) Interficit & exanimat. *Carbo.*) Carbunculus morbus. Nam eodem carbunculi nomine dicta est gemma. Et carbunculus uitium, arborum & segetum morbus, cum in hijs quodam quasi uredinis carbone fructus exuruntur. A carbunculo fit uerbum carbunculare, quod carbunculum pati & carbonū more fieri significat. Plinius libro 23. Succus eorum carbunculantibus circa oculos ulceris excrecentibus & pustulis efficax. Idem libro 12. Verum et hijs sua iniuria est, atq; cæli intemperie carbunculantur, fiuntq; semina cassa & inania. Res ipsa carbunculatio dicitur. *Vrit inclusus.*) Collectus & coactus in mēbro feruet & exardescit. *Vitalia rumpit.*) Spiritum elidit et exanimat uitāq; priuat.

Carbunculus
morbus, gemma,
uitium nascens.
Carbunculare.

Carbunculatio.

Tertia namq; Titi simul & centesima Liui
Charta docet ferro talem candente dolorem
Excēsum, aut poto raporum semine pulsum,
Infecti dicens uix septem posse diebus
Vitam produci, tanta est uiolentia morbi.
Dulcacidum laticem cum lini semine iunges
Atq; simum Paphiæ pariter compone columbæ,
Hinc line diruptas partes & clausa uenena,

CARBONI TOLLENDO.

- Titus Linius.** *Titii Lini.*) Titus Linius Patavinus, uir ingenio & doctri-
na clarus, uixit sub Augusto & Tiberio Imp. Romanæ
historiæ scriptor insignis, cuius libri partim adhuc extant,
partim aut omnino perierunt, aut alicubi in tenebris ad-
huc delitescunt. *Charta.*) Liber. Ouidius, Nullus in hac
charta uersus amare potest. Libri enim ex chartis fiunt,
chartæ uero ex papyro alijsq; rebus. Sunt autem folia &
phylliræ in quibus scribimus, etiam cuiuscunq; materiæ
fuerint, siue papyraceæ, siue membranaceæ, siue ex perga-
meno aliaue materia quacunq;, quam uis primo è papy-
ro fieri solerent. *Ferro candente.*) Inter prima carbonis re-
media adustionem laudat etiam Celsus libro 5. cap. 23. ad
urendiq; modum et finem docet dum inquit: Nihil melius
est quàm pròtinus adurere. Neq; id graue est. Nam non
sentit, quoniam ea caro mortua est. Finisq; adurendi est,
dum ex omni parte sensus doloris est. Tum deinde uul-
nus, sicut cætera adusta, curandum est. *Dolorem.*) Mor-
bum carbunculum dolorem facientem. *Exactum.*) Ex-
Raporum semen tirpatum et sublatum. *Potoraporum semine.*) Quoniam hu-
morex quo carbo generatur, adeo malignus est ut inflam-
matione sua ueneni uim æquet & ualidissime ardore suo
cor incendens non minus quàm præsens uenenum mor-
tem ocysimam, ceu ad lōgissimum intra septimum diem
adferat; hinc non minus quoq; carboni quàm alijs letali-
bus uenenis uenenatorumq; moribus resistere & mede-
ri potest raporum semen epotum. Nam quod ad uenena-
attinet, Raporum semen, ut libro 2. tradit Dioscorides, in
antidota additur, & his quæ contra uenenata ad leuan-
dos somno dolores conficiuntur. Succurrit & letalibus
uenenis potum: nec modo potum, sed & illitum, Plinio
teste libro 20. cap. 3. in uino contra serpentes & toxica salu-
tare esse proditur. A multis uero antidoti uim habere in
uino & oleo. *Infecti.*) Carbonem patientis. *Dulcacidum*
Acetū mulsum. *lat.*) Hoc est, acetum mulsum, quod & oxymel dicitur.
Lini semen. *Lini semine.*) Linum omnibus notum est, huius semen
omnes

omnes quæ intus & quæ foris sunt inflammationes discutit, autore Dioscoride. *Fimum columbæ.*) Hoc tum per se *Fimum columbinum.* tum alijs iam dictis rebus commixtum carboni medetur. Plinius, Carbunculus fimo columbino deletur per se illi to, uel cum lini semine ex aceto mulso, Dioscorides uero pro aceto mulso alijs mel & oleum comiscere iubet in-
 quiens, Columbarum fimum carbunculos cum melle, lini semine, & oleo subactum erumpit. *Paphia.*) Veneriæ. *Columba Paphia.* Columba enim Veneri dicata dicitur, quæ & Paphia dicitur à ciuitate Cypri Papho, in qua numinis uice colebatur. *Pariter.*) Simul cum alijs iam dictis. *Hinc.*) Ex tali medicamento dicto. *Dirup. 44.*) Corruptas & exulceratas. *Clausa uenena*) Humores malignos & uenenosos intus coactos & conclusos.

Præterea tritici referant adoperta lupini.
 Nonnullus calcem uiuam dissoluit aceto
 Fumantemq; illam papulis imponit acerbis,
 Est qui gallinæ perducit stercore corpus,
 Allia uel pipéri parce commixta linuntur,
 Pythagoræ cognata leui condita cumino
 Proderit, & madido fermentum polline turgens,

Tritici lupini.) Id est, lupini in farinam commoliti & præsertim *Farina lupina.* fatiui: quos impositos Plinius etiam libro 22. cap. 25. *ced.* carbunculos rumpere testatur. Sed, ut Dioscorides lib. 2. docet, conuenit illos prius in aceto coquere. *Referant.*) Adaperiunt, rumpunt & dissipant. *Adoperta.*) Cooperata, clausa & intus collecta. *Calcem uiuam.*) Calx uiua dicitur quæ aqua non est restincta: cuius in medicina magnus usus est, præsertim recentis quæ præ cæteris eligitur. Habet uim feruidam & urentem, discutit, & ignium modo crustas inducit, incipientesq; serpere ulcerum impetus coercescit: alijs mixta, ceu oleo aut adipi, mollit, disijcit & ad cicatricem perducit, præsertimq; aceto & rosaceo

CARBONI TOLLENDO.

temperata: autores Plin. & Dioscorides. *Fumantem*) Fumum adhuc reddentem & calentem: dum enim humore aspergitur, fumum exhalat & calet. *Papulis acerbis.*) Pus-
tulis & ulceribus excruciantibus & dolorem facientibus. *Gallinae stercore*) Quemadmodum columbarum ita
& gallinarum finum, licet minore efficacia, carboni me-
deri testatur Dioscorides. *Corpus.*) Membrum carbonu-
culatum & carbonem ipsum. *Alia pipericom.*) Hoc medi-
camentum eadem ratione qua & reliqua iam dicta carbo-
ni medetur. *Pythagoræ cognata.*) Fabam intelligit. Hora-
tius Sermonum libro 2. Satyra 6. O quando faba Pytha-
goræ cognata, simulq; Vincta satis pingui ponentur ho-
liscula Lardo? Vocat autem Pythagoræ cognatam fa-
bam quod ea non secus quam cognatus à cognata absti-
nebat, ut uolunt aliqui. Cur autem à fabis abstinendum
præceperit Pythagoras, uariæ et diuersæ sunt opiniones,
de quibus A. Gellius Atticarum noctium libro 4. cap. 11.
Plinius nat. hist. libro 18. cap. 12. Et Germaniæ nostræ de-
cus illud insigne Erasmus Roterodamus in adagiorum
chiliadibus ab initio non pauca. Porro de fabarum medi-
cina sic Dioscorides: Farina fabacea per se et cum polenta
uulnerum inflammationes mitigat illita. *Leui cumino.*) Te-
nero & gracili. Columella: Gracili melanchria grata cumi-
no. Discutit autem non minus quam reliqua iam dicta
tum per se tum cū faba inflammationes. *Fermentum.*) Fer-
mentum est farina quæ subigitur priusquam addatur sal
ad pultis modum decocta, & relicta donec acescat. Vulgo
autem nec sufferuere faciunt, sed tantum pridie asseruata
materia utuntur. Palamq; natura est acore fermentari. Et
tale quidem ex triticea farina confectum calefaciendi ex-
trahendiq; ui quam habet, callos extenuat, & addito sale
alia tubercula furunculosq; maturat & aperit. Panisq;
ipse crudus maxima molliendi refrigerandiq; ui sua om-
nes inflammationes illitus lenit, autore Dioscoride. *Polla-
ne.*) Farina. Pollin in tritico dicitur, quod flos in filigi-

*Finum gallina-
rum.*

Alla cū pipere

*Faba Pythagoræ
cognata cur
dicatur.*

Cuminum.

Fermentum.

Pollin.

ne. Est autem tenuissimus puluis & farina tenuior, qualis circa molas plerunq; & loca in quibus panis pinsitur parietibus hærens inuenitur. Qui ex tritico in malsa aqua aut hydrelæo decoctus inflammationes etiam discutit, autore Dioscoride. *Turgens.*) Intumescens & in alrum se sustollens.

PANO, VOMICAE, ET STRV- MAE DEPELLENDIS.

CAPVT XXXIX.

S V N T alij quos dura uomit natura tumores
Non minus horrendi, sed non ita perniciosi,
Vomica qualis erit, uel eidem proxima quædam:
Simplice resina miscebimus hordea tusa,
Et mulsos amnes & purgamenta columbæ
Hijs bene decoctis languentia membra fouentur.



PANUS.) Panus, quem Celsus Græce phyge- *Panus.*
thlon uocari tradit, est abscessus tumidus, ex *φύγεθλον.*
humore corrupto in parte aliqua collecto ge-
neratus: quem Celsus medicinæ libro 5. sic de-
scribit, Phygethlon est tumor nō altus, sed latus, in quo
quiddam pustulæ simile est: dolor distentioq; uehemens
est & maior quàm pro magnitudine tumoris: interdum
etiam febricula: idq; tarde maturescit, neq; magnopere in-
pus conuertitur. Fit maxime aut in uertice, aut in alis, aut
inguinibus. Panum ad similitudinem figuræ nostri uo-
cant. *Vomica.*) Vomica tumor est ex humoribus corru- *Vomica.*
ptis proueniens, qui Græce phyma dicitur, & à Celso ita *φύμα.*
describitur: Phyma nominatur tuberculum furunculo
simile, sed rotundius & planius, sæpe etiam maius. Nam
furunculus oui dimidiæ magnitudinem raro explet, nun-

quam excedit. Phyma etiam latius patere consuevit. Sed inflammatio dolorq; sub eo minores sunt. Vbi euulsus est pus, eodem modo apparet uenterculus, quod in furunculo non inuenitur. Verum omnis corrupta caro in pus uertitur. *Struma.*) Strumæ dicuntur, quas Græci χόιρα das uocant, uulgius scrophulas: fiuntq; uti Galenus tradit, glandulis in scirrhosum affectum mutatis. At Celsus strumam sic describit, Struma est tumor, in quo subter cōcreta quēdā ex pure & sanguine quasi glandulæ oriuntur. Quæ uel præcipue fatigare medicos solent, quoniam & febres mouent, nec unquam facile maturescūt, & siue ferro siue medicamentis curantur. Plerunq; iterum iuxta cicatrices ipsas resurgunt, multoq; post medicamento est opus. Quibus id quoq; accedit, quod longo spatio detinent. Nascuntur maxime in ceruice, sed etiam in alis & inguinibus & in lateribus: in mammis quoq; sceminarum se repperisse chirurgicus Meges autor est. *Vomit.*) Euomit, eijcit & in altum sustollit, tumoremq; facit. *Non minus.*) Scilicet quàm prædicti tumores carbo & furunculus. *Eidem proxima.*) Vomicæ cognata tubercula qualia sunt panis, strumæ & similia, quæ iisdem quasi medicamentis curantur. *Simplice resina.*) Hoc est, pura: quæ autore Dioscoride, mollit & disijcit collectiones repurgatq;. *Ordeatufa.*) Farniam ordeaceam, quam et crudam & coctam collectiones impetusq; discutere, lenire & coquere affirmat Plinius. *Mulsos amnes.*) Aquam mulsam in qua hordeacea farina decoquenda est. *Purgamenta columbe.*) Stercus & fimus columbinus, quod uires habet omnes duricies soluere. Vim enim discussoriā habet uel per sese uel cum farina hordacea illitum, teste Plinio libr. 9. capite 3.

Mollis odorato faba perlita cum coriandro
Proderit appositu hæc mollitq; aperitq; tumorem.
Aut de phasganeo radix decocta palustri,

Siue

Struma.

Χόιρα.

Scrophula.

Resina.

Ordeum.

Aqua malsa.

*Fimus colum-
binus.*

Siue salix mixto tundetur cum coriandro.

Proderit & mansum quod traxeris arbore uiscum.
Mollis.) *Tenera.* Et per hoc intelligit fabam pisatā & fari-
 nameius. *Odorata.*) Per hoc intelligit semen ipsum aceto
 præparatum quod odoriferū est: cum caulis & folia ipsa
 male olentia sint. *Faba cum coriandro.*) Qua uirium pote-
 state dictis tumoribus medeatur hoc medicamentū, do-
 cet autor in textu, cum ait, Mollitq; aperitq; tumorem.
 Nec modo ambo hæc mixta id possunt, ut Dioscorides
 etiam lib. 3. testatur inquit, Coriandrum cum lomento
 fabæ strumas dissicit & panos: sed & horū quodlibet uel
 per se idem efficere idoneū est. Nam faba, quæ etiam ad fu-
 runculos maturādos discutiendosue imponitur: lomen-
 to quoq; ex aceto decocto tumores maturat atq; aperit,
 teste Plinio libro 22. capite 24. Qui & de coriandro sic pro-
 dit libro 20. capite 20. Coriandrum omnes tumores col-
 lectionesq; sanat cum melle aut uua passa. Panos uero ex
 aceto tritum. *Phasganeo.*) Phasganion herba est quæ &
 Xiphiō & macheroniō dicitur à Græcis: Latini gladiolū
 uocāt, à similitudine foliorū ab utrisq; sic dicta. Habet enī
 gladio, quē Græci φάσγανον & ξίφιον & μάχαιραν uocāt, si-
 mile folium: idq; etiam iridi, ut tradit Diosc., uerunta-
 men breuius angustiusq; & cultelli modo in mucronem
 definēs, uenosumq; caulē ex se mittit cubitalē: in quo pur-
 purei flores sunt deinceps dispositi & à se inuicem distan-
 tes. Semen habet rotundum: radices duas, & alteram al-
 teri insidentem exiguorum bulborum figura: earum in-
 ferior gracilis est: superior uerō crassior. Nascitur maxi-
 me in aruis. Et hinc fortassis Apuleius eam à Latinis gla-
 diolum segetalem uocari dicit, inquit: Xiphion, siue ut
 alij phasganion, Latini gladiolum segetalem, folijs gla-
 dio similibus, thyrsō cubitali, floribus purpureis, radici-
 bus duabus paruulis rotundis, altera in altera nata, quarū
 superior maior est, & acrioris uirtutis: cui ad panos discuti-
 endos loliaceam farinam & aquam dulcem iungit Dio-

Faba.

Coriandrum

Phasganeon.

Xiphion.

Macheronion.

Gladiolus.

Gladiolus segetalis.

PANO, VOMICAE, STRYMAE.

scorides, dicitq̃ discutiendi causa eam emplastris in hūc usum conficiendis addi. *Radix*.) Scilicet superior, quæ efficacior est. *Palustri*.) Quoniam, ut Plin. tradit, gladiolus in humidis nascitur locis: cui Dioscorides non repugnat, in aruis eam nasci asserens. Potest enim utrunq̃ esse: nam possunt & arua humida esse: neq̃ quia in aruis nasci dixit, ideo etiam in aquosis nasci posse negauit. Sed quod diuersos illos facere poterit, id est, quod Plinius ait, cum primum exit gladij præbet speciem, caule duum cubitorum: cum Dioscorides & Apuleius cubitalem tantum dicant. Quod autem Plinius radicem illi esse dicit ad nucis auellanae figuram fimbriatam, idem est & non diuersum illi quod alij dicunt, exiguum bulborum figura & radicibus paruulis rotundis. Cæterum, ut Plin. ait, radicem effodi oportet ante messes & in umbra licari. *Sive salix*.) Scilicet amerina, quæ vitex dicitur, & Græce ἄρνον & λύγον uocatur, uulgus agnum castū appellat. Quod aut uomicas panosq̃ difficile concoquentes molliat, autor est etiam Plinius, at non cum coriandro, sed cum farina ordeacea: uerū id nihil refert, utrunq̃ enim prodesse solet. *Mansum*.) Per hoc alterū conficiendi modum indicat. Quidam enim fructum aqua tundunt, tum lauant, post hæc in aqua decoquunt: ut tradit Dioscorides. Quidam uero acinos illos cōmanducant & ita conficiunt. Et hic modus est quē autor innuit. Probatur aut in quo leuor est, qd porraceo colore intus uiret, foris flauescit, & in quo nihil asperū furfurosum uē occurrit. Fit autem æstate. Idem etiam tradit Plinius libro 24. capite 4. inquit: Quidam in aqua cōtusum decoquunt, donec nihil innatet. Quidam cōmanducantes acinos expuunt cortices. Optimum est, quod sine cortice est, quodq̃ leuissimum: extra fuluum, intus porraceum, quo nihil est glutinosius. Amplius idem libro 16. capite ultimo: Viscum fit ex acinis qui colliguntur messium tempore immaturi. Nam si accessere imbres, amplitudine quidem augentur,

Salix amerina.

Vitex.

Agnon.

Lygon.

*Visci conficiendi
modus duplex*

augentur, uisco uero marcescunt. Siccantur deinde & aridi tunduntur: ac conditi in aqua putrescunt duodenis uere diebus. Vnumq̃ hoc rerum putrescendo gratiam inuenit. Inde in profluente rursus malleo tufis amiffis corticibus interiore carne lentescunt, hoc est uiscum peninis auium tactu ligadis, iuglandis oleo subactum cum libeat infidias moliri. *Arbore.*) Ponit hoc ad differentiam alterius quod alibi nascitur. Nam, ut Dioscorides tradit, inuenitur & quorundam fruticum radicibus adnatum. Nascitur autem in arboribus quercu, robore, ilice, pruno syluestri, terebintho, malis, pyris, corylo & alijs arboribus. *Viscum.*) Viscū arbuscula est in arboribus nascens, ferens acinos ex quibus glutinum conficitur, quod similitur uiscum dicitur. Porro arbusculæ altitudo non excedit cubitalem semper fruticosi ac uiridis. Mas fertilis. Fœmina sterilis, aliquando non fert. Estq̃ buxi folio, fructu acinorum figura. Omnino autem satum nullo modo nascitur: nec nisi per aluum auium redditum, maxime palumbis et turdis. Hęc est natura ut nisi maturatum in uentre auium non proueniat. Cæterum quod ex acino fit uiscum & glutinum, discutit, mollit, extrahit & humores siccatur, quare & strumas, panos, omnisq̃ id generis tumores mitigat & sanat, autoribus Plinio & Dioscoride. Docet & Celsus inter alia contra panos uisco uti.

Gramen hyoscyami ceræ seuoq̃ uetusto
 Concilia, mixtumq̃ loco perduce dolenti.
 Exercere etiam corpus medicina potens est.
 Ouum diffundis in fictile, deinde putamen
 Marrubij succo repleas, post melle liquenti
 Omnia consociata tepenti prospera potu
 Sumuntur, referantq̃ malum, purgantq̃ leuantq̃.
Gramen hyoscyami.) Herbam hyoscyami quæ reprimet et refrigerat, quare & materię aditum prohibet. *Seuo.*) Adipi
suillo. qui cum cera digerit et resoluit dissipatq̃. *Cœcilia.*)

Exercitatio corporis. Coniūnge & cōmisce. (*Exercere corpus.*) Per corporis exercitationem intelligit gestationem, ambulationem, frictionem, aut aliam quampiam eiusmodi corporis motionem: cuiusmodi etiam Celsus in sacrum ignem patientibus utiles asserit. Et in cura apostematum durorum Aui cenna sic præcipit: Et oportet ut membrum famem pati cogatur in reuolutione resolutionis, & trahatur nutrimentum ad eius oppositum cum motione illius oppositi & exercitio eius & ipsius famelicatione et cibetur in reuolutione lenificationis, et fiat ei causa appetendi nutrimentum cum fricatione & quæ sunt ei similia. (*Ouum diffundis.*) *Tertia quarti, tr. 1. cap. 12.* Hoc est, oui partes internas luteum & albumen extra corticem eorum effundis & corticem ab eisdem euacuas. Ceterum medicamentum hoc ut pleræque alia ex Plinio desumptum uidetur, qui naturalis historię libro 10. cap. 22. sic inquit: Castor marrubij duo genera tradit, Nigrum, & quod magis probat Candidum. In ouum inane succum adiicit is, ipsumq; ouum infundit melle æquis portionibus tepefactum: uomicas rumpere, purgare, perfanare promittens. Marrubium siquidem ac mel aperiunt et purgant, doloremq; mitigant, præsertim iuncto ouo: quod etiam marrubij malignitati, qua renibus & uesicæ nocet, resistit. Sorbetur enim uel per se parum tepens contra uesicæ erosiones & renum exulcerationes. (*Putamen.*) Putamina dicuntur rerum purgamenta & quicquid à quacunq; re proijcitur. Vnde ouorum ac nucū cortices etiam putamina uocantur. Plinius lib. 15. cap. 22. de nucibus: Honor his naturæ peculiaris, gemino protectis operimēto, puluinati primum calicis, mox lignei putaminis. Et sola differentia generum in putamine duro fragiliūe. Idem libro 29. cap. 3. de ouis: Firmitas putaminum tanta est, ut recta nec ui nec pondere ullo frangātur: nec nisi paululum inflexa rotunditate. Dicuntur item putamina, arborū ac uitium sarmenta, quæ putantur & exciduntur. (*Liquenti.*) Puro & mundo,

Igni

IGNI SACRO DIMOVENDO:

CAPVT XL.

EST etiam morbi species qui dicitur ignis,
 Languida quo multo torrentur membra calore,
 Vel tu uicino seuum bouis igne remittis,
 Mollitumq; lines, uel oloris fecibus oua
 Sed non cocta dabis: sic torrida membra fouebis.



IGNIS sacro.) Ignis sacer est, quem Græci *ἱερὸς πῖλος* *ignis sacer.*
Erysipelas. uocāt, in genere inflammationis à ueteri
 bus positū, qui omnes calidos cū dolore & inflā
 matione tumores simpliciter inflammationes
 uocare consueuerunt: uerum uariante illarum materia
 ex qua generantur, mox alijs etiam nominibus distinxe-
 runt, utpote phlegmonas id est inflammationes, anthra-
 ces id est carbunculos, herpes id est serpentina ulcera, &
 erysipelata id est sacros ignes appellātes. E quibus qui ex
 bono & mediocris crassitudinis sanguine multo fiunt, *Phlegmone, in-*
flammatio.
 priuatim & proprie phlegmonas & inflammationes uo-
 cant. Qui uero ex sanguine calidissimo simul & crasso, an-
 thraces & carbunculos. Qui ex flaua bile, herpes, id est *Anthrax, car-*
bunculus.
 serpens. *Herpes, ulcus*
 erysipelas, *Erysipelas,*
 ignis sacer. *ignis sacer.*
 Cutis duplex. *Cutis duplex.*

Qui affectus circa cutim maxime confi-
 stit, tum eam quæ foris & omnium partium commune
 tegumentum est, tum illam membranofam & tenuē quæ
 singulis internarum est circūdata, uti Galenus therapeu-
 tice libro 14. tradit. Estq; in duplici differentia. Nam uel
 cum exulceratione, uel sine ea incidit. Cum enim crassior
 humor acriorq; fuerit, summam cuticulam epidermidā, *Epidermis,*
 à Græcis uocatam excoriat: spacioq; ad profundum ali-
 quando cutis exulceratio peruenit: non tamen alte in cor

pus descendit, sed in cute potius consistit, quamuis sicuti phlegmones affectus cutis aliquid apprehendit: ita hic quoq; aliquid subiectæ sibi carnis occupet. Estq; color huic pallidus aut flauus, seu expallido flauoq; mixtus. Cæterum cum nec plane biliosa nec sanguinea sit fluxio, sed ex ambabus mixta, utiq; ex abundante altero humore nominatur, sic ut exuperante sanguine phlegmonem inflammationem uel erysipelatofam: flaua uero bile abundante, erysipelas phlegmonosum seu inflammatum uocemus. Vbi neutrum uincit, ibi uitium phlegmones erysipelatosq; medium dicemus. Et hæc erysipelatum genera, quæ antiquiores Latini uno nomine sacros ignes uocauerunt. De quibus & si aliter dicere uideatur lib. 5. Celsus, & separatim de sacro igne & erysipelate egerit, non multum tamen ab horum ratione illa communi discedit. Fatetur & Plinius plura sacri ignis esse genera libro 26. Sed de hijs nunc satis. *Est etiam mor.*) Descriptio est ignis sacri, de quo iam copiose satis dictum est. *Torrentur.*) Vruntur & inflammantur. *Vicino igne.*) Hoc est, secus & iuxta ignem. *Remittis.*) Relaxas, dissoluis et liquefacis. *Mollitum.*) Remissum, solutum & liquefactum. *Oloris.*) Olor auis est candida, maior anser, quæ instante morte, ut tradunt, mirandos cantus edere solet, hanc Græci Cygnum uocant. *Dabis.*) Commisces. *Sic.*) Ita mixtis fecibus & ouis. *Torrida.*) Igne sacro inflammata.

Olor.

Cygnus.

Lumbricus terræ mixto inducetur aceto,
Aut parili noua ruta modo, sed iungis oliuum,
Oraq; cum betis profunt super illita tritis.
Allia dant cinerem, sociato oleoq; garoq;
Vnguine quo gliscens deponet flamma furorem.
Sæpe chelidonia, pars candida iungitur oui,
Quæ modico potu sedulo detrita capeffes,
Admiscere memor lymphas amnemq; Falerni.

Lumbricus Lumbricus terræ.) Vermes terreni, Qui, ut Plinius etiam libro

bro 30. cap. 9. testatur, ex aceto illiti sacro igni medentur. Parili.) Simili modo quo lumbrici, scilicet ex aceto. *Noua ruta.*) Ruta recens, quam illitam ex aceto & oleo sacrum *Ruta.* ignem emendare, Plinius etiam tradit libro 20. cap. 13. At Dioscorides Cerusam addit libro 3. *olium.*) Oleum, & præsertim rosaceū, autore Dioscoride. *Oua cum betis.*) *Pli Beta.* Plinius nat. hist. libro 29. cap. 2. Ovis oleum miscet & betæ folia superligare iubet inquit, Oua cum oleo trita ignes sacros leniunt, betæ folijs superligatis. Et libro 20. cap. 8. betæ albæ succum aluminis parum admixto eundē morbum sanare dicit. Dioscorides uero id etiam de sola beta elixa asserit. Sed quod ad ova attinet, oportet illa accipere *Oua.* cruda, & præsertim quod candidum est in ouo: id enim non modo sacrum ignem, sed & omnem inflammationem lenit. *Allia.*) Alliorum cinerem ex oleo & garo illitum sacros ignes sanare testatur etiam Plinius libro 20. cap. 6. *Vngvine.*) Linimento. *Gliscens.*) Crescens. *Flamma.*) Ignis & ardor. *Furorem.*) Seuitiam, cruciatum & dolorem. *Chelidonia.*) Quod chelidoniæ succus cum oui *Chelidonia.* candido potus sacrum ignem sanat, hoc ideo fit, quia chelidonia bilem, quæ cum calido sanguine morbi causa est, purgat: oui uero cādidum calorem refrigerat: temperantur autem hæc aqua & uino æquis portionibus. *Sedulo.*) Diligenter. *Capeffer.*) Sumes & bibes. *Lymphas.*) Aquam. *Amnem Falerni.*) Vinum bonum quale est Falernum, sic dictum à loco ubi nascitur.

PODAGRAE DEPELLENDÆ.

CAPVT XLI.

Quædā sunt rabidæ medicamina summa podagræ
Cui ter trigeminas species Epidaurius ipse
Dixit inesse deus, requiem tamen indere morbo
Fas erit, & tristem saltem mulcere dolorem.

Podagra.



ODAGRAE.) Podagra pedum morbus est, dolorem male affectis nervis adferens, nunc cum inflammatione, nunc cum refrigeratione. Fit autē ex influente aliquo ad pedes humore supfluo ac eorundē imbecillitate. Necesse enim est, autore Galeno, pedes natura esse imbecilliores si quis podagra corripī debeat: quamvis imbecillitas illa nō sit sufficiens ad generādā passionē ex intermedio tēpore accessionū, in quo nulla fere infestantur, quamvis nativa imbecillitas continua sit. Clarum autem & in prodagricis manifestissime apparens est & hoc, quod influente aliquo ad pedes humore superfluo, passio generatur. Cæterū quum ad pedes influit humor, fluctio ad articulos decumbit, hancq; fluctionem suscipiunt, primum quidem loca articulationum, deinceps circumstantia omnia, usq; ad cutē. Quia uero implentur articulationes, liquet etiam ea quæ ipsi circumiacent ligamēta extendi esse necessarium: non autem inflammari, licet cum inflāmatione fuerit passio. Nervos enim & chordas non est rationabile in ipsis inflammari, sed solum dolere, cum simul articulationes extenduntur. Estq; hic morbus podagra omnibus qui in articulis fiunt uehementior, est item longissimus & liberatu difficillimus: quamvis enim in pluribus ad tēpus mitigetur dolor, non ideo tamē radicitus euellitur morbus. Quod si in aliquibus sponte desinat, id non medicinæ potestati tribuendū est, sed uitæ potius moderantiæ: quæ uel potissima causa fuit quod Hippocratis ætate ac patrū auorumq; memoria rarior solebat esse morbus pauciq; tunc eo laborabant. Nostreis uero temporibus, usq; adeo auctis eduljjs, ut nihil eis addi posse uideatur, infinita est podagrarum multitudo, cum nonnulli sint qui nihil exercitantur, & cruditatibus atq; ebrietatibus offendantur & ante cibum assumptum bibant uina potentia, ac uene reis utuntur immoderatis: nonnulli uero, & si non in his omnibus, in uno saltem, aut duobus ex his quæ sunt

sunt dicta delinquant. Præsertim circa uenereorū & uini immoderationē usum. Vnde non inelegantes Græci extant uersiculi, *Λυσιμελὺς Βάκχου καὶ λυσιμελὺς ἄφροδΐτης γιννᾶται θυγάτηρ λυσιμελὺς ποδᾶγγρα*. Quos nos utcunque Latine sic reddidimus: Connuptis Venere & Baccho soluentibus artus Nata artus soluens nascitur hijs podagra. Sed cum peccatum fuerit magnum, sæpius in uno dictorum deliquisse sat erit. *Quedam.*) Aliqua: quæ si non radicatus morbum tollunt, saltem ad tempus dolorem leniunt. Quamuis insanabilis non est credendus, ut Plinius scribit, quippe quoniam in multis & sponte definit, & in pluribus curatur. *Rabide.*) Furibundæ & ob doloris uehementiam cruciatumq; quasi ad rabiem & furorem insaniamq; perducentis. *Summa.*) Vltima & præcipua & præ alijs maxime efficacia: quæ si non iuuant, nec alia iuuare poterunt. *Ter trigeminas.*) Hoc est, tres. Siquidē podagra in triplici repperitur differentia. Nā aut est in principio morbus & sine tumore, quamuis non sine dolore uehementi: aut est cum tumore cui calor quoq; accedit, aut altius radices fixit & tumoriā induruit obcalluitq;, qui uix aut nūquam curā admittit. Vnde Oui. ait, Soluere nodosam nescit medicina podagrā. Qui itaq; podagrā curare uolet, considerare debet, quæ nā species mēbrum infestet. Nam, ut Cel. ait, ubi dolor uehemens urget, inter est, sine tumore is sit, an tumor cū calore, an tumoriā etiam obcalluerit. *Epidaurius.*) Aesculapius, qui Epidauri numinis uice colebatur. *Requiem indere.*) Hoc est, morbi dolorem lenire & mitigare. *Tristē.*) Hoc est, tristitiam, inquietudinē & perturbationem adferentē. Inter eos enim qui in articulis gignunt, nullus molestior est ipsa podagra. *Salte.*) Quasi dicat, Si nō ex integro & radicatus euelli potest, laborandum tamen est ut dolor mitigetur, si fieri poterit. Saltem enim quidā per defectionē dictū putant: quasi, si aliter nō potest. Aliqui uero dicunt Saltem dictū u. media litera extrita & abiecta. Salutē enim ante dictū, quod nos saltem dicimus, Nam cum alia quædam petita

Podagra species tres.

Deum Epidaurium.

Saltem.

& non impetrata sunt, tum dicere solemus, hoc saltem fieri oportere, tanquam salutem postremo petentes, quam & impetrari certe & obtineri sit æquissimum: autor Atticarum noctium lib. 12, cap. 14. Gellius.

Ergo age & arreptam salicis frondemq; librumq;
Cum uino tere, sic contractos perline neruos.
Aut cum prima mali sese ostentabit origo
Feruïda non timidis tolera cauteria plantis,
Seminecisue hirci referato pectore calces
Insere, sic dirẽ reprimis primordia pestis.

Age.
Salix.

Age.) Age, olim uerbum fuit, sed factum est aduerbiũ hoc tantis ex imitatione Græcorum. *Salichs frond. libr.*) Folia & corticem salicis. In quo liquore coqui debeant non tradit Dioscorides, eorundem tamen decocto podagras utilissime foueri testatur libro 1. Plinius autem libro 24. cap. 9. hĩsdem in uino decoctis foueri neruos utilissimum ait.

Contrahere.

Contractio.

Contractos.) Contrahere inter alia significata sua aliquando colligere est. Et inde contractio dicitur neruorum, cum scilicet nerui rigore quodã colliguntur, ita ut extendi non queant. *Prima origo.*) Hoc est, à morbi initio, & quàm primũ dolor percipitur. *Feruïda.*) Excalfacta, candentia & ignita. *Non timidis.*) Nõ pertimescẽtibus, sed audacibus et sine timore, solide audenterq; cauteris uestione

Cauteria.

perferentibus & tolerantibus. *Cauteria.*) Cauteria siue cauteris, sunt instrumenta metallica chirurgorum, quibus candentibus & ignitis putridas carnes & ulcera adurunt & curant, maxime ubi lenia siue alia nihil proficiunt medicamenta. Fiunt autem maxime ex ferro, quamuis etiam aliquando ex auro fiant, quæ etiam propter aurum confortantem alijs meliora probantur. Et hæc cauteria sunt, quæ actualia uocant medici. Sunt enĩ alia quoq; ab hĩsdem potentialia appellata, hoc est, medicamẽta caustica quibus caustica & adurẽs uis inest ceu calx aut sapo. Cæterum ad quid utilis sit cauteris usus, docet nos Au-

ccna

cenna quarta primi dicens: Cauterizatio est medicamen-
 ualde utile, iuuans ad prohibendum ne corruptio spar-
 gatur, et ad confortandum membrum cuius complexio-
 nem uolumus rectificare, & ad resoluendum materias cor-
 ruptas in membro retentas, & ad restringendum sangui-
 nis fluxum. Sunt item & pictorum cauteria, instrumen-
 ta quibus peculiariter in encaustice dicta pictura utitur,
 quæ fit coloribus inustis & resolutis igne ceris. Sed de his
 nihil ad præsens. *Plantis.*) Planta pedum pars est tota in
 ferior. *Seminecis hirci.*) Semimortui. Nex enim mors est.
 Accipitur autem hircus uiuus & pectus seu ueter illi scin-
 ditur aperiturque, quo aperto quamprimum & actutum
 sanguine adhuc calente pedes podagrici imponuntur,
 sicque podagræ dolor sedatur. *Pectore.*) Ventre. *Calces.*)
 Pedes. Calx enim pes imus dicitur, cuius partes sunt, Cõ-
 uexum quæ pars est superior, Planta pars inferior, Calca-
 neum pars posterior, Vola pars medijs pedis concua, Di-
 giti & ungues. *Primordia pestis.*) Podagram incipientem.
 Dicitur autem pestis eo quod saluti et sanitati sit aduersa.

Planta.

Nex.

Hircus.

Calx.

Pedum partes.

Aut si corruptus perfederit altius humor,
 Trita cupressus ibi Baccho iungatur acerbo,
 Panibus & teneris cohibet superaddita quæstus,
 Parua sabucus item si hircino est condita seuo,
 Triticea quoque acido manantes amne farinæ,
 Aut nitidum ranæ decoctum uiscus oliuo.
 Siue chelidoniæ succus sale mixtus aceto.

Humor.) Scilicet ex quo generatur podagra. *Perfederit altius.*)
 Profundius radices egerit & longius durauerit & quasi
 obcalluerit quamuis ubi confirmatus est morbus uix aut
 nunquam curetur. Nam soluere nodosam nescit medici-
 na podagram, ut inquit Ouidius. *Cupressus.*) Clarius
 idem medicamentum ponitur à Plinio libr. 24. cap. 5. his
 uerbis, Cupressi folia trita cum duabus partibus panis
 mollis & è uino Amineo subacta, pedum ac neruorum

Cupressus.

dolores sanant, Præsertim ubi cum incēsiōe siue inflammatione est morbus. Cūpressus enim adstringit & refrigerat: adstringit & uinum si acerbum fuerit: Panis uero, ut Dioscorides libro 2. tradit, maxima molliendi refrigerandiq̃ ui quam habet, omnes inflammationes illitus lenit, præsertimq̃ admixtis succis herbis uē aliquibus ad id facientibus. Loquitur autem de pane triticeo. *Baccho quicervo.*) Vino adstringēte. *Panibus teneris.*) Pani maxime triticeo, molli, & molliendi ui participant. *Cohibet.*) Arcet, lenit & mitigat. *Superaddita.*) Imposita et illita. *Querelas.*) Querelas, dolores & cruciatus. *Parua sabuci.*) Per hoc quod dicit parua, intelligit folia tenera & recētia siue coliculos ipsos teneros: nisi ad alteram speciem eius quæ chaimæactē est & ebulum, referre malueris. Sunt autem ambo genera eiusdem uirtutis. Siccant, adstringunt & refrigerant. Plinius libro 24. cap. 9. Podagris cum seuo hircino uehementer profunt sabuci cauliculi illiti. Dioscorides: Podagris opitulatur cum taurino hircinōue adipe emplastri modo imposita folia tenera & recentia. *Hircino seuo hirci.* seuo.) Adipe hircino, qui etiam adstringētis est uirtutis, autore Dioscoride. Nec modo cum sabuco podagris medetur, sed et egregia resoluendi potestate cum caprino simo et croco coactus impositusq̃ iisdem prodest, ut idem testatur Dioscorides. *Condita.*) Abscōdita & commixta. *Triticeæ farine.*) Cur tritici farina podagræ inflammationibus medeatur, eadem est ratio quæ iā paulo ante dicta est de pane. *Acido amne.*) Id est, aceto, quod adstringit & refrigerat et inflammationes arcet, autore Dioscoride: in quem usum etiā, ut ait, succidæ lanæ aut spongiæ inspergitur, & imponitur. Porro non est prætereundum ex eo exemplum ingens quod Plinius libro 23. cap. 1. refert: Si quidem M. Agrippa supremis suis annis conflictatus graui morbo pedum, cum dolorem eum perpeti nequireret, unius medicorum portentosa scientia, ignorante diuo Augusto, tanti putauit usu pedum sensuq̃ omni carere dum-

dummodo et dolore illo careret, demerfis in acetum calidum cruribus, in acerrimo impetu morbi euasit. Ea itaque uita conditio est, ceu idem Plinius libro 25. cap. 3. ait, ut mori plerumque etiam optimi portus sit: traditque Varro *Seruium Clodium* Seruium Clodium equitem Romanum magnitudine doloris in podagra coactum ueneno crura perunxisse, & postea caruisse sensu omni æque quam dolore in ea parte corporis: meminitque huius in libro de illustribus grammaticis Suetonius hijs uerbis quoque, Seruius cum librum soceri nondum editum fraude interceptisset, et ob hoc repudiatus pudore, ac tedio secessisset ab urbe, in podagræ morbum incidit, cuius impatiens ueneno sibi perunxit pedes, & enecuit ita, ut parte ea corporis quasi præmortui uixerit. *Manantes.*) Stillantes, hoc est, aceti mixtione humectata. *Nitidum.*) Splendidum, candidum & album. Est enim albi coloris ranarum caro cocta. *Rana decocta.* *Oleum ranarum.*) Hoc est, oleum in quo decocta est rana. Plinius libro 32. cap. 5. Podagris, articularibusque morbis utile est oleum in quo decocta est rana, & ipsarum intestina, & rubetæ cinis cum adipe uetere. *Viscum.*) Viscus dicitur pro prius quicquid sub corio & cute est, ceu caro, ossa, cor et reliqua exta. *Chelidonia.*) Valet hoc medicamentum in podagra quæ à frigidis oritur humoribus.

Sunt quibus apposita siccatur hirudine sanguis.

Non audita mihi sit fas, sed lecta referre,

Hoc quidam captus morbo per tempora messis

Vicino plantas frumenti pressit aceruo,

Euasitque grauem casu medicante dolorem.

Hirudine.) Corruptum enim sanguinem extrahunt, idque *Hirudo.* potentius quam cucurbitæ post cutis incisionem appositio. Sed de hirudinum usu quid Plinius dicat, audiamus, cuius uerba in naturali historia libro 32. cap. 6. sunt hæc: Hirudinum, quas sanguisugas uocant, ad extrahendum

sanguinem usus est: quippe eadem ratio earum quæ curbitarum medicinalium ad corpora leuanda sanguine, spiramenta laxanda iudicantur. Sed uitium quod admixtæ semel desiderium faciunt circa eadem tempora anni semper eiusdem medicinæ. Multi podagris quoque admittendas censuere. Decidunt satietate & pondere ipso sanguinis detractæ aut sale aspersæ. Aliquando tamen ad fixa relinquunt capita, quæ causa uulnera insanabilia facit & multos interimit: sicut Messalinum è consularibus patricijs cum ad genua admisisset. Inuehunt uirus remedio uerso, maximeque ruffæ ita formidantur. Ergo suggestia ora forficibus præcidunt, ac ueluti siphonibus defluit sanguis: paulatimque morientium capita se contrahunt, nec relinquunt. Natura earum aduersatur cimicibus, & suffitu necat eos. Hæc Plin. *Sanguis.*) Humor corruptus sanguini mixtus, qui & morbi causa est. *Non audita etc.*) Ponit nunc contra podagram remedium, quod non auditu tanquam fallaci, sed lectione & scripto tanquam ueraci relatione se habere dicit, ea enim quæ literis mandantur, ceu uera putantur: est autem remedium id quod Plinius etiam naturalis historiæ libro 22. capite 25. refert, inquit: Sextus Pompeius prætorij uiri pater, Hispaniæ Citerioris princeps, cum horreis suis uentilandis præfideret, correptus dolore podagræ, merfit in triticum sese super genua, leuatusque ficcatis pedibus mirabili modo hoc postea remedio usus est. Vis tanta est, ut cados plenos ficcet. *Quidam.*) Scilicet Sextus Pompeius. *Frumenti.*) Triticum maxime. Cum enim è frugum generibus frumenta etiam sint uaria & non unius generis, ceu triticum, hordeum & alia, hic per frumentum intelligitur triticum maxime. *Prestit.*) Impressit & immerfit imposuitque.

VVLNERIBVS FERRO AVT VERBERIBVS FACTIS.

CAPVT XLII.

NATURA E uitijs medicas obieciſmus artes:
Nunc & fortunæ ſaculis obſiſtere par eſt.

VLNERIBVS.) Inter morborum gene- *Continuitatis*
ra eſt & ipſa continuitatis ſolutio, in omnibus *ſolutio.*
animalis partibus incidens, ſed quæ in diuerſis
partibus diuerſa quoque ſortitur nomina, de
quibus copioſe Galenus in libris therapeutices. Porro in
ter eas una eſt quæ in carne fit: & hæc itidem duplex. Nam *Vlcus.*
aut ulcus eſt, quod per ſe naſcitur & intra ſeipſum corrū-
pitur, aut etiam ex præcedēte uulnere quoquo modo pu-
treſcente generatur, de cuius curatione infra capite pro-
prio agetur. At uulnus eſt quod extrinſecus cæſum percuſ *Vulnus.*
ſimū acuto telo, ſaxo aut ſimili aliquo incidit corpori.
Diciturq; eſſe ex uulnerando in carnoſa parte relicta con-
tinuitatis ſolutio, hoc eſt, hians patenſq; extrinſecus in
carnoſa corporis parte, ferri aut lapidis aut alterius ſimi-
lis alicuius rei iſtu & uulneratione facta apertura. Nam
quæ citra uulnerationem fit, non uulnus ſed ruptio, Græ-
ce rhegma dicitur. Fiunt aliquando & animalium uene- *Ruptio, rheg-*
noſorum morſu aut iſtu uulnera, de quibus etiam pro- *ma.*
prijs ager capitibus autor. Præſenti uero capite ſolum de
his tractat quæ aut telorum & acutarum rerum iſtu, aut
grauiorum durorumq; contuſione fiunt. *Ferro.)* Per
ſerrum intelligit tela, enſes & omnia acuta quæ ad ſecan-
dum ſunt habilia. *Verberibus.)* Per uerbera intelligit la-
pides, ligna & omnia grauia atq; dura, quæ contunden-
do unitatem ſoluunt. *Natura uitijs.)* Id eſt, morbis natura *Natura uitia.*
libus, hoc eſt, qui exiſtentiæ & originis ſuæ principium in *Morbi na-*
tra naturam, hoc eſt intus in corpore humano ex humo- *turales.*

rum, è quibus constituitur, corruptione habent: & quibus in corporis partibus certæ sedes assignantur. *Medicæ artes.*) Remedia salutaria ex medicinæ arte depròpta. *Obieciimus.*) Opposui, & quibus amoliri curariq; possint, ostendimus. *Nunc.*) Scilicet capite præfenti & aliquot sequentibus. *Fortune iaculis.*) Hoc est, casibus & effectibus corpori extrinsecus fortuito per tela, enses, saxa, aut id genus iacula alia illatis. *Iaculum enim dicitur quicquid in longum iaci potest. Fortuna uero accidentium rerum subitus atq; inopinatus euentus est: sic dicta à ferendo, quod temere & sine ratione feratur. Pæ.*) Aequum, conueniens ac decens.

*Iaculum,
Fortuna*

Sí cui forte lapis teneros uolauerit artus,
Necte adipēs uetulos & tritam chamæcissōn,
Nec pudeat luteæ stercus perducere porcæ,
Sin autem sæuo laceratū est uerbere corpus,
Tunc ex lixiuio ceras dissoluis & oua
Admixtoq; oleo uibices comprimit atras.

Violauerit artus.) Hoc est, membris & corpori uim intulerit & uulnerauerit. *Necte.*) Annecte & uulneri superligato. *Adipēs uetulos.*) Et hoc præsertim si immundum sit uulnus: purgat enim Celso teste libro 5. Qui etiam quanto uetustior, tãto utilior: siue salitus sit, siue nō. Inueteratur enim Plinio libro 29, capite 9. autore, duobus modis, aut cum sale, aut syncerus. *Chamæcissōn.*) Chamæcissos est hederæ terrestris, cuius uirtus est siccans, quare et uulneribus nō inutilis. Siccatio enim totius uulnerum curationis est finis, autore Hippocrate in lib. de uulneribus, dum inquit: Quodcunq; uuln⁹ cõsim percussim uē acuto telo est diuissum, medicamentū enhæmō & siccās aliquid, quod superare uetet, admittit. Siquidem uulneris qua uulnus est sanatio, uti therapeutice libro 3. & 4. Galenus prodit, mediciocris siccatio est: ut & si qua sanies subsit, hæc cõsumatur: & si qua in uacuum locum influxura est, hæc prohibeatur

Adipēs uetus.

*Chamæcissos.
Hederæ terrestris.*

beatur. *Lutea.*) Rutilæ & crocæ siue cerinæ à colore.
 Color enim is maiorem temperamēti siccitatem indicat.
Stercus porce.) Idem testatur Plinius naturalis historiæ lib.
 20. cap. 10. inquit: Fimum recens suum uel inueteratū
 farina illinitur uulnerib⁹ ferro factis. *Sano uerbere.*) Forti
 & uehementi percussione. *Lixiuio.*) Lixiuuium est aqua
 in qua lauandi gratia decoctus est cinis, hoc est, puluis in
 quē materia usta redacta est & lix dicitur. Plin. Ad cōuulsa
 uiscera aut contusa, ut M. Varro autor est: ipsis enim uer
 bis eius utar: Lix cinis, inquit, est foci. Inde enim cinis
 luxatis potus medetur, ut licet uidere gladiatores, quum
 deluserint hac inuari potione. Hæc ille. Dioscorides lib.
 5. cap. 89. Fit ex cinere lixiuia, cuius usus est contra lapsus
 præcipitationesq̃. *Cera.*) Cera duricias mollit & discu
 tit: estq̃ materia emplastrorū. *Oua.*) Præsertim album
 eius: quod lib. 5. Celsus inter ea quæ uulnera glutinant,
 connumerat. Et Plinius lib. 29. capite 3. aliorum opinio
 nem referens inquit, Aiunt & uulnera cādido glutinari.
 Idē maxime crudo, teste Dioscoride libro 2. cum inquit:
 Quod cādido in ouo est crudum refrigerat & glutinat.
Oleo.) Præsertim ueteri, quod magis discutit. *Vibices.*) Vi
 bices dicūtur plagæ uerberū & percussionū in corpore hu
 mano factæ. Sic dictæ quod ui fiant. Plagæ uero quædam
 sunt apertæ, & harum aliz recentes ut uulnera recentia:
 aliz ueteres, ut ulcera putrida sanieq̃ purulenta fluentes.
 Quædam autem sunt clausæ, quarum aliz sunt notæ tan
 tum collecti ex uerbere sanguinis & citra tumorem etiam
 quæ liuores dicuntur: alię uero cum tumore, ut tumentia
 ulcera & tumores qui ex uerbere collecto in unū sangui
 ne fiunt, quamuis & citra uerbera in corpore tumores
 nascentur.

Si uero infrenus manat de uulnere sanguis,
 Purpura torretur conchilis perlita fuco,
 Huius uis cineris currentem detinet undam.

Infrenus.) Impetuosus, immodicus & multus atq; superfluens, qui periculum secum ferre solet. Vnde Celsus ait: Vbi aliquis ictus est, qui seruari potest, protinus prospicienda duo sunt, ne sanguinis profusio, neue inflammatio interimat. Si profusionem timemus, quod ex sede vulneris et magnitudine eius & ex impetu ruentis sanguinis intelligi potest, siccis linamentis vulnus implendum est. Et tale nunc nobis proponit Serenus. *Purpura.*) *Purpura* proprie piscis est ex genere concharum, cuius sanie siue cruore tinguntur lanæ nigrantis rosæ colore. Accipitur tamen aliquando pro colore ipso à matre sic dicto. Potest item & pro lana eo colore tincta accipi, siue pro uellerib⁹ quæ in marinis purpuris stupparum imagine sunt, ab alijs quibus tomenta uocata, ab alijs licia, ab alijs fimbriæ, ab alijs stuppæ aut uilloitates, Græci *κροκώδης* nuncupant. Reperiuntur siquidem in purpurarū genere quæ superiore sui parte uillosæ sunt, tam tenui & sequaci uellere ut in filum lini modo trahi & confici possit. Et siue de hoc siue pecoris uellere purpurarum sanguine tincto loqui intelligatur autor, medicamentum efficax comprobabitur. De priore testimonium nobis exhibet Dioscorides libro 2. capite de lanis, dū id in eundē medicinę usum lanarum modo cremari prodit. De posteriore idem testatur autor hic mox post & infra capite penultimo. Ceterum non solum huiusmodi uellera tali sanguine infecta & cremata sanguinis fluorem sistere possunt, sed & ipsa tota purpurę piscis substantia cremata, hoc est, testæ & carnis ipsius cinis. Vnde Auicenna Canonis libro 2. de ostraco purpureo adusto loquēs, Ostracum, inquit, cum carne sua confert uulneribus. Siccatur enim purpurarum cinis & constringit, autore Dioscoride. *Torretur.*) Aduritur & in cinerē redigitur. *Conchilis.*) Scilicet purpurei. *Perlita.*) Infecta & tincta. *Fuco.*) Colore & sanguine. Fucus herbę genus est tingēdis lanis aptū: Græci *φύκον* uocāt. Accipit aut & pro colore ipso arte addito. *Vndam.*) Sanguinem. *Verrucæ*

Purpura.

Purpurarū

tomenta,

Licia,

Fimbriæ.

Stuppæ,

Villoitates.

κροκώδης.

Fucus.

Verrucæ quoq; defectæ frenare cruorem
 Dicitur ambustus Tyrſo de uellere puluis.
 Præterea nimios referati uulneris amnes
 Fœniculi cinis adſtringit, uel ſimbrîa porri,
 Siue ſimus manni cum teſtis uritur oui,
 Et reprimiſt fluidos miro medicamine curſus.

Verruca.) Verruca eſt caruncula & tuberculum corporis *Verruca*
 eminens, cuius ſectæ ſanguis ſuo contactu alias quoque
 naſci facit: è quarum etiam ſectiōe ſanguis aliquando
 immoderatus fluere ſolet, cui fluctiōi nunc præſenti ca-
 pite mederi docet Serenus. Quo pacto autem ipſæ radici
 tus extirpandę ſint, docebit idem infra capite penultimo,
 ubi & hanc medicinam repetit. *Frenare*.) Compescere &
 conſtringere. *Ambustus puluis*.) Hoc eſt, cinis. *Tyrſo uel-*
lere.) Lana Tyria purpurarũ ſanie infecta. Sic dicta à lo-
 co ubi fit purpura: apud Tyrum enim optima tingeba-
 tur purpura. Eſt autem Tyrus præclara Phœniciz urbs, *Tyrus*,
 quæ & Sarra dicebatur. Vnde Sarranum oſtrum uocat *Sarra*.
 Vergilius, hoc eſt, Tyrium. Huius urbis in ſacris literis
 ſæpe percelebris fit mentio. Eſt autem uicina Iudææ, ſita
 ad aquilonem uerſus occidentem. Fuitq; olim, ut Plinius
 lib. 5. cap. 10. ſcribit, in ſula præalto mari ſeptingentiſ paſſi-
 bus diuiſa. Nunc uero Alexandri oppugnantis operibus
 continēs. Olim partu clara, urbibus genitis, Lepti, Vtica,
 & illa Romani imperij æmula, terrarum orbis auida Car-
 thagine, etiam Gadibus extra orbem conditis. Nunc om-
 nis eius nobilitas conchylio atq; purpura conſtat. Sed
 plura de Tyro Curtius libro 4. & Strabo libro 16. qui in-
 ter alia quoq; ait Tyrum poſt euictas calamitates ſuas, ſe-
 ipſam tum nauigando tum purpurarum piſcatu inſtaur-
 aſſe. Tyria enim purpura optima omnium perhibetur.
 Eſtq; ſanguini ſiſtendo cæteris magis accommoda: ha-
 bet enim adſtringēdi uim reliquis tenuiorē, ut tradit Ga-
 lenus therapeutice libro 8. quare cæteris etiam præſtat.

VVLNERIB. QVIBVSC.

Fœniculi.
cinis.
Fimbria.

Fiber.
Porrum.

Finus equi.

Manni.

Eius enim uirtus, siccando, calefaciendo, ac robur infere-
rendo, corpora alte penetrare potest, ob quod & effica-
cior habetur. *Nimios amnes.*) Hoc est, sanguinis fluxum
ex uulnere superfluentem. *Fœniculi cinis.*) Præsertim stipi-
tum. Siccantis enim uirtutis est & adstringētis. *Fimbria.*)
Fimbriæ uestimentorum & aliarum rerum extremitates
dicuntur, à fibro quod antiqui, ut M. Varro testatur, ex-
tremum dicebant. Vnde & in iocinore & pulmone fibræ
dictæ, partes extremæ. Et fiber animal quod circa flumi-
num oras extremas uersetur. *Porri.*) Porro adstringēdi
& sanguinem supprimendi uim esse, testantur etiam Dio-
scorides, Plinius & Celsus. Vnde & uulneribus imponi-
tur. *Finus manni.*) Idem testatur Plinius libro 30. capite 9.
dicens: Si ex uulnere immodice fluit sanguis, fimi caballi
ni cum putaminibus ouorum cremati cinis impositus
mire sistit. Sunt autem Manni, equi & caballi. Seneca in
libro epistolarum moraliū: Ita non omnibus obesis man-
nis & asturconibus & tollutaribus præferes illū unicum
equum ab ipso Catone defrictum.

VVLNERIBVS QVIBVSCVN- QUE CASIBVS FACTIS.

CAPVT XLIII.

T A M multa humanæ sunt uulnera conditionis
Ut nequeam proprias cunctis adscribere curas,
Iisdem igitur monitis casus armabimus omnes,
Sic tamen ut nullus medicinam eluserit error.
Ergo modus quiscunq; obtingit uulneris atri
Contritus cum melle dabit medicamina bulbus.
Herbaq; quæ folijs nomen de mille recepit
Appositu prodest adipi permixta uetusto.

Qui



VIBVSCVNQVE casibus.) Id est, quacumq; occasione, siue incidendo, siue contundendo, siue rumpendo, siue quomodolibet aliter fiant. *Tam multa.*) Hoc est, plurima et varia

Vulnerū uarie differentie.

atq; diuersa: alia enim secando, alia percutiendo aut contundendo, alia rumpendo aut aliter fiunt: & quocumque casu fiant, sunt etiam uariæ ipsorum differentia, ceu magnum, paruum: æquale, inæquale: summū, profundum: rectum, curuum, & si quæ sunt alia. *Humanae conditionis.*)

Conditio.

Sortis humanæ, & quæ in humano corpore contingūt. Conditio enim dispositio quædam est & ueluti fors fortunarum, temporum & rerum. *Vt nequeam prop.*) Scilicet

propter laborem frustraneum: frustra enim & superuacaneum esset unicuiq; differentia propriam speciatim & seorsum adscribere medicinam, cū omnes una & eadem possint curari. *Cura.*) Hoc est, curandi modos & medicamenta. *Monitis.*) Admonitionibus, documentis, curationibus & medicamentis. *Casus.*) Vulnera cuiuscun-

que sortis aut conditionis fuerint. *Armabimus.*) Instruemus & curabimus. *Cum melle bulbus.*) Plin. libr. 20. cap. 9.

Bulbus.

Bulbi uulneribus mire profunt per se: aut, ut Damion, ex mulso, si quinto die soluantur. Dioscorides libr. 2. contusis emplastri modo impositos prodesse ait. Vulnera enim glutinant, uti Celsus testatur. *Herba folijs etc.*) Hoc est, *Millesfolium*, quod Plinius etiam magnifici usus ad uulnera testatur libro 24. cap. 16. imò & obscenarum partium ulceribus mire subuenit, ceu supra capite 35. Serenus etiam tradit.

Millesfolium.

- 1 Succida cum tepido connectit lana lyæo:
- 1 Ambustæ uel cinis complebit uulneris ora,
- 1 Concludit uero uel frons uel ramus ab ulmo.
- 1 Aut succis hederæ pulchrefcit fœda cicatrix.

Succida lana.) Quid sit lana succida, dictum est in superio-

Lana succida,

ribus. Hæc Dioscoride libro 2. teste, uulneribus à principio statim ex aceto, oleo, uino uel utiliter imponitur, contusis itidem, desquamatis, liuoribus, fractisq; ossibus. Plinius item lib. 29. cap. 2. Ex uino, inquit, uel aceto, uel aqua fracta et oleo aspersa, uulnera sanat. Idq; glutinando ipsa, uti libro 5. tradit Celsus. *Conneſcit.*) Colligat & glutinat uulnera. *Ambuſtæ cinis.*) Scilicet lanæ. Idem testatur Plinius ubi supra dicens: Cinis eius illinitur attritis, uulneratis. Nec modo uulneribus sed & ulceribus est utilis. Nam, ut Dioscorides tradit, cremantur lanæ, crematarumq; cinis ignis modo crustas inducit, carniū excreſcentias cohibet, & ad cicatricē ulcera perducit. In quem usum purgantur prius lanæ, carptæq; in crudo fœdili quæ admodum & alia cremantur. Sunt & alij cremandi modi, quos breuitatis causa nunc omitto. *Complebit uul. ora.*) Id est uulnera perficiet & ad cicatricem perducet. *Concludit.*) Claudat, consolidat & conglutinatatque perſanat. *Frons.*) Folium. *Ramus.*) Per ramum intelligit tum totam sui substantiam, tum corticem ipsum crassiorem, tum corticis tiliam, ut Plinius uocat, hoc est, corticem interiore & tenuiorem, qui lentus uitilium modo in uincula facile flectitur: quiq; folijs multo magis uulnera glutinat pro uinculo & fasciola eisdem circūuolutus, autore Dioscoride. *Vlmo.*) Vlmo nota arbor est, cuius folia, cortex et rami adstringunt, uti libro primo testatur Dioscorides. Et Plinius libro uigesimoquarto, capite octauo, inquit, Vlmi & folia & cortex & rami uim habent spissandi & uulnera contrahendi. *Succis hedera.*) Idem testatur Plinius libro uigesimoquarto capite decimo dicens, Cicatricibus quoq; decorem facit hedera. Imò et adstringente ui sua uulnera consolidat. *Cicatrix.*) Est signum et macula, quæ ex uulnere siue ulcere remanet. Et inde cicatricare dicitur pro cicatricē inducere, & cicatricosum quod plenum est cicatricibus.

Lanarum.
cinis.

Corticis
tilia.

Vlmo.

Hedera.

Cicatrix.
Cicatricare
Cicatricosum.

HOMINIS AC SIMIAE

MORS VI.

CAPVT XLIIII.

SIVE homo, seu similis turpissima bestia nobis
Vulnera dente dedit, uirus simul intulit atrum,
Vetonicam ex duro prodest assumere Baccho,
Necnon & raphani cortex decepta medetur,
Si trita admorsis fuerit circumlita membris.



HOMINIS.) Inter morsus uenenosos ponitur & hominis morsus ab autoribus, idē salu-
uæ morso uulneri illatæ causa: non obstante
quod natiui caloris uestigium quo cibi coctio-
nem adiuuat, obtineat salua. Verum quia alter alteri tem-
periem habet haud conformem, hinc fit, ut aiunt, quod
salua unius scilicet mordētis, alteri morso sit noxia et ue-
nenosa. Et Plinius libro 29. cap. 4. inter asperrimos uel ho-
minis morsum numerari testatur. Qui etiā perniciosior
est si à ieiuno infertur. Nā, ut Auicēna sexta quarti, tract.
4. cap. 2. prodit, Deterior morsus est ille qui est à ieiuno
siue sit homo aut non homo. Et maxime etiam si ieiuno
inferatur. Hinc Celsus libro 5. de serpentium morso tra-
ctans, & noxæ huius nos admonens ait: Illud ignorari
nō oportet, Omnis serpentis ictum & ieiuni et ieiuno ma-
gis nocere, ideoq; perniciosissimæ cum incubant. Vtilissi-
mumq; est, ubi ex anguibus metus est, non ante progre-
di quā quis aliquid assumpsit. Cæterum hominis sali-
ua, sed morso illata (nam et aliās contra morbos amolien-
dos uim obtinet, ceu supra cap. 11. habitum est, efficacem,
& idem ex Plinio libro 28. cap. 4. satis patet,) nō modo ho-
mini noxia est, sed & contra serpentes ueneni uim obti-
net. Quod Plinius etiam libro 7. cap. 2. non ignorans ait

Morsus homi-
nis.Morsus ieiunī
nocentior.

Salua hominis.

Om nibus hominibꝫ contra serpentes inest uenentum.
 Feruntqꝫ istas salua ut feruentis aquæ contactu fugere.
 Quod si in fauces penetrauerit, etiam mori. Idqꝫ maxime
 Simia. humani ieiuni oris. *Simia.*) Simia notum est animal, ad
 hominis figuram proximè accedens. Earum plura sunt
 genera: de quibus & moribus earum Plinius in nat. hist.
 libr. 8. cap. 54. sic scribit: Simiarum quoqꝫ genera homi-
 nis figuræ proxima caudis inter se distinguuntur. Mira
 solertia, uisco inungi, laqueisqꝫ calceari imitatione ue-
 nantium tradunt. Mutianus & latrunculis lusisse, fictas
 cæra, acies uisu distinguere: Luna caua tristes esse, quibus
 in eo genere cauda sit: Nouâ exultatione adorare. Nâqꝫ
 defectum syderum & cæteræ pauent quadrupedes. Si-
 miarum generi præcipua erga foetum affectio. Gestant
 catulos quæ mansuefactæ intra domos peperere, omni-
 bus demonstrant, tractariqꝫ gaudent, gratulationem in-
 telligentibus simijs. Itaqꝫ magna ex parte complectendo
 hæcât. Effratior cynocephalis natura, sicut saturis. Cal-
 litriches toto pene aspectu differût. Barba est in facie, cau-
 da late diffusa primori parte. Hoc animal negat uiuere in
 aliquo, nisi Aethiopiæ, quo gignitur cælo. Hactenus Pli-
 nius. Quod aut simiarum morsus sit noxiu, testis est non
 modo hic Ser. sed et Celsus, qui omnē ferè morsum uirus
 quoddâ habere adstruit: et inter uenenosos morsus simia-
 rum quoqꝫ morsum cõnumerat dicens: Dixi de hjs uul-
 neribus quæ maxime per tela inferuntur. Sequitur ut de
 hjs dicam, quæ morſu fiunt: interdum hominis, inter-
 dum simiæ, sæpe canis, nonnunquam ferorũ anima-
 lium, aut serpentium. Sed cur simiarum morsus inno-
 cuus censeretur, cum hominis morsus uel inter asperri-
 mos habeatur, autore Plinio? Et cū quod minus uidetur
 inesse, cur etiam non id quod magis? ut loquũtur Logici.
 Bestia homi- *Morsus.*) Morsus est dentium læsio. Et mordere, est denti-
 nis simili, bus lædere. *Similis bestia nobis.*) Hoc est, simia. Nam, ut Pli-
 nius libro 11, capite 44, ait; simiarum genera perfectâ ho-
 minis

minis similationem continent, facie, naribus, auribus, palpebris. Quæ solæ quadrupedum & inferiorem habent genam, iam mammæ in pectore, & brachia, & crura in contrarium flexa. Similiter in manibus ungues, digitos, longioremq; medium. Pedibus paulum differunt. Sunt enim ut manus prælongi, sed uestigium palmæ simile faciunt: ijs quoq; podex & articuli ut homini, & præter genitale tantum: & hoc in maribus. Viscera etiam interiora omnia ad exemplar. *Virus atrum.*) Venenum noxiū atq; letale. *Simul intulit.*) Vnā cum morfu in uulnere morfo reliquit. *Vetonicam.*) Quoniam maxima pars uenenorum frigore interimit, autore Celso: ideo cōtra ea medicamentis maxime opus est quibus calor mouetur, ne humorem intus coire patiātur. Similiter utilia sunt ea quæ extenuant, qualia sunt quæ urinam mouent. Cuiusmodi uires obtinet uetonica, quare & uenenatis morsibus ex uino pota medetur: idq; non hominis aut simiæ tantum, sed serpentium quoq; uti sequenti capite testatur Serenus. *Duro Baceho.*) Vino austero, quod urinam pellit & uires firmat. *Raphani cortex.*) Raphanū contra uenenatos morsus uim habere, idq; ex posca uel aceto mulso, testantur etiam Plinius & Dioscorides: quamuis hic ad uiperarum solum, ille generalius ad serpentium morsus uim hanc contrahat. Eadem autem est huius medicinæ ratio quæ de Vetonica iam dicta est: & autor utraq; etiam contra serpentium morsus utitur capite sequenti.

Vetonica.

Vinum austerrū.

Raphanum.

SERPENTVM MORSIBVS

ET VIPERAE VIRVS EX-
cludendis.

CAPVT XLV.

CYSPIDE nō quisquā, longæ neq; cede sarissæ,
Fulmine non gladij, uolucris nec felle sagittæ.

SERPENTVM MORSIB.

Quàm cito uipereo potis est affligier ictu:
Quare aptam dicamus opem, succosq; medentes.

Serpentiū plu-
ra genera.



ER PENTVM.) Serpentū plura sunt ge-
nera. Quēdā enim magis noxię sunt: ceu aspia,
cerastes, dispas, hæmorrhoids, chelydrus, scyta
le, basiliscus, & id genus alia, quæ calidissimis
ceu India, Aethiopia, Aegypto, Aphrica & similibus com-
morantur regionibus. De hijs & earundem morsus notis
plura Lucanus libro 9. Quædam uero sunt minores &
minus terribiles, ceu uipera, boa, cecilia, anguis & reliquę
Italix frigidarumq; regionum serpentes. Et hoc serpen-
tium discrimen Celsus quoq; nō obtricit lib. 1. Postquam
enim speciales pestiferarū curationes tradidit, sicut: Ve-
rum hæc genera serpentium & peregrina & aliquāto ma-
gis pestifera sunt, maximeq; æstuosis locis gignuntur. Ita-
lia, frigidioresq; regiones hac quoq; parte salubritatem
habent, quod minus terribiles angues ædunt. Verū quia
serpentium omnium morsus, eodem Celso autore, non
nimium distantem curationem desiderant: quamuis in
ea multum antiqui uariarunt, ut in singula genera angui-
um, singula medendi genera præciperent, atq; alijs alias
sed in omnibus eadem maxime proficiunt. Hinc Sere-
nus quoq; curationes cōmunes aduersus omnes morsus
quorumcunq; serpentium promiscue tradit: excepta sola
aspide, cuius morsus aliās incurabilis habetur: nec per ui-
peram propriam speciem illā sic dictā, sed generatim oēs
serpentes intelligit. Docetq; non modo factis iam morsu-
bus mederi sed & à futurorum ueneno præcauere. Sed
antequam hæc agat, Primū quā noxię sint huius mor-
sus & ictus, ostendit, asserens illos nocentiores esse omni-
bus quæ extrinsecus corpori occurrentia ipsum lædunt.
Et Plinius libro 11. capite 9. serpentium ictum pessimum
asseuerat dicens: Ordiendum à malorum omnium pes-
simo, id est serpentium ictu. Porro aduersus serpentium
ictus

ictus et morsus curationes tum communes tum speciales
 copiosius repperies apud Dioscoridem lib. 6. & Celsum
 libro 5. *Vipera uirus.*) Quid sit uipera, quid uirus, dictum
 est supra. Hic tamen uirus pro ueneno accipitur: uipera
 uero non solum pro proprie sic dicta serpente, sed & pro
 omni alia serpentum specie. *Cuspide.*) Hastæ summitate
 acuta. *Cuspis* enim & hastam significat, & hastæ summi-
 tatem. *Non quisquam.*) Non aliquis, nemo. *Longe sarisse.*) *Sarissa.*
 Sarissa est hasta prælonga Aelianus in Tarticis, Sarissa est
 lancea qua utitur phalanx Macedonica, longitudine 14.
 cubitorum, quorum duo manus continent, reliqua duo
 decim prominent. *Σουίδαας Σαρίσας ἑὶς τοῦ ἀκοντίου ἔστιν ἰνικόν,*
διότι μακρὸν παρὰ μακρόσσι. Et Liuius: Prælongas hastas *Sarissophori.*
 Macedones Sarissas uocant. Hinc Sarissophori qui saris-
 sas gestat dicti. *Cade.*) Percussione & uulneratione. *Cæ*
Cades. des proprie mors est, ferro aut alia re exteriori et ui illata.
Fulmine.) Fulmen proprie est exhalatio inflammata & in-
 censa quæ de nube elisa deorsum eiacularur & ruit, cuius
 duæ sunt species, de quibus Aristoteles Meteororum lib.
 1. cap. 7. & 8. Hic tamen pro ictu & uulneratione accipitur.
Gladij.) Gladius est ensis qui & spata dicitur & mucro, *Gladius.*
 quamuis mucro pro teli cuspide aliquando accipiat. *Mucro.*
Volucris.) Velocis, pernicious. *Felle sagittæ.*) Hoc est, uene-
 no sagittarum. Solebāt enim antiquitus populi quidam *Sagittarum*
 ceu Arabes & Indorum quidam, Galli itē & Scythæ ue-
 neno tingere sagittas. De Indis habes apud Paulū Oro-
 sium lib. 3. ubi scribit Alexādrum in expugnatione ciuita-
 tis cui Ambira rex erat, magnam partem exercitus sagit-
 tis hostium ueneno illitis amisisse. Gallorum qui sagittas
 elleboro collinebant, meminit Celsus libr. 5. hīs uerbis,
 Venenum serpētis, ut quædam etiam uenatoria uenena,
 quibus Galli præcipue utuntur, non gustu sed in uulne-
 re nocent. Ideoq; colubra ipsa tuto estur, ictus eius occi-
 dit. Et Plinius libro 25. cap. 5. Galli, inquit, sagittas in ue-
 natu elleboro tingunt, circumcisoq; uulnere teneriorem

sentiri carnem affirmant. De Scythia uero sic scribit Plinius: Scythæ sagittarum ungunt aciem uiperina sanie & humano sanguine. Irremediabile id scelus, mortem illico adfert leui tactu. Et hoc fortassis Serenus nobis insinuat & proponit, uolens per id nobis ostendere serpentium ictu illatum uenenum omni alio extrinsecus illato magis noxium pestiferumq; esse, etiam si Scytharum sagittis ueneno tinctis inferatur, quod tamen leui tactu mortem illico adfert. Cæterum sagitta iaculi genus est quod arcu emittitur: sic dictum quod satis longe siue sagaciter mittitur. Per fel autem uenenū intelligit autor. *Potis est.*) *Potest.* *Affligier.*) Pro affligi. *Aptam opem.*) Auxilium et medicamenta conuenientia atq; utilia. *Succos medentes.*) Medicinas salutiferas ex herbarum succis & alijs liquoribus confectas.

Sagitta.

Quæ nocuit serpens, fertur caput illius apte
Vulneribus iungi, sanat quæ sauciat ipsa,
Vt Larissea curatus Thelephus hasta,

*Serpentis
medicina.
Serpens sibi
ipsi reme-
dio.*

Que nocuit serp. &c.) Quæ morfu uel ictu uenenum letiferum intulit. Idem testatur Plinius nat. hist. lib. 29. cap. 4. hijs uerbis: Viperæ caput impositum uel alterius quàm quæ percusserit, sine fine prodest. Et paulo post, Constat, inquit, cōtra omnium serpentium ictus quamuis insana biles ipsarum serpentium exta imposita auxiliari. *vt.*) Quemadmodū. Et per hoc uult probare id quod dixit, Sanat quæ sauciat ipsa: hoc est, quod eadem res quæ nocumentum intulit, idem etiam amoliri & mederi possit. Et huius gratia exemplum subiungit de Thelepho qui eadem hasta ab Achille letaliter uulneratus fuit et persanatus, ut fabulatur poëtæ. *Larissea.*) Achillea. Larissa Thesaliæ ciuitas, quam Pensilem & Pelasgiam cognomināt, à qua Larisseus dictus est Achilles. Sunt & aliæ eius nominis ciuitates in diuersis locis, de quibus plura Strabo geographiæ lib. 9. & 13. *Telephus.*) Telephus ab Achille letaliter

Larissa.

Telephus.

letaliter uulneratus, Apollinem de remedio consulit: & accepto responso, nisi rursus ab eodem uulneretur, liberari eum non posse, rursus concreditur & eodem loco uulneratur, sicq̃ sanitati restituitur. Et hæc est quam auctor nobis proponit fabulam, cuius & Ouidius meminit, Vulnus Achilleo quæ quondam fecerat hosti, Vulneris auxilium Pelias hasta tulit, Ortum autem habuit figmentum hoc poëticū, ex eo quod Achilles ferri rubigine Telephum sanasse dicitur, ut refert Plinius nat. hist. libro 34. cap. 15. hijs uerbis: Est & rubigo ipsa ferri in remedijs, & sic Telephum proditur sanasse Achilles, siue id ærea siue ferrea cuspidē fecit. Ita certe depingitur ex ea decutiens gladio. Vis eius ligare, siccare, restringere. Meminit eiusdem idem libro 25. cap. 5. sic: Inuenit & Achilleon Achilles discipulus Chironis, qua uulneribus mederetur, quæ ob id Achilleos uocatur, hac sanasse Telephum dicitur. Alij primum æruginem inuenisse utilissimam emplastris, ideoq̃ depingitur ex cuspidē decutiens eam gladio in uulnus Telephi. Alij utroq̃ usum medicamento uolunt. Ceterum quia cuspidē & uulneratus et sanatus dicitur, hinc adagio locus factus est de eo qui uulnerauit, idemq̃ persanauit, ut dicatur *ὁ ὀφθαλμὸς καὶ ἰάσεται*. Et hinc etiam *Adagio.* quæ multæ malignitatis sunt uulnera & quibus saluari Achillis manu opus sit uulnera, Telephia appellantur: quemadmodum & Chironia quæ curam uix admittant & Chironem aliquem desiderant, autore Paulo Aegineta medicinæ libro 4.

Proderit & caulem cum uino haurire sabuci,
Aut coctum raphani librumq̃ tritumq̃ ligare,
Siue etiam excelsa folium de mole cupressi.
Manauit lactans caprifici succus ofellam,
Aut tithymallus atrox, uulnus quæ trita perungat.

caulē sabuci.) Quod de caule sabuci tradit Serenus, id Dio *Sabucum.* scorides libro 4. de radice testatur & Plinius lib. 24. cap. 8.

Raphani
cortex.

de folijs, idēq; minoris fabuci. Sed nihil refert, omnia enim eiusdē sunt uirtutis. Apuleius capite de ebulo ex magica ostentatione precationē annectit, cui tamē nos ultimum uale dicemus. *Raphani librum.*) Corticem raphani præsertim fatiui, qui & radícula uocatur à Romanis. Plinius simpliciter fatiuos raphanos sed in posca decoctos contra serpentium morsus illini tradit. Dioscorides uero lib. 2. corticem ex melle impositam uiperarum morsibus succurrere. Semen uero contra cerastæ morsus cum uino uti liter bibi. Et libro 6. ubi contra uiperæ morsum ponit remedia, sic ait, Succurrit raphani tam diu tusus cortex, ut quàm maxime concisus sit: impositus loco & uulneri. *Ligare.*) Scilicet super uulnus morsum. *Excelsa mole.*) Ar-

Cupressi.

bore procera & alta atq; magna, ut quæ asseres & ualuas etiam exhibeat. *Folium cupressi.*) Idem testatur Plinius libro 14. cap. 5. dum ait, Cupressi folia trita serpentium ictibus imponuntur. Imò, ut idem paulo post dicit, Cupressi pilulæ quoq; aduersus serpentium ictus bibuntur etiam.

Manare.

Manauit.) Manare est stillare, cum scilicet ex integro sed nō satis solido per minutissimas partes stillat. Res autem quæ manat hic in accusatiuo ponitur, quemadmodum apud Plinium libro 14. Arborum succo manantium picem resinamq; alia ortē in oriente, alia in Europa feruntur. *Lactans*) Hoc est lacteum succum & liquorem reddens. *Caprifici succus.*) Lachryma & humor siue liquor

Caprifici.

fici agrestis, quem & lac à candore uocant. Caprificus est ficus syluestris, de quo Plinius libro 17. cap. 19. Huius lac scorpionum ictibus uulneri instillatum, canumq; morsibus, & omnibus quæ morsu ictū uenenum relinquūt, succurrit. Potest eadem ex teneris caprifici coliculis expressus succus cum nondum erumpente gemma quasi prægnantes sunt. In quem usum tunduntur & exprimuntur, expressusq; succus in umbra siccatus seruatur, autor Dioscorides. *Osella.*) Osella diminutiuum est ab ossa, quemadmodum et ossula. Sunt autem ossæ informes massæ

Osella.
Ossa.
Ossula.

massæ & exiguæ in frustra sectiones. Vnde Serenus offellam hic pro succi desiccati massa & frustis accipit. Cæterum offulas pro esca scitissimi saporis accipiunt, cuius uarios conficiendi modos conscribit nobis Apicius culinariæ artis libr. 7. Huiusmodi offulam quampiam intelligit Claudius dum inquit apud Suetonium: Rogo uos quis potest sine offula uiuere. Sunt item carnis frustra offæ & offulæ dictæ. Columella libro 11. de falsura suillæ carnis: Caro in libralia frustra conciditur, deinde in seriam substernitur sal coctum, sed modice infractum, deinde offulæ carnis spisse componuntur, & alternis sal ingeritur. Ad hæc offa pultem significat & quicquid in pulvis modum est redactum. Cicero: Cum igitur offa iam cecidit ex ore pulli, tum auspicanti tripudium solistimum nunciatur. Accipitur etiam pro cibo quocunq;. Vnde prouerbio dicitur, Inter os & offam, hoc est, inter os & cibum. Meminit huius A. Gellius Atticarum noctium libro 13. cap. 16. *Tithymallus*.) *Tithymallus* herba est, quæ & lactaria & marina siue caprina lactuca appellatur. Cuius Theophrastus tria facit genera. Dioscorides uero & Paulus Aegineæta & Plinius atq; Apuleius septem. *Atrox*.) Vocat *tithymallum* atrocem propter acrimoniam et uim eius feruentem. Est enim tam feruentis naturæ, ut per se extra corpori impositus pustulas ignium modo faciat, & pro caustico in usu sit. *Que*.) Scilicet offella succi caprifici aut *tithymalli* atq; succus ipse.

Tithymallus.

Libr. 5.

Libr. 26.

Carduus & nondum dectis fullonibus aptus,

Ex illo radix tepido potatur in amni.

Ceruino ex fœtu commixta coagula uino

Sumuntur, quæ res membris agit atra uenena.

Aut ferulæ radix potatur in umbre lyæ.

Vetonica uel leues, gallinæ aut iura uetustæ.

Carduus.) *Carduus* proprie herba est quæ Græce *scotymos* dicitur. Accipitur tamen aliquando pro alijs etiã spinosis

Carduus.

generis plantis, quales sunt chamæleon uterq; dipsacos
 siue labrum Veneris, spina alba, eryngium, & id genus
 aculeatarum aliar. Quarum chamæleoni albo & eryngio
 priuatim uirtutem hanc contra uenena tribuit Diosco-
 rides. Nam libro 3. capite 9. de chamæleone albo ait:
 Radix eius cōtra uenenata pro theriace est, pota cū uino.
 Et capite 23. libri eiusdem de eryngio inquit, Bibitur cum
 uino utiliter & contra uenenatorum morsus & epota ue-
 nena. Nondum aptus.) Per hoc intelligit uiridem & recen-
 tem, qui fullonibus propter teneritatem suam nondum
 est idoneus nec utilis. Siccatis enim utuntur & aridis ful-
 lones. Doctis fullonibus.) In arte sua expertis & probatis e-
 doctisq; Siue doctis, ad differentiam uermiculorum qui
 etiam fullones dicuntur. Sunt autem fullones, uestimen-
 ta curantes & polientes: sic dicti à fouendis calida aqua
 uestibus. Ars ipsa fullonia dicitur. Amni.) Hoc est, aqua;
 siue, ut Dioscorides docet, uino. Ceruino facta.) Hoc est,
 hinnuli & cerui iuuenis in matris utero occisi, ut Plinius
 tradit, qui lib. 3. capite 32. sic ait: Contra morsus serpen-
 tium præcipuum remedium ex coagulo hinnuli in utero
 occisi. Et iterum libro 29. capite 10. Summis, inquit, reme-
 dijs præfert hinnuli coagulum in matris utero execti. Dio-
 scorides item uenenatorū morsibus id utile esse testatum
 reliquit. Quid autem sit Coagulum, dictum est superius
 capite 30. Agit.) Abigit, fugat & expellit. Atra.) Letalia.
 Venena.) Venenum dicitur omne quod uitæ nostræ con-
 trarium est, ceu dictum est supra capite 3. 9. & 10. Ferule
 radix.) Ultra id quod serpentium morsui medeatur, me-
 dicamenti quoq; bibendi pondus & mensurā nobis præ-
 scribit Plinius, & radicem imponi quoq; iubet, dum lib.
 20. capite 23. ait, Ferulæ radix denarij pondere & uini cya-
 this duobus bibitur aduersus serpentes. Et ipsa radix im-
 ponitur. Dioscorides uerò uim hanc medullæ tribuit in-
 quiens, Datur uiridis ferulæ medulla contra morsus bi-
 benda cum uino, quod autor nunc imbrem lyæi uocat.

Vetonicæ

Fullones uer-
miculi.

Fullones artis.

Ars fullonia.

Coagulum hin-
nuli.

Venenum.

Ferulæ radix.

Vetonica.) Vetonica nō solum bibita sed & imposita contra serpētium & uenenatorū morsus utilis est. Ant. Musa: Vetonicæ drachmas tres in uini cyathis tribus diluito & potui dato, omnium serpentium morsus sanat. Item, Vetonicæ drachmas sex in uini nigri cyathis tribus contemto & super uulnus illinito. Item, Ad rabidi canis morsum, Vetonica contusa morsui imponatur. Plinius libro 25, capite 8. Morsibus imponitur Vetonica præcipue: cuius uis tanta perhibetur ut inclusæ circulo eius serpentes ipsæ sese interimant flagellando. Datur & ad ictus semen eius denarij pondere cum tribus cyathis uini: uel farina drachmis tribus sextario aquæ imponitur. Celsus item libr. 5. eandem tum potui datam ex uino tum impositam prodesse testatur. Et Dioscorides uires eius libro 4. describens: Dantur, inquit, bibenda folia trium drachmarum pondere, cum uini sextarijs duobus contra uenenatorum morsus. Quin etiā emplastri modo imposita herba uenenatorū morsibus pariter prodest. Prodest & contra uenena, in quem usum drachmæ pondere bibitur in uino. Eadē præsumpta letalibus aduersatur uenenis. Vrinam præter hæc cit. &c. *Leues.*) Faciles ad sumendum. Nam, ut Musa in epistola ad Agrippam scribit, non gustus asperos offert quum sumitur: & si adfert, tormenta sunt mediocri quadam lenitate parata, & sine offensa stomachi sumitur, tantumquā potest ut eam laborantes non tantum sine labore sumant, sed etiam libenter. Odore est tam amabilis, uti ignorantem cogat suspicari herbam utilem corpori. *Galline iura uetustæ.*) Gallinarum ius uenenatorum morsibus mederi testatur etiam Plinius. Et quia domesticum est animal gallina & eius compar gallinaceus, haud abs re aut incassum fuerit, quas de gallinaceis eorum non solum iure sed alijs etiam partibus contra uenatos morsus cæteri quoque instruxerunt medicinas, referre. Nam si casus huius uulneris contigerit atri, hæc non alia profutura res prior & magis in promptu haberi.

*Gallina ius ex
alijs partes.*

poterit. Sed quæ partes ipsorum & quis earundem utendi modus opem & auxilium nobis promittant, aliorum audiamus testimonia. Et in primis quidem Dioscoridis qui medicinalis sylvulæ libro 2. sic prodiit: Succurrūt serpentium morfibz dissectæ & ita ut tepebunt impositæ gallinaceorum carnes: crebro tamen & subinde mutadę sunt. Datur & in potione cum uino contra uenenatorū morsus gallinaceorum cerebrum. Et libro 6. capite de curatione communi morsus uenenatorum, Ex animalibus, inquit, utiliter etiam accipiuntur gallorum cerebella in cibo. Et libro eodem capite de uipere morsus curatione, Succurrūt, ait, uiperæ morfibz & gallinacei pulli dissecti quamprimumq; & calentes adhuc impositi. Et paulo post Erasistratus, ut refert, præter hæc in commentario de remedijs plura alia quæ opē ferre possunt, enumerauit: Inter probatissima tamen & præcipua, gallinaceorum cerebella cum uino pota. Hęc Dioscorides, cui & Plinius subscribit naturalis historiæ libro 29. capite 4. inquit: Carnibus gallinaceorum ita ut tepebunt euulsæ appositis uenena serpentium domantur. Item cerebro in uino poto. Parthi gallinę malunt cerebrū plagis imponere. Ius quoq; ex hijs potum præclare medetur, & in multis alijs usibus mirabile: ualidius ē uetere gallinaceo.

Si uero horrendum uulnus fera fecerit aspis,
 Vrinam credunt propriam conducere potu,
 Varronis fuit ista senis sententia, Nec non
 Plinius ut memorat sumpti iuuat imber aceti.

Si uero horr.) Traditis contra uiperarum & aliarū minus perniciosarum serpentium morsus medicamentis, subiungit nunc magis pestiferarum & quæ propter ueneni uim præsentaneam, & quia morsus citra doloris sensum accedit, horrendæ et timendæ sunt curationes, sed ex aliorum autoritate relatas. *Aspis.*) Aspis serpens est, cuius plures diuersasq; species refert Solinus, uerum disparis effectus.

ctus. Sūtq̃ omnib. ab effectu indita nomina. Vnde quantus nominum, tantus etiam mortium numerus est. Galeus item tria genera facit aspidū, chersæam, chelidoniam & ptyada, quam ultimam proprie sub aspidis nomine Serenus, Dioscorides, cæteriꝫ autores intelligunt. De aspide uero sic scribit Lucanus libro 9. Hic quæ prima caput mouit de puluere tabes, Aspidā somniferam tumida ceruice leuauit, Plenior huic sanguis, & crassi gutta ueneri Decidit, in nulla plus est serpēte coactum, Ipsa caloris egens gelidum non transit in orbem, Sponte sua, Niloꝫ tenuis metitur arenas. Hęc omnium perniciosissima est, et morsus eius omnium maxime insanabilis habetur, autore Aeliano de animantium naturis libro 1. ubi aduersus uiperarum omniumꝫ serpentium morsus remedium in ueniri tradit, aspide una excepta. Nec id mirum cum clanculum & citra dolorem uenenū infundat, nec post mortum in corpore uulnus nisi forte paruum et obscurum relinquat, autore Nicandro in theriacis cum ait, ἀσπίδα φοινητέασι δαμνέσθ' ὅταν τοι δάκνοσ' ἄλλω. Sed tantū somnus obrepat letalis. Hinc Plinius libro 29. cap. 4. Aspidēs, inquit, percussos torpore & somno necant, omnium serpētium minime sanabiles. Sunt & alij aspidum effectus, quos omnes copiosius enumerat Dioscorides libro 6. in hunc modum: Aspidis morsus acupunctis uulneribus similis est & perexiguus uix apparens, sineꝫ tumore. Sanguis non multus sed paucus & niger destillat. Hebetatur quamprimum oculorum acies: totoꝫ corpore multiplex, sed mitis nec sine uoluptate dolor adest. Vnde bene Nicander inquit, Peritꝫ sine dolore homo. Mutatur color, uirescitꝫ. Stomachi non adeo grauis erosio adest. Frons continue contrahitur. Sine sensu palpebræ ueluti in accessione somni conuiuent: & inter hæc mors adest, nec tertia diei parte quidem dilata. Hactenus Dioscorides. Cæterum quod ad curationem eius attinet, nō credendum est tales morsus esse immedicabiles aut insanabiles, adeo ut

omnino curari non possint & omnimoda sanitatis restitutio tollatur, sed eousq; tantum ut solam curandi difficultatem designatam intelligamus. Inter omnes enim serpentes nulla ueneni uim præsentius exercet, & noxam magis sensui occultat. Vix enim dū mordetur quis, morsus dolor aut sensus adest, ipsaq; leti frons caret inuidia, nec quicquam plaga minatur: sed subit uirus tacitum, quemadmodum de dipsade etiam scribit Lucanus, quæ tamē & ipsa inter aspidū species numeratur à Solino. Curam itaq; admittit & sanabilis est aspidis morsus, si ueterum scriptorum autoritati fidem habemus, qui curā experimento comprobata testantur, ut paulo post dicemus. *Vrinam propriam.*) Quoniam aspidis uenenum quemadmodum & cerastræ ac taurinus sanguis, spiritum & sanguinem in uenis gelant, uti Dioscorides libro 6. tradit; ideo contra id maxime proficient quæ congelationem et inspissationem illorum dissipent atq; discutiant, cuius generis uel ipsa urina existit. De qua sic scribit Plinius libro 29. cap. 6. Magna & urinæ non ratio solum, sed etiam religio apud autores inuenitur digesta in genera. Verum ex his quæ referre fas sit, impubium puerorum contra saliuas aspidum, quas ptyadas uocant, quoniam uenena in oculos hominum expuant. Sua cuiq; autem (quod fas sit dixisse) maxime prodest. Et libro 29. cap. 4. Contarer, inquit, in proferēdo ex hīs remedia, nisi M. Varronem scirem 83. uitæ anno prodidisse aspidum ictus efficacissime curari hausta à percussis ipsorum urina. *Varronis senis.*) Confirmat nunc dictam medicinam quemadmodum et Plinius Varronis autoritate et testimonio. Fuit autem M. Terentius Varro uir doctus & togatorum eruditissimus iudicatus. De quo Valerius Maximus memorabilium libro 8. cap. 7. sic scribit: Terentius autem Varro humanæ uitæ exemplo & spacio nominandus, non annis, quibus sæculi tempus æquauit, quàm stilo uiuacior fuit: in eodem enim lectulo & spiritus eius, & egregiorum operum

Vrinæ.

M. Terentius Varro.

rum cursus extinctus est. Scripsit autē inter alia de lingua Latina libros, & de re rustica tres, & hos quidem, ut ipse met testatur, anno ætatis suæ octogesimo. *C. Plinius* *C. Plinius*
Secundus. C. Plinius Secundus, uir ingenio clarus, libros scripsit complures: è quibus septem & 30, quos de naturali historia conscripsit, adhuc extant, opus diffusum, eruditum, nec minus uarium quā ipsa natura. In quorum libr. 23. hoc contra aspidas refert medicamentum, inquit: Nesciere medici quantum contra aspidas polleret acetum. Nuper ab aspide calcata percussus utrem aceti ferens, quoties deposuisset sentiebat ictum, aliās illæso similis. Intellectum ibi remedium est, potuq; succursum. Perijt autem sub Tiro dum Vesuij montis incendium parum caute ex proximo specularetur. Sed plura de uita, studio et libris suis Plinius Iunior libro epistolarum 3. in epistola ad Marcum. De exitu uero ipsius idem libro 6. epistola ad Tacitum. *Sumpti imber aceti.* Hoc est, acetum copiose potum. Idem *Acetum.*
 testatur Celsus medicinæ libro 5. à quo & Plinius sententiam suam mutuatus est. Celsi uerba sunt: Vsus ipse docuit, quē aspis percussit, acetū potius bibere debere. Quod demonstrasse dicitur casus cuiusdam pueri, qui cū ab hac ictus esset, & partim ob ipsum uulnus, partim ob immodicos æstus siti premeretur, ac locis ficcis alium humorem non reperiret, acetum quod forte secum habebat, ebit, & liberatus est. Credo quoniam id, quamuis refrigerandi uim habet, tamen habet etiam dissipandi. Quo fit ut terra respersa eo, spumet. Eadem ergo ui uerisimile est, spissescentem quoq; intus humorem hominis ab eo discuti, & sic dari sanitatem. Hæc ille. Dioscorides uenentorum morsus quicunq; refrigerant, aceto calido, & contra quicunq; incendunt frigido fouendos præcipit.

Dicendum et quæ sit præcox medicina timentī:
 Cautio nanq; potest diros præuerrere morsus,
 Si iecur exectum tardo de uulture portes.

Erucis aut si totos pertinxeris artus,
 Quas prius attritas uehementi spargis aceto.
 Aut tu ceruina per noctem in pelle quiescis,
 Aut genere ex ipso dentem portabis amicū.

Quando præcautio= Dicendum.) Tradita contra uenenatorum morsus cura-
ne ut dūm, tione, agit nunc de præcautione, qua, ubi inferendi uene-
 ni timor adest, ne malum ingruat, utendum est; & quam
 primum præueniendo remedijs auxilium afferendum,
 ne inutilis postea futura sit, cum uirus corpora iam occu-
 pauerit. Nam licet non statim semper, tamen non multo
Præcox me post malum adest. *Præcox,*) Præmatura & quæ ueneni
dicina, uim anticipat & præuenit, præcauetq; ne quod futurum
 sit malum accidat, aut si ne inferatur cauere non poterit,
 saltem ne noceat. *Cautio,*) Præcautio, præuisio ne uene-
 num inferatur aut noceat. *Diros,*) Asperos, crudeles, ue-
 nenatos & letales. *Præuere,*) Anteuertere, præcauere.
Vultur, *Iecur de uulture,*) Vultur auitij generis animal est rapax at-
 que carnuiorum, odoratu suo cadauera putrida lōge sen-
 tiens & indagans: de quo sic refert libr. 10. cap. 6. Plinius,
 Vulturum præuolent nigri. Nidos nemo attingit. Ideo
 etiam fuere qui putarent illos ex aduerso orbe aduolare
 falso. Nidificant enim in excelsissimis rupibus. Foetus qui
 de sæpe cernuntur fere bini. Vmbrius aruspiciū in nostro
 æuo peritissimus, parere tradit oua tria, uno ex hijs reli-
 qua oua nidumq; lustrare, mox abijcere. Triduo aut ante
 aut biduo uolare eos ubi cadauera futura sunt. Huius nō
 modo iecur, uti Serenus tradit, sed & cor & pennæ con-
 tra serpentes profunt. Plinius libro 29. cap. 4. inquit, Ex
 uolucris in auxilio contra serpētes primum uultur est.
 Annotandum quoq; minus uiriū esse nigris pennarum.
 Ex ijs enim si urantur, nidore fugare eas dicunt: item cor
 eius alitis habentes tutos esse ab impetu non solum ser-
 pentium sed etiam ferarum & latronum ac regum ira.
vulturis *Tardo,*) Epitheton est à uolatu quem facit tardum. Vnde
etymon, etiam

etiam nomen uultur inclinatum uolunt. *Erucis.*) Per *Erucæ.*
 erucas autor intelligit non herbam illam notam & *ἔρως κάμπεα*
μορὰ Græcis dictam, sed bestiolas & uermiculos illos ole
 rum quos Græci campas appellant, & alio nomine etiam *Bruci.*
 bruci uocantur: quamuis hoc nomine Græci locustarum
 genus quoddam etiam appellent. Nascuntur autem eru
 cæ dirum animal locis apricis post pluuias tempore hu
 mido & lento, ceu Plinius libro 17. cap. 24. prodit & Colu
 mella. Eroduntq; uitium, arborum & satorum omnium
 frondem & florem adeo ut depastam arborem turpi facie
 relinquant. Quæ quo pacto domandæ sint, satis copiose
 & uel ad superstitionem usq; docet Columella libro rei
 rusticæ 11. & in carmine de cultu hortorum uersus finem.
 Ceterum quoniam nihil à rerum omnium parente natu
 ra sine aliqua occultiore & ingenti causa, nullumq; ma
 lum sine bono aliquo producit, gigniturq; ut Plinius
 scribit, hinc etiam quamuis terræ nascentibus maxime
 sint noxiæ erucæ, habent tamen nihilominus in re medi
 ca utilitatis quidpiam, et præsertim contra uenenatorum
 morsus, ceu hoc loco Serenus affirmat, & idem Dioscori
 des testatur inquiring: Quæ in oleribus nascuntur erucæ,
 à uenenatorum iniurijs, quæ ictu aut morfu uenenum re
 linquunt, tutos ex oleo inunctæ feruntur homines serua
 re. *Totos artus.*) Vniuersum corpus. *Vehementi.*) Forti
 & acri. *Ceruina pelle.*) Idem testatur Plinius inquiring: *Pellis ceruina.*
 Pelles cerui substratæ, securos præstant ab eo metu somnos.
 Nam in ceruina pelle si quis iacuerit, nullus ad hominem
 serpens accedit, autore Sexto Platónico. *Quiescis.*) Iacis
 & dormis. *Genere ipso dentem.*) Hoc est, dentem cerui.
 num. Certum enim est, si Plinio libr. 28. cap. 9. credimus,
 Ceruos serpentibus aduersari & exitio esse. Et omnino
 aliquid cerui habentes fugiunt. *Amicum.*) Amicum cum
 re inanimata iunctum, utile significat & gratum, ut ami
 cus humor, amica herba, amicum tempus.

Toxica præterea qua sint pellenda medela
 Expediam, sanguis poterit prodesse caninus,
 Qui facili potu antidotos imitatur honestas.
 Vis & mirificos cautus prædiscere odores,
 Accensis quibus arcetur teterrima serpens,
 Aut styracem uras, aut atri uulturis alam,
 Vel nepetam, aut frondē rigidæ stirpemq; myricæ,

Toxicum.

Toxica.) Toxica quondā cōmuni appellatione dicebantur uenena quibus sagittæ tingebantur, quæ tamē qualia fuerint & unde cōficerentur, haud facile quis nunc dixerit: quamuis Plinio ex taxi arboris succo confecta uideantur. Nam in historiæ naturalis lib. 14. capite 11. de taxo arbore agens, sic inquit: Hanc Sestius smilacē à Græcis uocari dixit: & esse in Arcadia tam præsentis ueneni, ut si qui dormiant sub ea, cibūmque capiant, moriantur. Sunt qui & taxica hinc appellata dicunt uenena quæ nunc toxica dicimus, quibus sagittæ tinguntur. Verum Dioscorides proprium & certum ueneni genus faciens toxicum, non à taxo sed à sagittis quæ illo tingebantur sic uocatum tradit lib. 6. inquit: Creditur ideo toxicum appellari quod Barbari sagittas telasq; sua quæ toxemata nominant, eo inficiunt. Cui & Paulus Aegineta medicinæ libro 4. subscribit. Cæterum per toxica cōmuni uoce uenena intelligamus. *Expediam.*) Explicabo, proferam et

Sanguis caninus.

describam. *Sanguis caninus.*) Dioscorides libro 1. Contra rabidi canis morsus, inquit, & epotum toxicum caninus utiliter bibitur sanguis. Nam ut libro 19. capite 4. Plinius tradit, sanguine canino contra toxica nihil præstantius putatur. *Antidotos.*) Dicitur tum atonidotos scēminino genere tum antidotum neutro. Sic quidem ab ἀντι contra & δόσις datio, quasi contra datum. Dicitur autem maxime de medicamentis quæ aduersus uenena uel per morsus uel per cibos aut potiones nostris corporibus inserta desiderantur: quamuis etiam, quia grauissimis casibus opitulan-

pitulatur, in alijs morbis aliquando, licet raro, præcipue
 tamen necessaria sunt, autore Celso libr. 7. Profunt uero
 non modo illatum curando uenenū, sed & ad futuri no-
 xam præcauendum. *Vis &c.*) Ponit nunc suffumigatio-
 nes quasdam quibus serpentes procul arcentur & fugan-
 tur. *Cautus.*) Prudēs, & qui sibi à futuro malo cauere no-
 uit. *Odores.*) Hoc est, odoramēta quæ accensa nidorem
 & fumum serpentibus inimicū reddunt. *Styracem.*) *Styrax.*
Styrax & arbor est cotoneo malo similis, & eiusdem arboris
 lachryma: de cuius bonitate & adulteratione tum Dio-
 scorides libro 1. tum Plinius libro 12. & 24. satis sufficien-
 ter. Vulgus nunc una mutata litera Storacem appellat.
 Ceterum medicam à Sereno contra serpentes uim tradi-
 tam comprobat id quod Sabei eundem, referente Plinio
 libro 12. capite 18. & ad serpentes fugandas urunt. Aduer-
 saturū uenenis quæ frigore nocēt. *Atri.*) Nigri & scædi.
Vulturis alam.) *Penna uulturis* Hoc est, pennas quæ in alis sunt uulturis:
 harum enim combustarum nidore & fumo serpentes fu-
 gari testis est etiam Plinius, cuius uerba paulo antea ad-
 scripta sunt. *Nepetam.*) *Nepeta.* Nepeta non modo suffitu serpen-
 tes arcet, ut tradit Serenus, sed & supposita quoq; ut alij
 tradunt autores: nec id solum, sed illato etiā ueneno ipso-
 rum medetur tum pota tum uulneri imposita. Plinius
 libro 20. capite 14. Nepeta uires contra serpentes habet,
 Fumum ex ea nidoremq; fugiunt: quam & substernere
 in metu obdormituris utile est. Apuleius. Ad morsum
 serpentis. Herbarū nepetæ montanæ ex uino tritæ succus
 expressus cū uino potui datur, & eius folia contrita plagæ
 utiliter imponuntur. Dioscorides lib. 3. Nepeta succur-
 rit pota, aut emplastri modo imposita serpentium morfi-
 bus. Item suffitu eadem substrataq; serpentes fugat. *Fron-*
dem.) Folia. *Stirpem.*) Lignum, corticem, uirgulta & ma-
 teriam omnem. *Rigide myricæ.*) *Myricarigida.* Myricam rigidam uocat
 quasi duram, asperam & infructuosam, siue syluestrē siue
 satiuam intelligat, Syluestris enim omnino sterilis est sa-

ICTIBVS SCORPII ETC.

tua uero quę in Aegypto & Syria nascit, quamuis mitior sit & abundanter fructum ferat, est tamen is lignosus; ut Plinius libro 24. capite 9. scribit, & ut Dioscorides lib. 4. concretionem suam quemadmodum & flore muscosum. Estque in ceteris syluestri similis; sed semine seu fructu, nisi quod maior, gallę similis, asperum gustu & inæqualiter adstringentem, quo medici gallę uice utuntur. Lignum autem & flos & folia & cortex in eisdem usus adhibentur, quam remissiora. Quorum etiam usus efficax est contra serpentium ictus, præterquam aspidum, autore Plinio.

ICTIBVS SCORPII ET MOR-

SIBVS MVRIS CAECI

uel Aranci.

CAPVT XLVI.

SUNT minimę species sed dirę uulnera pestis,
Quę magis in tenui latitantes corpore fallant,
Scorpius ut grauis est & araneus, hæc mala semper
Captant securos multa iam nocte sopores.

Ico. Ictus.
Scorpius uel
Scorpio.



ICTIBVS.) Ico uerbum idem est quod percutio. Et inde ictus dicitur percussio & uulnus percussione illatum. *Scorpij.*) Scorpius siue scorpio (utrunque enim dicitur) uermiculus est uenenosus, eo importunior cæteris quod grauiore supplicio lenta per triduum morte cõficit. Virginibus letali semper ictu, & foeminis fere in totum: uiris autem in matutino exeuntibus cauis priusquam aliquo fortuito ictu ieiunum egerant uenenum. Semper cauda in ictu est, nulloque momento meditari cessat, ne quando desit occasio. Ferit obliquo ictu & inflexu. Venenum omnibus medio die cum incandueret solis ardoribus. Itemque cum sitiunt inexplēbiles potu; autor Plinius naturalis historię libro 21. cap.

n. cap. 35. *Muris cæci*.) Mus cæcus, qui & araneus mus uo- *Mus cæcus.*
 catur, exiguum animal est atq; leuissimum, aranei modo *Mus araneus.*
 pertenuissimum filum, gladñue aciem uel impune ambu-
 lans. Cuius morsus uenenatus est, et nisi succurratur tum
 homines tum iumenta interimens. Græci μυγάλην *μυγάλην*
 len uocant, facto ex mure & mustela nomine: utriq; enim
 similis est, autore Aetio, à quo muris magnitudine & ea-
 dem illi caudæ gracilitate & rictus longitudine, reliquo
 autem corpore mustelina specie describitur. Meminit hu-
 ius in theriacis suis Nicander et murem cæcum appellar,
 hominib; exitialem, dū ait: τυφλίντε σμερύνιντε βροτοῖς,
 ἐπιλοιγὸν ἄρουσαν μυγάλην. τροχοῖσιν ἐν θνίσκουσιν ἁμά-
 ξις. Meminit & Columella rei rusticæ libro 6. cap. 16. Vbi
 aduersus serpentis & noxiorum animalium ictus reme-
 dia docens, sic inquit: Mus araneus, quem Græci μυγάλην
 appellant, quamuis exiguis dentibus nō exiguam pestem
 molitur. Vbi annotanduni male apud eundem pro μυγά *Locus Columel*
 λην legi σκυτάλην: quamuis σκυτάλη scytale uenenata ser- *le relictus.*
 pens sit quam Aphrica tantum ferat: Mus uero araneus *Scytale.*
 & in Italia & alibi reperitur. *Vel aranei.* Potest hoc bi- *Araneus.*
 fariam intelligi: uidelicet aut de mure cæco qui etiam mus *Phalangium,*
 araneus dicitur, ut iam dictum est: aut de araneo qui Græ *Rutela,*
 ce phalangion dicitur, & Arabice Rutela, uulgo uero ta- *Tarantula.*
 rantula: cuius plura sunt genera dictu haud necessaria in
 tāta notitia, quorum etiam noxiū sunt morsus, & corpus
 exiguum. De quibus plura Plinius nat. hist. lib. 11. cap. 24.
 & lib. 29. cap. 4. *Sunt mīæ spēs, sed etc.* Hoc est, uulnere
 modi & figuræ atq; foramina ipsa sunt parua adeo ut ui-
 sui non appareant: sunt & animalia parua & uenenum
 ipsum mole perexiguum, sed facultate quā maximum,
 ut quod per paruum uulnus in corpus ictum descendēs
 uim suā summe letalem subitario exerceat, & mortis peri-
 culū adferat, ni præsentaneo succurratur præsidio. Quo-
 modo autem uenena hæc corpus afficiāt, docet Galenus
 de locis affectis lib. 3. cap. 7. & lib. 6. cap. 5. *Magis.* Scilicet

Capto.

quàm serpentium. *Tenui corp.*) Hoc est, corporis portio-
ne parua. Nam exigua pars est tum ea quæ igitur & uene-
num primo concipit, tum ea quæ id à se proijcit. *Gravis.*)
Molestus, noxius & letalis. *Hæc mali.*) Scorpium & ara-
neus. *Captant*) Fallunt, decipiunt. Capto uerbum fre-
quentatiuum inter alia significata sua aliquando idem est
quod decipio, ut in hoc loco. *Securos sopores.*) Hoc est
fomnos tranquillos & qui sine cura transiguntur. *Multa.*)
Frequenti, seu alta atq; profunda.

Hæc documenta dedit nobis prostratus Orion,
Magna quod exiguis perimantur sæpe uenenis.
At qui uulnus atrox incussit scorpium ardens,
Continuo capitur, tunc digna cæde retusus
Vulneribusq; actus fertur reuocare uenenum,
Aut calidis pelagi lymphis loca læsa fouentes,
Siue meri potu dissoluitur improba pestis.

Orion.

Fabula
Orionis.

Hæc documenta) Scilicet quod parui mole animalis, ceu scor-
pius, exiguo ueneno magnis corporib; uim possit in-
ferre letiferam & mortem ipsam: cuius rei exemplo est no-
bis Orion, qui, ut dicitur, à scorpione ictus, uitam cum
morte commutauit, quod admirari quis posset. Nam, ut
Lucanus inquit, quis fata putaret Scorpion, aut uires ma-
tura mortis habere? Ille minax modis, & recto uerbere se-
uus, Teste tulit cælo uicti decus Orionis. *Prostratus.*) In-
teremptus, occisus. *Orion.*) Orion hic est qui scorpio-
nis ictu peremptus fabulæ locum dedit, quam astronomi
ci poetici libro 2. refert Hyginus. Orion cum uenaretur
& in eo exercitatissimum se esse confideret, dixisse etiam
Dianæ & Latonæ, se omnia quæ ex terra oriuntur inter-
ficere ualere: quare terram permotam scorpionem edu-
xisse, qui eum interficere demonstratur. Iouem autem
utriusq; animum admiratum, scorpionem inter astra col-
locasse, ut species eius hominibus documento esset, ne
quis

quis eorum aliqua re sibi confideret. Dianam autem propter studium Orionis petisse à Ioue ut idē illi beneficium daret petenti quod terræ ultro tribuisset: itaq̃ eum constitutum, ut cum Scorpion oriatur, Orion occidat. *Atror.*) Crudele & letiferum. *Ardens.*) Ab effectu. Nam, ut Dioscorides tradit, inflammari quàm primum à scorpionis ictu locus incipit, duratur, rubet & cum dolore supra modum riget. Nūc feruor, mox perfrictio alternis occupat. *Continuo.*) Statim quàm primum momordit. *Digna cade.*) Morte promerita. Nam qui necem inferre uoluit, idē morte dignus censetur. *Retusus.*) Repercussus & in uulnus regeſtus. *Que.*) Pro id est. *Actus.*) Adactus & impactus. *Fertur.*) Dicitur. Siquidem Dioscorides libro 6. sic ait, Ipse qui percussit scorpio concisus, uulneriq̃ impositus ex repugnātia quadam naturæ, ut creditur, ictus sui remedio est, nec solum impositus sed et alijs uarijs modis sibi ipsi medetur idem. Nam, ut Celsus libr. 5. ait, Scorpio sibi ipse pulcherrimum medicamentum est. Quidam contritum cum uino bibunt. Quidam eodem modo contritum super uulnus imponunt. Quidam super prunam eo imposito uulnus suffumigant, undiq̃ ueste circumdata, ne is fumus dilabatur, tum carbonem eius super uulnus deligant. Plinius item nat. hist. libro 11. cap. 25. Homini, inquit, icto putatur esse remedio ipsorum cinis potus in uino aut oleo mersus. Et lib. 29. cap. 4. Scorpio, inquit, & ipse suæ plagæ impositus, aut assus in cibo sumptus, aut potus in meri cyathis duobus, prodest. *Reuocare.*) Retrahere & extrahere. *Calidis pelagii lymphis.*) Hoc est, aqua marina calida, quæ tum fori tum balnei usu prodest. Dioscorides libro 5. Aqua maris contra uenenatorum morsus, quicunq̃ tremores, perfrictionesq̃ faciunt, præsertimq̃ scorpionum, phalangiorum et aspidum utilis: contra quos si in calidam eam descenderit aliquis pariter prodest. Idem libro 6. post plurium remediorum enarrationem, Omnibus hijs, inquit, addatur balneorum conti-

Scorpij medicine.

Scorpius sibi ipsi remedium.

Aqua marina.

Vinum
merum.

nuus cum multo sudore usus. Plinius item libr. 31. cap. 8. ubi de marina aqua agit, sic scribit: Quin & ad ictus uenenatos salutaris intelligitur, ut phalangiorum & scorpionum & ptyade aspide respersis: calida autem in his assumitur. *Fouentes.*) Vaporantes & balneantes. *Meripolu.*) Merum quidem, ut Plinius libro 23. cap. 1. tradit, remedio est contra apes, uespas, crabrones, phalangia, serpētum, scorpionumq; ictus, contraq; omnia quæ refrigerando nocent. *Dissoluitur.*) Dissicitur, dissipatur et annihilatur. *Pestis.*) Venenum.

Ad cunctos autem morsus ictusq; minorum
Caseus aptus erit fœtæ de lacte capellæ
Cumq; hoc absumi debebit origanus herba,
Hæc duo mirificis curabunt icta medelis.
Nec non peniculo calidum annectatur acetum,
Aut uiuum sulphur sicci cum fece lyæi.
Exiguo piperis cerebrum conspergito melis,
Quo lita sanescunt depulso membra dolore.

Caseus
caprinus.

Ad cunctos minorum.) Docet nūc in communi remedia contra omnes morsus & ictus uenenatos, & præsertim animalium paruorum, ceu scorpionum, phalangiorum siue araneorum, apium, uesparum, crabronum & id genus reliquorum. *Caseus capelle.*) Plinius medicamen hoc non solum comestum sed & impositum utile tradit libro 28. cap. 10. inquit: Contra serpentium ictum ualere dicunt caseum caprinum cum origano impositū. Et paulo post: Ad reliquos bestiarum morsus caprinum caseum siccum cum origano imponunt & bibi iubent. *Fœtæ.*) Enixæ et quæ iam peperit. Amplior enim potentia fœtis eiusdem generis quod numerosissimum esse diximus, inquit Plin. libro 28. cap. 10. Et Auerrois Colliget libro 5. cap. de lacte, Lac melius est illud quod est prope partū, id est post duos menses. *Lactæ.*) Ex lacte enim fit caseus. *Absumi.*) Consumi

sumi & comedi aut b. bi. *Origanum.*) Origanum sine ca- *Origanum.*
 seo etiam prodesse testis est Dioscorides libro 3. dicens:
 Calefacit origanus, ideoq; uenenatorum moribus ad-
 uersatur potum cum uino decoctum eius. Et Plinius lib.
 30. cap. 17. Origani usum contra araneos scorpionesq; in
 uino albo testatur. *Hec duo.*) Caseus & origanum. *Peni-* *Peniculus, um.*
culo.) Peniculus qui & penicillus dicitur, siue in neutro *Penicillus, um.*
 genere peniculum & penicillum, est id quo pingunt, ac-
 cepto nomine à caudarum extremitatibus è quibus fiūt.
 Aliquando uero dicitur id quo albarium tectorio infer-
 tur, unde & tectorij dicuntur penicilli. Sunt & quibus
 calciamenta detergantur dicta penicula. Interdum uero
 peniculus dicitur id quo uulnera stipantur, ob id uideli-
 cet ne claudantur siue ut magis aperiantur, fiuntq; uel ex
 spongia, uel sabuci medulla, reb; sue alijs. Aliquando
 etiam dicitur id quo ad mundandum illinendumue uti-
 mur, præsertim si ex spongia fiat. Demum spōgiæ genus
 est mollissimum peniculus ex quo penicilli fiunt. Hoc lo-
 co pro spongia accipitur. *Aneclatur.*) Addatur & infera-
 tur. *Acetum.*) Acetum serpentum moribus potum me- *Acelum.*
 deri priori capite docuit, nunc idem uenenatis reliquo-
 rum animalium moribus & ictibus calidum in spongia
 impositum prodesse docet. Plinius libro 33. cap. 1. Pluri-
 mum fotu, inquit, medetur canis moribus, scorpionūq;
 ictibus, scolopendrarum, muris aranei; q;. Contra om-
 nium aculeatorum uenena & pruritus: item contra mul-
 tipedum morsum. Et Dioscorides lib. 5. ait, Fouentur ca-
 lido aceto uenenatorum morsus quicunq; refrigerāt, fri-
 gido contra quicunq; incendunt. *uium sulphur.*) Quare *Sulphur uiuū.*
 uiuum dicatur sulphur, dictum est supra. Hoc Dioscori-
 des resina mixtum scorpionum ictibus mederi tradit, &
 ex aceto eadem utilitate cōtra scorpionj et marini draconis
 ictus utiliter inungi. Auerrois uero de sulphure sic pro-
 dit: Sulphur habet uirtutem attractiuam cū complexio-
 ne calida & substantia subtili, & eo resistit uenenis anima-

- lium quando puluerisatur & spargitur loco morso. Plin.
etiam lib. 32. cap. 14. contra scorpionū ictus prodesse testa-
tur. *Sicilyxi.*) Vini quod exiccantis est natura. *Fece.*)
Fex uini. Plinius lib. 23 cap. 2. Fex uini sicca uel madida contra pha-
langia illinitur. *Exiguo piperis.*) Piper uenenatorum mor-
sibus succurrere autor est etiam Diosco. admiscetur ideo
Cerebrū melis. & hijs quæ cōtra uenenata conficiuntur. *Cerebrum melis.*)
Quod Serenus de cerebro melis, id Plin. de gallinaceorū
cerebro contra araneorū morsus testatur lib. 29. cap. 4. di-
cens: Contra omniū araneorum morsus remediū est gal-
linaceum cerebrum cum piperis exiguo potum in posca.
Melis. Porrò melis animal est in cauernis uiuens, aluearibus ob-
Taxo. mellis auiditatem infestum: cui uel illa solertia est, ut Pli-
nius scribit, quod in metu sufflata cute distentu ictus ho-
minum & morsus canum arcet. Est autem uulpis magni
rudine, colore felis, capite albis & nigris ueluti lineis di-
stincto, rostro instar suis oblongo, pelle aspera atq; præ-
dura, ex qua pharetras & canum collaria obtegunt, quæ
melium uocant. Vnde Varro de re rustica libro 2. Ne uul-
nerentur canes à bestijs, imponuntur hijs collaria, quæ
Melium. uocantur melium, id est cingulum, circum collum ex co-
rio firmo cum clauis capitatis. Vulgus animal hoc Taxo-
nem uocat, & nō maturellum animal auibus inimicum,
ut falso interpretatur quidam in enarratione uocabulo-
rum Varronis.
- Sin autem muris nocuit uolentia cæci,
Quæ sola signauit uoluendis orbita plaustris
Illine, mira datur uili de puluere cura.
- Sola plurali-
ter dictum.* violentia.) Vis & impetus ipsius morsus muris cæci, atq;
Solum quid. uenenum ipsum. *Sola.*) Terram, Solū dicitur quicquid
alicui rei subiacet: unde terra quod pedibus nostris sub-
iecta sit, solum dicitur. Et inclinatur etiam pluraliter con-
tra Grāmaticos, ut hic, & apud Statium sylvarum libr. 2.
*Terra ex
orbita.* ubi ait, Vix sola sufficiunt, id est, pauimenta & terra. Por-
rò quod de terra ex orbita hic tradit Serenus, idē quoque
testatur

testatur Plinius naturalis historiae libro 20. capite 4. Nam postquam ex mure araneo contra sui ipsius morsum docuit remedia, subiungit & illud: Est & contra morsum eius remedio terra ex orbita. Ferunt enim non transiri ab eo orbitam. *Voluendi plaustris.*) Mouendis & circumagendis rotis, hoc est, ubi currus cum rotis uoluuntur. *Plaustrum* dicitur currus: sic appellatus, ut Varroni placet, quod palam sit in eo quod uehitur. *Orbita.*) Orbita & rota & rotæ uesti *Orbita* gium dicitur, & pro terra ipsa accipitur. *Pulcre.*) Terra.

SVBITANEO DOLORI. FEBRI, ATQVE OSTOCOPO.

CAPVT XLVII.

NON nunquam existit subiti noua causa doloris, Cuius origo latet, ueris reprimenda medelis, Nanq; chelidonium mixto sale necere prodest, Velleraq; infuso recalentia sulphure sanant.



SVBITANEO dolori.) Subitanus dicitur dolor, qui prius non existens, repente & impro uisus affatum irruit & animal primum afficit. Est autem tum animi tum corporis dolor. Animi quidem ut mcerores. Corporis uero duplex est. Aliquando enim dispositio ipsa in qua dolemus, & quæ cum dolore fieri natura apta est, dolor uocat, ut erysipelas, inflammatio, uulnus, fractio, ruptura, cõuulsio & id genus alia: & sic dolorẽ accipit Hippocrates in aphorismis li. 2. ubi dicit: Quicunq; dolẽtes parte aliqua corporis omnino dolorẽ non sentiunt, hñs mens ægrotat. Et in lib. Epidemiarũ, ubi dicit quod in Cranone antiqui dolores frigidi, noui autẽ calidi. Aliquando uero ipse tristis sensus, dolor nominatur. Cuius primæ species sunt duę: Vna cum affatum tem peratura & uolenter alteratur, ut cum uehementer uel.

Dolor subitanus.

Dolor quid.

FEBRI, OPOSTOCO.

excalefit uel refrigeratur. Altera cum soluitur continuitas. Quod etiā bifariā accidit, Aut à causa externa, quam Græci προκαταρκτικήν uocant, quæ scilicet corpori non inest, sed extrinsecus incidit: quæ doloris species à Galeno posita haud iuste ab Auerroë reprehenditur. Nam & si non per se dolorem causet, agit tamen id per accidens. Aut soluitur continuitas, ubi nihil extrinsecus triste appropinquat sed in corpore causa est, quā Græci περιουμένην uocant, hoc est internam, quæ intra ipsum animalis cōtinetur corpus. Et hoc fit aut distentione ob humoris multitudinem, flatuosum uē spiritum, qui exitum ut diffari possit, non habet: aut ob nimiam siccitatem: aut à qualitate rodente, uti humor est mordens: aut ab effectu, qui ex his componitur, inflammatorio, qualis est phlegmone, erysipelas & hys similes. Porro de doloribus plura Galenus therapeutices libro 11, & de affectorum locorum notitia libro 2. Febr.) Inter morbos maxime uulgaris, & in toto corpore est ipsa febris. Quæ Galeno autore, calida & sicca est passio. Nam caloris natui ad igneum conuersio, cuius sedes est cor. Non enim dicitur febris nisi cor ipsum concalefecerit, & adeo immodice auctus sit calor ut & hominem offendant & actionem lædat: nam si neutrum adhuc efficiat, quantumuis sit hoc nunc quā ante calidior, nondum tamen febricitat. Vnde Ioannitius in hunc modum febrem diffinit: Febris est calor præter naturā, cursum supergrediens naturæ, procedēs à corde per arterias in uniuersum corpus, suoq; lædēs effectu. Huius tres sunt species & differentię, quas Hippocrates indicat in epidemijs cum ait: Continentia, contenta, & impetum facientia. Per cōtinentia intelligens partes solidiores & corpus ipsum cordis, quæ cum calor præhendit, eccliticas cōstituit: sic quidem uocatas, uel quia stabiles solutūq; difficiles sunt ceu habitus, uel quia ipsum corporis habitum occuparunt: ita solidas partes ex aduersum ductas humentioribus nominantes. Per contenta uero intelligit

intelligit humores, in quibus cum eos in uētriculis ipsis conditos præhendunt, putridæ existunt: quarū aliæ sunt intermittentes, hoc est ad integritatem sensibīlē definientes, ex humore eunte ac moto usq; quaq; in corpore efficiēte febrē consistentes. Et harū adhuc aliæ sunt quotidiana, aliæ tertianæ, aliæ quartanæ, & aliæ quædā longiore circuitu redeūtes licet raro eueniāt. Aliæ uero ex putridis sunt continuæ ex materia condita & cōtenta in uenis consistentes: quarū aliæ sunt crescētes, aliæ similem tenorem seruātes, aliæ uero decrescētes. Priores Græci epacmaisticas, alteras acmaisticas siue omoton⁹, posteriores uero paracmaisticas uocāt. Demū per impetū facientia Hippocrates intelligit aērē seu spiritus, cuius substantia sola si inca luerit, corpora uero solidiora atq; humida caleant quidē sed nondū incaluerint, efficitur febris ephmera, hoc est diaria, uocata, quæ ex causis procatacticis id est prægressis & euidentibus primitiuisq; oritur, ceu sunt labor, iracundia, mœror, calor, frigus, oriū, insomnia, cruditas, temulentia, repletio, aēr pestilēs, cibus prauus, medicamenta & id genus alia. Caloris uero præter naturā, qui febris essentia est, causę sunt, motus, putrefactio, cōuersatio: aliter caliditatis, suppressio calidi effluuii, permixtio calidę substantiæ, tanquā de fonte ebullientis aut genitæ scilicet ad nostrum sensum, aut augmentis caliditatem. Sed de hijs in communi satis ad præsens. *Ostocopo.*) *Ostocopos* dicitur ossium dolor, ὀστόμενι siue ὀσούρ Græce, os est Latine, κόπος uero dolor, labor & lassitudo. Qualis autem affectus sit ostocopus, ut clarius appareat, altius disquirenda erit lassitudinum essentia. Vnde lassitudo est imbecillitas uirtutis motricis iuncta tristi sensationi tactricis præsertim apud motum & compressionem. Est autem duplex lassitudo. Vna simpliciter & proprie sic dicta, quę ex multo uehementi⁹ motu contingit. Altera spontanea lassitudo appellata, quæ non ex labore aut exercitatione motiue sed sponte ex humorū immoderantiā prouenit:

Febris intermittens.

Febris cōtinua.

Febris ephmera.

Caloris præter naturā cause.

Ostocopus.

Lassitudo quid.

Lassitudo simpliciter.

Spontanea.

*Lassitudi-
num diffe-
rentia.*

σιγος.

Ostocorui.

de qua Hippocrates in aphorismis lib. 2. sic pronunciat, Lassitudines spontaneæ morbos prænunciant. Sunt autem tres eius differentia. Prima ulcerosa uocata, quæ ulceris sensum facit motis graue ceu ulceretur corpus: oriturque ex humore uitioso, non tamen quolibet, sed qui calidus & tenuis acrimoniam habet quæ corpus rodit, stimulat & pungit, idque uel circa cutim uel circa subiectam illi carnem uel circa utraq. Secunda dicitur tensua, quæ tensionis sensum inuehit: nasciturque ex plethora & plenitudine ac nimia humorum abundantia: quippe tenduntur ex hac solidæ animalis partes, præcipue in quibus humores continentur. Tertia uero differentia est phlegmonosa, quæ phlegmones et inflammationis sensum adfert, oriturque ex ambobus tum nimia humorum abundantia tum uitioso humore in quo rodens acrimonia continetur. Et hæc lassitudinis spontaneæ sunt differentia. Quæ similiter in simpliciter & proprie dicta lassitudine reperiuntur. Prima ulcerosa, cum tristi molestoque ceu ulceris sensu inter mouendum afficimur, sic ut etiam horror interim oboriat, & quadatenus cõcussio cõmotioque totius corporis inæqualis, quod Græci *σιγος* uocant. Et hæc excitare solent celeres ac multi motus. Secunda est tensua dicta lassitudo, in qua tendi membra uidentur, inciditque post robustas potius quàm celeres exercitationes. Tertia differentia est phlegmonosa, qua nimirum ceu contusas aut phlegmone obsessas partes sentimus, quæ tum maxime solet incidere, cum musculi ob uehementissimos plurimosque motus nimium excalfacti attraxere quippiam ex circumfusus sibi excrementis. Quod si etiam tum tendoni bus tum neruis idem affectus incidit, *ὀστονόριον* Græce, quasi ossium dolorem eum affectum nominant, ob penitiorem scilicet sensum, partibus quæ in alto maxime corpore sunt positæ nomen tribuentes: quippe summum locum cutis occupat: secundum ab ea musculi habent, utique circum ossa positi: at tendones ipsis ossibus adhærent, Quo magis

gis rationabile est, cum hij quicquam prædictorum patiuntur, uideri in imo ac circa ipsa ossa affectionē hærere. Hæc hæcenus. Qui plura de lassitudinibus desiderat, is Galenum de salubribus libro 1. & 4. legat, ubi fusius materiam hanc tractat, & nos hæc inde quoque sumpsimus.

Causa. Causam aliqui à casu dictam uolunt, quod rerum initia & origines quæ causæ sunt casu eueniant. Sunt autem quatuor causarum genera, tradente Aristotele. Est enim materialis una, ex qua aliquid fit: formalis altera, per quam tale quid fit: tertia est efficiens, à qua aliquid fit: & quarta est finalis, propter quam et cuius gratia aliquid fit.

Latet. Abscondita est & sensui non patet, quare hominem qui in tali speculatione sit exercitatus, nimirum postulat. *Veris medelis.* Medicamentis quæ dolorem uere sedant & tollunt: non autem falsis aut fucatis, quæ membris sensum auferendo dolorem leniant solum ad tem-

Causa.
Causarum genera.

pus, post quod tamen rediens demum fortius & uehementius affligat. Tollitur enim dolor aut causam eius submouendo cum medicinis digerentibus atq; uacuantibus, aut uehementiam eius remittendo: quod bisariam contingit, uidelicet per epicrasin, hoc est uitiosi succi uacuationem & rei dolorem efficientis sublationem cum medicinis temperatis, natiuo calori conformibus seu parum calidioribus natiuum calorem augmentibus. Et hæc uere dolorem remouent. Aliter etiam remittitur cum anodinis soporiferis et torporem stuporemq; inferentibus, quibus tamen nisi urgente necessitate & alijs nihil conferentibus, utendum non est. Sunt enim huiusmodi narcotica

Doloris sedatio duplex.
Vera.
Mendosa.

medicamenta frigida, naturæq; aduersa, dolorem non uere tollentia, sed fallacia atq; fucata. Nam sensum membrorum auferendo cruciatum & dolorem imperceptibilem reddunt. Sed de soporiferis anodinis plura Galenus libro aphorismorum 6. & therapeutice 12. *Nanq;* Ideo. *Chelidonia mixto sale.* Siquidem chelidonia humores extenuat & discutit. Nec minus eadem sali uis est et natura ob quas

Narcotica soporifera.

Chelidonia.

Sal.

Vellera.
Sulphur.
Dolores
cæci,

uires utique Dioscorides chelidonium dentium dolores finire commanducatam tradit. Salem uero contra lassitudines ex oleo utiliter inungi, calentemq; eundem saccis inditum & impositum dolores lenire. Nestere.) Alligare & imponere. Vellera infuso sulphure.) Idem testatur Plinius, nisi quod acetum hijs iungi permittit inquires: Iam uero pura uellera aut per se imposita cæcis doloribus aut aceto, sulphure profunt. Vocat autē cæcos dolores, quorum causa latet & sensui parum patet

Ostocopo lento conducit melle perungi.
Sin autem calidæ depascent corpora febres,
Tunc apij succus leni soluatur oliuo,
Membra line fotuq; ferus mulcebitur ignis.
Nec spernendus adeps dederit quem bestia melis,
Seminecis cerui lachrymam miscere liquori
Conuenit, atq; artus illinc mulcere dolentes:
Sic lacerat morbum, bilemq; reuoluit in aluum,
Præterea chymum stomacho desiccet iniquum:
Quæ magis atq; magis promittunt corpora claudi.
Febribus aut longis galli noua iura uetusti,
Subueniunt, etiam tremulis medicantia membris.

Mel.

Lentomelle.) Melle non fluido, sed firmo et quod tractum digitos sequaci lentore sequitur, & tale cum alijs bonis conditionibus in omni genere probatius est, cuius uis est humores in summum proritare & extrahere, dissiccareq; ac neruorum dolores mulcere, unde & ostocopo utiliter inungitur. Calidæ depasc. corp. feb.) Vergilius Georgicon libro tertio: Atque artus depascitur arida febris.

Apium,

Apij succus.) Apium Celsus inter ea quæ simul reprimunt & refrigerant ponit, quare februm ardores ex oleo refrigerare & mitigare haud absurde iudicatur inunctum. Oleum enim quamuis calefaciat, discutit tamen & ne nimium reprimat apij succus, prohibet. Fotu.) Inunctione

ne & medicamento huius calidi ac humidi applicatione. *Ferus ignis.*) Calor & ardor febrilis, igneus, ferociens ac se uiens. *Adeps melis.*) Quid sit melis, dictum est capite præcedenti. Quod autem adeps eius febribus medeatur, testatur etiam libellus de usu & medicina eius, in quo sic legitur, Adipe quoq; eius si ægrum perunxeris, statim febris ab eo recedet, dūtaxat si uita superest. Nam morbus prorogat tempus. Quod si morbus maior fuerit, celerior recedet. *Seminecis.*) Hoc est, semimortui & iam morti appropinquantis si non succurratur, idē propter assumptum ex serpentium esu uenenum. Cum enim assumitur uenenum, mox inficitur eo corpus & quasi iam semimortuum ad obitum accelerat animal, mortiq; obnoxium est, ni præsens adhibeatur medela. *Cerui.*) Placidissimum *Ceruina caro.* animalium fertur ceruus, cuius caro etiam febribus medetur comesta, nedum lachryma eius adhibita. Plinius libro 29. cap. 10. Febres arcet ceruorum caro. Tuetur item ea uescientes ne febres incidant. Idem lib. 9. ca. 32. Febrium morbos non sentit hoc animal, quin & medetur huic timori. Quasdam nos principes scēinas scimus omnibus diebus matutinis carnem eam degustare solitas, & longo æuo caruisse febribus. Quod ita demum existimant ratum, si uulnere uno interierit. *Lachrymam.*) Hoc est, lapi *Lachryma cerui.* dem qui ex lachryma eius concreuit, et cōtra uenena præsens est medicina & bezehard. Quare hīs febribus maxime medetur quæ originis suæ causam habent intus assumptum aut extra illatum uenenum, cuius uirtuti resistit, illud ē corpore pellendo. Siquidem scriptum legimus, Ceruos orientis, uti uuenescāt & robustiores efficiantur, serpentes edere, & antequam inde ueneno inficiantur, flumina petere & intrare, ubi usq; ad caput immerfi, docente natura, tandiu morantur sine ulla aquæ potatione (nam hausta illa mox morti succumberent) donec ueneni ui euicta lachrymam emittant, quæ sub palpebris inuiscatur & coagulatur, adeoq; increuit & augmenta-

tur ut iuglandis aut castaneæ magnitudinem interdum æquet. Et cum sentiunt uenenum & nocumētum eius expulsum, exeunt flumen: quo egresso per terram deambulantibus lachryma illa ut lapis indurata fricando decedit, & ab hominibus reperta bezehard est cæteris omnibus perfectius & efficacius ad expellendum uenenum & noxam eius. *Liquori.*) Hoc est, adipi melis, uel aquæ: sicut enim per calidam aut frigidam, ita etiā per liquorem sine adiuncto, aquam intelligere poterimus, iuxta illud Celsi libro 6, ubi ait, Quotiescunq; nō adijcio quod genus humoris adijciendū sit, aquam intelligi uolo. *Lacerat.*) Dilaniat, frangit & abigit. *Morbū.*) Febrem. *Bilem reuoluit in aluum.*) Bilem ad intestina retrudit & per aluū expellit. Quæ quid sit, dictum est supra capite 18. Hæc ad intestina transmittitur, quo sua extimulatione celerior secū fiat excretio: quod si propter obstructionem aliquam aut expultricis debilitatem detineatur ita ut ad intestina non transmittatur & feces ob id nō excernantur, accidunt inde egritudines & maxime febres, quibus ortis & infestantibus, si bilis iterum ad intestina uoluatur & excrementa reijciantur, morbus quoq; amolitur cessatq; febris. *Chymū iniquum.*) Humores prauos in stomacho contentos & superfluentes, ex quibus obstructions & inde morbus ac febris orta fuerit. *Stomacho.*) Ventriculo qui cibi recaptaculum est. *Desiccāt.*) Exsiccat & consumit. *Quæ.*) Bilis *Promittere.* & chymus prauus. *Promittunt.*) Minantur. Promittere enim aliquando minari est. Vergilius, Promissi ultorē, & uerbis odia aspera moui; id est, minatus sum. *Corpora.*) Vias & ductus in corpore per quos meant spiritus & sanguis in corpore, imò & aluum ipsam quæ per bilis absentiam & pituitæ abundantiam obstruitur & detinetur. *Claudi.*) Concludi & obstrui. *Febribus longis.*) Hoc est, longinquis & diuturnis atq; antiquis quæ longo tempore iam affligerunt. *Galli noua iura uetusti.*) Galli ueteris tanquam efficacioris ius recens coctum, diutinis febribus utile esse tradit

tradit etiam Dioscorides. Aluum enim à crassis & crudis glutinosisq; humoribus, qui obstructionum & inde febrium causa sunt, purgat ius gallinaceorum non modo antiquorum sed & pullorum autore Celso, quamuis seniorum ob nitrositatē maiorem efficacius existat. Et Plinius de eodem iure loquens sic scribit: Aluum soluit: ualidius ē uetere gallinaceo. Prodest & contra longinquas febres, & torpentibus membris, tremulisq; Tremulis.) Hoc iam ex Plinij testimonio confirmatum est. Intelligit autem per membra tremula, non ex quacunq; mala corporis affectione trementia, sed ea quę in febriū accessione cum frigore affecta tremunt.

Membratremula,

QVARTANAE TYPO REMEDIANDO.

CAPVT XLVIII.

NEC tu crede leuem dilato tempore febrem,
Quæ spaciū sibi dat, magis ut cessando caleseat,
Letali quæ grassatur quartana calore,
Ni medicas adhibere manus curemus & herbas.



VARTANAE.) Febris quartana simplex ac diligēs dicitur ea quæ ex atra bili seu humore melancholico putri solo ceu frigido & sicco efficitur, paulatimq; succenditur quemadmodum lapis quidam uel testa uel os uel aliud ficcum ac frigidum corpus quoddam. Et in hac rigor est, qualis potissimum in forti frigore refrigeratis, non qualis interdum existit per æstum uel laborem uel medicamentum calidū ac mordax uulneri adhibitum. Et hæc in intermittentibus longior existit, quarto die, unde sic dicta, reuertēs & exacerbans. Nam integro biduo intermittit, autor Galenus. Typo.) τύπος Græce, Latine forma dicitur. Intelligitur Typus.

Febris quartana.

Typus.

git autem Serenus per typum tempus afflictionis febris & afflictionem exacerbationemq; ipsam, quæ uarie in diuersis febrium generibus accidit. Sed de typo uide latius Galenum in libro de typo. *Dilato tempore.*) Scilicet afflictionis. Nam paroxysmi tempus in quartâ usq; diem pro
Paroxysmus. rogat & extendit, duobus interim quiescens. Est autem paroxysmus periodi tēpus deterius, hoc est, accessionis &
Periodus. exacerbationis afflictionisq; tempus. Periodus uero siue circuitus, est tempus ex intensioe in morbo & remissionē. *Spacium.*) Scilicet intermissionis & quietis. Nam ultra alias febres longissimū intermissionis tempus utpote duos dies habet: de alijs enim ut quintana, sextana, septimana & nonana, dubium est an fieri possint. Vnde Galenus de differentijs febrium libro 1. dubitanter ait, Si febris ulla quintana est: ipse enim nondum perspicue uidit, neq; eam circuitioē, neq; aliquam aliam ultra quartanā.
Letale. *Cessando.*) Intermittendo & quiescēdo. *Letali.*) Periculoso, noxio & malo. Intelligit aut per letale nō tanquā ex necessitate mortē afferentem, sed tanquā difficulter sanabilem. Nam qui hac febre comprehenduntur, nō cito liberantur, temporis spacio & longitudine molestantur, adeo ut quibusdam ad integrum annum et ultra prolongetur: nemi
Cap. 15. nemq; iugular, autore Celso libro 3. nisi ex ea quottidiana facta fuerit, tunc enim in malis æger est. Quod tamen nisi culpa uel egri uel curantis nunquam fit: quare danda opera est, ne qua cruditas in quottidianam id malum uertat. *Grassatur.*) Inuadit, sæuit & affligit. *Medicis.*) Medicantes & salutare, quæ morbum pellendo sanitatem restituant. Verg. Georg. libro 3. Dum medicas adhibere manus ad uulnera pastor Abnegat.

Allia non pudeat terno cum cimice trita,
 Et diluta mero, medijs haurire diebus.
 Mira est absinthii cum simplice potio lymphæ.
 Sume tribus digitis compressum semen anethi,
 Tantundē

Tantundem marathri, nec mulsum desit acetum
In cuius cyatho prædicta salubriter hauris.

Allia.) Allio prauos in corpore humores excernendi fa- *Allia.*
cultas est. Vnde caput eius unum sed cum laſerpiſij obo-
ſo quartanas excutere credunt, ut ſcribit Plinius. At Cel-
ſus allium ſolum comestum ante acceſſionem mouere ca-
lorem qui horrorem non admittat, teſtatur. *Non pudeat.*)
Quia utile eſt, licet turpe ſit & ſaſtidiendum. Pudere uere *Pudere.*
cundia eſt, & in hijs quæ turpiter fiunt. Loquitur autem
hoc non propter allia ſed cimices: de quorum medicina
quid ſit ſentiendum, docet nos Plinius naturalis hifto-
rie libro 20. cap. 4. dicens: Quædam pudenda dictu, tanta au-
torum aſſeueratione commendantur, ut præterire ſas non
ſit. Siquidem illa concordia rerum aut repugnantia medi-
cinæ gignuntur: ueluti cimum animalis foetidiffimi & *Cimex.*
dictu quoq; ſaſtidiendi. Et paulo poſt: Cætera quæ de hijs
tradunt, uomicæ & quartanarū remedia, aliorumq; mor-
borum, quanquam ouo aut cera aut faba inſuſos cen-
ſeant deuorandos, falſa nec referenda arbitror. *Terno ci-
mice.*) Dioſcorides medicinalis ſyluæ libr. 2. de leſtorum
cimumibus ſcribens, illorum non tres, imò ſeptem nume-
ro, et nō cum allio ſed per ſe fabarum cauis inſuſos, con-
tra quartanas febres ante acceſſionem utiliter deuorari
tradit. *Diluſa.*) Soluta & mixta. *Medijs diebus.*) Hoc eſt,
tempore quietis & intermiſſionis ante acceſſionē. *Mira.*)
Admiracione digna: quoniam, ut Plinius libro 27. cap. 8.
dicit, non dandum in febrili. Sed hoc intelligitur ſolum
quantum ad qualitatem manifeſtam quæ eſt caliditas: pro-
pter quam febrilem calorem augeret, ſed quia obſtruccio-
nes aperit & prauos humores & bilioſos, è quibus febris
oritur, purgat, maxime conuenit. *Abſinthi.*) Meſue, Con *Abſinthium.*
fert etiam abſinthium iuuamentū magnum febribus lōgi
temporis & febribus opilationum, quales ſunt quarta-
næ. *ſimplici lymphæ.*) Aqua pura & ſyncera. *ſume tribus.*)

Anethum Quod nunc ex anetho, marathro siue sceniculo & aceto
et scenicu- mulso docet medicamentum, id eadem ratione qua ab-
lum ex ace- sinthium, febribus medetur. Crassos enim ac putridos
to mulso. humores ex corpore educit & febrium ardores lenit. Ca-
Cyathus. ius.) Aceti mulsi. *Cyatho.*) Cyathus est uncia una cum
 dimidia pondere.

Mæoniæ Iliados quartum suppone timenti,
 Aut leporis timidi diluta coagula trade.

Liber 4. *Mæoniæ Iliados quartum.*) Hoc est librum quartum Iliados
Iliados Homericæ. Scripsit enim Iliada Homerus opus diffusum
Mæoniæ. uigintiquatuor uoluminibus uix absolutum, in quo nul-
 lum mali genus non recensetur. Mæoniæ autem uocat,
 id est, Homericæ, eo quod Homerus patria fuerit Mæo-
Homerus, nius. Vnde & Columella in præfatione ipsum appellat
deum Mæo- deum Mæonium. Videtur autē hoc quoque sicut & alia
nium. compluria superstitionem sapere medicamentum. *Sup-*
Coagulum & paroxysmum. *Leporis coagula.*) Hoc est quod Plinius
leporis. nat. hist. lib. 29. cap. 10, testatur Magos leporis coagulum
 ante accessionem propinare quartanis. *Timidi.*) Natura
 enim pavidum ac timidū animal est lepus. *Trade.*) Pro-
 pina & adbibendum exhibe.

Prodest & potus uel multus Doridis humor.
 Quidam etiam miranda ferunt, ueniente calore
 Iurantes ludum Veneris munusq̃ petendum,
 Sed prius est oleo paruas feruescere ranas
 In triuijs, illoq̃ artus perducere succo.

Doris. Vel) Pro etiam & ualde. *Doridis humor.*) Id est, aqua ma-
*Aqua*rina. Doris nymp̃ha dicitur maris, filia oceani & Tethy-
marina. os, coniunx Nerei. Interpretatur autem amaritudo. Vn-
 de Vergilius in Gallo, Doris amara suā non intermisceat
 undā. Accipitur tamen aliquando pro aqua ipsa marina,
 ut hic; de qua sic etiam scribit Plinius libro 31, cap. 6. Bibi-
 tur

tur quoq; quamuis non sine iniuria stomachi ad purgan-
da corpora, bilem q; atram, aut sanguinem concretum
reddendum alterutra parte. Quidam & in quartanis de-
dere eam bibendam. *Quidam.*) Ceu Icethidas medicus,
qui, ut Plinius libro 19. cap. 7. refert, quartanas coitu fini-
ri incipientibus duntaxat menstruis sponndit. Quod
quia minus probatur à Sere. ueritas & fides eius in alios
reijcitur. *Miranda.*) Quia citra ueri fidē uidetur id asseri.
Veniente calore.) Appropinquante ardore febrili & exacer-
bationis eius tempore. *iuuantes.*) Affirmantes. *Ludum*
Ven. munusq;.) Id est, coitum & rem Veneream exercitan-
dam. *Sed prius.*) Hoc est, ante coitum. Docet quo modo
ad coitum tales se prius disponere & præparare debeant,
& quid ipsis prius agendum. *Est.*) Cōuenit & utile est.
Oleo ranar.) Quam Serenus nunc coitui præmittendam
præcipiens utilem tradit inunctionem, eam lib. 32. cap. 6.
Plinius simpliciter & per se factā adprobat, alios aliquot
interim administrandarum ranarum modos & effectus
circa febres non omittens dum ait, Ranæ uero in triuio
decoctæ oleo abiectis carnibus perunctos liberant quar-
tanis. Sunt qui strangulatas in oleo ipsas clam adalligēt,
oleo q; eo perungant. Cor earum adalligatum frigora fe-
brium minuit. Et oleum in quo intestina decocta sint.
Maxime autem quartanis liberant ablatis unguibus ra-
næ & alligatæ. *Hæc ille. Feruescere.*) Decoquere. *illo suc-*
co.) Oleo ranarum.

*Coitus contra
quartanam
utilis.*

*Oleo ran-
narum.*

TERTIANAE TYPO RE

MEDIANDO.

CAPVT XLIX.

EST etiam alternis febris rediuiua diebus
Tempora discernens quasi iustæ pondera libræ.

TERTIANAE REMED.

Ut possis igitur talem prohibere furorem
Inuolues cera pallentis grana cumini,
Puniceæq; indes pelli, colloq; ligabis.
Pulegij ramus lanæ uelatus amictu
Tempore suspecto medicos præbebit odores.
Præterea cimex asso potatur in ouo,
Horridus attractu, sed gustu commodus apto.

Febris ter-
tiana.



TERTIANAE.) Febris tertiana simplex ac diligens dicitur, quæ ex flaua bile per corpora sentientia delata consistit, & cum rigore præhendit, ardorisq; speciem habet, & bilis uomitu, uel sudore, uel quibusdam horum uel omnibus soluitur. Etq; accessionis eius longitudo maxima horarum æquinoctialium 12. Et hæc respectu aliarum intermittentium cito terminatur. Verum si bilis multa & crassa fuerit, aut uires debiles, corporisq; dispositio densior, tunc longiorem efficit accessionem: breuiorem uero ubi bilis pauca & tenuis fuerit, aut uires ualentes, corporisq; dispositio rara. Et in hac præcedens rigor est quasi pungens ac uulnerans sensum, cum in quartana quasi refrigeret, autor Galenus. *Alternis.*) Quia uno intermittens die, altero redit paroxysmus & afflictio. *Rediuius.*) Quæ post intermissionem & discessum ad affligendi uires tanquam de morte ad uitam redit. *Tempora.*) Scilicet quietis siue intermissionis & afflictionis. *Discernens.*) Distinguens & diuidens. *Quasi.*) Ceu, quemadmodum, hoc est, æqualiter. *Iuste.*) Aequæ & unicuique ius suum ac debitum æqualiter distribuentis. *Pondera.*) Ponderus dicitur graue id quo librando ad stateram seu libræ ponderamus. *Libra.*) Libra est: instrumentum quo res ponderantur cum lancibus, quod alio nomine bilancem uocant. Persius satyra 4. Scis etenim iustum gemina suspendere lance. *Furorem.*) Seuitiam, exacerbationem & afflictionem febris. *Pallentis.*) Pallerem inducentis, Nam, ut libr. 20, cap. 14. Plinius tradit

Ponderus.
Libra.
Bilancx.

dit, omnem pallorē bibentibus gignit. *Grana.*) Semen. *Semen cy-*
Punicee p. li.) Corio puniceo & ruffo colore tincto, non *mini in cera*
 tamen quocunq; sed eo potissimum quem dat herba ery *& pelcruffe*
 throdanus siue iubia dicta, qualanz tinguntur pellesq;
 perficiuntur. Ni per puniceam pellem intelligere malue-
 ris malicorium, quod punici mali cortex est & pellis. *Pu-*
legij ramus.) Idem remedium testatur Xenocrates, & eun. *Pulegium.*
 dem pulegij cōtra eandem tertianam latius quoq; exten-
 dit, ut scribit Plinius; cuius lib. 20. cap. 14. hæc uerba sunt:
 Xenocrates pulegij ramum lana inuolutum in tertianis
 ante accessionem olfactandum dari, aut stragulis subijci,
 & ita collocari ægrum inter remedia tradit. *Tempore suspe-*
cto.) Hoc est, ante febris et paroxysmi accessionē. *Cimex.*) *Cimex.*
 De hoc dictum iā est cap. priori. *Horridus attactu.*) Quan-
 do tangitur & cōteritur odore abominabilis & foetidus.
Gustu apto.) Hoc est, cum apte & conuenienter ceu in oue
 assumitur & deglutitur.

QVOTTIDIANAE TYPORE- MEDIANDO.

CAPVT L.

AT qui continuis non cessat adire diebus,
 Sed tantum certas morbus discriminat horas,
 Triticeum metuit grānum: si credere dignum est:
 Quod latitans fracto fuerit sub pane repertum,
 Nec non ossa iuuant septis inuenta domorum,
 Conuenit hæc tereti pendentia subdere collo.
 Multaq; præterea uerborum monstra silebo,
 Nam febrem uario depelli carmine posse
 Vana superstitio credit, tremulaq; parentes.

Febris quoti-
diana.



VOTTIDIANAE.) Febris quotidiana simplex ac diligens dicitur, quæ ex pituita putri per membra sententiâ pulsa ab ipsa natura consistit: sic dicta, quod singulis diebus accedens, desinit ad integritatem. Incipit autem ex frigore partium extremarum, atque horrore potius, non rigore, difficulter calor acceditur, longumque obtinet incrementum in ipsum consistendi vigorem, quoniam humor ipse ex quo consistit, frigidus atque humidus est temperamento ac glutinosus conditione. Itaque difficulter accenditur ac tarde meat sæpe in ipsis meatibus detentus. Collidit interdum granatque vires: autor Galenus. *Continuis.*) Hoc est, singulis, nullo ut in alijs intermedio quiescente & intermittente, *Certis horas.*) Non integros dies, sed dierum solum partes, ut horas aliquot certas quibus desinit & reditum facit. *Morbis.*) Scilicet febris. *Discriminat.*) Discernit & partitur. *Triticum.*) Quantum fidei sit tribuendum huic medicamento indicat autor cum ait, Si credere dignum est. Quasi velit dicere: Quamuis quotidiana febris medicina hæc mederi dicatur, id tamen à veri fide longe abesse videtur. *Nec non ossa.*) Remedium hoc eandem fidem meretur, quam prius iam positum. *Septis domorum.*) Hoc est intra domum ipsam & circa parietes ipsos domus. *Hæc.*) Scilicet duo iam dicta medicamenta de tritico & ossibus. *Tereti.*) Gracili & rotundo. *Teres* dicitur quod rotundum est & oblongum. *Pendentia.*) Suspensa & alligata. *Subdere.*) Supponere & substernere. *Verborum monstra.*) Hoc est, carmina & incantamenta quæ verbis fiunt peregrinis maxime & fictis: quæ in rerum natura nil aliud sunt quam monstra, deliramenta & uanitates meræ. *Carmine.*) Carmen aliquando accipitur pro poemate & versibus certo pedum numero constrictis, ut supra in principio libri, Phœbe salutiferum quod pangimus adferre carmen. Aliquando uero pro incantatione ponitur, ut hic. An autem ualeant aliquid incantamenta, questio est: & ualere non nunquam uidemus,

Triticigranum
sub pane fracto

Ossa intra do-
mum reperta.

Teres.

Verborum
monstra.

Carmen.

videmus: quanquam illa, ceu ueritati dissona & falsa, à Christiana fide reiecta sint & prohibita. *Vana.*) Inanis, inutilis, absurda & falsa. *superstiuo.*) Superstitio generali ter pro omni inani obseruatione accipitur. Specialiter tamen, ut tradit Lucretius, dicitur superstitio quod sit superstantium rerū, id est, celestium & diuinarū quę super nos stant, inanis & superfluus timor. Estq; alia & separata à religione. Vnde Cicero de natura deorum libro 2. Non solum philosophi, ait, uerum etiam maiores nostri superstitionem à religione separauerunt. Nā qui totos dies precabantur & immolabāt ut sibi sui liberi superstites essent, superstitiosi sunt appellati. Et idem libro 1. Atheorū sententię, inquit, non modo superstitionem tollunt in qua inest timor inanis deorum, sed etiam religionē quę deorum cultu pio continetur. *Tremula parentes.*) Mulieres uelut & superstitiosę, inq; uera fide nutantes trementesq; & de medicinis reliquis naturę munere nobis è terra pro creatis dubitantes & diffidentes. Suntq; mulierculę & præcipue aniles plus hac superstitionum peste quàm uiri infectę.

HEMITRITAEODEPEL

LEND O.

CAPVT LI.

MORTIFERUM magis est quod Græcis hemitritę
Vulgatur uerbis, hoc nostra dicere lingua
Non potuere ulli, puto, nec uoluere parentes.



HEMITRITAEODEPEL.) Febri semitertianę, sic dictę, quod totius duarum ex quibus componitur februm naturę medietatem alteram habet, quemadmodum Hemionus, id est mulus,

Hemitritæus.
Febri semitertiana duplex.

HEMITRITAEODEPEL.

asini & equi medietatem, & Semideus hominis ac dei medietatem habens, ab altero eorum tantum modo dicitur. Est autem duplex semitertianæ febris genus. Vnum quidem eius quæ ex tertiana intermittente et quotidiana continua componitur & talis uel habet flauā bilem exuperantiorē, proindeq; flauæ bilis accidentia fortiora: uel hanc pauciorē, pituitam uero maiorem, & ideo quotidianæ continuæ affectiones etiam firmiores habet: uel ambos humores æquales, qualis est diligēs semitertiana, qualem Hippocrates indicat libro epidemiarum primo hijs uerbis: Mala uero hæc plerisq; fiebant. Febres horrificæ, continuæ, acutæ, in totum minime intermittentes: modus autem hemitritæos siue semitertianæ erat, diem quidem unum siue accessionem habens leniorem, altero autem grauius affligens, atq; ad acutiorē dispositionem increpescens. Horrificas autem uocat, non simpliciter incipientes cum horrore, quod in numeris febribus accidit, sed in quibus parte plurima accessionis horror præhendit, altera die in qua simul afficiunt tertiana & quotidiana continua: altera enim dies quotidianam tantūmodo habet. Horror autem in medio amborum existit, rigoris scilicet & frigoris. Alterū uero semitertianæ febris genus est eius quæ ex tertiana continua & quotidiana intermittente componitur, ex cuius humorum exuperantia aut æqualitate, accidentia quoq; intenduntur aut æqualiter se habent, ut in priore dictum iam est. Cæterum quæ ex ambabus continuis aut ambabus intermittentibus fiūt, semitertianæ esse non possunt. Hæc & plura Galenus in de differentijs febrium libro secundo. *Mortiferum magis.*) Hoc est, dictis iam febribus perniciosior est & magis letalis hemitritæus, quoniam plerunq; frequentiores, ut Celsus lib. 3. ait, accessiones decessionesq; habet: quare etiam magna cura opus est, ne fallat. Præterea priores febres simplices sunt, hæc uero ex dictis aliquot diuersarum naturarum composita. Liquet autem simplicem morbum

Febris horri-
fica.

Mortor.

simplici

simplici indigentem medicina, curationis esse leuioris, & ob id etiam minus noxium letalem uē: compositum autem ex diuersis & præsertim contrarijs, ob diuersarum et contrariarum rerum administrandarum necessitatem, curæ esse difficilioris magisq̃ mortiferum. Nam ubi diuersæ & contrariæ similiter concurrunt causæ auxilio indigentes, caute prospiciendum erit ne uni auxiliando alteri incrementum addamus. *Quod.*) Febrium genus. *Hemitritæum.*) Semitertianum. Nam *ἡμί* Græce, Latine semis est. *ἡγραιον* uero tertianū. *Vulgatur.*) Vulgo et ab omnibus ita appellat. *Nostri.*) Hoc est Latina. *Puto.*) Correctio est prioris quod non potuerint, potuissent enim æque ut nos si uoluissent. Sed quoniam in usu (forte quia tunc recēs aut rarior & ob id etiam minus cognitus morbus) non erat quod hemitritæi nomen ipsis repræsenteret, id idem etiam de nouo formare noluerunt, quod tamen licite etiam uti nos facere potuissent si modo uoluissent, quare subiungit, Nec uoluere. *Parentes.*) Maiores nostri & præsci seculi homines.

Inscribis chartæ quod dicitur Abracatabra
 Sæpius & subter repetis, sed detrahe summam
 Et magis atq̃ magis desint elementa figuris,
 Singula quæ semper rapies & cætera figes,
 Donec in angustum redigatur litera conum:
 Hijs lino nexis collum redimire memento.
 Nonnulli memorant adipem prodesse leonis.

Inscribis chartæ quod etc.) Quāuis superstitiosum & à Christiana fide inhibitum sit hoc cum sui similibus medicamentum, uidemus tamen nonnunquam optatum salutis effectum inde cōsequi. Scimusq̃ nos præsentī inscriptione collo febricitātis appensa, eundem à febre liberatum. Inscriptio autem quam autor nos docet, talis est, ut primo in prima linea scribatur hoc nomen Abracatabra, de inde eidem in alia idem subscribatur & prioris ultima li-

tera omittatur:et hoc toties fiat donec ad primam & unicam literam deueniatur. Et talis scriptura collo suspendatur in lino ligata, & tot diebus portetur quot sunt lineæ, deinde remoueat. Nam à febre tunc liberatus est. Inscriptionis autem forma talis est.

Abracatabra.	<p><i>Abracatabra.</i>) Peregrina & ficta est dictio, nihil significās: nisi forte aut Hebraica aut Arabica fuerit. Magi siquidem & incantatores & reliquū superstitionum hominum genus, quo magis miraretur uulgus, potissimū Hebraicis aut Arabicis & quā possunt peregrinis utuntur uerbis. <i>Subter repetis.</i>) Subscribēdo reiteras. <i>Sed.</i>) Docet nunc quomodo uerbū hoc scribendum sit. <i>Detrahe summa.</i>) Hoc est, in unaquaq; linea prioris præcedentis ultima litera omittatur. <i>Elementa.</i>) Literæ. <i>Figuris.</i>) Formis & lineis. <i>In angustum conum.</i>) Ad fastigium & literam unicam. Sic enim coni formam referet. <i>Hij.</i>) Scilicet in charta & papyro sic scriptis. <i>Lino nexis.</i>) Filo seu panno lineo ligatis. <i>Redimire.</i>) Ornare, circumdare et appendere.</p>	<p>Abracatabra Abracatabr Abracatab Abracata Abracat Abraca Abrac Abra Abr Ab A.</p>
---------------------	---	--

Coralium atq; crocum corio connectito felis,
Nec dubites illis uirides miscere smaragdos,
Talia languentis conducent uincula collo,
Letalesq; abigent miranda potentia morbos.

Coralium.	<p><i>Coralium.</i>) Coralium notum est, olim magno in honore habitum apud gentes aliquas. Nam, ut libro 32. cap. 2. scribit Plinius, quantum apud nos Indiciis margaritis precium est, tātum apud Indos in coralio. Nanq; ista persuasione gentium constant. Gignitur in mari forma fruticis, unde quidam lithodendron, id est lapideam arborē, uocant. Quod quandiu sub aqua fuerit, molle est tactu: exemptum uero ab aëre ueluti candens ferrum aqua <i>mersum</i></p>
------------------	--

sum

sum confestim duratur & lapidescit. Tria eius genera. Rubens, cādidum, et nigricans, quod antipathes dicitur & ramosius est. Sed probatissimum quod quā maxime rubet & quā ramosissimum est, fragile item, totaꝑ concretionē suā æquale, & ut lib. 7. Dioscorides prodiit, quod terrā, muscum, algamꝑ simul olet. Præterea quod non est scabrum aut lapidosum, uel rursus inane aut concuum. Ramuli sunt quales arborum uisimus ad semipedem frequentius longos: rarumꝑ est pedaneos deprehendi, uti cap. 7. tradit Solinus. Excuduntur ex illis multa gestamina: habet enim materies hæc, ut Zoroastes ait, quandam potestatem, ac propterea quicquid inde fit habetur inter salutaria. Maxime autem cordis est confortatium. *Crocum.*) Quod Græci & Latini crocum, id Ara *Crocum.* bes et Germani *safran* dicunt, cordis etiam maximum confortatium, de quo Dioscorides libro primo. *Felis.*) *Felis.* Felis animal est, quod sæpius nobiscum in domibus uersatur, quoꝑ ad murium uenatum utimur, Græci *ἄλουργον*, uulgo catum appellat. *Virides smaragdos.*) *Smaragdus.* Smaragdus lapis est preciosus, colore uiridis. Cuius plura sunt genera: de quibus copiose Plinius libro ultimo. Hic lapis uel per se collo suspensus hemitritæum curat, teste Alberto Magno. *Conducent.*) Proderunt. *Colla.*) Scilicet alligata & appensa.

FRACTVRIS ET LVXIS

SANANDIS.

CAPVT LII.

INFANDVM dictu cunctis procul absit amicis
Sed fortuna potens omen conuertat in hostes,
Vis indigna nouo si sparserit ossa fragore,
Conueniet cerebrum blandi canis addere fractis,

Linteæ deinde superq̃ inductas nec̃tere lanas,
 Sæpius & succos conspergere pinguis oliui,
 Bis septem credunt coalescere cuncta diebus.
 Aut ueteri Baccho capræ simus inde petulcæ,
 Hoc aperit clausum, trahit hærens, sanat apertum.

Fractura.



R A C T V R I S.) Fractura est solutio conti-
 nuitatis in osse, cuius variaz sunt differentiæ:
 de quibus & curatione earum plura Galenus

Luxa.

therapeutices libr. 6. Luxis) Luxa siue luxata

dicuntur membra soluta & loco sedibusq̃ suis mota.
 Quod bifariam accidit, autore Celso: aut enim quæ iun-
 cta sunt inter se dehiscunt et alterum ab altero recedit: aut
 articuli suis sedibus excidunt. Est autem semper ea parte
 tumor in qua os prorumpit, & in ea sinus à qua recessit.
Infandum dictu omen.) Malum & omne aduersum magnum

Omen.

et quod uix fari quis possit. Omen auspiciū dicitur, nunc
 prosperum, nunc aduersum, ut hoc loco: quare illi adiun-
 git, Infandum dictu. Verg. Ignauus bubo dirum morta-

Fortuna.

libus omen. *Fortuna.*) Fortuna accidentium rerum subi-
 tus & inopinatus est euentus. Est et dea ueteribus credita
 uarijs casibus humana deludens, & ideo cæca existi-
 mata. Iuuenalis, Te facimus fortuna deam, cœloq̃ loca-
 mus. Ab hac omnia & sc̃licia & infœlicia tribui, uulgus
 ferè arbitratur. *Potens.*) Fortis & ualida, ima summis
 mutare ualens. Vnde Horatius carminum libr. 1. O diua
 gratum quæ regis Antium Præsens uel imo tollere de gra-
 du Mortale corpus, uel superbos Vertere funeribus tri-
 umphos. *Novo fragore.*) Fractura recentiquæ impetuose

Fragor.

& cum sonitu accidit. Ossa enim dum franguntur frago-
 rem, qui sonitus est, solent edere. *Sparserit.*) Disperferit,

Cerebrum
 canis.

soluerit, & frangendo separauerit. *Cerebrum canis.*) Idem
 testatur Plinius libro 30. cap. 3. dicens, Ossibus fractis ca-
 ninum cerebrum linteolo illito superpositis lanis, quæ
 deinde suffundantur, ferè quatuordecim diebus solidat.

Et

Et idem quoque comprobatur Sextus Platonius, hijs uerbis: Cerebrum canis illitum & in lana impositum, & sub inde suffundatur fracturis, diebus 14. solidatur. Fractura autem debet solida alligatione uti. *Blandi.*) Mitis & fidelis. Nam, ut Plinius lib. 8. scribit, fidelissimi ante omnia sunt homini canes. *Addere.*) Imponere. *Lanas.*) Scilicet succidas, quæ ex oleo contusis fractisq; ossibus utiliter imponuntur, autore Dioscoride. *Succos ping. ol.*) Hoc est oleo oliuarum quod præpingue est. *Capra finum.*) Plinius libro 18. cap. 10. Costis fractis laudatur unice caprinum finum ex uino ueterè, aperit, extrahit, perfanat. *Inde.*) Impone. *Petulca.*) Capra petulca dicitur à petèdo quod in alia loca penetrando iniuriam faciat. *Hoc.*) Scilicet dictum iam medicamentum, cuius uires & facultates autor subiungit. Vbi sciendum est ossa nonnunquam tanta uiolentia et impetu frangi, ut ab inuicem dispergantur & proprio loco restitui non possint, quare sui ablationem & extractionem ex carne cui inhaerent, expostulant. Verum quia in tali casu uulnus per quod extrahi possint non semper adest, sed integra est caro & cutis, tunc eas aperire & uulnus facere oportet per quod extrahantur. Et quia tum uulneratio tum extractio nunc ferro nunc medicamento fieri solet, ferrum autem plurimi abhorreant, autor medicamentum nos docet quod utranq; & aperiendi & extrahendi & ultra hæc perfanandi facultatem habet.

- Sin uero caput infestus colliserit ictus
- Ex oleo necti uestis debeat arachnes,
- Nesciet hæc illinc nisi cum sanarit abire.
- Quod si luxa suo decedunt membra tenore,
- Vrere fœmineos crines ac iungere seuum
- Congruit, ac tali medicamine mota ligare.
- Aut malum ex pingui tritum apposuisse iuuabit.

Et si conclusum seruabit tibia uulnus,
Stercus ouis placide iunges, adipescq; uetustos,
Pandere quæ poterunt ulcus, patuloq; mederi.

- Tela aranei.** Sin uero cap.) Docet nunc mederi fracturæ cranei & totius capitis uulneribus, idq; per telæ arenei ex oleo impositione, quod & Plinius lib. 29. cap. ultimo testatur, nisi quod dictus acetum miscet dicens: Fracto capiti aranei tela ex oleo & aceto imposita non nisi uulnere sanato abscedit. *Vesit arachnes.*) Hoc est, tela arenei siue araneæ. Vtrunq; enim dicitur: quamuis areneus proprie dicatur animal ipsum, aranea uero tela. Poëtæ tamē areneam etiam pro animali accipiunt, cuius prima diuisione duplex est genus. Sunt enim noxi quidam quos tum Græci tum Latini phalangia dicunt: quorum itidem plures sunt species, de quibus Aristoteles, Plin. & Nicæder plura. Sunt alij innoxij, quos Græci ἀράχνης, Latini araneos dicunt: de quibus Dioscorides libro 1. ubi duo genera eorū facit. Vnum quod holcon & lycō, id est lupum, uocat: alterū uero ait esse quod candidas tenues & densas telas operetur. Et tales intelligit autor per uestem arachnes. Alludit autē ad fabulā Arachnes puellæ Lydiæ, quæ, uti fabulatur Ouid. Metamorphoseon libro 6. lanificij peritissima, cum se temere præposuisset Mineræ, conuersa est in araneū. *Hæc.*) Tela aranei. *illinc.*) A loco uulnerato cui imposita est. *Suo tenore.*) Ex ordine, cōtinuitate & loco suo proprio. *Vrere fæmineos crines.*) Plinius lib. 30. capite 3. Articulis luxatis præsentaneum est & seuū pecudis cum cinere ex capillo mulierum. *Seuū.*) Scilicet pecudis. *Malum.*) Pomum. *Pingui.*) Id est pinguedine, adipe, & axungia porcina: quæ, ut Plinius scribit, rupta & conuulsa & spasmata & luxata sanat. *Conclusum.*) Clausum & non apertū. *Pandere.*) Aperire. *Patulo.*) Aperto.

Cinis capillorum muliebrium ex fumo pecudis.

Pomum cum axungia.

NERVIS INCISIS ET DO-

LENTIBVS ATQVE

contractis.

CAPVT LIII.

H A V D quisquā credet dissectos uulnere neruos
Ad solitum rursus reuocari posse uigorem,
Sed prodest terræ lumbricos indere tritos,
Quis uetus & ranæ sociari axungia debet.

N

ERVIS.) Nerui quid sint & unde oriantur, docet nos Auicēna prima primi dicens: Nerui sunt corpora à cerebro orta, aut à nucha, alba, ad flectendū mollia, & ad separandum dura: ad hoc creati ut per eos mēbra sensum habeant & motū. Et Gal. de locis affectis lib. 3. ait, Atqui ex anatomice didicimus, neruos oēs à cerebro primariū sumere initium. Neq; simpliciter initium, sed primarium, spinalis medullæ gratia dixi: quamuis enim permulti ex ea nerui prodire uideantur, uim tamen omnem quam habet, cerebrum ipsi suppetit. Et de iuuamentis lib. 9. Caput, & sensus & uoluntarij motus fontem, ac neruorum tum mollium tum durorum originem esse tradit. Nec obstat quod aliter de hoc statuat Aristoteles, cui & Auerrois Colliget lib. 3. & Auicenna de animalibus tertio adstipulatur. Sed de hijs non plura. Quod reliquum est, Nerui aliquando cæsum uulnerantur & dolent, aliquando uero citra uulnerationem dolore afficiuntur: & nonnunquam conuelluntur cōtrahunturq; cum scilicet rigore quodam colliguntur, ita ut extendi & plicari moueriq; non possint. Et hijs neruorum passionibus hoc capite mēderi docet Serenus. Haud quisquā credet.) Difficilem enim curationem habēt, adeo ut creditu difficile sit, ea posse sanari. Vnde inter uulnera mala & periculosa, quæq; ad sanitatē uix perueniant.

Nerui quid, &
unde eorum
origo.

NERVIS DOLENTIB.

Celsus libro 5. ea quoq; ponit quæ neruos lædunt. *Dissec-
tos uulnere.*) Hoc est incisos & cæsim uulneratos. *Solutum
uigorem.*) Firmitatem, robur & statum pristinum. *Reuo-
cari.*) Reduci & restitui. *Terræ lumbricos.*) Vermes terre-
nos. Neruis & membris ipsis neruosis cæsis & quoquo
modo male affectis, dolentibusq; mederi lumbricos &
ranas, aliorum etiam comprobatur autoritas. De lumbricis enim sic prodit Dioscorides, Glutinant præcisos ner-
uos concisi siue cōtriti & impositi uermes terreni. Quod
& Galenus & Paulus Aegineta quoq; testatur. Plinius
item libro 30. capite 3. Vulnura, inquit, recentia congluti-
nant uermes terreni, adeo ut neruos quoq; abscisos illi-
tis solidari infra septimum diem Democritus persuaserit.
Itaq; in melle seruandos censet. Et idē eodem capite, Ter-
reni uermis cinis, ait, cum melle illitus etiā dolores tollit.
Et eiusdem libri cap. 4. Vermes terreni illiti in ceruices &
scapulas, ne nerui doleant, præstant. Porro quod ad ra-
nas attinet, profunt illæ, ut Dioscorides tradit, contra ue-
teres neruorum in ceruice, quos tenontas Græci dicunt,
abscessus. Et Plinius libro 31. capite 1. In articulis, inquit,
morborum impetus sedant ranæ subinde recentes im-
positæ: quas quidam dissectas iubent imponi. *Quis.*) Qui-
bus terræ lumbricis. *Virtus axungia ranae.*) Adeps & pingue-
do ranæ uetus, ut quæ efficacior sit recenti. Idem autē po-
test & tota substantia eius, & in oleo decoctarum ius.

Si uero occultus neruos dolor urit inertes,
Vulturis excisos adipes rutamq; remitte,
Aut ceram, & tali recreabis languida fotu.
Conuenit & pelagi calidis perfundier undis.
Carica uel betis lento cum melle iugatur.
Aut Baccho madefacta Ceres cū fronde cupressū,
Quo poteris fotu recreare rigentia membra.
Sin autem subito replicantur corpora morbo
Contractos reuocat neruos caro sumpta columbe.

Occultus.

Occultus.) Absconditus & cuius causa latet. vrit.) Dolo
 re quasi urente affligit. Inertes.) Desides & languentes.
 Vulturis adipēs.) Vulturis medicinam in hoc casu, licet ali- Adeps vultu-
 ter, attestatur etiam Plinius libro 30. cap. 3. dicens, Adeps turis.
 uulturinus cum uentre arefactus contritusq; cum adipe
 suillo inueterato, neruorum dolores tollit. Et Sextus Pla
 tonicus, Vulturis ad. ps, inquit, et uentriculus cum axun
 gia contritus & perunctus, omnem neruorum dolorem
 tollit & articulorum emēdat. Rutam.) Scilicet puluerem Ruta,
 siue succum eius. Rutam contra articulorum dolores uel
 ex melle emplastri modo impositam prodesse tradit Dio
 scorides, Plinius uero dolētibus neruis illam tritam cum
 lana & adipe aliquos imponere tradit libro 30. capite 2.
 Remitte.) Dissolue & permisce. Pelagi caluēis undis.) Aqua Aqua marina,
 marina calida, de qua sic Plinius: Medendi modus item et
 in marinis erit, quę calefaciunt ad neruorum dolores fer
 ruminata & fracturas, ossaq; confusa, idem ad corpora
 siccanda. Carica uel betis.) Hoc est quod contra articula- Ficus & beta
 rem morbum etiam docuit medicamentum. Si uero arti- ex melle,
 culos tabes inimica per omnes Hæserit, ex fico betas ac
 melle ligabis. Vnde & neruis etiā prodest. Carica autem Carica.
 ficus est siccata. Baccho mad. Ceres & c.) Hoc medicamine Cupressus et
 prius etiam contra podagram uti docuit dicens: Aut si panis ex uino,
 corruptus perfederit altius humor, Trita cupressus ibi
 Baccho iungatur acerbo, Panibus & teneris, cohibet su-
 peraddita quæstus. Ponit autem quemadmodum Bac-
 chum pro uino, ita & Cererem pro frumento & pane.
 Dicta est autem Ceres, ut aliqui uolūt, à fructibus geren- Cerei.
 dis, quasi gerēs. Seu, ut alij, à creō quod frugū creatrix sit
 & inuentrix. Ipsa enim, ut Plinius libro 7. cap. 36. scribit,
 frumenta inuenit, cum antea glande uescerentur. Eadem
 molere & conficere in Attica, Italia & Sicilia, ob id dea iu-
 dicata. Græce θηλυτήρ, quasi γηλυτήρ, id est terra ma- θηλυτήρ:
 ter, quod omnium sit mater: siue, ut Plato ait, quod μήτηρ
 δα μαντήρ, hoc est tribuens mater, dicitur. Ex terra enim

SOMNO ASCISCENDO.

*Demetria
semina.*

frumenta nobis dantur & nascuntur. Vnde Galenus libro 2. de alimentis demetria semina uocat Cerealia & frumentaria. Cæterum medicamenti huius Plinius quoque meminit lib. 24. cap. 5. hijs uerbis: Cupressi folia trita cum duabus partibus panis mollis & e uino Amineo subacta, pedum ac neruorum dolores sanant. (*Rigentia.*) Indurata & dolore affecta. (*Replicantur.*) Colliguntur, conueluntur & contrahuntur. (*Caro columbe.*) Plinius libro 30. cap. 3. In contractione neruorum caro palumbina in cibis prodest & inueterata.

Caro columbe.

AEGRIS SOMNO ASCISCENDO.

CAPVT LIIII.

NON solum miseros teterrima febris adurit,
Sed super oprato pergit uiduare sopore,
Ne prosint placidi caelestia munera somni.
Charta igitur uarijs quam pinxit litera uerbis
Vritur, inde cinis calido potatur in amni.
Proderit & magnum capiti substernere fulcrum.
Prodest & lymphis mixtam potare cupressum.

Vigilia.



Somnus.

*Vigilia ex
cedentes.*

AEGRIS.) Scilicet insomnibus & uigiliarum excessu uexatis, quibus somnū inducere & uigilias sopire docet hoc capite Serenus. Est autem uigilia, ut apud Aristotelem habetur, sensuum solatio, cum liberam suis functionibus intendere ualēt operam. Somnus uero ipsorum ligatio, defectus & impotentia ob excessum uigilandi. Verum uigiliae excedentes fiunt aliquando quidem citra ægritudinem, ut in senibus ob ariditatem; aliquando uero ex ægritudine propter primæ partis sensitiuæ calorem, sed uel ex sola in-

tem-

temperatura, uel ex humoris biliosi abundantia, ut in febribus & alijs biliosis calidisq; morbis, ut tradit Galenus. Et de hijs loquitur Hippocrates libro secundo aphorismorum, ubi sic pronunciat: Somnus atq; uigilia utraque si modum exceſſerint, malum. Quare uigiliarum exceſſui occurrere nunc docet Serenus. *Aſciſcendo.*) Pro-
 uocando & conciliando. *Non ſolum miſ. &c.*) Ponit duo febrium mala, uidelicet calorem adurentem & uigilias, quæ etiam inter mala uniuerſi corporis ſunt pleriſq; ut libr. 16. cap. 11. ait Plinius. *Super optato ſopore.*) Plurimum expetito & deſiderato ſomno, qui ſalubris eſt & non in-
 pugnabilis, ut Celfus uocat. Nam ſopor proprie nõ ſim- *Sopor.*
 plex ſomnus eſt, ſed malus & noxiuſ: cuius iuxta cauſarũ uarietatem plura ſunt genera: inter quæ eſt Coma, lethar-
 gus, caros, & alia quorum omnium commune quod-
 dam conſequens eſt cataphora, id eſt in ſomnum delatio. *Cataphora.*
Pergit.) Procedit & nititur. *Videtur.*) Priuare. *Placidi ſomni.*) Quietis mitis & gratæ ac placidæ, quod ea quæ
 quieta ſunt omnibus placent. *Cœleſtia munera.*) Dona di-
 uina & deorum munere conceſſa. Somnus enim & quie- *Somnus deus.*
 tem et quietis largitorem deum ſignificat. Vnde Ouidiuſ
 Metamorphoſeon libro 11. Somne quies rerum placidiſſi-
 me ſomne deorum, Pax animi, quem cura fugit, qui ſeſſa
 diurnis Membra miniſterijs mulces, reparasq; labori,
 Eſt autem omni animali neceſſarius ſomnus, ſi naturam
 ſuam ſequi ſaluariq; debeat, ut inquit Ariſtoteles. *Charta.*) *Cinſ chartæ.*
 Quid charta, quid papyrus, dictum eſt in principio libri.
 Vim eius ſed ex uino ſumptæ & aduſtæ contra uigilias
 Plinius etiam teſtatur libr. 14. cap. 11. cum ait: Charta quæ
 fit ex papyro cremata, inter cauſtica eſt. Cinis eius ex ui-
 no potuſ ſomnum facit. *Amni.*) Aqua. *Fulcrum.*) Pul- *Fulcrum.*
 uinar. Fulcra à fulciendo dicta ſunt, ſummæ lectorum par-
 tes quibus thori ſuſtinentur. *Cupreſſum.*) Et hoc uirtute *Cupreſſus.*
 ſua refrigerante & adſtringente. Cum enim ex calidis hu-
 moribus cerebrum ſcandentibus fiant uigiliæ, cupreſſus

illos refrigerando & ne fursum ferantur prohibendo, uigilijs etiam obfistit somnumq̃ conciliat.

Palladijs itidem succis quos flore rosarum
Iungis, & immisces madidum tritumq̃ papauer,
Quo lita frons facilem præbebit nocte quietem.
Necnon mandragoræ gustu sopor additur altus,
Dilue præterea glomeramina quæ gerit intus
Clausa aries inter geminæ coxendicis umbras,
Inde soporati ducentur gutture potus.

*Oleum ro-
faceum.*

*Succus
Palladius.
Papauer.*

*Mandra-
gora.*

Canon.

Palladijs succ. quos flo. &c.) Oleum rosaceum intelligit quod ratione rosarum refrigerat & adstringit, somniferumq̃ existit. Nam, ut Plinius tradit, succi rosarum usus in febre per se uel cum aceto ad somnos conciliandos utilis est, flos enim somnum facit. Per Palladios autē succos oleum intelligitur oliuarum. Palladi enim deq̃ oliua, cuius inuen- trix dicitur, consecrata est. *Papauer.)* Quo efficacius fiat medicamentum, iubet rosaceo oleo miscere papaueri quod, ut Celsus ait, somno aptum est. Vnde Serenus supra capite primo uocat, amica papauera somno. Et Dioscorides, Nigri papaueris semen, ait, contra nimias uigilias, & ubi sopire opus fuerit emplastri modo frōti & temporibus ex aqua imponitur. *Quietem.)* Somnum facilem. *Mandragoræ.)* Mandragoræ tum in cibo & potu sumptæ, tum naribus olfatu admotæ, uim soporiferam testantur omnes: possuntq̃ id tum poma tum radix, ceteraq̃ partes eius, & earundem succus & liquor. Verum largior illorum usus ignaros obmutescere facit: quare caute utendum, & si necessitas uti coget & eo accersendus somnus erit, satius fuerit, & satis etiam ob id odore tantum somnum quæsisse, & ita quidem si fieri poterit, non naribus admovendo, sed ut quidam faciunt, mala puluino subiiciendo, habita scilicet moderatione illa maxime necessaria, ne quem obdormire uolumus, excitare
postea

postea non possimus: cuius rei & Celsus fideliter nos ad
 monet libro 3. *Sopor altus.*) Somnus profundus: & si co- *Somnus.*
 piofior sit usus, letalis. Differt sopor à somno: quod hic *Sopor.*
 salubris sit, ille uero malus & noxius: quod & Plinius no
 bis innuit cum ait, Curandum ne somnus sopor fiat. *Testes arietis.*
Glomeramina.) Intelligit testiculos arietis, qui globositan
 quam glomeres inter scœmina dependent. Siue sordes
 eas quæ eò loci colliguntur & coaceruantur. *Intus.*) In-
 tra scrotum siue osccheon & ambientem testes tunicam.
Inter coxæ, idicis umbras.) In abscondito & tanquam in um-
 bra latentes. *Soporati.*) Somnum secum adferentes. *Soporatus.*
Guttur.) Per guttur intelligit spacium illud in quo sunt *Guttur.*
 meatus anhelitus & cibi, siue gulam & cesophagum, id
 est fistulam cibalem & uiam eorum quæ deuorantur, de
 quibus dictum est supra capite 16.

LETHARGIAE EXPEL-

LENDAE.

CAPVT LV.

DIXIMVS hanc sortem miseris mortalibus esse,
 Vt sæpe inter se mala sint contraria morbi,
 Deniq; nonnunquã somno sic membra grauantur,
 Vt coniungatur letho sopor altus acerbo.



LETHARGIAE.) Lethargia siue Lethar *Lethargus.*
 gus capitis morbus est phrenitidi contrarius,
 ut inquit Galenus. Nã cataphora est & in som-
 num delatio grauis & inexcitabilis, cui & fe-
 bris accedit. Vnde Paulus Aegineta ait, Accidit autem le-
 thargicis febris lenta & ignaua non ualde crucians cum
 cataphora. Et Celsus post cardiacum morbū, quem phre-

nitidi contrarium dixerat, de lethargo sic scribit: Alter quoq; morbus est aliter phrenetico contrarius. In illo difficilis somnus, prompta ad omnem audaciam mens est: at in hoc marcor & inexpugnabilis penè dormiendi necessitas, lethargum Græci nominant: atq; id quoq; genus acutum est, & nisi succurritur, celeriter iugulat. Huius autem causa est pituita & frigidus humor, qui frigore & humiditate sua in somnum cogit: maliq; locus caput est. Vnde Galenus in expositione aphorismi libri 3. qui est, Somnus & uigilia, utraq; si modum exceßerint, malum: post descriptionem somni grauis qui difficilem habet expurgationem, sic ait: Fit autem huiusmodi somnus primo refrigerato sensitiuo, hoc est cerebro ipso: quæ refrigeratio cum fortis est, humiditati mixta, lethargicas facit passionem: cum siccitate uero catalepses Græce uocatas, Latine uero occupationes siue depræhensiones dixeris. Et quia principalis actio lēditur, febris quoq; accedit lethargo. Dicitur autem lethargus, ut illud etiā addam, tum obliuionis tum desidiæ argumento: quasi obliuiosa desidia, seu desidiosa obliuio. *ληθή* lethe enim obliuio est. *ἄργος* argos uero iners dicitur & deses. Latini aliquando ueternum uocant, utrunq; etiam aut alterutrum indicantes, desidiā scilicet torporemq; aut grauiorem somnū & obliuionem. Punici subethicum morbum dicunt. Ab hoc non multum distat alter quem Græci *κάρων* caron uocant: ex eadem enim materia scilicet pituita uterq; cōstat tum lethargus tum caros. In illo tamen differunt, quod in caro somnus præcedit & febris uehementior, & quod ipse alijs aliquot affectibus superuenit, ceu febribus, comitialibus & alijs. In lethargo uero somnus sequitur & febris ignauior, propriamq; habet causam. Hos affectus Plinius aliquando ueternū, sæpius soporem appellat, præsertim cū ait: Curandum ne somnus sopor fiat: quasi salubris sit somnus & eius quies, sopor uero morbosus & maleficus. Quare etiam Serenus, ut maleficij nota magis pateret,

Causa lethargi.

Somnus grauis.

Cataleptis.

Lethargus unde dictus *ληθή*. *ἄργος*. Veternus.

Subethicus morbus. Caros.

Sopor.

teret, soporem uocauit altum, id est profundum, grauem
 & qui malo est: & quo adhuc periculosiorem ostenderet,
 addidit etiam, Vt coniungatur letho acerbo. Vnde etiam
 Vergilius Eneidos libro 6. ait, Tum consanguineus lethi
 sopor, & mala mentis Gaudia. *Diximus*) Scilicet superi-
 us capite 28. *Sortem*) Euentum, *Letho*) Morti, *Lethum* *Lethum*,
 aliqui dictum uolunt à Græca dictione λῆθη, quæ obliuio
 nem significat, eo quod morientes omnium obliuione ca-
 piantur, & tunc cum aspiratione scribitur lethum. Alij
 uero à Leo deriuatum uolunt, quo ueteres usi sunt pro *Leo*,
 deleo, quoniā mors omnia delet, & tunc sine aspiratione
 scribitur Letum.

Ergo leui flamma torrentur cornua capræ,
 Quo nidore grauem depellent lumina somnum.
 Aut Veneris labrum, quæ dicitur herba, bibetur,
 Quæ teritur prius & uino confusa liquefcit.
 Conueniunt acidis euphorbia mixta fluentis,
 Gramina uel rutæ gemina si nare trahantur.
 Quidam dira iubent septeno cimice trito
 Vt uidentur aquæ cyathusq; bibatur earum;
 Hæc potiora putant quàm dulci morte perire.

Leui flamma.) Igne paruo. *Torrentur*.) Vruntur ut fumum
 reddât. *Cornua capræ*.) Et hoc propter sœdū quem uren- *Cornu capræ*,
 do mouent odorem, quo ad cerebrum per narium mea-
 tus delato, ægri excitantur. Vnde Celsus, Hos ægros, in-
 quit, quidam subinde excitare nituntur admotis hijs que
 per sternutamenta euocantur, & his quæ odore sœdo mo-
 uent, qualis est pix cruda, lana succida, piper, ueratrū,
 castoreum, acetum, allium, cepa, iuxta etiam galbanum
 incendunt, aut pilos, aut cornu ceruinū, si nō est, quod-
 libet aliud. Hæc enim cum conburuntur, odorem sœdū
 mouent. *Nidore*.) Odore sœdo cornu caprini. *Nidor* *Nidor*,
 proprie uniuscuiusq; rei adultæ dicitur odor. *Lumina*.)

Ignes quorum ardore & uisione cornu odorem reddit
Labrum Veneris. lethargicos excitantem. *Veneris Labrum.*) Herbari hanc
Cardium marianum. multicaudum magnum, Græci à sin dipſacon uocant.
Dipſacos. Herba eſt, ut Dioſcorides illam pingit, aculeata, caulem
 habens excelſum, ſpinofum: folia lactucæ ſimilia, oblon-
 ga & ſpinofa, quæ per medium dorſum ueluti bullas for-
 ris & intus ſpinofas habent, concauo qua ſe in geniculis
 coniungūt ſinu, quo rores & pluuiæ aquæ continentur,
 unde & nomen inuenit. Habet & in ſummis ſingularum
 germinationum caulibus ſingula ſpinis echinata & ob-
 longa capitula, quæ cum aruerunt candido colore fiunt.
Labrum. Cur autem olim labrum Veneris dicta fuerit hæc herba,
 cauſam haud facile dixerim. Porrò labrum hic non ab
 oris parte quæ manifeſtam in homine ſignificationē ha-
 bet, ſed à balneorū uafis aquarijs, quibus ad lauanda cor-
 pora utebātur, ſic dictū eſt: qđ uel Græci indicāt, qui ean-
 dem herbam ἀφροδίτης λουτρόν uocāt. λουτρόν autem iſtis
 aquarium uas eſt, quod labrū Latinis dici nūc diximus.
 Sunt tamen non ſolum aquaria ſic dicta uafa, ſed olearia
 quoq; & uinaria, in quæ oleum ē cortina & uinum ē lacu
 transferuntur. *Confuſa.*) *Commixta.* *Liqueſcit.*) *Molleſ-*
Euphorbiū. *ſcit & reſoluitur.* *Acidū fluentis.*) *Aceto.* *Euphorbia.*) *Eu-*
Lib. 5. cap. 1. *phorbiū.* ſuccus eſt herbæ nominis eiufdem: quam, ut
Lib. 25. cap. 7. *Plinius ſcribit,* in Mauritanix monte Atlante inuenit rex
 Iuba, appellauitq; euphorbiam medici ſui nomine & fra-
 tris Ant. Muſæ, qui diuum Auguſtum ſeruauit lactuca.
 Dioſcorides ferulaceam arborem uocat, quæ acerrimo
 liquore plena eſt, quem ob nimium eius feruorem incolę
 timentes colligunt excipulis ex ouillis aut hedinis lotis
 uentriculis factis. Vis eſt illi excaſticatoria atq; diſſiciens.
 Et quamuis lethargicos excitari labor ſit, ut Plinius ait,
 hoc tamen præſtat euphorbiū (ut perhibent) ex aceto
 naribus tactis peucedani ſucco. Et Meſue, Euphorbiū,
 inquit, eſt medicina bona lethargiæ & obliuioni. *Gramis*
Ruta. *na.*) *Folia.* *Ruta.*) Ad lethargicos ſuſcitandos rutam
 tritam

tritum ex aceto fronti infundere iubet Apuleius. Aliqui succum ex aceto lethargicis olfaciendum dederunt, ut libro 20. cap. 13. refert Plinius. *Nare trahantur.*) Id est, olfactentur, scilicet euphorbium aut ruta ex aceto, quod illis penetrandi uim addit. *Quidam.*) Medicamenti huius cimum fidem & autoritatem in alios reijcit, quemadmodum & Plinius libro 29. cap. 4. dum ait: Lethargi tamen medicinæ cum argumento adhibent cimices, quoniam uincatur aspidum somnifica uis, septenos in cyatho aque dantes, puerilibus annis quaternos. *Dira.*) Crudelia, abhominanda. *Potiora.*) Eligibilia. *Dulci morte.*) Vocat mortem dulcem, quod lethargo oppressi citra dolorē ceu somno dulci & quiete sopiti leniter animā exhalant.

COMITIALI MORBO.

CAPVT LVI.

EST subiti species morbi cui nomen ab illo est,
 Quod fieri nobis suffragia iusta recusat;
 Sæpe etenim membris atro languore caducis
 Concilium populi labes horrenda diremit.
 Ipse deus memorat dubiæ per tempora lunæ
 Conceptum, talis quem sæpe ruina profudit.



COMITIALI.) Morbus comitalis sic dictus est, uti Serenus tradit, eo quod si quis illo correptus in comitijs concidisset, soluebantur comitia, quæ Romani populi ad ciuitatis res tractandas, ut magistratus creandos & leges ferendas, conuentus & coitiones erāt, & diuidebantur in Calata, curiata & centuriata, de quibus A. Gellius Atticarum notitium libro 15. cap. 27. & Fenestella de magistratibus Romanorum capite septimo, Et quia hī qui interlunio con-

Comitalis morbus.

Comitia.

Lunaticus morbus.

cepti aut nati sunt, hoc morbo ferè corripuntur: hinc
 etiam lunaticus est appellatus. Quoniam uero illo affectu,
 paroxysmi & afflictionis tempore in terram subito concidunt,
 dictus est etiam caducus. Aliqui eundem Herculeum uocant,
 eo quod Hercules huic morbo fuerit obnoxius, seu quod ut ille inuictus,
 ita hic nulla medicorum ope superabilis sit. Dicitur item propter magnitudinem & grauitatem
 suam (quoniam homo subito concidit & ex ore spumæ mouentur,
 ipseque morbus aut recens hominem consumit, aut ad extremum uitæ ac mortis diem usque durat)
 ἱερὰ νόσος id est morbus sacer, & ut Celsus ait, maior.
 ἱερὸν. Græci enim ἱερὸν quod nunc illis sacrum significat, antiquitus
 magnum & grande dicebant. Sic Homerus Iliados libro 16.
 ἱερὸν χθύν, id est piscem sacrum. Vergilius, sacram famem.
 Medici, sacrum morbum & os sacrum uocauerunt,
 eo quod grandia essent. Quamuis sint aliqui qui non tam
 propter magnitudinem quam quod dijs offerri solerent talia ἱερὰ,
 id est sacra, dicta coniecissent. Verum illorum opinionem
 qui morbum sacrum seu diuinum dictum contendunt,
 quod diuinitus immittatur, refellit Hippocrates libro proprio
 de morbo sacro inscripto: Apuleius in apologia seu defensione
 prima ἱερὰ μυσθόν, id est sacrum & diuinum morbum à Græcis
 nominatum putat, quod animi partem rationalem, quæ longe
 diuinissima est, uolet. Hippocrates libr. de uulneribus capitis,
 puerilē etiam uocat, eo quod in pueris abundet & illos sapius infestet.
 Demum Græci hunc morbum, quoniam nerui eo contrahuntur,
 ἐπιληψίαν epilepsiam uocant, hoc est correptionem & conuulsionem.
 Est enim, uti Galenus tradit, omnium corporis partium conuulsio,
 non quidem perpetua ut in emprosthotono & opisthotono atque tetano uidere est,
 sed quæ ex temporum interuallis accidit. Consistitque affectus
 hic in supremis corporis partibus, cerebro uidelicet, siquidem
 ex frigido crasso & uiscido pituitæ humore, spiritus animalis in cerebri uentriculis contenti meatum obstruunt

struente: quamuis aliquando etiam ab atra bile fiat, ubi scilicet in meatibus uentriculorum cerebri retinetur siue is medius sit siue postremus. Porro morbus hic subito fit & soluitur confestim: & qui sic laborat, neq; uidet, neque audit, neq; ullo sensu quicquam percipit, ac ne memoria quidem consequi potest, quid factum sit. Siquidem cum memoriæ uiribus, ratio quoque lēditur. Soletq; morbus hic, ut alij quidam, interdum ipsomet affecto, interdum alijs consentiente cerebro euenire. Tribusq; continetur differētijs: quibus omnibus cōmune est quod cerebrum afficitur: uel consistente in ipso affectu, id quod pluribus epilepticis accidit: aut à uentriculi orē ad cerebrū per consensum ascendente: aut, quod raro fit, cum à parte aliqua cui id forte fortuna accidit, incipit affectus, qui deinde sentiente ægro ad cerebrum usq; ascendit. Sed de hīs copiosius Galenus in libris de affectorum locorum notitia, tertio, quarto & quinto. *Subiti.*) Quoniam homo subito concidit. *Nomen.*) Scilicet comitalis. *Suffragia.*) Suffragium aliquando auxilium significat, aliquando uero, ut hic, uoces & sententias quæ dicebantur in comitijs & in tabellis describebantur, quibus unusquisque quem in magistratum eligi uolebat, declarabat, à quo & illa quoq; suffragia uocantur quæ ad idem declarandum clam in cistellam mittebantur, ceu lapilli, pilæ, fabæ et similia. *Iusta.*) Quæ iusto & statuto tempore fiebant. *Atrō.*) Funesto. *Caducti.*) Labilibus, cadentibus. *Concilium populi.*) Comititia quæ uniuersi populi conuentus erant, à simul itando sic dicta, cum concilium sit ubi populi pars aliqua & non uniuersus populus conuenit. *Labes.*) Malum, ruina & casus, qui dirimendorum comitiōrum causa erat. Voluerunt enim non habendorum comitiōrum causas esse aliquas, propter quas nefas erat habere comitia: dirimebantur autem tum comitali morbo cadēte aliquo, tum tonante & fulgurāte Ioue. *Ipsedeus.*) Phœbus aut Aesculapius, Indicat nunc qui huic morbo præ alijs

Suffragium.

Comitia.

Concilium.

Dirimendorum
comitiōrum
causæ.

Luna cadu sintobnoxij. Sunt aut maxime qui interlunio concipiun
eorum ins tur aut eduntur. Vnde Luna caducorum mater dicitur.
ter. Et inde quidam lunaticum morbum hunc uocāt. Porro
Lunaticus sacræ literæ lunaticos uocant eos quorum morbus lunæ
morbus. ascensu in crescat, quod diabolus lunaria seruet tempora,
Luna ut creaturam infamet in creatoris blasphemiam. *Dubia*
dubia, lunæ.) Incertæ. Vergilius Eneid. libr. 6. Quale per incer-
Silens. tam lunam sub luce maligna Est iter in syluis: ubi cælum
condidit umbra Iuppiter, & rebus nox abstulit atra colo-
rem: hoc est, interlunio quando luna in coitu est & filet.
Plinius libro 16. cap. 40. Diem quo luna in coitu est, alij in
Interlunium. terlunium, alij silentis lunæ appellant. Quo tempore sine
lumine aut sane minimo & dubio uidetur. Nam dum so-
lis radios subit, hoc est in coitu, quoniam haustu omnem
lucis auersa illò regerat, unde acceperit, ut Plinius scribit
libro 3. non cernitur sed latet ac filet: idē ferē triduo sal-
tem manifeste, quo tempore nihil etiam uirtutis suæ hīs
inferioribus infundit, ut placet Galeno. Sed dices, Cur
igitur Serenus interlunio natos comitali morbo corripī
tradit, si luna tunc in hæc inferiora nihil operatur? Dico
lunam in hæc inferiora agere bifariam. Primo actiue uim
suam infundendo, quod non agit nisi cum lumine non
est omnino priuata, quare interlunij tempore quia lumi-
ne exuta & uiduata, nihil inde defluit. Secundo priuati-
ue quatenus in coitu luminis splendore et ui sublata, dum
nihil agit, nihilq̄ impertit, uim suam subtrahendo no-
cumentum affert nonnullum, & inferiora hæc utilitate
sua priuat, sicq̄ ipsa uim & potestatem nullam inde acci-
piendo, afficiuntur. Et sic lunæ uiribus destituti qui inter-
lunio nascuntur, communiter comitiales euadunt. *Con-*
ceptum.) Per conceptum intelligit non solum illum qui
interlunio in utero conceptus est, sed & eum qui in hunc
mundum ex utero editus est interlunio. *Ruina.*) Casus.
Profudit.) Prostrauit & concidere fecit.

Prodest cum ueteri Bacchō fel uulturis ampli,
 Sed cochlear plenum gustatu sufficit uno.
 Aut cruor ex Progne mixtus cum polline thuris.
 Aut apium elixum, aut conditum melle fel agni,
 Marrubiumue pari confusum pondere mellis,
 Cuius terna dabis gustu cochlearia in uno.

Fel uulturis.) Quod Serenus de felle uulturis poto ex uino *Fel uulturis.*
 contra comitiales prodit, id alijs de aliorum animalium
 felle ac alijs uulturis membris referūt. Siquidem Diosco-
 rides fel ursinum comitialibus delingēdum utiliter dari,
 & testudinis in nāres utiliter indi astruit. Sextus autem
 Platonius, Vulturis iecur totum, ait, cū sanguine ipsius
 tritum & per dies nouem potum, caducis prodesse dici-
 mus. Plinius item lib. 30. cap. 3. sic scribit, Prædicatur re-
 creare comitiales iecur uulturis tritum cū suo sanguine
 ter septenis diebus potum, cor pulli uulturini adalliga-
 tum. Sed et ipsum uultrem in cibo dari iubent, et quidem
 satiatum humano cadauere. Quidam pectus ei bibēdum
 censent, & in cerrino calice. *Cochlear.*) Quid sit cochlear *Cochlear.*
 dictum est superius capite 17. *Gustatu.*) Haustu. *Cruor ex* *Sanguis hiru-*
Progne.) Alludit ad fabulam quā Progne in hirundinem *Progne.*
 transformata fingitur, & cuius meminit Ouidius *Meta-*
morphoseon lib. 6. Per Progenes itaq; cruorem Serenus
 intelligit sanguinem hirundinis, qui cum thure comitia-
 libus medetur, imò & cor recens deuoratum, ut libro. 30.
 cap. 3. refert Plin. *Polline thuris.*) Thuris puluere tenuissi- *Polline thuris.*
 mo, qui manna Græcis dicitur, aliud à cælesti rore aëre- *Manna.*
 ōue melle, quod à nostri temporis medicis & in sacris lite- *Apium.*
 ris manna etiam uocatur. *Apium elixum.*) Apium herba
 est quam ætas nostra petroselinon appellat. Nam quam
 illi Plinius in condimentis gratiam, ut alias interim obti-
 team, adscribit, cum ait, Apio gratia uulgo est. Nanq; ra-
 mi largis portionibus per iura innatant & in condimen-
 tis peculiatem gratiam habent. Hanc eandem gratiam &

illa quæ petroselinò à nostris uocatur, obtinet. Sed quod Chrysippi et Dionysii autoritate dicit in puerperis ab eo cibo comitiales fieri qui ubera hauriunt, eaq; causa inter nefastos fructes damnatū: id recentiorū medicorū schola quoq; cōprobat. Inter quos Auicēna, ut alios omittā, sic ait Canonis libro 2. Apium est malum epilepsie, excitans epilepsiam epilepticorum. Et libri 3. sen prima tract. 5. capite 10. dicit epilepsiam mouere apiū proprie sua proprietate quam habet in ea. Et cap. 11. de curatione iubet eos alienare à se omnia olera usq; ad attriplices & blites, nedum alia, & proprie apiū: etenim est ei proprietates comouendi epilepsiam. Sed dices: Quomodo igitur Sere-nus id epilepticis & comitialibus prodesse tradit? Dico, quod ubi in capite & id epilepsie obnoxiorum, multa fue-rit humorum repletio, tunc ipsos commouendo, nocere & morbum excitare potest: ubi uero pauci fuerint, tunc ipsos discutiendo & dissoluendo confert. Aut si nimius & superfluens eius fuerit usus, nocebit: si paucus & moderatus, conferre poterit. Et sic diuersa ratione aut o-be-rit aut proderit. *Conditum.*) *Mixtum.* *Fel agni.*) Plinius, Magnifice, inquit, laudatur & sanguis pecudum potus, item fel cum melle præcipue agninum. *Marrubium.*) Scilicet humores discutiendo & obstructions aperiendo.

Aptus mustelæ cinis est & hîrundinis unâ.

Præterea pluuias hominis quas calua supina

Excepit proiecta sinu consumere prodest.

Et lapis ex nido uaga quem congeffit hirundo

Vellitur, & nexu fouet attollitq; iacentem.

Pellitur ut fama est, gustu quoq; langor anethi.

Cinis mustele.

Mustele cinis.) Nō modo mustelæ cinis sed & nō uita eiusdem membra quædam huic morbo medentur, si alijs credimus. Nam, ut Plinius tradit, prodest & cerebrum mustelæ inueteratum potumq; & iecur eius. Testiculi, uul-uzq; aut uentriculus inueteratus cum coriandro. Item ci-

nis

nis. Syluestris uero tota in cibo sumpta. Et Dioscorides, Mustelæ, inquit, uentriculus coriandro factus, in uetera tusq; comitialibus utiliter bibitur. Prodest & sanguis eiusdem. *Hirundinis und.*) Hoc est, cinis hirundinis simul cum cinere mustelæ: quamuis per se etiã profint. Plin. lib. 30. capite 2. ubi anginis remedia ponit, non solum ad anginas sed & comitialibus quotidie cum pane aut potu dare aliquos dicit hirundinũ pullos strangulatos et cum sanguine combustos in uase: Quosdam uero & mustelæ cineres pari modo ammiscere. *Plinius hominis etc.*) Hoc est, aquam pluuiatilẽ quæ in hominis interfecti caluaria reperitur. Artemon fontanam dedit, ut refert Plinius, cuius libro 28. capite 1. hæc sunt uerba: Artemon caluaria interfecti igneque cremati propinauit aquam e fonte noctu comitialibus morbis. *Calua.*) Cranium, caluaria quæ supernum capitis os est. *Supina.*) Reuersa, ita ut pars aperta sursum spectet. *Excepit sinu.*) Hoc est, in cauitatem suam suscepit. *Proiecta.*) Abiecta, neglecta. Et per hoc innuere uidetur quod Artemonis autoritate Plinius refert, uidelicet ut sit hominis interfecti. *Consumere.*) Hoc est, potare: quod enim bibitur, consumitur. *Lapis ex nido etc.*) Hoc est, lapillus qui in hirundinum nidis siue pullorum uentriculis reperitur. Dioscorides libro 2. Dissectis ex prima scetura hirundinis ante plenilunium hirundinum pullis, in uentriculis eorum lapillos inuenies duos, ex quibus uersicolore & uario altero, uniformi uero concoloreque altero priusquam terram attingant in bucculæ aut cerui aluta inclusis & brachio colloue adalligatis comitialibus proderis, sæpiusque omnino ad sanitatem restitues. Porro Plinius magorum opinionem referens libro 30. capite 3. sic scribit: Magis placent uel lapilli e uentre pullorum hirundinum sinistro lacerto annexi. Dicuntur enim excluso pullo lapillum dare. Quod si pullus is detur incipienti in cibo, quem primum peperit, cum quis primum tentatus sit, liberatur eo malo, Postea medetur hirundinum

Cinis hirundinis.

Aq. pluuiæ ex calua.

Calua.

Lapis hirundinis.

Hirundo 11424.

Bizya arx.

Fama

Ancibum.

sanguis cum thure, uel cor recens deuoratum. Quin & e nido earum lapillus impositus recreare dicitur confestim & adalligatus perpetuo tueri. Hæc ille. Quæ eo profusus adscribere placuit, ut contra comitalem morbum tota hirundinum haberetur medicina. Vaga.) Mobilis & sine negotio flexuose modo huc modo illuc discurrens & uolans. Volucrum soli hirundini, ut Plinius libro 10. capite 14. scribit, flexuosi uolatus, uelox celeritas: quibus ex causis neq; rapinæ cæterarum alitum obnoxia est: eadem demum sola auium non nisi in uolatu pascitur. Præterea abeunt & hirundines hibernis mensibus, sola carne uescens auis ex hijs quæ ad uncus ungues non habent. Sed in uicina abeunt, Aphricos sequutæ montium recessus. Inuentæq; iam sunt ibi nudæ atq; deplumes. Thebarum tecta subire negantur, quoniam urbs illa sæpius capta sit. Nec Bizyæ in Thracia propter scelera Thesei. Est autem Bizya, ut idem lib. 4. scribit, arx regum Thraciæ à Terei nefasto crimine inuisa hirundinib. regio. vellitur.) Euellitur, eruitur & accipitur. Nexu.) Alligatione & appensione in brachio uel collo. Fouet.) Recreat & tuetur etiam. Attollit.) Surgere facit & sanat. Iacentem.) Eum qui comitali correptus in terram prostratus iacet & concidit. Vt fama est.) Vt dicitur & pro uero habetur. Fama enim communiter uera est. Nam quod uulgo dicitur, Haud frustra est, quod communis fama famat. Et Hesiodus ἐργοῖς καὶ ἡμέραις, in libro operum & dierum ait, φήμει δ' οὔτις πᾶν παρ' ἀπὸ δύναι, ἢ τινὰ πολλοὶ λαοὶ φημί ρουσι, θεὸς γάρ τίς ἐστι καὶ αὐτὴ. Hoc est, Fama uero nulla omnino perditur, quam multi populi famigerant, Deus certe quidam est & ipsa. Gustu.) Esu aut potu. Anethi.) Auicenna Canonis lib. 3. Fen 1. tract. 5 capite 11. Cum anethum & ruta in cibis eorum ponuntur, conferunt.

Regio

REGIO MORBO PEL-

LEND O.

CAPVT LVII.

REGIVS est uero signatus nomine morbus:
 Molliter hic quoniam celsa curatur in aula.
 Huic rubia ex mulsa fertur conducere lymphæ.
 Allia trita dabis uino madefacta calenti.
 Vellera cum uiuo suffiri sulphure prodest.

REGIO morbo.) Morbus dicitur regius à cu- Morbus
 ratione, eo quod molliter, ut Serenus ait, & de regium.
 licate in principum aulis curetur: hoc est, ut
 Varro sentit & Plinius libro 23. cap. 24. refert,
 quod mulsi potione quæ in regum delitijs erat, seu ut Cel-
 sus autumat, quod rebus mentem exhilarantibus cure-
 tur. Nam in eius curatione, ut Celsus præcipit, per omne
 tempus utendum est exercitatione, frictione, si hyems est:
 balneo, si æstas, frigidis natationibus: lecto etiam & con-
 clauis cultiore, clauso loco uti ludis, lasciuiæ, per quæ mens
 exhilaretur. Ob quæ regius morbus dictus uidetur. Vide
 licet à molli & uolupi dietæ genere & curatiõe. Dicitur et Morbus argua
 Arquatus à cælestis arcus uirore. Et aurigo à pallore auri, tus.
 quem bilis per uniuersum corpus fusa repræsentat. Græci Aurigo.
 icteron ab aue cognomine et cõcolore uocant. Vnde Plin. Icteros.
 Auis icterus uocatur à colore, quæ si spectetur, sanari id Galbulus auis.
 malum tradunt & auem mori, hanc puto Latine uocari
 Galbulum. Hæc ille lib. 30. cap. 3. Hic morbus maxime in
 oculis manifestatur. Vnde Plinius libr. 16. cap. 13. ait, Mor-
 bum regium in oculis præcipue mirari est, tenuitatem il-
 lam densitatemq; tunicularum felle subeunte. Et Celsus,
 Aequè notus est, inquit, morbus quem interdum arqua-
 tum, interdum regium nominant. Color autem eũ mor-
 bum detegit maxime oculorum, in quibus quod album

esse debet, fit luteum. Soletq; accedere & sitis & dolor capitis & frequens singultus & præcordiorum dextra parte duricies, & ubi corporis uehemens motus est, spiritus difficultas, membrorumq; resolutio, atq; ubi diutius manet morbus, totum corpus cum pallore quodam in albescit. Fit autem à uarijs causis. Aliquando enim iudicatorie fit & per crism, natura flauam bilem ad totum corpus & præcipue cutem reponente. Aliquando uero iocinore male se habente, uidelicet aut ob scirrhum tumoremq; prædurum qui diutinus morbus est, aut ob inflammationem, aut obstructionem, quæ ambo repente fieri possunt. Interdum uero fit morbus hic citra hos affectus, ubi mutata iocinoris secundum naturam temperatura, humores biliosi efficiuntur: aut ab extranea aliqua occasione corrupto & bilioso effecto sanguine, qualis aliquando à feris mordentibus fieri solet. Præterea fit etiam aliquando ob folliculi fellis uim attractoriam secretoriam uel imbecilliorē factam, nec non folliculi ipsius oppletionem, obstructionem uel, quemadmodum & uasorum quæ ab ipso exorta, ora sua in hepar extendunt. Demum euenit morbus hic ubi ob splenis uitia atra bilis per corpus diffunditur. Sed huiusmodi colores multo nigriores sunt quàm alij, unde & nigrum icteron uocauerunt, solo colore distinctionem facientes. *Regium.*) Docet primo cur dictus fit morbus regius. *Signatum.*) Indicatus & appellatus. *Molli-ter.*) Leniter, blande & delicate. *Celsa.*) Regia. *Aula.*) Aula aliquando pro atrio accipitur, quod Græci etiam αὐλήν aulam uocant: aliquando uero pro principum domibus, hoc est regijs. *Rubia ex muls.*) Idem testatur Plinius libro 24. cap. 11. Qua uero ratione id fiat, docet Dioscorides libro 3. cum ait Radix rubiæ urinam cit, eamq; ob causam ictericis cum mulsâ aqua utiliter bibitur. *Allia.*) Allium Praxagoras etiâ cōtra morbum regium uino miscuit, ut refert Plin. Et huius eadem redditur causa quæ rubiæ, quoniam scilicet urinam ciat. *Vellera cum sulphure.*) Medica-
mentum

*Cause mor-
bi regij.*

*Icteros
niger.*

Aula.

Rubia.

Allium.

mentum hoc regium morbum sanat, materiam ad cutini *Vellera cum*
 iam delatam & discolorantem discutiendo & purgando. *Sulphure.*
 Sulphur enim, ut Dioscorides tradit, iſterum purgat co-
 chlearis pondere fronti inſperſum.

INFANTIBVS, DENTIBVS VEL STRIGE INQVIETATIS.

CAPVT LVIII.

Nudum hominem primū mūdi natura profundit;
 Insuper excruciat niueis cum dentibus armat.

INFANTIBVS.) Infans dicitur puer quā *Infans.*
 diu fari nequit, quasi non fans. Et inde dicitur *Infantia.*
 infantia, ætas prima hominis donec fari inci-
 pit. *Dentibus.*) Scilicet erumpētibus & nascen-
 tibus, hoc est dentitione. *Strige.*) Strix avis dicitur no- *STRIX,*
 cturna quæ de nocte uolat, inuisa & inauspicata, quæ fer-
 tur mammis lactare pueros & infirmare, sic dicta à stri-
 dendo. Aliqui non aues striges sed anus quasdam uenefi-
 cas carmine in aues se conuertentes & noctu infantium
 sanguinem exsugentes autumant. Ouidius fastorū lib. 6.
 Sunt auidæ uolucres, non quæ Phineia mensis Guttura
 fraudabant, sed genus inde trahunt. Grande caput, stan-
 tes oculi, rostra apta rapinæ, Canicies pennis, unguibus
 hamus inest. Nocte uolant, puerosq; petūt nutricis egen-
 tes, Et uitiant cunis corpora rapta suis. Carpere dicūtur
 lactentia uiscera rostris, Et plenum potō sanguine guttur
 habent. Est illis strigibus nomē, sed nominis huius Cau-
 sa, quod horrēda stridere nocte solent. Siue igitur nascun-
 tur aues, seu carmine fiunt, Neniaq; in uolucres falsa figu-
 rat anus, In thalamos uenere Procæ, Proca natus in illis
 Præda recens auium quinq; diebus erat. Sed has fabulo-
 sas esse aues autumat, & uere quidē, Plinius: qui nat. hist.

libro II. cap. 39. sic ait: Fabulosum arbitror de strigibus ubera eas infantium labris immulgere. Esse in maledictis iam antiquis strigem conuenit: sed quæ sit auium constare non arbitror. Nec modo apud ueteres, sed & iam quoque in maledictis esse constat strigem, accipiente pro muliere malefica, noctu ambulante & infantes aggrediente, sanguinemque illorum sugendo exhauriente, adeo ut aut mortui in cunis inueniantur, aut diu uiuere non possint. Quod si diutius uiuant, membro tamen aliquo, si non uniuerso corpore, debiles uiuunt. Multi strigem istiusmodi Lamiam uocant. Hebraice לילית dicitur, et Lamia transfertur à Symmacho, ab alijs Furia. Isaias cap. 34. Et ibi cubauit lamia. Super quo scripsit Rabi David Kimhi, quod sit animal ululans in deserto & præsertim de nocte. Vnde ei nomen est inditum à ליל, quod nox est. Sed reuera nihil aliud est quam demonium syluestre habitans in locis desertis, ut Capnion ille Sueuiæ decus in rudimentis Hebraicis interpretatur. Quod quidem demonium talia quandoque peragere ob peccata nostra et ἀπιστίαν diuina permittit maiestas. *Nudum.*) Inter alias quæ plurimas hominis miseria est & illa quod nudi nascimur. Plinius libro 7. Natura hominem tantum nudum & in nuda humo natali die abijcit ad uagitus statim & ploratū, nullumque tot animalium aliud ad lachrymas, & has protinus uitæ principio. Nec modo nudi nascimur, sed & nudi iterum ex hoc mundo recedimus. Vnde non inelegans est carmen Græcum, γῆς ἐπὶ βῆρ γυμνός, γυμνός θ' ὑπὸ γαῖα μ' ἄπειμι καὶ τὶ μάτηρ μοχθῶ γυμνὸν ὁρῶν τὸ τέλος. *Primum.*) Ab initio uitæ, natalique die cum iam nascimur. *Mundi natura.*) Rerum ordo & dispositio conditioque mundi. *Mundus,* inquit Aristoteles in libro de mundo, est uniuersitatis ordo & exornatio, à deo & per deum custodita. Natura uero mundi uita est & illi dominatur. *Profudit.*) Ex utero in hunc mundum & has auras uitales produxit ac genuit. *Insper.*) Præterea ultra id quod nudi nascimur, *Excruciat.*) Molestat punit

Lamia.
לילית
Furia.

Mundus.

Natura.

punit & dolore afficit. *Niuicis*.) Candidis & albis, à colo-
re niuis. *Dentibus armat.*) Id est dentibus tanquam armis
instruit & munit, hoc est, cum dentes primum erumpere
incipiunt, quod dentire dicitur. Dentes autem homini *Dentire.*
pro armis et instrumentis sunt tum ad loquelam forman-
dam, tum ad cibum conficiendum.

Collo igitur molli dentes nec sentur equini,
Qui primi fuerint pullo crescente caduci,
Aut teneris cerebrum gingiuis illine porci:
Aut leporis niueum bibitur cum lacte caprino.

Dentes equini.) Dentes equinos qui primum cadunt faci- *Dentes equini.*
lem dentitionem præstare infantibus adalligatos testatur
etiam Plinius lib. 29. cap. 10. id est efficacius, si terram non
attigere. Et Sextus Platonius remedium fore tradit equi
dentes qui primum nati fuerint si dentem qui dolet teti-
geris. Nam et si infans, ut ait, equi rostrum basiauerit, den-
tium dolorem non sentit, & nec equus mordebit infan-
tem. Cæterum ætas nostra in hoc casu non equi sed lupi *Dens lupi.*
dentibus utitur, qui adalligati infantium pauores prohi-
bent, detinentque morbos, quod et pellis lupina præstat au-
tore Plinio loco paulo ante dicto. *Pullo.*) Scilicet equi. *Pullus.*
Est autem generale nomen pullus ætatis teneræ & imbe-
cillæ & adhuc incrementis. *Caduci.*) Labiles & cadetes.
Cerebrum porci.) Cerebrum suis. Porcus enim de sue dici- *Cerebrum suis.*
tur, & id quidem domestico ferè. Est autem Græcum no- *Porcus.*
men antiquum, ut Varro de re rustica libro 2. scribit, sed
obscuratum, quod nunc eum uocant *χοῖρον*. Porro quod *χοῖρον.*
ad cerebri ipsius medicinam attinet, facilem dentitionem
præstat: quod quamuis aperte, quod sciam, Plinius non
dicat, potest tamen idem ex eodem facile intelligi. Nam
postquam libro 30. capite quinto ouis cerebrum gin-
giuis illitum magnifice iuuare dixit, haud longo interual-
lo post ait ad dentitionem cerebri pecoris utilissimum esse.

Cerebrum
leporis.

Sub pecore autem & sues comprehenduntur. Ni una *Im*
mutata litera pro ouis legere quis maluerit suis. *Leporis*
niueum.) Scilicet cerebrum, quod candidum est, & infan-
tium dentitionibus prodest, gingiuis cōfricatum, aut in
cibo sumptum, autore Dioscoride & Paulo Aegineta.
Plinius libro 25. capite 15. Lacte caprino uel cerebro lepo-
rum perunctis gingiuis faciles dentitiones fieri dicit, nul-
la potus aut esus facta mentione. Galenus uero, ut refert
Serapio, de eodem sic scribit: Cerebrū leporis pro certo
scimus, quod quando liniuntur cum eo gingiuarū puero-
rum tempore ortus dentium eorum, facit eos facile nasci
& sine dolore: & hoc est notorium apud omnes: & admi-
nistratio eius est postquam decoquitur. Et nō habet hoc
cerebrum solum hanc proprietatem, imō etiam mel &
oleum & butyrum, & alia multa huiusmodi, quę habent
uirtutem faciendi nasci dentes infantium.

Præterea si forte premit strix atra puellos,
Virosa immulgens exertis ubera labris:
Allia præcepit tundi sententia Vecti
Qui ueteri claras expressit more togatas.

Virosus.

Premis.) Cōprimit, molestat & infirmit. *Atra*.) Nocturna
propter noctem tenebrosam & noctis atritatē, quo tem-
pore maxime uolat et talia peragit. Seu atra, id est funesta,
propter noxam & læsionem, quā infert perniciosam leta-
lemq̃. *Puella*.) Infantes. *Virosa ubera*.) Mammæ male-
ficas & quę infantium sint appetentes: quemadmodum
mulier uirosa dicitur, quę uiri est appetens, & loci mulie-
bres uirosi, qui coitus sunt appetentes: deducto uocabu-
lo à uir & non à uirus. Quamquam ab hoc etiam uirosus
deducatur, quod modo malum odorem significat, Virg.
Virosaq̃ Pontus castorea: modo saporem malū, Varro,
Rancidam carnem apposuit nobis & uirosam. *Exertis la-*
bris.) Dimotis & apertis labijs, quę oris sunt extremitates.
Allia.) Hoc Vectij autoritate confirmat. *Sententia*.) Iudi-
cium

Labra.
Allia.

cium siue credulitas autorit sue. *Veſti.*) Illius medici, de *Veſtium Valens*
 quo Plinius libro 29. capite 1. sic ſcribit: Exortus deinde *lens*,
 eſt Veſtius Valens, adulterio Meſſalin  Claudij C ſaris
 nobilitatus, pariterq  eloquenti  affectator. Is eam po-
 tentiam naſtus nouam inſtituit ſectam. Fuit autem Gr -
 cus genere, & ad Neronem de medicina ſcripſit. *Toga.*) *Toga*
Toga uestimenti genus eſt Romanorum proprium, ſicut *Pallium*.
 Gr corum palli . A tegendo uero toga uocata eſt, cum *Togata*.
 ſub ea tunica eſſet. A toga togati dicuntur Romani. Et *Togata*
 com di  togat  ſunt appellat , qu  ſcript  ſunt ſecun- *com dia*.
 dum ritus & habitum hominum togarum, id eſt Roma-
 norum.

COMBUSTVRIS IGNE VEL

FRIGORE.

CAPVT LIX.

SVNT diuerſa quidem mala frigoris atq  caloris,
 Sed tamen amborum ſimili nocet ulcere uirus.
 Illa quoq  uſta putes qu  ſunt niue leſa rigenti.
 Conuerſa in cinerem platani pila curat utrunq .



COMBUSTVRIS igne uel frigore.) Quam- *Combustionis*
 uis diuerſ  & contrari  ſint natur  calor & *caſue con-*
 frigus, nihilominus tamen ſimiles in quibuſ- *trari .*
 dam locis, ut Plinius ait, ſunt  ſtus immodici
 & frigorum effectus: eſtq  utriuſq  tum calor ſeu ignis tum frigo-
 ris urere, ut hoc capite docet Serenus. Et per ignem intel-
 ligit omne id quod calore urit, ſiue ignis ſeu aqua ſeru s,
 lapid  aut ferr  cand s id fuerit. Per frigus uero, niuem,
 glaci , uentos frigidos, & id genus ſi quid eſt aliud. De ca-
 lore quod urat, omnibus notum eſt. De frigore uero te-
 ſtimonium habemus Catonis de re ruſtica capite penul-
 timo de aſparago ſer do, ubi inſit: Quo anno ſeueris, ſub

stramentis per hyemem operito, ne rigore peruratur. Et Cicero Quæst. Tuscul. lib. 2. Consuetudinis, ait, magna uis est, pernoctant uenatores in niue, in montibus, uri se patiuntur. Lucanus: Vrebant montana niues. Et Vergilius de utraq; uestione sic ait: Rapidius potentia solis Acrior, aut boreæ penetrabile frigus adurat. *Vlcere.*) Exulcerat enim ambustio. *Virus.*) Vstionis noxa & maleficium. *Rigenti.*) Frigida, Rigere proprie est frigare: deductum aut est à uerbo Græco *ρίγω*, quod est algeo & frigeo. Vnde etiā *ρίγος* dicitur frigus. *Conuersa.*) Scilicet per combustio nem. *Platani pila.*) Plinius libro 24. capite 2. Cinis pilularum platani sanat ambusta igni uel frigore. Quid autem sint pilulæ platani, habes superius. *Virung.*) Hoc est, combusturam & ignis & frigoris.

Rigere

ρίγω.

ρίγος.

Plantani pi

lule.

At uero ambustum flammis qui candidus oui
Succus inest, penna inductus sanare ualebit.
Aut tu succosæ cinerem perducito lanæ.
Aut uiuam ex oleo lini contundito calcem.
Hordea uel franges, atq; oui candida iunges,
Adsit adeps porcæ mira est hæc forma medelæ,
Iunge chelidonij, ac sic line uulnera, succis.
Quodcūq; recens uisit glaciæ axungia simplex
Mulcet & ex facili grata est medicamine cura.

Albumen oui.

Flammis.) Igne & alijs etiā rebus calore suo adurentibus. *Candidus oui succus.*) Albumen oui, quod frigidum est & glutinat, ardorescūq; lenit, in ambustis excitari pustulas prohibet, si quā primū eo inungatur, ut tradit Dioscorides. Et Plinius libr. 29. cap. 3. Ambusta aquis, ait, si statim ouo occupentur, pustulas non sentiunt. *Inductus.*) Illitus. *Succosæ cinerem lanæ.*) Cinerem lanæ succidæ combustæ: qui, ut Plinius quoq; libri iam dicti cap. 2. testatur, ambustis illinitur. *Viua.*) Hoc est, recentem & aquis non aspersam, quæ cunctis est efficacior. *Ex oleo calcem.*) Quamuis feruidam

Cinis lanæ succidæ.

Calx ex oleo ni.

feruidam uim habeat calx, excepta tamen quibusdam alijs ceu oleo uel adipe, maturandi uim acquirit, molliit, difficit & ad cicatricem perducit: præterea ardores extrahit & incipientes serpere ulcerum impetus arcet, autore Dioscoride & Plinio. *Lini.*) Scilicet seminis, quod ar- *Semen lini.*
dores omnes intus & foris discutit. *Hordea franges.*) Hoc *Hordeum cum*
est, contundes & in farinam rediges. Idē medicamentum *axungia et ala-*
ponit Plinius libro 29. cap. 3. Vlceribus ex ambusto cum *bumine oui.*
candido ouorum tostum ordeū & suillo adipe mire pro-
dest. *Chelidonijs succis.*) Vulnere enim serpere prohibent *Chelidonia.*
& serpentina sanāt, ut autor est Dioscorides. Apuleius her-
bam cum seuo caprino contere & imponere iubet ad
combustum. *Glacies.*) Glacies est aqua frigore congela- *Glacies.*
ta. Intelligit autem non solum glaciem, sed & niuem, &
omne frigus adurens. *Axungia simplex.*) Adeps suillus *Axungia*
syncerus. Plinius, Syncera axungia medetur ambustis uel *simplex.*
niue. Dioscorides, Suillus adeps ambustis accomoda-
tus est.

VENENIS PROHIBENDIS.

CAPVT LX.

V T tutus sis infestæ fraude noueræ,
Vel quicumq; tuo carpetur liuidus auctu,
Non expectatis eat obuia cura uenenis.



VENENIS prohibendis.) Præcauendis ne la- *Venenum.*
teāt, aut si assumpta fuerint, nocere ne possint:
similiter sine præcautione assumptis, curādis.
Dicuntur autem uenena ea quæ corpori adhi-
bita naturam eius immutant et corrumpunt. Quorum quæ-
dam extra per morsum ictum uel animalium uenenoso-
rum inferuntur: de quibus habitum est in superioribus.

Quædã uero intus in cibo uel potu assumuntur, quorũ medicatio ceu priorũ etiã, bifariã diuiditur, uidelicet in præcautionem & curationẽ. In præcautionem quidem ne lateant à principio uenena: aut si forte clam data fuerint, ne noceant. Sed quia qui uenenis homini clam insidiantur tam dolose ea præparant ut peritissimos etiam decipiant, amaritudinem admixtis dulcibus & odoris grauitatem odoramentis à letalibus uenenis auferentes, ideo in ueneni suspitione condita elaborataq; cibaria omnia uitare oportet, omnesq; in gustu uehemẽtiores cauere qualitates, quoruncq; scilicet dulcibus falsis uel aut acidis saporibus constât. Et in maiore siti fameq; nõ omnia raptimq; bibere aut comedere: sed cibi ac potus qualitates diligentius contemplari. Præsumenda etiam potu frigida aqua. Extincto enim appetitu difficillime arripiuntur à stomacho postea cæteræ qualitates. Sed ne decepti facile intereant, alia quoq; ratio & efficacior quidem est, ut in suspitione ueneni semper præcomedatur aliquid quo inefficacia reddantur uenena, qualia sunt ea quæ Serenus in textu enumerat. Altera medicationis pars proposita fuit curatio et remedia quæ afferenda sunt his qui in ea inciderint. Et tunc opem auxiliumq; non differre oportet, ne post tempus aliquod remedio nullus superfit locus & incurabilis fiat curatio: autor Dioscorides libro 6. *Tutus.*) Munitus & sine periculo. Differt autem à *Securus*, quoniam securus dicitur quasi sine cura, qui periculum non timet, quamuis eidem obnoxius sit: *Tutus* uero qui periculo obnoxius non est, etiam si securus non est, sed timeat periculum. *Infestus.*) *Infestus* dicitur, qui alteri molestus est et insidias molitur. *Nouerca.*) *Nouerca* dicitur patris uxor filiis ex alia matre susceptis & natis. Solent autem communiter nouercæ priuignis, hoc est mariti ex alia uxore filiis, esse molestæ & aduersæ fraudulentæq;, adeo ut si possint, conentur etiam aliquãdo e medio tollere. *Carpetur.*) *Discerptur*, torquebitur & cruciabitur. Et hoc boni in se

Tutus.

Securus.

Infestus.

Nouerca.

se habet liuor & inuidia quod inuido ipsi molesta est, ut *Inuidia.*
 Græci non inelegantes testantur uerficuli, *ἰδὲ φθόνος ἐστὶ κακί-
 σον, ἔχει δ' ἐτι καλοῦν ἐν ἑαυτῷ, τίκα γὰρ φθονερῶν ὄμματα, καὶ
 κρᾶδ' ἴημι.* Quos non ineleganter doctus ac pius, & de quo
 uere dici potest illud Horatij, Integer uita, Sceleris ἔμ-
 purus, Michael frater noster amantissimus sic uertit: Inuidia
 nihil est peius, laudatur at inde Autori quod cor tor-
 queat atq; oculos. Aliter idem id ipsum: Triste malum li-
 uor uirtutem continet in se Turbat nanq; oculos liuide
 corq; tuum. *Auctu.*) Incremento, fortunæ prosperæ, &
 rebus foeliciter succedentibus. *Non expectatis.*) Hoc est,
 antequam exhibeantur quæ aduersus te parantur uene-
 na. *Eat obuia cura.*) Hoc est, medicina præueniat & assu-
 matur sitq; in usu antequam detur uenenum, ut si tradi-
 tum fuerit, nocere non possit.

Ante cibos igitur iuglandis foetus edatur.

Produnt electri manantia pocula uirus.

Præterea coctæ querno cum cortice lymphæ

Conueniunt potu, demersa uē ficus oliuo.

Sæpe etiam raphanum prædixit numen edendum.

iuglandis foetus.) Fructus & nucleus nucis iuglādis: de qua *Nux iuglans.*
 Plinius libro 15. cap. 22. sic scribit, Honor hñs naturæ pe-
 culiaris, gemino protectis operimēto, puluinati primum
 calicis, mox lignei putaminis, quæ causa eas nuptijs fecit
 religiosas, tot modis foetu munito, quod est ueri similis
 quàm quia cadendo tripudium sonum uē faciant. Et has
 ē Perfide à regibus translatas indicio sunt Græca nomi- *Nux Persica,*
 na. Optimum quippe earum genus, persicum atq; basili- *Basilica.*
 con uocant. Et hæc fuere prima nomina. Carion à capi- *Carion.*
 tis grauedine propter odoris grauitatem conuenit di-
 ctum. Sunt qui honori nomen interpretentur & Iouis *Iouis glans.*
 glandem esse dicant. Idem libro 23. cap. 8. Nuces iuglan-
 des Græci à capitis grauedine appellauere: etenim arbo-
 rum ipsarum foliorumq; uires in cerebrum penetrant,

VENENIS PROHIBENDIS.

hocq; minore momento, sed in cibis nuclei faciunt. Sunt autem recentes iucundiores, sicca unguinosiores & stomacho inutiles, difficiles concoctu, dolorem capitis inferentes. Eadem præsumptæ uenena hebetant. Et hoc est quod Sereni dictum comprobat. *Produnt.*) Ostendunt & manifestant ne lateant nos uenena poculis illis indita.

Electrum. *Electri.*) Per electrum intelligit autor non succinum, sed metalli genus quod sic uocatur, & id quidem natiuum: nam & aliud est quod arte conficitur, de quibus Plinius libro 33. cap. 4. sic prodit, Omni auro inest argentum uario pondere. Vbicunq; quinta argenti portio est, electrum uocatur. Fit & cura electrum argento addito, quod si quin- tam portionem excessit, incudibus nõ resistit. Est electro autoritas, Homero teste, qui Menelai regiã, auro, electro, argento, ebore fulgere tradit. Electri natura est ad lucer- narum lumina clarius argento splendere. Quod est na- tium & uenena deprehendit. Nanq; discurrunt in cali- cibus arquus cælestibus similes cum igneo stridore, & gemina ratione prædicunt. *Manantia.*) Humentia, pro- pter inditum liquorem potus qui humidus est. *Pocula.*) Vasa potoria ex electro fabrefacta. *Virus.*) Venenum po- culis inditum. *Querno cortice.*) Plinius libro 24. capite 3. Folia & baccæ uel cortex uel succus decocti prosunt con- tra toxica. Dioscorides libro 1. id de corticis & glandium decocto cum bubulo aut humano lacte refert. *Celsus* au- tem libro 5. ius glandis ex uino contritæ priuatim contra cerussam maxime prodesse ait. *Ficus.*) Scilicet ficca, quã caricam uocant. Hanc Dioscorides libr. 6. cum iuglande nuce præassumptam commendat: is enim cibus ineffica- cia reddit uenena. *Oliuo.*) Oleo oliuarum, quod uene- nis aduersari & præsertim quæ exulcerando erodendoq; sunt, testis est etiam præter alios Dioscorides libro pri- mo & sexto. *Rhaphanum.*) Rhaphanum contra uenena prodesse testatur etiam libro 20. cap. 4. Plinius: & priua- tim, autoritate Nicandri, contra fungorum aut hyoscyami

Electrum.

*Cortex
quercus.*

Ficus.

Oleum.

Rhaphanus.

mi uenena salutare. Celsus item priuatim contra fungos commendat libro quinto inquiens: Si fungos inutilis quis assumpserit, radícula aut epota aut cū sale & aceto edenda est. *Numen.*) Aesculapius.

Antidotus uero multis Mithridatica fertur
 Confociata modis, sed Magnus scrinia regis
 Cum caperet uictor uilemprehendit in illis
 Synthesin, & uulgata satis medicamina risit,
 Bis denas rutæ frondes, salis & breue granum
 Iuglandesq; duas totidem cum corpore ficus
 Hæc oriente die parco conspersa lyæo
 Sumebat metuens dederat quæ pocula matri.

Antidotus Mithridatica.) Hoc est, medicina contra uenena à *Antidotus Mi-*
 Mithridate rege qui eam inuenit composita, cuius com- *thridatica,*
 positionem Serenus in textu subiungit. Plinius libro 27,
 cap. 8. de hoc sic scribit: In sanctuarijs Mithridatis maxi-
 mi regis deuicti Cn. Pompeius inuenit in peculiari com-
 mentario ipsius manus compositionem antidoti è dua-
 bus nucibus siccis, item ficis totidem, & rutæ folijs uigin-
 ti simul tritis, addito salis grano. Et qui hoc ieiunus su-
 mat, nullum uenenum nociturum illo die. Idem libro
 27. cap. 2. Mithridates maximus sua ætate regum, quem *Mithridates.*
 debellauit Pompeius, omnium ante se genitorum dili-
 gentissimus uitæ fuisse argumentis præter quàm fama in-
 telligitur. Vni ei excogitatum quottidie uenenum bibe-
 re, præsumptis remedijs, ut consuetudine ipsa innoxium
 fieret: primo inuenta genera antidoti, ex quibus unum
 etiam nomen eius retinet. *Multis modis.*) Varijs com-
 positionum generibus. *Confociata.*) Coniuncta, com-
 mixta & composita. *Magnus.*) Scilicet Cn. Pompe-
 ius, à quo sublatus est Mithridates. *Scrinia.*) Repositoria
 et arcae in quibus secreta & præsertim scripturæ recōdun-
 tur. *Regis.*) Mithridatis Eupatoris, qui rex fuit Pōti. *Vi-*
Aor.) Pompeius, qui Mithridatē uicit et debellauit. *Vi-*

VENENIS PROHIBENDIS.

Synthesis. lem.) Vulgarē & ex rebus cōmunibus nō preciosis cōpo-
sitam. *Synthesin.*) Cōpositionem, à *συν* quod est cum, &
θεσις positio. *Vulgata.*) Cōmunia & uulgo parata. *Risit.*)
Derisit & contempsit. *Bis denat.*) Hoc est, uiginti folia ru-
tæ. Item Dioscorides ait: Rutæ folia etiam, iuglandis nu-
cis interanea, salis grumum, duasq; caricas ieiuni come-
dant, nulloq; ueneno sic lēdentur. *Oriente dic.*) Hoc est,
mane, ieiuno uentriculo. *Parcolyæo.*) Modico uino. *Dea-*
derat quæ pocula matri.) Hoc est, ueneni potionem, & uene-
num quo matrem sustulerat & extinxerat.

Si nequit infandum præuerrere cautio uirus,
Proximus ille gradus, data pocula pellere cura.
Lac asinæ, placidæq; bouis prodesse loquuntur.
Vetonicam ex paruo sumunt pleriq; lyæo.
Quod si hederæ succum quæ truncis hēreat altis
Instilles paruis poterunt haud ulla nocere
Pocula, quæ quisquam sæuis uitiauerit herbis.
Si quis hyoscyamum gustarit, lactæ capellæ
Exhausto rabidos poterit mulcere furores.

Si nequit.) Docet nunc datis uenenis mederi. *Infandum ui-*
rus.) Venenum magnum & letale. *Præuerrere.*) Anteuer-
tere, præuenire & cauere. *Cautio.*) Præcautio, præuifio.
Proximus gradus.) Propinquus & primus præcipuusq; mo-
dus & ordo. *Pocula.*) Potionem uenenatā & uenenum
ipsum. *Pellere.*) Expellere & eicere tū uomitu tum alui
deiectione. *Cura.*) Curatione & medicamento curante.
Lac.) Præsertim recens, quod aluum mollit & contra le-
taliū uenenorum erosiones incensionesq; confert, acri-
monias eorum hebetando, ardores restinguendo & ero-
sionibus eorum aduersando, ut autor est Dioscorides li-
bro 1. & 6. *Asinæ.*) Plinius libr. 18. capite 10. Asinino lacte
poto, uenena restinguuntur. *Placida bouis.*) Mitis buccu-
læ & uaccæ. Plinius loco iam dicto: Lacte bubulo cuncta
uenena expugnari tradunt, *Vetonicam.*) Hanc cæteri nō
solum

Lac.

*Lac asinum,
Bubulum:*

Vetonica.

solum in curatione sed & in præcautione utilem tradunt, sumendiq; quantitatem adscribunt. Dioscorides libr. 4. Prodest cōtra uenena, in quem usum drachmæ pondere bibitur in uino. Eadem præsumpta letalibus aduersatur uenenis. Idem libro 6. Dantur præterea cōmuniter cunctis uenenis accommodata remedia, inter quæ sunt & betonicæ folia, drachmæ pondere cum uino. Plinius libro 25. capite 9. Betonicæ semen in mulso aut passo uel farinæ drachma in uini ueteris cyathis quatuor uomere cogendi atq; iterum bibere: his qui quotidie gustent eam, nulla nocitura mala medicamenta tradunt. Antonius Musa herbæ quantitatem auget his qui uenenū sumpserunt. Nam Vetonica, inquit, drachmas tres ex uini cyathis tribus statim dato bibat, & reijciat. *Paruo.*) Modico seu leui & nō forti. *Pleriq;.*) Plures, multi. *Hedera.*) Hęc *Hedera smilax.* proprie non hedera est, sed ob foliorum similitudinem quandam inter genera eius tantum numerata: proprioq; nomine smilax uocatur: quare seorsum de utraq; egerūt Plinius & Dioscorides: hic enim de hedera lib. 2. de smilace uero hac quam ad lenis differentiam uocat asperam, lib. 4. egit: ille autem lib. 16 post hederarum genera, proprio capite de hedera quæ uocatur smilax intitulato, egit: sicq; eam descripsit. Similis est hederæ, quam uocant smilacem: densis geniculata caulibus, spinosa, fruticosa ramis, folio hederaceo, paruo, non anguloso, à pediculo emittente pampinos, flore candido, olente lilium: fert racemos labruscæ modo, nō hederæ, colore rubro, complexa acinis maioribus nucleos undenos, minoribus singulos, nigros, durosq;. Infausta omnibus sacris & coronis, quoniam sit lugubris, uirgine eius nōminis propter amorem iuuenis croci mutata in hunc fruticem. Id uulgus ignorans plerunq; festa sua polluit hederam existimando: sicut in poëtis aut Libero patre aut Sileno, qui omnino nescit quibus coronetur. E smilace fiunt codicilli. Propriumq; materiæ est, ut admota auribus leuem

VENENIS PROHIBENDIS.

sonum reddat. Haftenus Plinius de hedera smilace. *succum*.) Scilicet foliorum & acinorum. Dioscorides libro 4. Folia eius & fructus contra letalia uenena prius & post pota sunt antidotum. Traditum præterea est, si tritū eorum aliquid nuper genito infanti bibendum detur, nullum illi postea nociturum uenenum. Plinius etiam libro 24. capite 10. hanc immortalitati proximam & conuallibus opacis scandentem arbores dicit comantibus acinorum corymbis contra uenenata omnia efficacissimis: in tantum ut acinorum succo infantibus sæpe stillato, nulla postea uenena nocitura sint. *Quæ truncis hereat.*) Nam, ut Plin. dicit, per arbores scandit & repit. Dioscorides, Ad uoluitur arboribus supra infraq; se circumagens. *instilles.*) Stillatim & guttatim immittes, ad bibendumq; dabis. *Paruis.*) Paruulis, pueris, & infantibus nuper genitis. *Pocula.*) Portiones. *Seu is herbis.*) Herbarum succis uenenatis. *Vitiauerit.*) Corruperit & ueneno infecerit. *Hyoscyamum.*) Traditis in cōmuni contra letalia uenena remedijs, subiungit nūc priuatim aduersus hyoscyamū quod profit remedium. Nam quamuis usus eius aliquis sit, est tamē in uenenorum genere quoq; ceu alia id genus compluria positum: nec modo hyoscyamo, sed omnibus id genus uenenis remedio est lac quodcunq;. Sed quod ad hyoscyamum attinet, sunt eius tria genera herbæ. Vna flore purpureo, semine nigro: Altera flore luteo, semine fuluo & sufflauo ceu irionis. Et hæc duæ mentē ac caput infestant, insaniam capitisq; uertigines facientia, infelicitis in usu euentus. Tertia quam medici receperunt, flore & semine albo, utilis ad medicinam. Qua si uti non licebit, utendum altera quæ luteo semine est. Nigra etenim quod omniū pessima, ex omni usu abdicanda erit: autor Dioscorides libro 4. Plinius libro 25. capite 4. Apuleius capite 4. *Gustarit.*) Potauerit, aut in cibo assumpserit. *Lac caprinum.* *Æ capelle.*) Contra hyoscyami noxam, non caprinum modo, sed & omne in uniuersum præcipueq; asininum prodesse

Hyoscyamum.

Lac caprinum.

prodesse dicitur. Celsus: Si hyoscyamum quis ebibit, feruens mulsum bibendum est, aut quodlibet lac, maxime tamen asininum. Dioscorides libro secundo capite de lacte: Facit recens lac ad letalium uenenorum erosiones incensionesq̃, quales in cantharidibus fiūt, picearum erucis, salamandra, buprestide & hyoscyamo. Idem libro sexto: Pota, in ciboue sumpta hyoscyamus, ebrietati similem amentiam facit: facillime tamen curantur qui eam hauserint, si copiose pota mulsa aqua illis & lacte succurratur, asininoq̃ præsertim: sin minus, caprino, bubuloue. Nec male huc quadrat quod Plinius dicit: Infunditur quoque lac contra rosiones à medicamentis factas. Auicenna: Oportet ut in potu detur statim lac uaccinum aut caprinum. *Rabidos furores.*) Hoc est, insaniam & rationis permixtionem, quæ ex eo accidit, autore Auicenna. Et Apuleius, Sumentes, inquit, mittit in furiam, appellataq̃ inde est maniopros à Græcis.

Maniopros.

VVLNERIBVS ET REI DV- BIAE CVRANDIS.

CAPVT LXI.

VVLNERA tabescunt spatio uisitata dierum:
Curaq̃ nil prodest, nec ducitur ulla cicatrix:
Sed tamen herbarum tam mira potentia pollet,
Vlceris annosi sinus ut coalescere possit.



VVLNERIBVS.) Quid sit uulnus proprie, quid item ulcus, dictum est supra cap. 42. *Ulcus differt.*
Hic tamen autor uulnus non proprie accipit, sed pro uulnere illo quod temporis mora contabuit & in ulcus conuersum est. Cuius etiam multa sunt

discrimina & differentiarum multiformes, uarie nominatarum, teu chironia, telephia, cancri, phagedenarum & herpetes: quarum deinde magis proprias etiam sortita sunt appellationes, licet non similiter omnes. Nam quædam à propria differentia sunt appellata ut æqualia, concaua, & in quibus caro excrescit ὑπερσπαρκούς: quædam uero non à propria differentia sed à symptomatibus externis, ceu cruenta, impura, sordida, de quibus omnibus Galenus therapeutice libro secundo copiosius agit. *Rei dubie.*) *Rei ambigua*, scilicet ad curandum. Sunt enim tam praua & maligna, contumacia & rebellia quædam ulcera, ut curam uix admittant, & de restitutione curationeque illorum dubitari quis possit, qualia sunt quæ cacoethe uocantur, quæ omnibus rite decenterque factis, tamen non sanantur sed incurabilia permanent, aut saltem difficulter sanantur. *Vulnera.*) *Simplicia.* *Tabescunt.*) *Corrumpuntur*, putrescunt & in ulcera uertuntur. *Spatio dierum.*) *Hoc est temporis diuturnitate.* *Ducitur cicatrix.*) *Ducere* uel ad cicatricem, est tegere carnem naturali aliquo tegumento, hoc est, cutem generare, aut summam carnem cuti similem efficere. *Cicatrix* enim quamuis cuti sit quam simillima, cutis tamen non est, quando & densior ea uisu tactuque sentitur, & ratione, ex eo quod pilos non edat, intelligitur, ut inquit Galenus. *Pollet.*) *Viget*, & potis est atque efficax. *Annoſi.*) *Diuturni* & inueterati. *Sinus.*) *Labra* & extremitates ulceris. *Coalescere.*) *Coire*, uniri, con crescere & conglutinari in unum.

Marrubium si thure coquas illoque liquore
 Vulnus atrox foueas, cineres uel hirundinis atræ
 Inducas, leporis uel aspersa coagula uino,
 Aut hederam Baccho decoctam, & semen anethi,
 Aut cineres alni tardo cum melle ligentur.

Marrubiū, Marrubium.) Et hoc sordida purgando ulcera, & præfer-
 tim

tim si ex melle illinitur, tradente Dioscoride libro tertio. *Thure.*) Thus medicamen est ulceribus conueniens. *Thus.* Nam concaua explet ulcera & ad cicatricem perducit, & conglutinat recentia, lenitq; malefica corporis ulcera tu sum, ut autor est Dioscorides: imò & carni producendæ aptum est. Nam primi ordinis siue gradus hoc est modice siccantium & detergentium thus est, qualia esse debēt omnia quæ carnem generare debent, teste Galeno therapeutice libro 2. 5. & 14. *Atrox.*) Vlcus ferum & contumax, maleficumq;. *Fouere.*) Fouere est corpori læso calida & humida applicare medicamenta. *Cinere hirundinis.*) *Cinis hirundinis.* Et hoc post abscessuum maturationem et apertionem fordes purgādo. *Atre.*) Pennis nigræ. *Leporis coagula.*) *Coagulum leporis.* De coagulo leporis dicit Plinius libro 28. cap. 10. quod carci-
nomata curat, sed cum pari pondere capparis aspersum cum uino. *Vino.*) De uino dicit Galenus, quod omnis *Vinum.* ulceris qua ulcus est, optimum medicamentum est uinum. *Hederam.*) Dioscorides libro 2. *Hederæ folia in ui-* *Hedera.* no decocta medentur omnium generū ulceribus, & quæ cacoethe etiam, id est dolosa & malefica, uocant. Et Plinius lib. 24. cap. 10. Illinitur decocta in uino hedera om-
nium ulcerum generi, etiam si cacoethe sint. *Semen anethi.*) *Semen anethi.* Siccat hoc ulcera, purgat, incarnat & consolidat: & maxime etiam si comburitur. *Cinere alni.*) *Alni cinis* Et hoc ea-
dem ratione qua cætera iam dicta. Et folia alni ex feruen-
ti aqua certissimo remedio sunt tumori, uti testatur Plinius libro 24. cap. 10. *Tardo melle.*) *Mel.* Melle lento & firmo, cui uis est & natura detergendi, aperiendi & humores in summum proritandi. Ideoq; sordidis ulceribus & sinibus utiliter infunditur, decoctum idem & impositum solutas à continuitate sua carnes & hiantes glutinat: autor Dioscorides.

Lumbrici terræ poterunt conducere uulnus.

Aut facilis lapathi cumulatio uulnera purgat,

Et commixtus adeps sed nonnullo sale tactus.

Pinea prætera uiuo cum sulphure cortex

Et pice cum spissa iam perdita membra reponit.

**Lumbrici
terre.**

Lumbrici terre.) Plinius libro 30. cap. 3. Quod si putrida sint
ulcera, uermium quoque terrenorum cum oleo uetere ad
cicatricem perducunt. Conducere.) In unum ducere, uni
re & conglutinare ad cicatricemque perducere & perfana-
re. Facilis cumulat. Leuis & modica coaceruatio & ad-
ditio impositioque super uulnus. Non enim magna opus

Lapathon.

est quantitate, sed parua et modica satis est. Lapathi.) Quam
uim habeat ulceribus impositum lapathon, autor ipse do-
cet cum ait, Purgat. Commixtus.) Scilicet lapathum, sicque fa-
ctum medicamentum linteoloque mundo inductum et im-

**Adeps
suillus.
Cortex
pini.**

positum, ulcera sanat, ipsa à sordibus purgando, quod
utrumque facit & lapathon & adeps suillus. Nonnullo sale ta-
ctus.) Hoc est, sale aspersus & salitus. Pinea cortex.) Vbi
humidiora sunt ulcera, idoneus est ipse per se etiam pini

**Sulphur
minum.**

cortex, autore Galeno therapeutice libro 5. Plinius libro
24. cap. 7. eundem cum pice spissa contra ea quæ serpunt,
utilem dicit. Viuo sulphure.) Sulphur uiuum dicitur quod
ignem non expertum est, cuius in medicina usus est. Na-
tura eius excalescit, concoquit, sed & discutit collectio-
nes corporum: ob hoc tabulis, emplastris, malagmati-
bus miscetur, ut inquit Plinius libro 35. cap. 14. qui etiam
idem cum pice spissa serpentina ulcera sanare tradit libro

Pix spissa.

24. cap. 7. Pice spissa.) Picis spissæ natura, ut prodit Dio-
scorides, est calfacere, mollire, ad suppurationem perdu-
cere, discutere, & ulcera explere: misceturque uulnera-
rijs emplastris. Plinius de illa sic prodit: Pix spissa cum
melle ulcera purgat, explet cum axungia, purgat & pu-
trescentia ulcera, quæ uero serpunt cum pineo cortice
aut sulphure. Perdita membra.) Carnem membrorum de
perditam & corruptam, Reponit.) Restituit, & regenerat
carnem, ulceraque carne explet & sanitati reponit.

Ver

VERRVCIS TOLLENDIS.

CAPVT LXII.

INTERDVM existit turpi uerruca papilla.
 Hinc quondam Fabio uerum cognomen adhæsit,
 Qui solus patriæ cunctando restituit rem.
 Id poterit uitium sanguis curare lacertæ.



VERRVCIS.) Verruca nunc locum aspe- *Verruca.*
 rum & æditum supereminentemq; significat,
 ut Catonis autoritate refert A. Gellius. Sed de
 hoc nihil ad præsens. Nunc uero cutis morbum
 qui Græce Porus dicitur, estq; supereminens in corpore
 ueluti globulus durior, & rotunda eminentia, tubercu-
 lumq; in summa cuti ex atra bile proueniens, cuius san-
 guis tuo contactu alias quoq; facit. Sunt autem uaria uer-
 rucarum genera, proprijs distincta nominibus, ceu acro *Verrucarum*
 chordones, thymion, myrmecia & clauus, de quibus *genera.*
 Celsus lib. quinto copiose. A uerruca diminutiui fruer-
 rucula. Et uerrucosus dicitur homo uerrucis plenus. Per *Verrucula.*
 sus, Sunt quos Pacuuius & uerrucosa moratur Antio- *Verrucosus.*
 pa. Existit.) Eminent, emergit, prodit & exurgit. Turpi pa-
 pillæ.) Deformi tuberculo, instar papillæ in mammis.
 Hinc.) A uerruca. Fabio.) De hoc Plinius Iunior in li-
 bro de uiris illustribus sic scribit: Q. Fabius Maximus
 cunctator ut uerrucosus à uerruca in labris, ita ouicula à
 clementia morum. Consul de Liguribus triumphauit.
 Hannibalem mora fregit. *Verum cogn.)* Scilicet uerruco *Fabij cogn-*
 sus. Alia enim ceu ouicula et cunctator, non uera fuerunt *mina.*
 cognomina, sed ab obrectatoribus contumeliæ causa il- *Verrucosus,*
 li tantum addita & obiecta. Qui solus patriæ &c.) Versus *Ouicula,*
 est Ennianus à Vergilio quoq; usurpatus libro 6. Vnus *Cunctator.*
 qui nobis cunctando restituit rem, Meminit Fabij huius

VERRUCIS TOLLENDIS.

Valerius Maximus libro 3. ubi post alia de ipso sic in fit:
 Ut Scipio pugnando, ita hic non dimicando, maxime ci-
 uitati nostræ succurrisse uisus est: alter enim celeritate sua
 Carthaginem oppressit, alter cunctatione id egit, ne Ro-
 ma opprimi posset. Quam ob rem, ut Plinius in historia
 naturæ refert, coronam meruit gramineam, qua nulla no-
 bilior in maiestate populi terrarum principis, præmijsq;
 gloriæ fuit. Data est, inquit, à senatu populoq; Romano,
 qua claritate nihil equidem in rebus humanis sublimius
 duco, Fabio illi qui rem omnem Romanam restituit non
 pugnando. *Patriæ.*) Romæ. *Rem.*) Conditionem &
 statum. *Id uitium.*) Verrucas. *Sanguis lacertæ.*) Plinius li-
 bro 30. cap. 3. non modo sanguinem lacertæ, sed & caput
 & cinerem totius uerrucas sanare prodit Dioscorides ue-
 ro id de capite conciso solum refert libro 2. Est autem la-
 certa è uermium genere, inimicissimum, ut Plinius libro
 8. cap. 39. refert, genus cocleis, colore fuluo aut puniceo
 aut ceruleo. Negantur semestrem uitam excedere.

Aut urina canis cum terra inducta madenti.
 Aut herbæ succus quæ fertur nomine lathyr.
 Est tithymalus item tali satis apta medelæ.
 Si rupta immensos fundit uerruca cruores
 Purpureo triti cineres de uellere profunt,
 Quod fuerit uero conchili sanguine tinctum.

Urina canis.) Idem testatur Plinius libro 30. capite 3. in-
 quiens: Verrucas omnium generum urina canis recens
 cum suo luto illita sanat. Et Sextus Platonius, Ad Cal-
 los & uerrucas tollendas, Lotium caninum cum luto
 suo in lana collectum, mire sanat, & callos & uerrucas tol-
 lit. *Terra madenti.*) Id est, terra quæ mixtam urinam susce-
 pit & ab ea madefacta humectataq; est. *Fertur nomine.*) Id
 est, uocatur. *Lathyr.*) Pro lathyris, per figuram quæ di-
 citur apocope. Herba est quæ Apuleius lacterida uocat, &
 quæ

quidam inter tithymalos numerant, & priuatim: quoniam pariter illi lac eius purgat, tithymalum uocant, ut Paulus Aegineta scribit: qui hanc etiam ob lactis notam & purgandi uim libro 6. tithymalis alijs adnumerauit. Estq; eadem huic quæ tithymalis circa uerrucas tollendas uirtus. *Tithymalus.*) Tithymalus herba est, quam Latini lactariam siue lactucam marinam, caprinam uel appellant. Cuius septem sunt genera, de quibus copiose Dioscorides & Apuleius. Pellunt omnes & tollunt uerrucarum genera omnia, autore Plinio & Dioscoride. Apuleius lacti huius batrachion herbam iungere iubet, sicq; ambo uerrucis imposita, tertio die sanare dicit. *si rupta immensos etc.*) Docet nunc sanguinis fluori ex apertis uerrucis mederi, illumq; sistere. Solent enim ruptæ multum fundere sanguinem, qui suo contactu alias quoque nasci facit. Et de hoc etiam dictum est supra cap. 42. *Purpureo uellere.*) Lana purpurarum liquore & sanie tincta. *Quod.*) Vellus & lana. *Verò.*) Genuino & non adulterato, maximeq; Tyrio, qui cæteris præualeat, & de quo supra quoque capite 42. sic tradit: Verrucæ quoque defectæ frenare cruorem. Dicitur ambustus Tyrio de uellere puluis.

*Tithymalus.**Lana purpurea.*

HAEMORRHOIDIBVS

MEDENDIS.

CAPVT LXIII.

EXCRV ciant turpes anum si forte papillæ,
Agrestis prodest radix superaddita porri,
Ne uiolent sanum, iuglandis fragmine clausa.
Sal niueum fumes Bethicum quem nomine dicunt.

HAEMORR. MEDENDIS.

Dulcia cumq̃ nigra iunges fuligine mella,
Apponesq̃ super, pellit medicina dolorem.

LIBRI MEDICINALIS

Q. Sereni Sammonici

FINIS.

*Hæmorrhoides duplices.
Aperte &
fluentes.
Clause et cæcæ.*



HAEMORRHOIDIBVS.) Vltimo hoc capite Serenus hæmorrhoidibus dolentibus clausis & sanguinem non fundentibus mederi docet. Nam quæ apertæ sanguinem manant, alijs & adstringentibus curantur medicamentis, non autem aperientibus, quales in textu ponuntur. Porro hæmorrhoides: ut Galenus, aut quisquis sit autor, in libro de diffinitionibus tradit: uenarum sedem claudentium explicationes sunt, à sanguinis fluxu sic dictæ. Nam αἷμα sanguis est, ῥοις uero fluxus. Et Celsus libro 6. post rhagadiarum & condilomatum tractationem, Tertium, inquit, ani uitium est, ora uenarum tanquam ex capitulis quibusdam surgentia, quæ sæpe sanguinem fundunt, hæmorrhoidas Græci uocant. Quæ quamuis multifariam differant, magnitudine, multitudine, figura, loco, & habitu: omnium tamen communis & una curatio est, sanguinem suppressere: licet nō semper tuto id fiat, cum detentus qui fluere solebat sanguis, maioris sæpe mali causa sit. Vnde Celsus ait, In quibusdā parum tuto suppressit, qui sanguinis profluuiio imbecilliores non fiunt: Habent enim purgationem hanc, non morbum. Ideoq̃ curati quidam cum sanguinis exitum non haberent, inclinata in præcordia ac uiscera materia subitis & grauissimis morbis correpti sunt. Aliud genus est quod Paulus Aegineta cæcas uocat, ex quibus nullus fuit sanguis, sed grauiore quàm alia dolore nos cruciant. Neque uenæ quibus explicitis hæmorrhoides fiunt, hæc sunt, sed intra

*Hæmorrhoides
Cæcæ.*

intra uenas latens idem hoc malum, ideoq̃ ad auertendum dolorem aperiri eas oportet, quod in alijs maleficiū non remediū homini esset: cum claudi & adstringi ubi nocent, non aperiri debeant, ne continuus fluor atque scire paulatim corpus faciat, aut copiosior cito hominem interimat. *Excruciant.*) Cruciaturum & dolorem inferūt. *Turpes papille.*) Tubercula foeda quæ sunt hæmorrhoides. *Anum.*) Podicem, sedem, & ut Auicenna uocat, phicterim. *Agræstis porri.*) Hoc porrum est, quod Dioscorides & Plinius ampeloproson uocant, in uinetis nascens, porri folio. Paulus Aegineta libro 6. ἀμπελόπρασον οἶον πορράσον ὅμ' ἄγριον. Et libro 1. τὰ δ' ἐ ἀμπελόπρασον τῶν πράσων ὡς ἄγρια ξηρότερα. Virtus est illi exulcerare & incidere, eodem teste. *Ne uiolent sanum.*) Ne exulcerando circumiacentem carnem sanam lædat. *Fragmine.*) Putamine, cortice & testa inani inclusa. *Sal.*) Sal hoc loco in neutro genere positum est contra Grammaticos. Habet autem multiplices uires, adstringit, exterit, repurgat, dissicit, reprimat, extenuat, erodit & crustas urendo inducit, autore Dioscoride. *Niveum.*) Candidum & pellucidum qui efficacior est cæteris. *Bethicum.*) Hispanum. Betica enim Hispaniæ prouincia est, flumine Beti nobilis, à quo & nomen habet. Sali autem Betico, qui glebis ceditur penè translucentibus, iam pridem palma à plerisque medicis inter omnia salis genera perhibetur, uti libro 31. capite 7. inquit Plinius. *Fuligine.*) Maxime quæ pictores ex uitrarijs officinis sumpta utuntur: bonitate enim hæc alias antecedit: habet autē exedendi & adstringendi uires, ut tradit Dioscorides.

Porru agreste.
Ampeloproson

Sal in neutro
genere.

Sal Bethicum.
Betis.
Betica.
Fuligo.

COMMENTARIORVM IN

Q. Serenum Sammonicum

FINIS.



1. The first part of the report deals with the general situation of the country and the progress of the work during the year. It is a summary of the work done by the various departments and a statement of the results achieved.

2. The second part of the report deals with the work done by the various departments during the year. It is a detailed statement of the work done by each department and a statement of the results achieved.

3. The third part of the report deals with the work done by the various departments during the year. It is a detailed statement of the work done by each department and a statement of the results achieved.

4. The fourth part of the report deals with the work done by the various departments during the year. It is a detailed statement of the work done by each department and a statement of the results achieved.

5. The fifth part of the report deals with the work done by the various departments during the year. It is a detailed statement of the work done by each department and a statement of the results achieved.

6. The sixth part of the report deals with the work done by the various departments during the year. It is a detailed statement of the work done by each department and a statement of the results achieved.

7. The seventh part of the report deals with the work done by the various departments during the year. It is a detailed statement of the work done by each department and a statement of the results achieved.

8. The eighth part of the report deals with the work done by the various departments during the year. It is a detailed statement of the work done by each department and a statement of the results achieved.













